
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



HD WIDENER



HW JLG7 Q

C 9445 . 884

Harvard College Library



FROM THE BEQUEST OF
JOHN HARVEY TREAT
OF LAWRENCE, MASS.
CLASS OF 1862

1005



BENEDICTIONALE ROMANUM

SIVE

SACRÆ BENEDICTIONES
IN RITUALI ROMANO

ET

IN EJUS ADPROBATA APPENDICE

AC

IN MISSALI NECNON PONTIFICALI ROMANO

RECEPTÆ

ET SACERDOTIS DELEGATI USUI

ACCOMMODATÆ

EDITIO TERTIA

A SACR. RITUUM CONGREGATIONE ADPROBATA.



RATISBONÆ, NEO EBORACI & CINCINNATIÆ.

SUMPTIBUS ET TYPIS FRIDERICI PUSTET,
S. SEDIS APOST. ET S. RIT. CONGR. TYPOGRAPHI.

MDCCCLXXXIV.

MONITUM EDITORIS.

Hæc Sacrarum Benedictionum collectio continet tres partes: prima pars nempe consistit ex Benedictionibus Ritualis, Missalis et vulgatoribus Pontificalis Romani pro Sacerdotibus delegatis; secunda ex illis Benedictionibus, quæ in Appendice a S. R. C. adprobata ad Rituale Romanum continentur, et tertia ex diversis Benedictionum formulis, quæ licet a Rituali Romano exsulent, tamen authenticitatis nota gaudent.

Inter Benedictiones autem Pontificalis Romani plures inveniuntur, quarum ritus in Pontificali nonnisi eo modo exhibetur, quo ab Episcopo perfici potest et debet. Quare ut Sacerdos rite delegatus ejusmodi Benedictiones exsequi possit, earum ritus in Pontificali descriptus, omissis iis, quæ ad Episcopum tantum spectant, (v. gr. usus mitræ, faldistorii etc.) opportune adaptari debuit. Cujus rei exemplum et norma habetur in Benedictione solemniori novæ Crucis, quæ in adprobata Appendice Ritualis Romani prostat. Ad hoc ergo exemplum accurate redacti sunt ritus similium Benedictionum, quæ in hujus libri prima parte recipi voluerunt, ut nulla prorsus sacra et adprobata Benedictio, quæ a Sacerdote fieri possit, in eo deesset. Quum itaque in majoribus præsertim Diœcesibus haud raro contingat, Sacerdotes ad ejusmodi majores Benedictiones delegari, Pontificale Romanum autem iisdem vel præsto non sit, vel modum non indicet, quo Sacerdos sacrum illarum Benedictionum ritum recte exsequatur, gratum aliquid et commodum fecisse arbitramur, dum hunc librum proferimus, quem etiam pluribus Indicibus promptiori usui aptum reddere curavimus.

HARVARD COLLEGE LIBRARY

TREAT FUND

CHARTERED COLLECTION

JUNE 8, 1928

IGNATIUS

DIVINA MISERATIONE ET SEDIS APOSTOLICÆ GRATIA

EPISCOPUS RATISBONENSIS

PATRICIUS ROMANUS

SS. D. N. LEONIS PP. XIII. PRÆLATUS DOMESTICUS
ET SOLIO PONTIFICIO ASSISTENS etc. etc.

OMNIBUS HAS LITTERAS VISURIS SALUTEM ET BENEDICTIONEM
A DOMINO.



um Fridericus Pustet, Bibliopola Ratis-
bonensis et Sanctæ Sedis Apostolicæ
necnon Sacrorum Rituum Congregationis Typo-
graphus Benedictiones tum in Rituali ejusque
Appendice tum in Missali et Pontificali Romano
contentas in peculiari et manuali libro collectas
pro commodiore Sacerdotum usu edere vellet,
a Nobis flagitavit, disciplinæ ecclesiasticæ memor,
ut hunc libellum auctoritate Nostra probaremus.
Censore Nostro, ad hujus libri redactionem et
revisionem deputato, certiores facti, Benedi-
ctiones in hoc manuali libro receptas ad amussim
cum editionibus S. R. C. tamquam typicis de-
claratis supradictorum librorum concordare, ex-

ceptis Benedictionibus ex Pontificali Romano depromptis, quæ ad normam redactæ sunt, quam editoris monitum profitetur, insuper scientes, hunc libellum ad S. Rit. Congregationis Secretariam esse transmissum et luculentum integritatis testimonium meruisse: Nos prædictum libellum auctoritate Nostra adprobamus evulgari-que permittimus.

In quorum fidem has litteras manu Nostra subscriptas atque majori Nostro sigillo firmatas expediri mandavimus.

Ratisbonæ, die 9. Maji 1884.

+ Ignatius

Episcopus Ratisbonensis.

(L. S.)

Dr. Fr. Xav. Leitner Secret.

BENEDICTIONES
IN RITUALI,
MISSALI ET PONTIFICALI ROMANO
CONTENTÆ.

**Typographus Fr. Pustet sibi reservat et vindicat
Jus proprietatis.**



DE BENEDICTIONIBUS REGULÆ GENERALES.

Noverit Sacerdos, quarum rerum benedictiones ad ipsum, et quæ ad Episcopum suo jure pertineant, ne majoris dignitatis munera temere, aut imperite umquam usurpet propria auctoritate.

In omni benedictione extra Missam, Sacerdos saltem superpelliceo, et stola pro ratione temporis utatur, nisi aliter in Missali notetur.

Stando semper benedicat, et aperto capite.

In principio cujusque benedictionis dicat:

Ÿ. Adjutorium nostrum in nómine Dómini.

R. Qui fecit cœlum et terram.

Ÿ. Dóminus vobíscum. R. Et cum spírítu tuo.

Deinde dicatur Oratio propria, una, vel plures, prout suo loco notatum fuerit.

Postea rem adspargat aqua benedicta, et ubi notatum fuerit, pariter incenset, nihil dicendo.

Cum Sacerdos aliquid benedicturus est, habeat ministrum cum vase aquæ benedictæ et adspergillo, et cum Rituali libro, seu Missali.

Caveat, ne benedictionis causa ponat aliquid indecens super Altare, veluti esculenta; sed quod ejusmodi est, ponatur super mensam, commodo loco paratam.

ORDO AD FACIENDAM AQUAM BENEDICTAM.



Diebus Dominicis, et quodcumque opus fuerit, præparato sale et aqua munda benedicenda in ecclesia, vel in sacristia. Sacerdos superpelliceo et stola violacea indutus, primo dicit:

V. Adjutórium nostrum in nómine Dómini.
R. Qui fecit cœlum et terram.

Deinde absolute incipit Exorcismum salis.

Exorcízo te creatúra salis, per Deum † vivum, per Deum † verum, per Deum † sanctum, per Deum, qui te per Eliséum Prophétam in aquam mitti jussit, ut sanarétur sterilitas aquæ: ut efficiáris sal exorcizátum in salutem credéntium; et sis ómnibus suméntibus te sánitas ánimæ et córporis; et effúgiat, atque discédât a loco, in quo adspérsus fúeris, omnis phantásia, et nequítia, vel versútia diabólicæ fraudis, omnisque spíritus immúndus, adjurátus per eum, qui ventúrus est judicáre vivos et mórtuos, et sæculum per ignem.

R. Amen.

Oremus.

Imménsam cleméntiam tuam, omnípotens ætérne Deus, humíliter implorámus, ut hanc creatúram salis, quam in usum géneris humáni tribuísti, bene † dicere, et sancti † ficáre tua pietáte dignéris: ut sit ómnibus suméntibus, salus mentis et córporis; et quidquid ex eo

tactum, vel respersum fuerit, careat omni immunditia, omnique impugnatione spiritalis nequitiae. Per Dominum nostrum.

Exorcismus aquae, et dicitur absolute.

Exorcizo te creatura aquae, in nomine Dei Patris ✠ omnipotentis, in nomine Jesu ✠ Christi Filii ejus Domini nostri, et in virtute Spiritus ✠ sancti: ut fias aqua exorcizata ad effugandam omnem potestatem inimici, et ipsum inimicum eradicare et explantare valeas cum angelis suis apostaticis: per virtutem ejusdem Domini nostri Jesu Christi, qui venturus est judicare vivos et mortuos, et saeculum per ignem. R. Amen.

Orémus.

Deus qui ad salutem humani generis, maxima quaeque sacramenta in aquarum substantia condidisti: adesto propitius invocationibus nostris, et elemento huic multimodis purificationibus preparato, virtutem tuae benedictionis infunde; ut creatura tua mysteriis tuis serviens, ad abigendos daemones, morbosque pellendos divinae gratiae sumat effectum, ut quidquid in domibus, vel in locis fidelium, haec unda resperserit, careat omni immunditia, liberetur a noxa: non illic resideat spiritus pestilens, non aura corrumpens: discendant omnes insidiae latentis inimici; et si quid est, quod aut incolumitati habitantium invidet, aut quieti, adpersione hujus aquae effugiat atque discadat: ut salubritas per invocationem sancti tui

nóminis expetita, ab ómnibus sit impugnationibus defénsa. Per Dóminum nostrum.

Hic ter mittat sal in aquam in modum crucis, dicendo semel:

Commíxtio salis et aquæ páriter fiat in nómine Pa ✙ tris, et Fí ✙ lii, et Spíritus ✙ sancti. Amen.

Ÿ. Dóminus vobíscum.

℞. Et cum spíritu tuo.

Orémus.

Deus invictæ virtútis auctor, et insuperábilis impérii Rex, ac semper magníficus triumphátor: qui advérsæ dominationis vires répri-mis, qui inimíci rugiéntis sævítiam súperas, qui hostíles nequítias poténter expúgnas: te, Dómine, treméntes et súpplices deprecámur, ac pétimus, ut hanc creatúram salis et aquæ dignánter adspícias, benígnus illústres, pietátis tuæ rore sanctífices; ut ubicúmque fúerit adspér-sa, per invocatiónem sancti tui nóminis, omnis infestatio immúndi spíritus abigátur, terrórque venenósi serpéntis procul pellátur, et præsen-tia sancti Spíritus nobis misericórdiam tuam poscéntibus, ubíque adesse dignétur. Per Dó-minum nostrum Jesum Christum Fílium tuum, qui tecum vivit, et regnat in unitáte ejúsdem Spíritus sancti Deus, per ómnia sácula sæcu-lórum. ℞. Amen.

Post benedictionem aquæ, Sacerdos Dominicis diebus antequam incipiat Missam, adspergit Altare, deinde se, et ministros, ac populum, prout in Missali præscribitur.

Postea Christifideles possunt de ista aqua benedicta in vasculis suis accipere, et secum deferre ad adspargendos agros, domos, agros, vineas, et alia, et ad eam habendam in cubiculis suis, ut ea quotidie et sæpius adspergi possint.

BENEDICTIO POPULI CUM AQUA BENEDICTA
diebus Dominicis impertienda pag. 28*.

BENEDICTIO CANDELARUM

extra diem Purificationis B. Mariæ Virg.

Y. Adjutórium nostrum in nómine Dómini.

R. Qui fecit cœlum, et terram.

Y. Dóminus vobíscum.

R. Et cum spíritu tuo.

Orémus.

Dómine Jesu Christe, Fili Dei vivi, béne- ✠
dic candélas istas supplicatió nibus no-
stris: infúnde eis Dómine per virtútem sanctæ
cru ✠ cis, benedicti ónem cœlestem, qui eas ad
repellé ndas ténebras humano géneri tribuísti;
talémque benedicti ónem signáculo sanctæ cru- ✠
cis accípiant, ut quibuscúmque locis accénsæ,
sive pósitæ fúerint, discédant príncipes tene-
brárum, et contremíscant, et fúgiant pávidi
cum ómnibus minístris suis ab habitati ó nibus
illis, nec præsumant ámplius inquietáre, aut
molestáre servié ntes tibi omnipoté nti Deo: Qui
vivis, et regnas in sœcula sœculórum.

R. Amen.

Postea adspargantur aqua benedicta.

BENEDICTIO DOMORUM

in Sabbato sancto Paschæ.

Parochus, seu alius Sacerdos, superpelliceo et stola alba indutus, cum ministro deferente vas aquæ ex benedictione Fontium ante perfusionem Chrismatis acceptæ, visitat domos suæ parochiæ, adspargens eas eadem aqua benedicta.

Ingrediens domum dicit:

Pax huic dómui, et ómnibus habitántibus in ea.

Deinde adspargens loca præcipua domus, et eos qui habitant in ea, dicit Antiphonam:

Vidi aquam egrediéntem de templo a látere dextro, allelúja: et omnes, ad quos pervénit aqua ista, salvi facti sunt, et dicent: allelúja, allelúja.

Psalms. Confitémini Dómino, quóniam bonus: quóniam in sæculum misericórdia ejus.

V. Glória Patri, etc.

Repetitur Antiphona **Vidi aquam, etc.**

Deinde dicit:

V. Osténde nobis Dómine misericórdiam tuam, allelúja.

R. Et salutáre tuum da nobis, allelúja.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Exáudi nos, Dómine sancte, Pater omnípotens, ætérne Deus: et sicut domos Hebræórum in éxitu de Ægypto, agni ságuine

linítas (quod pascha nostrum, in quo immolátus est Christus, figurábat), ab Angelo percutiénte custodísti; ita mittere dignéris sanctum Angelum tuum de coelis, qui custódiat, fóveat, prótegat, vísitet, atque deféndat omnes habitántes in hoc habitáculo. Per eúmdem Christum Dóminum nostrum. R. Amen.

ALIA BENEDICTIO DOMORUM

alio tempore facienda cum adpersione
aquæ benedictæ.

Parochus, seu alii Sacerdotes volentes aliquam particularem domum, vel generaliter domos fidelium alio tempore infra annum adspargere aqua benedicta, ingredientes domum dicant:

Pax huic dómui, et ómnibus habitántibus in ea.

Deinde loca adspargendo, dicat Antiphonam:

Adspérges me Dómine hyssópo, et mundábor: lavábis me, et super nivem dealbábor.

Psalmus. Miserére mei Deus, secúndum magnam misericórdiam.

V. Glória Patri, etc.

Et repetitur Antiph. Adspérges me, etc.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Exáudi nos, Dómine sancte, Pater omnípotens, ætérne Deus: et mittere dignéris

sanctum Angelum tuum de cœlis, qui custodiat, foveat, protégat, vísitet, atque deféndat omnes habitántes in hoc habitáculo. Per Christum Dóminum nostrum. R. Amen.

Deinde adspergat aqua benedicta.

BENEDICTIO LOCI.

V. Adjutórium nostrum in nómine Dómini.

R. Qui fecit cœlum et terram.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Bénédic ✠ Dómine, Deus omnípotens, locum istum (vel domum istam): ut sit in eo (vel in ea) sánitas, cástitas, victória, virtus, humílitas, bónitas, et mansuetúdo, plenitúdo legis, et gratiárum áctio Deo Patri, et Fílio, et Spirítui sancto; et hæc benedíctio máneat super hunc locum (vel super hanc domum) et super habitántes in eo (vel in ea) nunc et in ómnia sæcula sæculórum. R. Amen.

Et adspergat aqua benedicta.

ALIA BENEDICTIO DOMUS NOVÆ.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Te Deum Patrem omnipotentem suppliciter exoramus pro hac domo, et habitatōribus ejus, ac rebus: ut eam bene ✠ dicere, et sancti ✠ ficāre, ac bonis ómnibus ampliāre dignéris: tríbue eis Dómine de rore cœli abundántiam, et de pinguédine terræ vitæ substantíam, et desidéria voti eórum ad efféctum tuæ miserationis perdúcas. Ad intróitum ergo nostrum bene ✠ dicere, et sancti ✠ ficāre dignéris hanc domum, sicut benedícere dignátus es domum Abraham, Isaac, et Jacob: et intra paríetes domus istíus, Angeli tuæ lucis inhábitent; eámque, et ejus habitatóres custódiant. Per Christum Dóminum nostrum. *R.* Amen.

Deinde adspergat aqua benedicta.

BENEDICTIO THALAMI.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Benedic ✠ Dómine thálamum hunc: ut omnes habitántes in eo, in tua pace consistant, et in tua voluntáte permáneant, et senéscant, et multiplicéntur in longitúdine dierum, et ad regna cœlórum pervéniant. Per Christum Dóminum nostrum. *R.* Amen.

Postea adspergat thalamum aqua benedicta.

BENEDICTIO NOVÆ NAVIS.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

O rémus.

Propitiâre Dómine supplicatióibus nostris, et béne † dic navem istam dextera tua sancta, et omnes qui in ea vehéntur, sicut dignátus es benedícere arcam Noë ambulántem in dilúvio: pórrige eis Dómine dexteram tuam, sicut porrexísti beáto Petro ambulánti super mare; et mitte sanctum Angelum tuum de cœlis, qui líberet, et custódiat eam semper a perículis univérsis, cum ómnibus quæ in ea erunt: et fámulos tuos, repúlsis adversitatibus, portu semper optábili, cursúque tranqúillo tue-áris, transactisque, ac recte perféctis negótiis ómnibus, iteráto témpore ad própria cum omni gaúdio revocáre dignéris: Qui vivis, etc.

R. Amen.

Adspergat navim aqua benedicta.

BENEDICTIO COMMUNIS

super fruges et vineas.

V. Adjutórium nostrum in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Quáramus pietátem tuam; omnípotens Deus, ut has primítias creatúræ tuæ, quas áëris et plúviæ temperaménto nutrírre dignátus es, benedictiónis tuæ imbre perfúndas, et fructus terræ tuæ usque ad maturitátem perdúcas. Tríbe quoque pópulo tuo de tuis munéribus tibi semper grátias ágere; ut a fertilitáte terræ esuriéntium ánimas bonis ómnibus affluéntibus répleas, et egénus et pauper laudent nomen glóriæ tuæ. Per Christum Dñm nostrum. R. Amen.

Adspergat illas aqua benedicta.

BENEDICTIO PEREGRINORUM

ad loca sancta prodeuntium.

Peregrini ad loca sancta profecturi, antequam discedant, juxta veteris Ecclesiæ institutum, debent accipere patentes seu commendatitias litteras a suo Ordinario, seu Parocho. Quibus obtentis, et rebus suis dispositis, facta peccatorum suorum confessione, et audita Missa, in qua dicitur Oratio pro Peregrinantibus, Ss. Eucharistiam devote suscipiant. Expleta Missa, Sacerdos super eos genuflexos dicit sequentes preces:

Antiphona. **In viam pacis.**

Canticum. **Benedíctus.** (pag. 106*) in fine Glória Patri, etc.

Repetitur Ant. **In viam pacis et prosperitátis dírigat vos omnípotens et miséricors Dóminus: et Angelus Ráphaél comitétur vobiscum in via, ut cum pace, salúte, et gaúdio revertámini ad própria.**

Kyrie eléison. Christe eléison. Kyrie eléison.
Pater noster. secreto.

- V. Et ne nos indúcas in tentatiónem.
R. Sed líbera nos a malo.
V. Salvos fac servos tuos.
R. Deus meus, sperántes in te.
V. Mitte eis Dómine auxílium de sancto.
R. Et de Sion tuére eos.
V. Esto eis Dómine turris fortitúdinis.
R. A fácie inimíci.
V. Nihil proficiat inimícus in eis.
R. Et fílius iniquitátis non appónat nocére eis.
V. Benedíctus Dóminus die quotídie.
R. Prósperum iter fáciat nobis Deus salutá-
rium nostrórum.
V. Vias tuas Dómine demónstra nobis.
R. Et sémitas tuas édoce nos.
V. Utinam dirigántur viæ nostræ.
R. Ad custodiéndas justificatiónes tuas.
V. Erunt prava in dirécta.
R. Et áspera in vias planas.
V. Angelis suis Deus mandávit de te.
R. Ut custódiant te in ómnibus viis tuis.
V. Dómine exaúdi oratióem meam.
R. Et clamor meus ad te véniat.
V. Dóminus vobíscum.
R. Et cum spíritu tuo.

Orémus.

Deus, qui filios Israël per maris médium sicco vestígio ire fecísti, quique tribus Magis iter ad te stella duce pandísti: tríbue eis, quæsumus, iter Prósperum, tempúsque tran-

quillum; ut Angelo tuo sancto cómite, ad eum, quo pergunt, locum, ac demum ad æternæ salutis portum feliciter váleant pervenire.

Deus, qui Abraham púerum tuum de Ur Chaldæórum edúctum, per omnes suæ peregrinatiónis vias illæsum custodísti: quæsumus; ut hos fámulos tuos custodíre dignéris; esto eis Dómine in procíntu suffrágium, in via solátium, in æstu umbráculum, in plúvia et frígore teguméntum, in lassitúdine vehículum, in adversitaté præsidium, in lúbrico báculus, in naufrágio portus: ut te duce, quo tendunt, próspere pervéniant, et demum incólumes ad própria revertántur.

Adésto, quæsumus Dómine, supplicatióibus nostris: et viam famulórum tuórum in salutis tuæ prosperitaté dispóne: ut inter omnes viæ et vitæ hujus varietátes, tuo semper protegántur auxílio.

Præsta, quæsumus, omnípotens Deus: ut família tua per viam salutis incédât, et beáti Joánnis Præcursóris hortaménta sectándo, ad eum, quem prædixit, secúra pervéniat, Dóminum nostrum Jesum Christum Fílium tuum.

Exáudi Dómine preces nostras, et iter famulórum tuórum propítius comitáre, atque misericórdiam tuam, sicut ubíque es, ita ubíque largíre: quátenus a cunctis adversitatibus tua opitulatióne defénsi, gratiárum tibi réferant actiódinem. Per Christum Dóminum nostrum.

R. Amen.

Pax et benedictio † Dei omnipoténtis, Patris et Fílii et Spíritus sancti, descéndat super vos, et máneat semper. Amen.

Deinde adspargantur aqua benedicta.

Quod si unus fuerit peregrinaturus, omnia dicantur in numero singulari: ac si Sacerdos ipse, qui benedicit, fuerit socius peregrinationis, dicat in persona prima numeri pluralis, quatenus congruere videbitur.

BENEDICTIO PEREGRINORUM POST REDITUM.

V. Adjutórium nostrum in nómine Dómini.

R. Qui fecit cœlum et terram.

Antiphona. Ecce sic benedicétur homo, qui timet Dóminum.

Psalmus 127.

Beáti omnes, qui timent Dóminum, * qui ámbulant in viis ejus.

Labóres mánuum tuárum quia manducábis: * beátus es, et bene tibi erit.

Uxor tua sicut vitis abúndans, * in latéribus domus tuæ.

Fílii tui sicut novéllæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedícat tibi Dóminus ex Sion: * et vídeas bona Jerúsalem ómnibus diébus vitæ tuæ.

Et vídeas filios fliórum tuórum, * pacem super Israël. Glória Patri.

Antiphona. Ecce sic benedicétur homo, qui timet Dóminum.

Kyrie eléison. Christe eléison. Kyrie eléison.
Pater noster. secreto.

V. Et ne nos indúcas in tentatiónem.

R. Sed libera nos a malo.

V. Benedícti, qui véniunt in nómine Dómini.

R. Benedícti vos a Dómino, qui fecit cœlum
et terram.

V. Réspice Dómine in servos tuos, et in
ópera tua.

R. Et dirige eos in viam mandatórum tuórum.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Largíre, quásumus Dómine, fámulis tuis
indulgéntiam placátus et pacem: ut pá-
riter ab ómnibus mundéntur offénsis, et secúra
tibi mente desérviant.

Omnípotens sempitérne Deus, nostrórum tém-
porum, vitæque dispósitor, fámulis tuis
contínuæ tranquillitátis largíre subsidium: ut
quos incólumes própriis labóribus reddidísti,
tua fácias protectióne secúros.

Deus, humílium visitátor, qui nos fraterná
dilectióne consoláris: præténde societáti
nostræ grátiam tuam; ut per eos, in quibus
hábitas, tuum in nobis sentiámus advéntum.
Per Dóminum nostrum Jesum Christum, etc.

Deinde adspargantur aqua benedicta a Sacerdote.
dicente:

Pax et benedictio ✠ Dei omnipoténtis, Patris, et Fílii, et Spíritus sancti, descéndat super vos, et máneat semper. Amen.

BENEDICTIONES ESCULENTORUM

PRÆSERTÍM IN PASCHA.

BENEDICTIO AGNI PASCHALIS.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Deus, qui per fámulum tuum Móysen, in liberatióne pópuli tui de Ægypto, agnum occídi jussísti in similitúdinem Dómini nostri Jesu Christi, et utrósque postes domórum de ságuine ejúsdem agni perúngi præcepísti: tu bene ✠ dícere, et sancti ✠ ficáre dignéris hanc creatúram carnis, quam nos fámuli tui ad laudem tuam súmere desiderámus, per resurrectiόνem ejúsdem Dómini nostri Jesu Christi: Qui tecum vivit et regnat in sœcula sœculórum. R. Amen.

Et mox adspergat aqua benedicta

BENEDICTIO OVORUM.

V. Adjutórium nostrum in nómine Dómini.

R. Qui fecit cœlum et terram.

℣. Dóminus vobíscum.

℞. Et cum spírítu tuo.

Orémus.

Subvéniat, quæsumus Dómine, tuæ bene- +
dictiónis grátia, huic ovórum creatúræ:
ut cibus salúbris fiat fidélibus tuis, in tuárum
gratiárum actióne suméntibus, ob resurrecti-
onem Dómini nostri Jesu Christi: Qui tecum
vivit et regnat in sæcula sæculórum.

℞. Amen.

Et adspergat aqua benedicta.

BENEDICTIO PANIS.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spírítu tuo.

Orémus.

Dómine Jesu Christe, panis Angelórum,
panis vivus æternæ vitæ, bene + dicere
dignáre panem istum, sicut benedixísti quin-
que panes in desérto: ut omnes ex eo gustán-
tes, inde cörperis et ánimæ percípiant sanitá-
tem: Qui vivis, etc. ℞. Amen.

Et adspergat aqua benedicta.

ALIA BENEDICTIO PANIS.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spírítu tuo.

Orémus.

Bómine sancte, Pater omnípotens, ætérne Deus, bene † dicere dignéris hunc panem tua sancta spirituáli benedictióne: ut sit ómnibus suméntibus salus mentis et córporis; atque contra omnes morbos, et univérsas inimicórum insídias tutámen. Per Dóminum nostrum Jesum Christum Fílium tuum, panem vivum, qui de cœlo descéndit, et dat vitam et salutem mundo: et tecum vivit et regnat in unitáte Spíritus sancti Deus, per ómnia sœcula sœculórum. R̃. Amen.

Adspargatur aqua benedicta.

BENEDICTIO NOVORUM FRUCTUUM.

V. Adjutórium nostrum in nómine Dómini.

R̃. Qui fecit cœlum et terram.

V. Dóminus vobíscum.

R̃. Et cum spíritu tuo.

Orémus.

Bénedic † Dómine hos novos fructus N., et præsta: ut qui ex eis in tuo sancto nómine vescéntur, córporis et ánimæ salute potiántur. Per Christum Dñm nostrum. R̃. Amen.

Et adspargantur aqua benedicta.

BENEDICTIO**AD QUODCUMQUE COMESTIBILE.**

V. Adjutórium nostrum in nómine Dómini.

R̃. Qui fecit cœlum et terram.

V. Dóminus vobíscum. R̃. Et cum spíritu tuo.

Orémus.

Bénedic † Dómine creatúram istam N., ut sit remédium salutare géneri humano: et præsta per invocatióem sancti nóminis tui, ut quicúmque ex ea sumpserint, cörperis sanitátem, et ánimæ tutélam percípiant. Per Christum Dóminum nostrum. R̃. Amen.

Adspergat aqua benedicta.

BENEDICTIO OLEI SIMPLICIS.

V. Adjutórium nostrum in nómine Dómini.

R̃. Qui fecit cœlum et terram.

Exorcismus.

Exorcízo te creatúra olei per Deum Patrem † omnipoténtem, qui fecit cœlum et terram, mare, et ómnia, quæ in eis sunt. Omnis virtus adversárii, omnis exércitus diaboli, et omnis incúrsus, omne phantásma sátanæ eradicáre, et effugáre ab hac creatúra olei, ut fiat ómnibus, qui eo usúri sunt, salus mentis et cörperis, in nómine Dei Patris † omnipoténtis, et Jesu † Christi Fílii ejus Dómini nostri, et Spíritus † sancti Parácliti, et in caritáte ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. R̃. Amen.

V. Dómine exaúdi oratióem meam.

R̃. Et clamor meus ad te véniat.

V. Dóminus vobíscum.

R̃. Et cum spíritu tuo.

Orémus.

Dómine Deus omnípotens, cui adstat exércitus Angelórum cum tremóre, quorum servítium spirituále cognóscitur, dignáre respícere, bene + dícere, et sancti + ficáre hanc creatúram ólei, quam ex olivárum succo eduxísti, et ex eo infirmos inúngi mandásti, quátenus sanitáte percépta, tibi Deo vivo et vero grátias ágerent; præsta, quæsumus, ut hi, qui hoc óleo, quod in tuo nómine bene + dícimus, usi fúerint, ab omni languóre, omníque infirmitáte, atque cunctis insídiis inimíci liberéntur, et cunctæ adversitatés separéntur a plásmate tuo, quod pretióso sángine Fílii tui redemísti, ut numquam lædátur a morsu antíqui serpéntis. Per eúndem Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum. R. Amen.

Adspergat oleum aqua benedicta.

BENEDICTIONES AB EPISCOPIS

VEL ALIIS FACULTATEM HABENTIBUS FACIENDÆ.

BENEDICTIO SACERDOTALIUM INDUMENTORUM

in genere.

- V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum.
R. Et cum spíritu tuo.

Oremus.

Quoniam omnipotens sempiternus Deus, qui per Moysen famulum tuum pontificalia, et sacerdotalia, seu levitica vestimenta, ad explendum in conspectu tuo ministerium eorum, ad honorem et decorem nominis tui fieri decrevisti: adesto propitius invocationibus nostris: et hæc indumenta sacerdotalia, desuper irrigante gratia tua, ingenti benedictione per nostræ humilitatis servitium puri + ficare, bene + dicere, et conse + crare digneris: ut divinis cultibus et sacris mysteriis apta et benedicta existant: his quoque sacris vestibus Pontifices, et Sacerdotes, seu Levitæ tui induti, ab omnibus impulsionebus, seu tentationibus malignorum spirituum muniti et defensi esse mereantur; tuisque mysteriis apte et condigne servire et inhærere, atque in his tibi placite et devôte perseverare tribue. Per Christum Dominum nostrum. *R.* Amen.

Oremus.

Deus, invictæ virtutis triumphator, et omnium rerum creator ac sanctificator: intende propitius preces nostras: et hæc indumenta leviticæ, sacerdotalis, et pontificalis gloriæ, ministris tuis fruenda, tuo ore proprio bene + dicere, sancti + ficare, et conse + crare digneris: omnesque eis utentes, tuis mysteriis aptos, et tibi in eis devôte ac laudabiliter serviētes, gratos efficere digneris. Per Dominum nostrum Jesum Christum, etc. *R.* Amen.

Orémus.

Dómine Deus omnípotens, qui vestiménta Pontificibus, Sacerdótibus, et Levítis in usum tabernáculi fœderis necessariá, Móysen fámulum tuum ágere jussísti, eúmque spíritu sapiéntiæ ad id peragéndum replevísti: hæc vestiménta in usum et cultum mystérii tui bene ✠ dicere, sancti ✠ ficáre, et conse ✠ cráre dignéris; atque minístros Altáris tui, qui ea indúerint, septifórmis Spíritus grátia dignánte repléri, atque castitátis stola, beáta fácias, cum bonórum fructu óperum, ministérii congruéntis immortalitáte vestíri. Per Christum Dóminum nostrum. R. Amen.

Deinde adspersit ipsa indumenta aqua benedicta.

BENEDICTIO SPECIALIS CUJUSLIBET INDUMENTI.

(Ex Pontificali Romano P. II.)

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Deus omnípotens, bonárum virtútum dator, et ómnium benedictiónum largus infúsor, súplices te rogámus, ut mánibus nostris opem tuæ benedictiónis infúndas, et has cáligas et sandália, vel amíctum, vel albam, vel cingulum, vel stolam, vel manípulum, vel tunicéllam, vel dalmáticam, vel planétam, divíno cúltoi præparátam, virtúte sancti Spíritus

bene † dicere, sancti † ficare, et conse † crare digneris: et omnibus ea, vel eo, vel eis utentibus gratiam sanctificationis sacri mysterii tui benignus concede; ut in conspectu tuo sancti et immaculati atque irreprehensibiles appareant, et auxilium misericordiae tuae acquirant. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia secula saeculorum.

R. Amen.

Deinde adspersit ea aqua benedicta.

BENEDICTIO MAPPARUM

sive Lintheaminum Altaris.

V. Adjutorium nostrum in nomine Domini.

R. Qui fecit coelum et terram.

V. Dominus vobiscum.

R. Et cum spiritu tuo.

Orémus.

Exaudi, Domine, preces nostras: et haec lintheamina sacri Altaris usui praeparata, bene † dicere, et sancti † ficare digneris. Per Christum Dominum nostrum.

R. Amen.

Orémus.

Domine Deus omnipotens, qui Moysen famulum tuum, ornamenta et lintheamina facere per quadraginta dies docuisti: quae etiam Maria texuit, et fecit in usum ministerii, et taber-

náculi fœderis; bene † dicere, sancti † ficáre, et conse † cráre dignéris hæc linteámina ad tegéndum, involvendúmque Altáre gloriosíssimi Fílii tui Dómini nostri Jesu Christi: Qui tecum vivit et regnat in unitáte Spíritus sancti Deus, per ómnia sœcula sæculórum. R̃. Amen.

Deinde adspergat aqua benedicta.

BENEDICTIO CORPORALIUM.

V. Adjutórium nostrum in nómine Dómini.

R̃. Qui fecit cœlum et terram.

V. Dóminus vobíscum.

R̃. Et cum spíritu tuo.

Orémus.

Elementíssime Dómine, cujus inenarrábilis est virtus, cujus mystéria arcánis mirabilibus celebrántur: tríbue, quæsumus; ut hoc linteámen tuæ propitiatiónis bene † dictiône sanctificétur ad consecrándum super illud corpus et ságuinem Dei, et Dómini nostri Jesu Christi Fílii tui: Qui tecum vivit et regnat in unitáte Spíritus sancti Deus, etc.

R̃. Amen.

Orémus.

Omnípotens sempitérne Deus, bene † dicere, sancti † ficáre, et conse † cráre dignéris linteámen istud ad tegéndum, involvendúmque corpus et ságuinem Dómini nostri Jesu Christi Fílii tui: Qui tecum vivit et regnat in unitáte Spíritus sancti Deus, per ómnia sœcula sæculórum. R̃. Amen.

Orémus.

Omnípotens Deus, mánibus nostris opem tuæ benedictiónis infúnde: ut per nostram bene ✠ dictiónem hoc lintheámen sanctificétur, et córporis ac sánguinis Redemptóris nostri novum sudárium, Spíritus sancti grátia efficiátur. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus, per ómnia sǎcula sǎculórum. *R.* Amen.

Et adspergat aqua benedicta.

BENEDICTIO TABERNACULI

*seu Vasculi pro sacrosancta Eucharistia
conservanda.*

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Omnípotens sempitérne Deus, majestátem tuam súpplīces deprecámur: ut vásculum hoc pro córpore Fílii tui Dómini nostri Jesu Christi in eo condéndo fabricátum, bene ✠ dictiónis tuæ grátia dicáre dignéris. Per eúmdem Dóminum nostrum Jesum Christum Fílium tuum: Qui tecum vivit et regnat, etc.

R. Amen.

Deinde adspergit illud aqua benedicta.

BENEDICTIO NOVÆ CRUCIS.

℣. Adjutórium nostrum in nómine Dómini.

℞. Qui fecit cœlum et terram.

℣. Dómine exaúdi oratiómem meam.

℞. Et clamor meus ad te véniat.

℣. Dóminus vobíscum.

℞. Et cum spírítu tuo.

Orémus.

Rogámus te, Dómine sancte, Pater omní-
potens, ætérne Deus: ut dignéris bene- ✠
dicere hoc signum crucis, ut sit remédium sa-
lutáre géneri humáno; sit solíditas fidei, pro-
fécus bonórum óperum, redémptio animárum;
sit solámen, et protéctio, ac tutéla contra sæva
jácula inimicórum. Per Christum Dóminum
nostrum. ℞. Amen.

Alia Oratio ad idem.

Béne ✠ dic, Dómine Jesu Christe, hanc cru-
cem, per quam eripuísti mundum a pote-
státe dæmonum, et superásti passióne tua sug-
gestórem peccáti, qui gaudébat in prævarica-
tióne primi hómínis per ligni vétiti sumpti-
onem. *Hic adspergat aqua benedicta.* Sanctificétur
hoc signum crucis in nómine Patris, ✠ et Fílii ✠
et Spíritus ✠ sancti; ut orántes, inclinántesque
se propter Dóminum ante istam crucem, invé-
niant córporis et ánimæ sanitátem. Per Chri-
stum Dóminum nostrum.

℞. Amen.

2. Postea Sacerdos genuflexus ante crucem devote
adorat, et osculatur, et idem faciunt quicumque voluerint.

BENEDICTIO IMAGINUM

Jesu Christi Domini nostri, beate Mariæ Virginis et aliorum Sanctorum.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

(Orémus.

Omnípotens sempitérne Deus, qui Sanctorum tuorum imágenes (sive effígies) sculpi, aut pingi non réprobas, ut quóties illas óculis corpóris intuémur, tóties eórum actus et sanctitátem ad imitándum memóriæ óculis meditémur: hanc, quæsumus, imáginem (seu sculptúram) in honórem et memóriam unigéniti Fílii tui Dómini nostri Jesu Christi (vel beatíssimæ Vírginis Mariæ, matris Dómini nostri Jesu Christi, vel beáti N. Apóstoli tui, vel Mártiris, vel Confessóris, aut Pontíficis, aut Vírginis) adaptátam bene ✠ dicere, et sancti-✠ficáre dignéris: et præsta; ut quicumque córam illa unigénitum Fílium tuum (vel beatíssimam Vírginem, vel gloriósum Apóstolum, sive Mártirem, sive Confessórem, aut Vírginem) suppliciter cólere et honoráre studúerit, illíus méritis et obténtu a te grátiam in præsénti, et ætérrnam glóriam obtíneat in futúrum. Per Christum Dóminum nostrum.

R. Amen.

Ultimo adspergat aqua benedicta.

RITUS BENEDICENDI ET IMPONENDI PRIMARIUM LAPIDEM

PRO ECCLESIA ÆDIFICANDA

SERVANDUS A SACERDOTE FACULTATEM HABENTE
AB EPISCOPO.



ecclesiam ex Episcopi auctoritate tantum, juxta sacrorum Canonum decreta, ædificari fas est. Si vero Sacerdos, ejus ædificationis primarium lapidem benedicendi potestatem habens, ejusmodi functionem peragat, hunc ritum servabit.

Pridie quam primarius lapis benedicatur, ligneam crucem in loco, ubi debet esse Altare, figat ipse, vel alius Sacerdos. Sequenti vero die lapis in Ecclesiæ fundatione ponendus, qui debet esse quadratus, et angularis, benedicatur hoc modo.

Sacerdos indutus amictu, alba, cingulo, stola, et pluviali albi coloris, adhibitis aliquot Sacerdotibus et Clericis, sal et aquam benedicit, nisi prius in promptu habeat jam benedictam ordinaria benedictione, ut supra (pag. 2) et interim, dum cantatur a Clericis Antiphona cum Psalmo sequenti, adspersit locum, ubi crux posita est, cum aqua benedicta.

Antiphona. Signum salutis pone, Dómine Jesu Christe, in loco isto: et non permittas introíre Angelum percutiéntem.

Psalmus 83.



quam dilécta tabernácula tua Dómine virtútum: * concupíscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum: * et turtur nidum sibi, ubi ponat pullos suos.

Altária tua Dómine virtútum: * rex meus, et Deus meus.

Beáti, qui hábitant in domo tua Dómine: * in sácula sæculórum laudábunt te.

Beátus vir, cujus est auxílium abs te: * adscensiónes in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtútem: * vidébitur Deus deórum in Sion.

Dómine Deus virtútum exaúdi oratióem meam: * aúribus pércipe Deus Jacob.

Protéctor noster ádspice Deus: * et réspice in fáciem Christi tui:

Quia mélior est dies una in átriis tuis, * super míllia.

Elégi abjéctus esse in domo Dei mei: * magis quam habitáre in tabernáculis peccatórum.

Quia misericórdiam, et veritátem díligit Deus: * grátiam, et glóriam dabit Dóminus.

Non privábit bonis eos, qui ámbulant in innocéntia: * Dómine virtútum, beátus homo, qui sperat in te.

Glória Patri.

Finito Psalmo, Sacerdos versus ad locum per eum adpersum, dicit:

Orémus.

Dómine Deus, qui licet cœlo et terra non capiáris, domum tuam dignáris habére in terris, ubi nomen tuum júgiter invocétur: locum hunc, quæsumus, beátæ Mariæ semper Vírginis, et beáti N. (nominando Sanctum vel Sanctam

in ejus honorem ac nomen fundabitur Ecclesia), **omni-
úmque Sanctórum intercedéntibus méritis, se-
réno pietátis tuæ intúitu vísita, et infusióne
grátiae tuæ ab omni inquinaménto purífica,
purificatúmque consérva; et qui dilécti tui David
devotiónem in filii sui Salomónis ópere com-
plevísti, in hoc ópere desidéria nostra perfícere
dignéris, effugiántque omnes hinc nequítiae
spirituáles. Per Dóminum nostrum Jesum
Christum, etc. R. Amen.**

Postea stans benedícit primarium lapidem, dicens:

V. Adjutórium nostrum in nómine Dómini.

R. Qui fecit cœlum et terram.

V. Sit nomen Dómini benedíctum.

R. Ex hoc nunc et usque in sœculum.

V. Lápidem, quem reprobavérunt ædificántes.

R. Hic factus est in caput ánguli.

V. Tu es Petrus.

**R. Et super hanc petram ædificábo Ecclési-
am meam.**

V. Glória Patri, et Filio, et Spirítui sancto.

**R. Sicut erat in princípio, et nunc, et sem-
per, et in sœcula sœculórum. Amen.**

Orémus.

Dómine Jesu Christe, Fili Dei vivi, qui es
verus omnípotens Deus, splendor, et imágo
ætérni Patris, et vita æténa: qui es lapis an-
guláris de monte sine mánibus abscíssus, et
immutábile fundaméntum: hunc lápidem collo-
cándum in tuo nómine confírma; et tu, qui es
princípium et finis, in quo princípium Deus

Pater ab iníto cuncta creávit, sis, quæsumus, principium, et incrementum, et consummatio ipsius óperis, quod debet ad laudem et glóriam tui nóminis inchoári. Qui cum Patre et Spíritu sancto vivis et regnas Deus, per ómnia sæcula sæculórum. *R. Amen.*

Tunc adspersit lapidem ipsum aqua benedicta, et accepto cultro, per singulas partes sculpsit in eo signum crucis, dicens:

In nómine Patris +, et Filii +, et Spíritus + sancti. *R. Amen.*

Quo facto dicit:

Orémus.

Benedic + Dómine creatúram istam lápidis, et præsta per invocatióem sancti tui nóminis: ut quicúmque ad hanc Ecclésiám ædificándam pura mente auxiliúm déderint, corpóris sanitátem, et ánimæ medélam percípiant. Per Christum Dóminum nostrum. *R. Amen.*

Postea dicantur Litiæ ordinariæ (ut ad calcem hujus libri pag. [2]) sine Orationibus in fine positis: quibus dictis, parato cæmento, et cæmentario assistente, Sacerdos inchoat, Clericis prosequentibus, Antiphonam:

Mane surgens Jacob, erigébat lápidem in título: fundens óleum désuper, votum vovit Dómino: Vere locus iste sanctus est, et ego nesciébam.

Psalmus 126.



Nisi Dóminus ædificáverit domum, * in vanum laboravérunt qui ædificant eam. Nisi Dóminus custodíerit civitátem, * frustra vígilat qui custódit eam.

Vanum est vobis ante lucem súrgere: * súrgite postquam sedéritis, qui manducátis panem dolóris.

Cum déderit diléctis suis somnum: * ecce hæréditas Dómini, filii: merces, fructus ventris.

Sicut sagíttæ in manu poténtis: * ita filii excussórum.

Beátus vir qui implévit desidérium suum ex ipsis: * non confundétur cum loquétur inimicis suis in porta.

Glória Patri.

Quo dicto, Sacerdos stans tangit, et ponit ipsum primarium lapidem in fundamento, dicens:

In fide Jesu Christi collocámus lápidem istum primárium in hoc fundaménto, in nómine Patris ✙, et Filii ✙, et Spíritus ✙ sancti: ut vígeat vera fides hic, et timor Dei, fraternaque diléctio; et sit hic locus destinátus oratióni, et ad invocándum, et laudándum nomen ejúsdem Dómini nostri Jesu Christi, qui cum Patre et Spíritu sancto vivit et regnat Deus, per ómnia sæcula sæculórum. R. Amen.

Interim cæmentarius locat ipsum lapidem cum cæmento: postea Sacerdos spargit super lapidem aquam benedictam, dicens:

Adspérges me Dómine hyssópo, et mundábor: lavábis me, et super nivem dealbábor.

Psalmus. Miserére mei Deus. (pag. 98*), dicitur totus cum Glória Patri.

Quo dicto, Sacerdos spargit aquam benedictam per omnia fundamenta, si sunt aperta: si vero non sunt aperta, circuit adspargendo fundamenta Ecclesiæ designata. Et incipiens adspargere, inchoat Antiphonam, Clero prosequente.

Antiphona. O quam metuendus est locus iste! Vere non est hic aliud, nisi domus Dei, et porta cœli.

Psalmus 86.

Fundaménta ejus in móntibus sanctis: * díligit Dóminus portas Sion super ómnia tabernácula Jacob.

Gloríosa dicta sunt de te, * cívitas Dei.

Memor ero Rahab, et Babylónis * sciéntium me.

Ecce alienígenæ, et Tyrus, et pópulus Æthíopum, * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut lætántium ómnium * habitátio est in te.

Glória Patri.

Antiphona. O quam metuendus est locus iste! Vere non est hic aliud, nisi domus Dei, et porta cœli.

Interim adspergendo procedit usque ad fundamenta aperta, seu designata, et repetita Antiphona, stans dicit: **Orémus.**

Ministri: **Flectámus génuâ. R. Leváte.**

Omnípotens, et miséricors Deus, qui Sacerdótibus tuis tantam præ céteris grátiam contulísti, ut quidquid in tuo nómine digne, perfectéque ab eis ágitur, a te fieri credátur: quæsumus imménsam cleméntiam tuam; ut quidquid modo visitatúri sumus, vísites: et quidquid benedictúri sumus, bene ✠ dícas: sit-

que ad nostræ humilitátis intróitum, Sanctórum tuórum méritis, fuga dæmonum, Angeli pacis ingrëssus. Per Christum Dóminum nostrum. *R. Amen.*

Deus, qui ex ómnium cohabitatióne Sanctórum ætérnum majestáti tuæ condís habitáculum: da ædificatióni tuæ incrementa cœléstia; ut quod te jubénte fundáture, te largiénte perficiáture. Per Christum Dñm nostrum. *R. Amen.*

RITUS BENEDICENDI NOVAM ECCLESIAM

SEU ORATORIUM PUBLICUM

UT IBI SANCTISSIMUM MISSÆ SACRIFICIUM CELEBRARI POSSIT.



Sacerdos novam Ecclesiam de licentia Episcopi benedicendus, ut in ea divinum sacrificium Missæ rite celebretur, stola ac pluviali albi coloris indutus, aliquot sacerdotibus et Clericis adhibitis, prelata cruce media inter duos Clericos deferentes cereos accensos, mane procedit ad primariam Ecclesie, vel Oratorii januam: ibi stans capite aperto, conversus ad eam dicit absolute Orationem:

Actiões nostras, quæsumus Dómine, adspirando præveni, et adjuvando proséquere: ut cuncta nostra orátio et operátio a te semper incípiat, et per te cœpta finiátur. Per Christum Dóminum nostrum. *R. Amen.*

Deinde inchoat Antiphonam: *Aspérget me, etc.* et Chorus alternatim dicit Psalmum *Miserere, etc.* (pag. 98*: in fine Glória Patri.

Interim circumdant exterius Ecclesiam (quæ intus debet esse vacua et nuda, et pariter Altaria nuda excluso populo, donec absoluta sit benedictio), et Sacerdos accepto adspergillo ex herba hyssopi, ad eius dexteram se convertens, parietes Ecclesie in superiori parte, et in fundamentis cum aqua benedicta adspergit, dicens:

Adspérges me Dómine hyssópo, et mundábor: lavábis me, et super nivem dealbábor.

Reversi ad locum, unde Processio initium habuit, repetita Antiphona a Clero, Sacerdos stans ut prius versus Ecclesiam, dicit: **Orémus.**

Ministri: **Flectámus génua. R. Leváte.**

Oratio.

Dómine Deus, qui licet cœlo et terra non capiáris, domum tamen dignáris habére in terris, ubi nomen tuum júgiter invocétur: locum hunc, quæsumus, beátæ Mariæ semper Vírginis, et beáti N., omniúmque Sanctórum intercedéntibus méritis, seréno pietátis tuæ intuitu vísitá, et per infusiónem grátiae tuæ ab omni inquinaménto purífica, purificátúmque consérva; et qui dilécti tui David devotiónem in fílii sui Salomónis ópere complevísti, in hoc ópere desidéria nostra perfícere dignéris, effugiántque omnes hinc nequítiae spirituáles. Per Dóminum nostrum Jesum Christum, etc.

R. Amen.

Qua finita Oratione, omnes bini in Ecclesiam intrantes, ad Altare majus procedunt, Litanias decanantes (aut ad calcem hujus libri pag. [2]).

Ubi dictum fuerit: **Ut ómnibus fidélibus defúctis réquiem ætérrnam donáre dignéris: Te**

rogámus, audi nos. surgit Sacerdos, et intelligibili voce dicit:

Ut hanc Ecclésiám, et Altáre ad honórem tuum, et nomen sancti tui N., purgáre, et bene ✠ dícere dignéris: Te rogámus, audi nos.

Cum dicit, **benedícere**, manu dextera benedíct Ecclésiám, et Altáre: deinde, ut prius, genuflectit donec perficiantur Litaníæ, et cantores proseguuntur:

Ut nos exaudíre dignéris, Te rogámus, audi nos.

Fili Dei, Te rogámus, audi nos.

Agnus Dei, qui tollis, etc.

Dícto ultimo **Kyrie eléison**, Sacerdos stans, dicit:

Orémus.

Ministri: **Flectámus génua. R. Leváte.**

Prævéniat nos, quæsumus Dómine, misericórdia tua: et intercedéntibus ómnibus Sanctis tuis, voces nostras cleméntia tuæ propitiatiónis antícipet. Per Christum Dñm nostrum.

R. Amen.

Tum distans ab Altari congruente spatio genuflexus, et se signans, dicit: **Deus in adjutórium meum inténde;** et statim surgit, Clero respondente: **Dómine ad adjuvándum me festína;** ipse vero stans dicit: **Glória Patri, et Fílio, et Spirítui sancto.** Chorus respondet: **Sicut erat in princípío, et nunc, et semper, et in sæcula sæculórum. Amen.**

Postea Sacerdos dicit: **Orémus.**

Ministri: **Flectámus génua.**

R. Leváte.

Oratio.

Omnípotens et miséricors Deus, qui Sacerdótibus tuis tantam præ céteris grátiam contulísti, ut quidquid in tuo nómine digne, perfectéque ab eis ágitur, a te fieri credátur: quæsumus imménsam cleméntiam tuam, ut quidquid modo visitatúri sumus, vísites; et quidquid benedictúri sumus, bene ✠ dícas; sitque ad nostræ humilitátis intróitum, Sanctórum tuórum méritis, fuga dæmónum, Angeli pacis ingrèssus. Per Dóminum nostrum, etc. **R.** Amen.

His dictis, inchoat Antiphonam. **Bé**nedic Dómine domum istam nómini tuo ædificátam, cum tribus **P**salmis sequentibus, videlicet:

Psalms 119.

Ad Dóminum cum tribulárer clamávi: * et exaudivit me.

Dómine líbera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Glória Patri.

Psalms 120.

Levávi óculos meos in montes, * unde véniet auxílium mihi.

Auxílium meum a Dómino, * qui fecit cœlum et terram.

Non det in commotiōnem pedem tuum: * neque dormítet qui custódit te.

Ecce non dormitábit neque dórmiet, * qui custódit Israël.

Dóminus custódit te, Dóminus protéctio tua, * super manum dēxteram tuam.

Per diem sol non uret te: * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum; * ex hoc nunc, et usque in sœculum.

Glória Patri.

Psalmus 121.

Lætátus sum in his, quæ dicta sunt mihi: *
In domum Dómini íbimus.

Stantes erant pedes nostri, * in átriis tuis Jerúsalem.

Jerúsalem, quæ ædificátur ut cívitas: * cuius participátio ejus in idípsum.

Illuc enim adscendérunt tribus, tribus Dómini: * testimónium Israël ad confiténdum nómini Dómini.

Quia illic sedérunt sedes in judício, * sedes super domum David.

Rogáte quæ ad pacem sunt Jerúsalem: * et abundántia diligéntibus te:

Fiat pax in virtúte tua: * et abundántia in túrribus tuis.

Propter fratres meos, et próximos meos, * loquēbar pacem de te.

Propter domum Dómini Dei nostri, * quæ-sívi bona tibi.

Glória Patri.

Antiphona. Bénedic Dómine domum istam nómini tuo ædificátam.

Interim adspersit inferius parietes in parte superiori et inferiori, inchoans adspersionem a parte Evangelii, dicens: **Adspérges me, etc.** tum ad Altare reversus, dicit:

Orémus.

Ministri: Flectámus génua. R. Leváte.

Deus, qui loca nómini tuo dicánda sanctíficas, effúnde super hanc oratiónis domum grátiam tuam: ut ab ómnibus hic nomen tuum invocántibus auxílium tuæ misericórdiæ sentiátur. **Per Dóminum nostrum, etc. R. Amen.**

His peractis, dicitur Missa de tempore occurrenti, vel de Sancto.

Ecclesia vero, quamvis a simplici Sacerdote, ut supra, sit benedicta, ab Episcopo tamen consecranda est

RITUS RECONCILIANDI ECCLESIAM VIOLATAM

SI NONDUM ERAT AB EPISCOPO CONSECRATA.



ecclesiae violatae reconciliatio per Sacerdotem ab Episcopo delegatum fiat hoc modo. Altare Ecclesiae omnino nudetur, provideaturque, ut Ecclesia possit libere circumiri tam exterius, quam interius, si fieri potest. Paretur vasculum cum aqua benedicta, et adspersillum

de herba hyssopi factum. Sacerdos indutus amictu, alba, cingulo, stola, et pluviali albo, adhibitis aliquot Sacerdotibus et Clericis, procedit ad primariam Ecclesiæ portam, ubi stans. Antiphonam incipit, dicens, Clero prosequente:

Adspérges me Dómine hyssópo, et mundábor, lavábis me, et super nivem dealbábor.

Psalmus: *Miserére, etc.* (pag. 98*), totus cum Glória Patri. Quo finito, Antiphona repetitur. Interim dum Antiphona, et Psalmus dicuntur, Sacerdos cum aqua benedicta adspersit in circuitu extrinsecus Ecclesiam, et Cœmeterium, simul adspargendo alternatim ad parietes Ecclesiæ, ac ad terram Cœmeterii, præsertim ad loca contaminata. Quo facto, redit ad locum, ubi incepit adspargere, et stans dicit:

Oremus.

Omnípotens et miséricors Deus, qui Sacerdotibus tuis tantam præ céteris grátiam contulísti, ut quidquid in tuo nómine digne, perfectéque ab eis ágitur, a te fieri credátur: quæsumus imménsam cleméntiam tuam, ut quod modo visitatúri sumus, vísites, et quidquid benedictúri sumus, bene † dÍcas; sitque ad nostræ humilitátis intróitum, Sanctórum tuórum méritis, fuga dæmonum, Angeli pacis ingrèssus. Per Christum Dóminum nostrum.

R. Amen.

Deinde Sacerdos incipit Litanias (ut ad calcem hujus libri pag. [2]) et ingreditur Ecclesiam cum Clero, cantando eas: acceditque ante Altare majus, coram quo genuit: cunctis dictum fuerit:

Ut ómnibus fidélibus defúctis réquiem ætérnam donáre dignéris. R. Te rogámus, audi nos.

Sacerdos surgit, et clara voce dicit:

Ut hanc Ecclesiam, et Altare hoc, ac Cœmetérium purgare, et reconci- & liare digneris.

R. Te rogamus, audi nos.

Quibus dictis, rursus genuflectit, et Litanie perficiuntur. Quibus finitis, Sacerdos versus ad dictum Altare dicit:

Orémus.

Et Ministri: **Flectámus génua. R. Leváte.**

Præveniat nos, quæsumus Dómine, misericórdia tua: et intercedéntibus ómnibus Sanctis tuis, voces nostras cleméntia tuæ propitiatiónis anticipet. Per Christum Dóminum nostrum. **R. Amen.**

Deinde Sacerdos genuflectit ante Altare, et signo crucis muniens, clara voce dicit: **Deus in adiutórium meum inténde;** tum surgit, et Chorus, seu adstantes Clerici respondent: **Dómine ad adiuvándum me festína;** et Sacerdos stans, dicit: **Gloria Patri, et Fílio, et Spirítui sancto. R. Sicut erat in princípio, et nunc, et semper, et in sæcula sæculórum. Amen.**

Quo dicto, Sacerdos inchoat, Clero prosequente.

Antiph. Exsúrgat Deus, et dissipéntur inimíci ejus: et fúgiant, qui odérunt eum, a fácie ejus.

Psalmus 67.

In ecclésiis benedicite Deo Dómino, *
de fóntibus Israël.

Repetitur Antiphona.

**Ibi Bénjamin adolescéntulus, * in mentis ex-
césu.**

Repetitur Antiphona.

Príncipes Juda, duces eórum: * príncipes Zábulon, príncipes Néphtali.

Repetitur Antiphona.

Manda Deus virtúti tuæ: * confírma hoc Deus, quod operátus es in nobis.

Repetitur Antiphona.

A templo tuo in Jerúsalem, * tibi ófferent reges múnera.

Repetitur Antiphona.

Increpa feras arúndinis, congregátio taurórum in vaccis populórum: * ut exclúdent eos, qui probáti sunt argénto.

Repetitur Antiphona.

Díssipa gentes, quæ bella volunt: vénient legáti ex Ægypto: * Æthiopia prævéniét manus ejus Deo.

Repetitur Antiphona.

Regna terræ, cantáte Deo: * psállite Dómino.

Repetitur Antiphona.

Psállite Deo, qui adscéndit super cœlum cœli, * ad Oriéntem.

Repetitur Antiphona.

Ecce dabit voci suæ vocem virtútis, date glóriam Deo super Israël: * magnificéntia ejus, et virtus ejus in núbibus.

Repetitur Antiphona.

Mirábilis Deus in sanctis suis, Deus Israël ipse dabit virtútem, et fortitúdinem plebi suæ, * benedíctus Deus.

Et non dicitur Glória Patri, sed Antiphona repetitur. Interim dum Antiphona et Psalmi prædicti dicuntur. Sacerdos circum Ecclesiam variisq[ue] adper-

gendo: adspergit etiam specialiter loca contaminata. Quo facto, stans in Presbyterio versus ad Altare, dicit:

Deus, qui in omni loco dominationis tuæ clemens et benignus purificator assistis: exaudi nos, quæsumus, et concède; ut in posterum inviolabilis hujus loci permâneat benedictio, et tui muneris beneficia, universitas fidelium, quæ supplicat, percipere mereatur. Per Christum Dóminum nostrum.

R. Amen.

Deinde dicitur Missa de die occurrenti.

Simplex Sacerdos tantum ex privilegio Sedis apostolicæ potest Ecclesiam ab Episcopo consecratam reconciliare, et tunc utatur ritu in Pontificali præscripto; procedatque indutus amictu, alba, cingulo, stola, et pluviali albi coloris, adhibitis secum aliis Presbyteris et Clericis superpelliceis indutis, cum aqua ab Episcopo ad hunc usum rite benedicta.

RITUS BENEDICENDI

NOVUM CŒMETERIUM

PER SACERDOTE M AB EPISCOPO DELEGATUM.

Die quam fiat benedictio, ponitur in medio Cœmeterii benedicendi lignea crux, alta ad staturam hominis et ante ipsam crucem in terra figitur paxillus tridens ligneus, altus ad cubitum unum, aptus ad affligendum illi tres candelas.

Sequenti die mane Sacerdos in sacristia paratus amictu, alba, cingulo, stola, ac pluviali albi coloris, adhibitis aliquot Sacerdotibus et Clericis indutis superpelliceis, qui deferant vasculum aquæ benedictæ, adspér-

gillum, et thuribulum cum incensi navicula, et Rituali libro, et tribus candelis cereis, procedit ad Cœmeterium benedicendum, ante crucem in medio positam, et affliguntur, et accenduntur tres candelæ super lignum paxillum: et Sacerdos ante crucem et candelas stans, discooperto capite, dicit:

Orémus.

Omnípotens Deus, qui es custos animárum, et tutéla salútis, fides credéntium: réspice propítius ad nostræ servitútis officium, et ad intróitum nostrum purgétur, bene † dicátur, et sancti † ficétur hoc Cœmetérium; ut humana córpora hic post vitæ cursum quiescéntia, in magno judícii die simul cum felícibus animábus mereántur adipísci vitæ perénis gaúdia. Per Christum Dóminum nostrum.

R. Amen.

Mox ante ipsam crucem omnes genibus flexis dicunt Litanias ordinarias (ut ad calcem hujus libri pag. [2]), incipiente cantore, ceteris respondentibus; et cum dictum fuerit: **Ut ómnibus fidélibus defúctis, etc. Te rogámus, audi nos.**

Sacerdos surgit, et clara voce dicit, producens manum signum crucis:

Ut hoc Cœmetérium purgáre, et bene † dicere dignéris. R. Te rogámus, audi nos.

Deinde Sacerdos, ut prius, genuflectit, et Litanie perficiuntur.

Quibus finitis, surgunt omnes, et Sacerdos crucem adspergit aqua benedicta, dicens Antiphonam:

Adspérge me Dómine hyssópo, et mundábor: lavábis me, et super nivem dealbábor.

Psalmus: Miserére, etc. pag. 98*, dicitur totus ab adstantibus, cum Glória Patri. Quo dicto, reperitur

Antiphona. Dum dicitur Psalmus, Sacerdos circumit, et perambulat totum Cœmeterium, incipiens ad ejus dexteram, adspargens ubique aqua benedicta: quo facto, redit ante crucem, et ad ipsam respiciens, dicit:

Orémus.

Deus, qui es totius orbis conditor, et humani generis redemptor, cunctarumque creaturarum visibilium et invisibilium perfectus dispositor: te supplici voce, ac puro corde exprecamus; ut hoc Cœmeterium, in quo famulorum, famularumque tuarum corpora quiescere debent, post currícula hujus vitæ labentia, pur + gare, bene + dicere, et sancti + ficare digneris: quique remissionem omnium peccatorum per tuam magnam misericordiam in te confidentibus præstitisti, corporibus quoque eorum in hoc Cœmeterio quiescentibus, et tubam primi Archangeli expectantibus, consolationem perpetuam largiter impertire. Per Christum Dominum nostrum.

R. Amen.

Tunc figit in summitate crucis unam ex tribus candelis ardentibus, et alias duas similiter ardentes in duobus brachiis ejusdem crucis. Deinde incensat ipsam crucem, et adspargens aqua benedicta, redit cum ministris in sacristiam.

ORDO RECONCILIANDI CÆMETERIUM VIOLATUM

SIVE ECCLESIAE CONTIGUUM SIT SIVE SEPARATUM
UBI ECCLESIA NON EST POLLUTA.



Mane diei, qua facienda est reconciliatio, Sacerdos, si ab Episcopo facultatem habeat, adhibitis aliis Sacerdotibus et Clericis indutis superpelliceis, in sacristia, aut alio decenti loco, vestitus amictu, alba, cingulo, stola, et pluviali albi coloris, accedit ad medium Cœmeterii, Clerico vasculum aquæ benedictæ, et adspergillum deferente: et ibi super tapete genuflectit una cum ministris; et cantores, alique omnes genibus flexis, dicunt Litanias (ut ad calcem hujus libri (pag. [2]). In quibus cum dictum fuerit: **Ut ómnibus fidélibus defúnctis, etc. Te rogámus, audi nos.**

Sacerdos surgit, et manu dextera producens signum crucis super Cœmeterium, clara voce dicit:

Ut hoc Cœmetérium recon + ciliáre, et sancti + ficáre dignéris.

R̃. Te rogámus, audi nos.

Quibus dictis, ut prius, genuflectit, cantoribus Litanias perficientibus. Quibus finitis, surgunt omnes, et Sacerdos, accepto adspergillo cum aqua benedicta, inchoat Antiphonam:

Adspérges me Dómine hyssópo, Clero prosequente, et mundábor: lavábis me, et super nivem dealbábor.

Psalm.: Miserére, etc. (pag. 98*), dicitur totus sine Glória Patri.

In fine repetitur Antiphona: Adspérges me, etc.

Dum hæc dicuntur, Sacerdos circuit totum Cœmeterium, incipiens ad ejus dexteram, adspergens ubi-

que aqua benedicta, præsertim in loco, ubi violentia commissa est. Quo peracto, recti ad locum ubi Litanie dicte fuerunt, et ibi stans dicit:

Orémus.

Et Ministri: Flectámus génua. R. Leváte.

Dómine pie, qui agrum fíguli prétio sánguini tui in sepultúram peregrinórum comparári voluísti: quæsumus, dignánter reminiscere clementíssimi hujus mystérii tui. Tu es enim Dómine fígulus noster: tu quiétis nostræ ager: tu agri hujus prétium. Tu dedísti étiam, et suscepísti. Tu de prétio tui vivífici ságuinis nos requiêscere donásti. Tu ergo Dómine, qui es offensiónis nostræ clementíssimus indúltor, expectantíssimus judicátor, júdicii tui superabundantíssimus miserátor: júdiciu tuæ justíssimæ severitátis abscóndens, post miseratióem tuæ piæ redemptiόνis, adésto exaudítor, et efféctor nostræ reconciliatiónis: hocque Cœmetérium peregrinórum tuórum, cœléstis pátriæ incolátum expectántium, benígnus purífica, et reconcília; et hic tumultórum et tumultandórum córpora, de poténtia et pietáte tuæ resurrectiόνis ad glóriam incorruptiόνis, non damnans, sed gloríficans resúscita. Qui ventúrus es judicáre vivos, et mórtuos, et sæculum per ignem. R. Amen.

**RITUS ABSOLVENDI ET BENEDICENDI
POPULOS ET AGROS
EX APOSTOLICÆ SEDIS INDULTO.**




cepto diplomate pontificio, constituatur dies Dominica. Delegato et populo commodior, pro ejusdem diplomatis publicatione, et executionis inchoatione.


Die constituta, mane fiat concio, qua doceatur populus de contentis in diplomate pontificio, et de preparatione ad futuram Absolutionem, et Benedictionem. Deinde Missa celebretur a Delegato *pro remissione peccatorum*, sine *Glória in excelsis*, cum unica Oratione, et *Credo*, in paramentis violaceis: qua finita, deposita casula et manipulo, induatur Celebrans pluviali violaceo, et si sit Episcopus, mitram simplicem assumat; et omnibus genuflexis ante Altare, canentur Litanie Sanctorum (ut ad calcem hujus libri pag. [2]), omissis Precibus et Orationibus post eas dici solitis.

Scilicet Delegatus, finitis Litiis, cooperto capite, in sede sibi parata super scabello Abaris, vel in sede episcopuli, si est Episcopus, seu super faldistorio posito super dicto scabello, cum duobus Ministris paratis more diaconali et subdiaconali sine manipulis, adstantibus libere inde a lateribus omnibus de Clero; et alia vice ab aliquo legatur diploma, audiente populo: quo lecto, dicat Delegatus: *Deo grátias*.


Tunc nomine populi ille, qui ibi pro Diacono assistit, profunde inclinatus a sinistris Delegati facit confes-
sorem in cantu.




(on-fí-te - or De-o o-mni-po-tén-ti, be-



á-tæ Ma-rí-æ semper Vír-gi-ni, be-á-to



Mi-cha-é-li Archán-ge-lo, be-á-to Jo-
án-ni Ba-ptí-stæ, sanctis A-pó-sto-lis
Pe-tro et Pau-lo, ómni-bus Sanctis, et
ti-bi Pa-ter, qui-a pec-cá-vi nimis co-gi-
ta-ti-ó-ne, verbo et ó-pe-re: me-a culpa,
me-a cul-pa, me-a má-xi-ma cul-pa.
Id-e-o pre-cor be-á-tam Ma-rí-am
semper Vír-gi-nem, be-á-tum Mi-cha-é-
lem Archán-ge-lum, be-á-tum Jo-án-nem
Ba-ptí-stam, sanctos A-pó-sto-los Petrum



Qua finita, si est Episcopus, assumpto baculo pasto-
rali in sinistra manu, et adhuc sedens cooperto capite,
incipit Psalmum **Miserére**. (pag. 98*, et in fine **Glória**
Patri: et prosequitur alium Psalmum:

Deus misereatur nostri, et benedicat nobis:
* illúminet vultum suum super nos, et
misereatur nostri,

Ut cognoscámus in terra viam tuam: * in
ómnibus géntibus salutáre tuum.

Confiteántur tibi pópuli, Deus: * confiteán-
tur tibi pópuli omnes.

Læténtur, et exsúltent gentes: * quóniam
júdicas pópulos in æquitáte, et gentes in terra
dírigis.

Confiteántur tibi pópuli, Deus, confiteántur
tibi pópuli omnes: * terra dedit fructum suum.

Benedícat nos Deus, Deus noster, benedícat
nos Deus: * et métuant eum omnes fines terræ.

Glória Patri.

Super universum Clerum et populum genuflexum,
recitando tales Psalmos sine cantu, alternatim a Dele-
gato, et a Clero.

Quibus finitis, Delegatus stans detecto capite, baculoque deposito, si est Episcopus, versus populum manibus junctis, dicat:

Kyrie eléison. Respondet Clerus:

Christe eléison. Kyrie eléison.

Pater noster.

V. Et ne nos indúcas in tentatiónem.

R. Sed libera nos a malo.

V. Salvos fac servos tuos.

R. Deus meus, sperántes in te.

V. Nihil proficiat inimicus in eis.

R. Et fílius iniquitátis non appónat nocére eis.

V. Esto eis Dómine turris fortitúdinis.

R. A fácie inimici.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Deus, cui próprium est miseréri semper, et párcere, súscipe deprecatiónem nostram: ut nos et omnes fámulos tuos, quos delictórum caténa constríngit, miserátio tuæ pietátis cleménter absólvat. Per Dóminum nostrum.

R. Amen.

Deinde sedens Delegatus cooperto capite, et si est Episcopus, assumpto baculo, dicit:

Misereátur vestri omnípotens Deus, et dimíssis peccátis vestris, perdúcat vos ad vitam ætérnam. **R.** Amen.

Indulgéntiam, absolutiόnem, et remissiόnem peccatórum vestrórum tríbuat vobis omnípotens et miséricors Dóminus. **R.** Amen.

Manuque dextera super populum genuflexum extensa, addit:

Auctoritate Dei omnipotentis, et beatorum Apostolorum Petri et Pauli, a sanctissimo Domino nostro Papa N. mihi concessa, absolvo vos et omnes hujus loci, ab omni vinculo excommunicationis, suspensionis, interdicti, aliisque ecclesiasticis sententiis, censuris, et poenis, etiam in litteris die Coenae Domini solitis legi contentis, per vos incursis, quas modo ignoratis, juxta tenorem pontificii diplomatis proxime lecti. Et restituo vos omnes communioni, et unitati fidelium, et sanctis sacramentis Ecclesiae. In nomine Patris ✠, et Filii, et Spiritus sancti. *R.* Amen.

Si est Episcopus, facit ter signum crucis.

Tunc Delegatus adhuc sedens, per se ipsum, vel alium firmioris vocis, indicet dies tres singillatim pro jejunio: et decernat diem Dominicam sequentem, vel aliam arbitrio suo, pro communione, Benedictione agrorum et populi, et Indulgentia plenaria.

Die constituta, populus universus debet communicare, et hora competenti Delegatus cantabit Missam, quae est ad finem Missalis, sub titulo *Pro quacumque necessitate*, cum paramentis violaceis, sine Glória, cum unica Oratione, et Credo.

Et in fine Missae Celebrans benedicit de more, et si est Episcopus, non dat Indulgentias.

Finita Missa, Delegatus, et duo Ministri assumunt paramenta alba, et si est Episcopus, mitram pretiosam: et genuflexis ante Altare cum universo Clero et populo cantantur Litaniae Sanctorum (ut ad calcem hujus libri pag. [2]), repetito ter

V. Ut fructus terrae dare, et conservare digneris: Te rogamus, audi nos.

Illisque finitis, Delegatus stans detecto capite, manibus junctis dicit: **Pater noster**, secreto.

V. Et ne nos indúcas in tentatiónem.

R. Sed libera nos a malo.

Et additur a Clero in cantu:

Psalmus 84.

Benedixísti Dómine terram tuam: * aver-
tísti captivitátem Jacob.

Remisísti iniquitátem plebis tuæ: *
operuísti ómnia peccáta eórum.

Mitigásti omnem iram tuam: * avertísti ab
ira indignatiónis tuæ.

Convérte nos Deus salutáris noster: * et a-
vérte iram tuam a nobis.

Numquid in ætérnum irascéris nobis? * aut
exténdes iram tuam a generatióne in genera-
tióne?

Deus tu convérsus vivificábis nos: * et plebs
tua lætábitur in te.

Osténde nobis Dómine misericórdiam tuam:
* et salutáre tuum da nobis.

Aúdiam quid loquátur in me Dóminus Deus:
* quóniam loquétur pacem in plebem suam.

Et super sanctos suos: * et in eos, qui con-
vertúntur ad cor.

Verúmtamen prope timéntes eum salutáre
ipsíus: * ut inhábitet glória in terra nostra.

Misericórdia, et véritas obviavérunt sibi: *
justítia, et pax osculátæ sunt.

Véritas de terra orta est: * et justítia de
cœlo prospéxit.

Etenim Dóminus dabit benignitátem: * et terra nostra dabit fructum suum.

Justítia ante eum ambulábit: * et ponet in via gressus suos.

Glória Patri.

Quo finito, Delegatus dicit:

V. Benedíces coronæ anni benignitátis tuæ.

R. Et campi tui replebúntur ubertáte.

V. Oculi ómnium in te sperant Dómine.

R. Et tu das illis escam in témpore opportúno.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus, refúgium nostrum et virtus: adésto piis Ecclésiæ tuæ précibus, auctor ipse pietátis, et præsta; ut quod fidéliter pétimus, effícaciter consequámur.

D^eeus, qui in omni loco dominationis tuæ clemens et benígnus assístis: exaúdi nos, quæsumus, et concéde; ut in pósterum inviolábilis hujus loci permáneat bene † díctio, et tui mún^{er}is benefícia, univér^sitas hæc fidélium, quæ súpplicat, percípere mereátur.

O^rámu^s pietátem tuam, omnípotens Deus: ut fructus terræ, quos áëris et plúviæ temperaménto nutrír^e dignáris, benedictiónis tuæ imbre perfúndas, et tríbuas huic pópulo tuo

de tuis munéribus tibi semper grátias ágere; ut fertilitáte terræ, esuriéntium ánimas bonis affluéntibus répleas, et egénus et pauper laudent nomen glóriæ tuæ. Per Christum Dóminum nostrum. R. Amen.

Postea assumpto baculo, si est Episcopus, et co-operto capite dicit Delegatus:

Benedíctio Dei omnipoténtis, Patris †, et Filii, et Spíritus sancti, super agros, et bona quæcúmque loci hujus, plena descéndat, et máneat semper. R. Amen.

Si est Episcopus, facit ter signum crucis.

Deinde accepto de manu dignioris de Clero aquæ benedictæ adpersorio adspersit versus quatuor mundi partes, dicens sine cantu, et sine Psalmo Antiphonam:

Adspérges me hyssópo, et mundábor: lavábis me, et super nivem dealbábor.

Pro Benedictione populi, operto capite, manibus junctis, dicit: **Pater noster.** secreto.

V. **Et ne nos indúcas in tentatiónem.**

R. **Sed líbera nos a malo.**

V. **Salvos fac servos tuos.**

R. **Deus meus, sperántes in te.**

V. **Non secúndum peccáta nostra fácias nobis.**

R. **Neque secúndum iniquitátes nostras retríbuas nobis.**

V. **Mitte nobis Dómine auxílium de sancto.**

R. **Et de Sion tuére nos.**

V. **Dómine exaúdi oratiónem meam.**

R. **Et clamor meus ad te véniat.**

V. **Dóminus vobíscum.**

R. **Et cum spíritu tuo.**

Orémus.

Protéctor in te sperántium, Deus, exaúdi preces pópuli tui, et præsta; ut véniat super nos sperátæ a te benedictiónis ubértas, et pietátis tuæ munéribus júgiter perfruámur. Per Dóminum nostrum. R. Amen.

Tunc Diaconus cantat alta voce: **Humiliáte vos ad apostólicam Benedictiónem.** Et Delegatus stans operto capite, et si est Episcopus, baculum sinistra tenens manu, benedicit semel, et si est Episcopus, ter, dicens:

Auctoritáte Dei omnipoténtis, et beatórum Apostolórum Petri et Pauli, et sanctíssimi Dómini nostri Papæ N., benedíco vos, et omnes hujus loci: In nómine Patris †, et Fílii, et Spíritus sancti. R. Amen.

Demum cantatur Hymnus **Te Deum**, inchoatus a Delegato; quo finito, Delegatus cantat Orationem pro gratiarum actione.

Orémus.

Deus, cujus misericórdiæ non est númerus, et bonitátis infínitus est thesaúrus: piíssimæ majestáti tuæ pro collátis donis grátias ágimus, tuam semper cleméntiam exorántes; ut qui peténtibus postuláta concédís, eósdem non déserens, ad præmia futúra dispónas. Per Dóminum nostrum. R. Amen.

Cantores addunt: **Benedicámus Dómino.**

R. Deo grátias.

**METHODUS INDICATIONIS PRÆMITTENDÆ
PONTIFICIÆ BENEDICTIONI**

STATIS DIEBUS SUPER POPULUM ELARGIENDÆ

RITUSQUE IN EA SERVANDUS A REGULARIBUS
QUIBUS A S. SEDE HUIUSMODI FACULTAS INDULTA
EST VEL INDULGEBITUR.



Admoneatur populus de Indulgentia a Sede apostolica concessa, de praeceptis operibus pro ea lucrificanda, de die, quo visitanda est designata Ecclesia, de hora denique, qua dabitur pontificia Benedictio. De quibus, quatenus opus sit, etiam schedis impressis, et consuetis locis palam affixis, certior fiat.

Postquam statutis die et hora populus ad Ecclesiam convenerit, alta voce legantur apostolicae litterae, seu decreta, quibus Indulgentia conceditur, una cum potestate Benedictionem apostolicam super populum elargiendi, ut de delegatione audientibus constet; et concessio, ex latino sermone in vulgarem accommodatum ad populi intelligentiam conversa, prænuntiatur. Populus ad suorum scelerum detestationem pio brevique sermone excitetur: post quæ Sacerdos, nullis circumstantibus ministris, stola et superpelliceo indutus, ut in Rituali præscribitur, quum agitur de benedictionibus, quæ extra Missam Presbyteris permittuntur, ante Altare genuflexus sequentibus verbis Dei opem hoc imploret.

V. Adjutórium nostrum in nómine Dómini.

R. Qui fecit cœlum et terram.

V. Salvum fac pópulum tuum Dómine.

R. Et bénedic hæreditáti tuæ.

V. Dóminus vobíscum.

R. Et cum spíritu tuo.

Deinde stans sequentem recitet Orationem.

Orémus.

Omnípotens et miséricors Deus, da nobis auxílium de sancto, et vota pópuli hujus in humilitáte cordis véniam peccatórum poscéntis, tuámque benedictiónem præstolántis et grátiam, cleménter exaúdi: délixteram tuam super eum benígnus exténde, ac plenitúdinem divínæ benedictiónis effúnde, qua bonis ómnibus cumulátus, felicitátem et vitam consequátur ætérnam. Per Christum Dóminum nostrum.

R. Amen.

Post quam ad cornu Epistolæ accedat sicut in Actis Ecclesie Mediolanensis, parte 4: *Benedicet in Ecclesia, ad Altare, stans in cornu Epistolæ*; et stans in cornu Epistolæ, non trina, hoc est, triplici signo crucis, sed una benedictione, unico videlicet signo crucis, benedicat, proferens alta voce hæc verba:

Benedícat vos omnípotens Deus +, Pater, et Fílius, et Spíritus sanctus.

R. Amen.

BENEDICTIO CRUCIS PECTORALIS.

Ex Pontificali Romano P. II.

Ad benedicendam Crucem pectoralem, Sacerdos delegatus potest uti forma assignata pro benedictione Crucis profliciscentium in subsidium Terræ sanctæ, ut sequitur.

V. Adjutórium nostrum in nómine Dómini.

R. Qui fecit cœlum, et terram.

V. Dóminus vobíscum.

R. Et cum spíritu tuo.

Orémus.

Quoniam omnipotens Deus, qui Crucis signum pretioso Filii tui Sanguine dedicasti, qui-
que per eandem Crucem Filii tui Domini nostri Jesu Christi mundum redimere voluisti, et per virtutem ejusdem venerabilis Crucis humanum genus ab antiqui hostis chirographo liberasti: te suppliciter exoramus; ut digneris hanc Crucem paterna pietate benedicere, et celestem ei virtutem et gratiam impertire: ut quicumque eam in passionis et crucis Unigeniti tui signum ad tutelam corporis et animæ super se gestaverit, celestis gratiæ plenitudinem in ea, et munimen valeat tuæ benedictionis accipere. Quemadmodum virgam Aaron ad rebellium perfidiam repellendam benedixisti, ita et hoc signum tua dextera benedicere: et contra omnes diabólicas fraudes virtutem ei tuæ defensionis impendas; ut portantibus illud animæ pariter et corporis prosperitatem conferat salutarem, et spirituália in eis dona multiplicet. Per eundem Christum Dominum nostrum. R. Amen.

Deinde adspersit Crucem ipsam aqua benedicta.

BENEDICTIO SOLEMNIOR IMAGINIS B. M. V.

Juxta Pontificale Romanum P. II.

Sacerdos delegatus benedicturus imaginem B. Mariæ Virginis, paratus superpelliceo, stola et pluviali albi coloris, stans dicit:

V. Adjutorium nostrum in nomine Domini.

R. Qui fecit cælum et terram.

V. Dóminus vobíscum.

R. Et cum spírítu tuo.

Orémus.

Deus, qui de beátæ Mariæ Vírginis útero Verbum tuum, Angelo nuntiánte, carnem suscípere voluísti: præsta supplicibus tuis; ut qui vere eam Genitricem Dei crédimus, ejus apud te intercessiόνibus adjuvémur. Per eúmdem Christum Dóminum nostrum. R. Amen.

Quo facto, adspersit figuram aqua benedicta. Deinde inchoat, schola prosequente, Antiphonam: Sub tuum præsidium.

Qua incepta, et dum ea cantatur, thurificat imaginem ipsam ter ducens thuribulum.

Antiphona ton. 2.

Sub tuum præsidium confúgimus, sancta Dei Génitrix: nostras deprecationes ne despicias in necessitatibus; sed a periculis cunctis libera nos semper, Virgo gloriósa et benedícta.

Temp. Paschali Ant. Allelúja, allelúja,

Psalmus. Fundaménta ejus. ut supra pag. 33. Dicitur totus cum Glória Patri.

Deinde dicitur Antiphona:

Ave María, grátia plena: Dóminus tecum: benedícta tu in muliéribus. Allelúja.

Psalmus 122.

Ad te levávi óculos meos, * qui hábitas in coelis.

Ecce sicut óculi servórum, * in mánibus dominórum suórum.

Sicut óculi ancíllæ in mánibus dómínæ suæ;

* ita óculi nostri ad Dóminum Deum nostrum, donec misereátur nostri.

Miserére nostri Dómine, miserére nostri: * quia multum repléti sumus despectióne.

Quia multum repléta est ánima nostra: * oppróbrium abundántibus, et despéctio supérbis.

Glória Patri. Sicut erat.

Finitis Antiphonis et Psalmis prædictis, Sacerdos dicit:

Orémus.

Deus, qui virginálem aulam beátæ Mariæ Vírginis, in qua hábitáres, elígere dignátus es: da, quæsumus; ut sua nos defensióne munítos, jucúndos fácias suæ interésse commemoratióni: Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. R. Amen.

Deinde Sacerdos incipit Antiphonam, schola prosequente.

O gloriósa Dei Génitrix, Virgo semper María, quæ Dóminum ómnium meruísti portáre, et Regem Angelórum sola Virgo lactáre: nostri, quæsumus, pia memoráre, et pro nobis Jesum Christum deprecáre: ut tuis fultí patrociníis, ad coeléstia regna mereámur perveníre.

Canticum B. M. V. Magnificat. pag. 36*.

Finito Cantico, dicit:

Orémus.

Deus, qui de beátæ Mariæ Vírginis útero Verbum tuum, Angelo nuntiánte, carnem suscípere voluísti: præsta supplicibus tuis; ut qui vere eam Genitricem Dei crédimus,

ejus apud te intercessiónibus adjuvémur. Per eúndem Christum Dóminum nostrum.


R. Amen.

Orémus.

Omnípotens sempitérne Deus, clementíssima cujus dispensatióne cuncta creántur ex níhilo, hanc imáginem in honórem piíssimæ Genitrícis Fílii tui Dómini nostri Jesu Christi venerabíliter adaptátam bene † dicere, et sancti † ficáre dignéris: et præsta, misericordíssime Pater, per invocatiónem nóminis tui, atque ejúsdem unigéniti Fílii tui Dómini nostri Jesu Christi, quem pro salúte géneris humáni, integritáte Vírginis Mariæ serváta, incarnári voluísti; quátenus précibus ejúsdem sacratíssimæ Vírginis, quicúmque eámdem misericórdiæ Regínam, et gratiosíssimam Dóminam nostram coram hac effígie suppliciter honoráre studúerint, et de instántibus perículis eruántur, et in conspéctu divínæ majestátis tuæ de commíssis véniam ímpetrent; ac mereántur in præsénti grátiam, quam desíderant, adipísci, et in futúro perpétua salvatióne cum eléctis tuis váleant gratulári. Per eúndem Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Ultimo adspergit Imaginem aqua benedicta.



BENEDICTIO SOLEMNIOR CAPSARUM PRO RELIQUIIS

et aliis Sanctuariis includendis.

Juxta Pontificale Rom. P. II.

Sacerdos delegatus capsas pro Reliquiis, et aliis sanctuariis includendis, benedicere volens, stans dicit:

V. Adjutórium nostrum in nómine Dómini.

R. Qui fecit cœlum et terram.

Oremus, dilectíssimi nobis, Deum Patrem omnipoténtem: ut qui ómnia per unigénitum Fílium suum in virtúte Spíritus sancti valde bona creávit, ipse nobis indígnis ad consecrationem harum capsárum, Reliquiis Sanctórum suórum condéndis paratárum, rorem grátiae suæ cleménter infúndere dignétur. Per eúndem Dóminum nostrum Jesum Christum Fílium suum: Qui cum eo vivit et regnat in unitáte Spíritus sancti Deus.

Deinde extensis manibus ante pectus, dicit Prefationem.

V. Per ómnia sœcula sæculórum. R. Amen.

V. Dóminus vobíscum. R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Vere dignum et justum est, æquum et salutáre, nos tibi semper, et ubíque grátias ágere: Dómine sancte, Pater omnípotens, ætérne Deus inæstimábilis, Deus ineffábilis, Deus misericordiárum, et totíus consolatiónis: Qui Móysi fámulo tuo præcepísti, ut juxta exémplar quod

ei in monte demonstrásti, arcam de lignis imputribílibus constrúeret, et eam auro mundíssimo circúmdaret, in qua urna aúrea manna coelésti plena, cum tábulis testaménti dígitó Majestátis tuæ conscríptis, in testimónium futúris generatióibus servári debéret: Quique nostris sáculis éadem sacrátius intelligénda manifestásti, dum Corpus únici Fílii tui, ópere Spíritus sancti de incorrúpta Vírgine concéptum, et ánima rationáli vivificátum, omni plenitúdine divinitátis replésti: Te supplicíter implorámus, omnípotens Deus, Pater Dómini nostri Jesu Christi, ex quo omnis patrérnitas in cœlo et in terra nominátur, ut hæc váscula, Sanctórum tuórum pignóribus præparáta, eísdem Sanctis tuis intercedéntibus, coelésti benedictióne perfúndere dignéris: quátenus qui horum patrocínia requírunť, ipsis intercedéntibus cuncta sibi adversántia te adjuvánte superáre, et ómnia cómmode profutúra, abundantia largitátis tuæ, mereántur inveníre. Et sicut illi, te Dómine inspiránte, spirituálium nequitiárum versútias cavére, et humánitus exquisíta torménta non solum contémnere, sed étiam pénitus evíncere, Christo Dómino confortánte, potuérunt; ita ipsórum mérita venerántibus, et reliquias humíliter amplecténtibus, contra diábolum et ángelos ejus, contra fúlmina et tempestátes, contra grándines et várias pestes, contra corrúptum áërem et mortes hóminum, vel animálium, contra fures et latrónes, sive géntium incursiões, contra malas

béstias et serpéntium ac reptántium diversísimas formas, contra malórum hóminum adinventiónes péssimas, eorúmdem Sanctórum tuórum précibus complacátus, délixeram invíctæ poténtiæ tuæ ad depulsiónem nocivórum, et largitátem proficuórum semper et ubíque propítius exténde.

Quod sequitur, dicit submissa voce legendo, ita tamen, quod a circumstantibus possit audiri.

Per eúmdem Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

Tum adhuc stans dicit:

V. Dóminus vobíscum.

R. Et cum spíritu tuo.

Orémus.

Dómine Deus omnípotens, qui ut murmur insáni pópuli compésceres, et sacerdotium Aaron tibi plácitum comprobáres, virgam ejus áridam germináre, et flores fructíferos producere fecísti, eamdémque in arca testaménti pro signo virtútis tuæ poni jussísti, sed et nobis eódem præságio Christum in ara crucis arefáctum, tértia die resurrectione refluórescere, et in Ecclésia novíssimo témpore resuscitánda per mortem suam die ac nocte fructificáre demonstrásti: te, quæsumus, indulgentíssime gèneris humáni provísor; ut hæc váscula, Sanctórum tuórum receptáculo præparáta, ita grátuita grátia sanctífices, ut ubicúmque in tuo nómine perláta fúerint, intercedéntibus habita-

tórum ipsórum méritis, cuncta advérſa repéllas et nullífices, et ómnia utília múltiplices, atque custódias; quátenus fidéles tui magnitúdine, sive universitaté beneficiórum tuórum, in parte módica reliquiárum, íntegra Sanctórum córpora se percepísse gratuléntur, et per temporália loca ipsórum précibus impénsa, ad ætérna cum eis gaúdia possidéndá fiduciálius animéntur. Per eúmdem Dóminum nostrum Jesum Christum Fílium tuúm: qui tecum vivit et regnat in unitáte Spíritus sancti Deus, per ómnia sæcula sæculórum. R̃. Amen.

Tunc adspergit eas aqua benedicta.

BENEDICTIO ET IMPOSITIO CRUCIS

proficiscentibus in subsidium et defensionem
fidei christianæ, seu recuperationem Terræ
sanctæ.

Juxta Pontificale Rom. P. II.

Iprofecturus in subsidium et defensionem fidei christianæ, seu recuperationem Terræ sanctæ, genuflectit ante Sacerdotem delegatúm, coram quo unus Ministrorum tenet Crucem benedicendam illi imponendam. Tum Sacerdos dicit super Crucem:

V. Adjutórium nostrum in nómine Dómini.

R̃. Qui fecit cœlum et terram.

V. Dóminus vobíscum.

R̃. Et cum spíritu tuo.

Oratio. Omnípotens Deus, qui crucis signum. (ut supra pag. 59).

Deinde Sacerdos adspergit Crucem ipsam aqua benedicta, et super recepturum ipsam dicit:

Orémus.

Dómine Jesu Christe, Fili Dei vivi, qui es verus et omnípotens Deus, splendor et imágo Patris, et vita ætérna, qui tuis discípu-lis asseruísti, ut quicúmque vult post te veníre, semetípsum ábneget, et suam crucem tollens te sequá-tur: quæsumus immén-sam cleméntiam tuam; ut hunc fámulum tuum, qui juxta verbum tuum seípsum abnegá-re, suámque crucem tóllere, et te sequi, ac contra inimícos nostros pro salúte pópuli tui elécti properáre et pugnáre desíderat, semper et ubíque prótegas, ac a perículis ómnibus éruas, et a vínculo peccatórum absólvas, acce-ptúmque votum ad efféctum dedúcas optátum. Tu, Dómine, qui es via, véritas, et vita, et in te sperántium fortitúdo, ejus iter bene dispónas, et próspera cuncta concédas; ut inter præ-séntis sáculi angústias, tuo semper auxílio gubernétur. Mitte ei, Dómine, Angelum tuum Ráphaëlem, qui Tobíæ comes fuit in itínere suo, ejúsque patrem a córporis cæcitaté libe-rávit: in eúndo et redeúndo sit ei defénsor contra omnes visíbiles et invisíbiles hostis in-sídi-as, et omnem mentis et córporis ab eo cæ-citatém repéllat: Qui cum Deo Patre et Spíritu sancto vivis et regnas Deus, per ómnia sæcula sæculórum. *R.* Amen.

Tum imponit illi Crucem, dicens:

Accipe signum Crucis, in nómine Pa ✠ tris, et Fí ✠ lii, et Spíritus ✠ sancti, in figúram crucis, passiónis, et mortis Christi, ad tui cór-

poris et animæ defensionem: ut divínæ bonitátis grátia, post iter explétum, salvus et emendátus ad tuos váleas remeáre. Per Christum Dóminum nostrum. R. Amen.

Demum adspersit Cruce signatum áqua benedicta.

BENEDICTIO ARMORUM.

Juxta Pontificale Romanum. P. II.

Sacerdos delegatus benedicturus arma, quæ aliquis Ministrorum coram eo tenet, aut supra altare, vel aliquam mensam ponuntur, stans dicit:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

O rémus.

Benedíctio Dei omnipoténtis Pa- tris, et Fí-lii, et Spíritus sancti, descéndat super hæc arma, et super induéntem ea, quibus ad tuéndam justítiam induátur. Rogámus te, Dómine Deus, ut illum prótegas et deféndas: Qui vivis et regnas Deus, per ómnia sæcula sæculórum. R. Amen.

Alia Oratio.

O rémus.

D^eus omnípotens, in cujus manu victória plena consístit, quique étiam David ad expugnándum rebéllem Golíam vires mirábiles tribuísti, cleméntiam tuam húmili prece depóscimus: ut hæc arma almífica pietáte benedícere dignéris; et concéde fámulo tuo N. eadem gestáre cupiénti, ut ad munímen ac de-

fensionem sanctæ matris Ecclesiæ, pupillorum, et viduarum, contra invisibîlium et visibîlium hóstium impugnationem, ipsis libere et victoriöse utátur. Per Christum Dóminum nostrum.

R. Amen.

Deinde adspergit ea aqua benedicta.

BENEDICTIO ENSIS.

Juxta Pontificale Rom. P. II.

Sacerdos delegatus ensem benedicere volens, illo cui tradendus est, coram eo genuflectente, quem unus ex Ministris coram eo tenet, stans dicit:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Bene ✠dicere dignéris, quæsumus Dómine, ensem istum: et hunc fámulum tuum, qui eum, te inspiránte, suscipere desiderat, pietátis tuæ custódia múnias, et illæsum custódias. Per Christum Dóminum nostrum.

R. Amen.

Deinde adspergat ensem aqua benedicta. Tum tradit eum illi, cui tradendus est, genuflexo coram eo permanente, dicens:

Accipe ensem istum, in nómine Pa ✠ tris, et Fí ✠ lii, et Spíritus ✠ sancti, et utáris eo ad defensionem tuam ac sanctæ Dei Ecclesiæ, et ad confusiónem inimicórum Crucis Christi ac fidei christiánæ: et quantum humana fragilitas permíserit, cum eo néminem injúste

lædas. Quod ipse tibi præstare dignetur, qui cum Patre et Spíritu sancto vivit et regnat Deus in sæcula sæculórum. R̃. Amen.

BENEDICTIO ET TRADITIO VEXILLI BELLICI

Iuxta Pontificale Rom. P. II.

Sacerdos delegatus Vexillum bellicum, quod unus ex Ministris coram eo tenet, benedicere volens, stans dicit:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Quoniam omnipotens sempitérne Deus, qui es cunctórum benedictio, et triumphántium fortitúdo: réspice propítius ad preces humilitátis nostræ; et hoc Vexillum, quod bello úsui præparátum est, cœlésti bene ✠ dictióne sanctífica; ut contra adversárias et rebélles nationes sit válidum, tuoque munímine circumseptum, sitque inimícis christiáni pópuli terríbile, atque in te confidéntibus solidaméntum, et certa fidúcia victóriæ. Tu enim es Deus, qui cónteris bella, et cœléstis præsidii sperántibus in te præstas auxílium. Per únicum Fílium tuum, Christum Dóminum nostrum: qui tecum vivit et regnat in unitáte Spíritus sancti Deus, per ómnia sæcula sæculórum. R̃. Amen.

Deinde adspersit Vexillum aqua benedicta. Tum genuflexo coram eo illo, cui Vexillum tradendum est, consignat ei ipsum Vexillum, dicens:

Accipe Vexillum cœlesti benedictione sanctificatum: sitque inimicis pópuli christiáni terríbile: et det tibi Dóminus grátiam, ut, ad ipsíus nomen et honórem, cum illo hóstium cúneos poténter pénètres incólumis et secúrus.

Deinde dat ei osculum pacis, dicens: Pax tibi.

ALIÆ BENEDICTIONES

IN RITUALI ROMANO SUB DIVERSIS TITULIS
CONTENTÆ.

BENEDICTIO FONTIS BAPTISMI

extra Sabbatum Paschæ et Pentecostes,
cum aqua consecrata non habetur.

In fine tit. de Baptismo.

Primum lavatur, et mundatur vas Baptisterii, deinde limpida aqua repletur. Tum Sacerdos cum suis Clericis, vel etiam aliis Presbyteris, Cruce et duobus cereis præcedentibus, ac thuribulo et incenso, et cum vasculis Chrismatis, et Olei Catechumenorum, descendit ad Fontem, et ibi, vel ante Altare Baptisterii dicit Litaniam ordinariam, prout habetur infra (ad calcem hujus libri, pag. [2]). Et ante V. **Ut nos exaudíre dignéris**, dicat et secundo repetat sequentem

V. Ut Fontem istum ad regenerándam tibi novam prolem benedícere ✠, et consecráre ✠ dignéris.

R. Te rogámus audi nos.

Potest etiam dici Litania brevior, ut in Missali in Sabbato sancto.

Et dicto ultimo *Kyrie eléison*, Sacerdos dicat: *Pater noster*, et *Credo in Deum*, etc. omnia clara voce: quibus finitis dicat:

V. Apud te, Dómine, est fons vitæ.

R. Et in lúmine tuo vidébimus lumen.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Qmnípotens, sempitérne Deus, adésto magnæ pietátis tuæ mystériis, adésto sacraméntis: et ad recreándos novos pópulos, quos tibi fons Baptísmatis párturit, spíritum adoptiόνis emítte; ut quod nostræ humilitátis geréndum est ministério, virtútis tuæ impleátur efféctu. Per Dóminum nostrum Jesum Christum, etc. R. Amen.

Exorcismus aquæ.

Exorcízo te, creatúra aquæ, per Deum ✝ vivum, per Deum ✝ verum, per Deum ✝ sanctum, per Deum, qui te in princípío verbo separávit ab árida, cujus super te spíritus ferebátur, qui te de paradíso manáre jussit.

Hic manu aquam dividat, et deinde de ea effundat extra marginem Fontis; versus quatuor orbis partes, prosequens:

Et in quátuor flumínibus totam terram rigáre præcépit: qui te in desérto amáram per lignum dulcem fecit atque potábilem; qui te de petra prodúxit, ut pópulum, quem ex Ægypto liberáverat, siti fatigátum recreáret. Exor-

cízo te, per Jesum Christum, Fílium ejus únicum, Dóminum nostrum, qui te in Cana Galilææ signo admirábili sua poténtia convértit in vinum: qui super te pédibus ambulávit, et a Joánnē in Jordáne in te baptizátus est: qui te una cum sáanguine de látere suo prodúxit, et discípulis suis jussit, ut credéntes baptizárent in te, dicens: Ite, docéte omnes gentes, baptizántes eos in nómine Patris, et Fílii, et Spíritus sancti; ut efficiáris aqua sancta, aqua benedícta, aqua, quæ lavat sordes, et mundat peccáta. Tibi ígitur præcípío, omnis spíritus immúnde, omne phantásma, omne mendácium, eradicáre, et effugáre ab hac creatúra aquæ, ut qui in ipsa baptizándi erunt, fiat eis fons aquæ saliéntis in vitam ætérnam, regénerans eos Deo Patri, et Fílio, et Spíritui sancto, in nómine ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. *R.* Amen.

Orémus.

Oratio.

Dómine sancte, Pater omnípotens, ætérne Deús, aquárum spirituálium sanctificátor, te supplicíter deprecámur; ut ad hoc ministérium humilitátis nostræ respícere dignéris, et super has aquas, abluéndis et purificándis homínibus præparátas, Angelum sanctitátis emíttas, quo peccátis vitæ prióris ablútis, reatúque detérso, purum sancto Spíritui habitáculum regeneráti éffici mereántur. Per Dóminum. in unitáte ejúsdem Spíritus sancti Deus, per ómnia sæcula sæculórum. *R.* Amen.

Tunc sufflet ter in aquam versus tres partes secundum hanc figuram **Ψ**; deinde imponit incensam in thuribulo, et fontem **Ψ** incensat. Postea infundens de Oleo Catechumenorum in aquam in modum crucis, clara voce dicit:

Sanctificétur, et fœcundétur Fons iste Oleo salutis renascéntibus ex eo in vitam ætérnam: in nómine Patris †, et Fílii †, et Spíritus † sancti. R. Amen.

Deinde infundit de Chrismate, modo quo supra, dicens:

Infúsio Chrísmatis Dómini Jesu Christi, et Spíritus sancti Parácliti, fiat in nómine sanctæ Trinitátis. R. Amen.

Postea accipit ambas ampullas dicti Olei sancti et Chrismatis, et de utroque simul in modum crucis infundendo, dicit:

Commíxtio Chrísmatis sanctificatiónis, et Olei unctiόnis, et aquæ Baptísmatis páriter fiat in nómine Patris †, et Fílii †, et Spíritus † sancti. R. Amen.

Tum depositis ampullis, dextera manu Oleum sanctum, et Chrisma infusum miscet cum aqua, et spargit per totum Fontem. Deinde medulla panis manum tergit; et si quis baptizandus est, eum baptizat, ut supra. Quod si neminem baptizat, statim manus abluat, et ablatis effundatur in Sacrarium.

BENEDICTIO ANNULI NUPTIALIS.

Ex tit. de Sacramento Matrimonii.

V. Adjutórium nostrum in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.
R. Et cum spírítu tuo.

Orémus.

Benedic ✠ Dómine, ánnulum hunc, quem nos in tuo nómine benedícimus ✠, ut quæ eum gestáverit, fidelitátem íntegram suo sponso tenens, in pace, et voluntáte tua permáneat atque in mútua caritáte semper vivat. Per Christum Dóminum nostrum. **R.** Amen.

Deinde Sacerdos adspergat annulum aqua benedicta in modum crucis.

BENEDICTIO NUPTIARUM

intra Missam facienda.

Ex Missali Romano.

Si benedictio nuptiarum facienda sit die Dominica, vel alio die Festo sive de præcepto, sive duplici primæ vel secundæ classis, dicatur Missa de Dominica vel Festo cum **Glória in excélsis Deo.** et **Credo**, si illa Missa id requirit, et cum commemoratione Missæ pro Sponso et Sponsa, et reliquis, quæ pro communionem et complemento benedictionis in ea habentur. Si autem benedictio nuptiarum facienda sit aliis diebus, etiamsi in iis occurrat Festum duplex majus vel minus, dicitur Missa votiva pro Sponso et Sponsa (ut in Missali).

Dicto **Pater noster**, Sacerdos antequam dicat **Líbera nos, quæsumus Dómine**, stans in cornu Epistolæ versus Sponsum et Sponsam ante Altare genuflexos, dicit super eos sequentes Orationes.

Orémus.

Oratio.

Propitiáre, Dómine, supplicatió nibus nostris, et institútis tuis, quibus propagatió nem húmáni géneris ordinásti,

benígnus assiste: ut quod te auctóre júngitur,
te auxiliánte servétur. Per Dóminum.

Orémus.

Deus, qui potestáte virtútis tuæ de níhilo
cuncta fecísti: qui dispósitis universitátis
exórdiis, hómini ad imáginem Dei facto, ídeo
inseparábile muliéris adjutórium condidísti, ut
femíneo córpori de virili dares carne princí-
pium, docens quod ex uno placuísset instítui,
numquam licére disjúngi: Deus, qui tam ex-
cellénti mystério conjugálem cópulam conse-
crásti, ut Christi et Ecclésiæ sacraméntum
præsignáres in fœdere nuptiárum: Deus, per
quem múlter júngitur viro, et societas princí-
páliter ordináta, ea benedictióne donátur, quæ
sola nec per originális peccáti pœnam, nec per
dilúvii est obláta senténtiam: réspice propítius
super hanc fámulam tuam, quæ maritali jun-
genda consórtio, tua se éxpetit protectióne
muníri: sit in ea jugum dilectiónis et pacis:
fidélis et casta nubat in Christo, imitatríxque
sanctárum permáneat feminárum: sit amábilis
viro suo, ut Rachel: sápiens, ut Rebécca: long-
æva et fidélis, ut Sara: nihil in ea ex áctibus
suis ille auctor prævaricatiónis usúrpet: nexa
fidei, mandatísque permáneat: uni thoro jun-
cta, contáctus illícitos fúgiat: múníat infirmi-
tátem suam róbre disciplínæ: sit verecúndia
gravis, pudóre venerábilis, doctrínis cœléstibus
erudíta: sit fœcúnda in sóbole, sit probáta et
ínnocens: et ad beatórum réquiem, atque ad
cœléstia regna pervéníat: et vídeant ambo

filios filiórum suórum, usque in tértiam et quartam generatióem, et ad optátam pervéniant senectútem. Per eúmdem Dóminum.

¶ Tunc Sacerdos reversus ad medium Altaris dicat **Líbera nos**, et reliqua more solito: et postquam sumperit Sanguinem, communicet Sponsos: et prosequatur Missam.

Dicto **Benedicámus Dómino**, vel si Missæ illius diei conveniat, **Ite missa est**, Sacerdos antequam populo benedicat, conversus ad Sponsum et Sponsam, dicat:

Deus Abraham, Deus Isaac, et Deus Jacob sit vobíscum: et ipse adímpleat benedictiónem suam in vobis: ut videátis fílios filiórum vestrórum usque ad tértiam et quartam generatióem: et póstea vitam ætérmam habéatis sine fine, adjuvánte Dómino nostro Jesu Christo: qui cum Patre et Spíritu sancto vivit et regnat Deus, per ómnia sæcula sæculórum.

R. Amen.

Moneat eos Sacerdos sermone gravi, ut sibi invicem servant fidem: orationis tempore, et præsertim juniorum ac solemnitatum, casti maneant: et vir uxorem atque uxor virum diligat: et in timore Dei permaneant. Postea eos adspergat aqua benedicta, et dicto **Pláceat tibi, sancta Trínitas, eto.** det benedictionem: et legat, ut solitum est, Evangelium S. Joannis, **In princípio erat Verbum.**

BENEDICTIO MULIERIS POST PARTUM.

In fine tit. de Sacram. Matrim.

Si qua puerpera post partum, juxta piam ac laudabilem consuetudinem, ad Ecclesiam venire voluerit, pro incolumitate sua Deo gratias actura, petieritque a Sacerdote benedictionem, ipse superpelliceo et stola alba indutus, cum ministro adspergillum deferente, ad

fores Ecclesiae accedat, ubi illam foris ad limina genuflectentem, et candelam accensam in manu tenentem, aqua benedicta adspargat, deinde dicat:

V. Adjutórium nostrum in nómine Dómini.

R. Qui fecit coelum et terram.

Antiphona. *Hæc accípiet.*

Psalmus 23.

Dómini est terra, et plenitúdo ejus: * orbis terrárum, et univérsti, qui hábitant in eo.

Quia ipse super mária fundávit eum: * et super flúmina præparávit eum.

Quis adscéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas príncipes vestras, et elevámini portæ æternáles: * et introíbit rex glóriæ.

Quis est iste rex glóriæ? * Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles: * et introíbit rex glóriæ.

Quis est iste rex glóriæ? * Dóminus virtútum ipse est rex glóriæ.

Glória Patri.

Et repetitur Antiphona:

Hæc accípiet benedictiónem a Dómino, et misericórdiam a Deo salutári suo: quia hæc est generátio quæréntium Dóminum.

Deinde porrigens ad manum mulieris extremam partem stolæ, eam introducit in Ecclesiam, dicens:

Ingrédere in templum Dei, adóra Fílium beátæ Maríæ Vírginis, qui tibi fœcunditatem tríbuit prolis.

Et ipsa ingressa, genuflectit coram Altari, et orat, gratias agens Deo de beneficiis sibi collatis: et Sacerdos dicit:

Kyrie eléison. Christe eléison. Kyrie eléison.
Pater noster. secreto.

V. Et ne nos indúcas in tentatiónem.

R. Sed libera nos a malo.

V. Salvam fac ancíllam tuam Dómine.

R. Deus meus sperántem in te.

V. Mitte ei Dómine auxílium de sancto.

R. Et de Sion tuére eam.

V. Nihil proficiat inimícus in ea.

R. Et fílius iniquitátis non appónat nocére ei.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum,

R. Et cum spírítu tuo.

Orémus.

Omnípotens sempitérne Deus, qui per beátæ Maríæ Vírginis partum fidélium pariéntium dolóres in gáudium vertísti: réspice propítius super hanc fámulam tuam, ad templum sanctum tuum pro gratiárum actióne lætam accedéntem; et præsta, ut post hanc vitam, ejúsdem

beátæ Mariæ méritis, et intercessióne, ad ætérnæ beatitúdinis gaúdia cum prole sua perveníre mereátur. Per Christum Dóminum nostrum. *R.* Amen.

Deinde illam adspersit iterum aqua benedicta in modum crucis, dicens:

Pax et benedíctio Dei omnipoténtis, Patris, ✠ et Fílii, et Spíritus sancti, descéndat super te, et máneat semper. Amen.

BENEDICTIO INFIRMI.

Ex tit. de visit. et cura infirmorum.

Sacerdos infirmi cubiculum ingressus, primum dicat:

V. Pax huic dómui.

R. Et ómnibus habitántibus in ea.

Mox infirmum, et lectum ejus, et cubiculum adspersat aqua benedicta, dicens Antiphonam:

Adspérges me, Dómine, hyssópo, et mundábor: lavábis me, et super nivem dealbábor.

Deinde erga infirmum officium suum præstet. Quo præstito, vel antequam discedat, dicere poterit supra infirmum aliquem Psalmum ex quatuor prioribus Penitentialibus, vel:

Psalmus 90.



Qui hábitat in adjutório Altíssimi, * in protectione Dei cœli commorábitur.

Dicet Dómino: Suscéptor meus es tu, et refúgium meum: * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi: * et sub pen- nis ejus sperábis.

Scuto circúmdabit te véritas ejus: * non timébis a timóre noctúrno.

A sagítta volánte in die, a negótio perambulánte in ténebris: * ab incúrsu, et dæmónio meridiáno.

Cadent a látere tuo mille, et decem míllia a dextris tuis: * ad te autem non appropinquábit.

Verúmtamen óculis tuis considerábis: * et retributiónem peccatórum vidébis.

Quóniam tu es, Dómine, spes mea: * Altísimum posuísti refúgium tuum.

Non accédet ad te malum: * et flagéllum non appropinquábit tabernáculo tuo.

Quóniam Angelis suis mandávit de te: * ut custódiant te in ómnibus viis tuis.

In mánibus portábunt te: * ne forte offéndas ad lápidem pedem tuum.

Super áspidem, et basilíscum ambulábis: * et conculcábis leónem et dracónem.

Quóniam in me sperávit, liberábo eum: * prótegam eum, quóniam cognóvit nomen meum.

Clamábit ad me, et ego exaúdiam eum: * cum ipso sum in tribulatióne, erípiam eum, et glorificábo eum.

Longitúdine diérum replébo eum: * et osténdam illi salutáre meum.

Glória Patri.

Postea dicat:

Kyrie eléison. Christe eléison. Kyrie eléison.
Pater noster.

V. Et ne nos indúcas in tentatiónem.

R. Sed libera nos a malo.

Y. Salvum fac servum tuum (vel ancillam tuam).

R. Deus meus, sperantem in te.

Y. Mitte ei Dómine auxílium de sancto.

R. Et de Sion tuere eum (vel eam).

Y. Nihil proficiat inimicus in eo (vel ea).

R. Et fílius iniquitátis non appónat nocere ei.

Y. Esto ei Dómine turris fortitúdinis.

R. A fácie inimici.

Y. Dóminus opem ferat illi.

R. Super lectum dolóris ejus.

Y. Dómine exaúdi oratióem meam.

R. Et clamor meus ad te véniat.

Y. Dóminus vobíscum.

R. Et cum spíritu tuo.

Orémus.

Deus, cui próprium est miseréri semper et párcere: súscipe deprecatióem nostram; ut nos, et hunc fámulum tuum (vel hanc fámulam tuam), quos delictórum caténa constríngit, miserátio tuæ pietátis cleménter absólvat.

Deus, infirmitátis humanæ singuláre præsidium, auxílii tui super infirmum fámulum tuum (vel infirmam fámulam tuam) osténde virtútem: ut ope misericórdiæ tuæ adjútus (vel adjúta), Ecclesiæ tuæ sanctæ incóllumis repræsentári mereátur.

Concéde hunc fámulum tuum (vel hanc fámulam tuam), quæsumus Dómine Deus, perpétua mentis et córporis sanitáte gaudere: et gloriósa beátæ Mariæ semper Vírginis inter-

cessióne, a præsentí liberári tristítia, et æténa pérfrui lætítia. Per Christum Dóminum nostrum. R. Amen.

Benedíctio Dei omnipoténtis, Patris †, et Fílii, et Spíritus sancti, descéndat super te, et máneat semper. R. Amen.

Deinde adspergat eum aqua benedicta.

Qui sequuntur Psalmi, et Evangelia, cum Precibus, pro temporis etiam opportunitate, et ægrotantium pio desiderio, Sacerdotis arbitrio dici poterunt.

Psalmus 6.

Dómine, ne in furóre tuo árguas me: *
neque in ira tua corrípias me.

Miserére mei Dómine, quóniam infirmus sum: * sana me Dómine, quóniam conturbáta sunt ossa mea.

Et ánima mea turbáta est valde: * sed tu Dómine úsquequo?

Convértere Dómine, et éripe ánimam meam: * salvum me fac propter misericórdiam tuam.

Quóniam non est in morte qui memor sit tui: * in inférno autem quis confitébitur tibi?

Laborávi in gémitu meo, lavábo per singulas noctes lectum meum: * lácrimis meis stratum meum rigábo.

Turbátus est a furóre óculus meus: * inverávi inter omnes inimícos meos.

Discédite a me omnes qui operámini iniquitátem: * quóniam exaudivit Dóminus vocem fletus mei.

Exaudivit Dóminus deprecationem meam: *
Dóminus orationem meam suscepit.

Erubescant, et conturbentur vehementer omnes inimici mei: * convertantur et erubescant valde velociter.

Glória Patri.

V. Dóminus vobiscum.

R. Et cum spíritu tuo.

V. Sequéntia sancti Evangélii secúndum Matthæum.

R. Glória tibi Dómine.

Dum Sacerdos dicit Sequéntia, etc. facit signum crucis de more super se in fronte, ore, et in pectore, similiter super infirmum, si fuerit masculus, et si ob infirmitatem non potest se signare.

Si autem fuerit femina, dum Sacerdos se signat, illa per semetipsam in locis prædictis se signet. si potest: si vero non potest, alia mulier eam signet: et hoc idem in sequentibus Evangelii servetur.

Matth. 8.

In illo témpore: Cum introísset Jesus Caphárnaum, accéssit ad eum centúrio, rogans eum, et dicens: Dómine, puer meus jacet in domo paralyticus, et male torquétur. Et ait illi Jesus: Ego véniam, et curábo eum. Et respóndens centúrio, ait: Dómine, non sum dignus ut intres sub tectum meum; sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites: et dico huic: Vade, et vadit; et álii: Veni, et venit; et servo meo: Fac hoc, et facit. Aúdiens autem Jesus, mirátus est, et sequéntibus se dixit: Amen dico

vobis, non invēni tantam fidem in Israēl. Dico autem vobis, quod multi ab Oriēte, et Occidēte vēnient, et recumbent cum Abraham, et Isaac, et Jacob in regno cœlōrum: filii autem regni ejiciētur in tēnebras exteriōres; ibi erit fletus, et stridor dēntium. Et dixit Jesus centuriōni: Vade, et sicut crēdidisti, fiat tibi. Et sanātus est puer in illa hora.

Orémus.

Oratio.

Omnípotens, sempitérne Deus, salus ætérna credētiū, exaúdi nos pro infirmo fámulo tuo **N.**, pro quo misericórdiæ tuæ implorámus auxiliū: ut réddita sibi sanitáte, gratiárum tibi in Ecclēsia tua réferat actiōnes. Per Christum Dóminum nostrum. **R.** Amen.

Psalmus 15.



onsérva me, Dómine, quóniam sperávi in te. * Dixi Dómino, Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguínibus: * nec memor ero nóminum eórum per lábia mea.

Dóminus pars hæreditátis meæ, et cálicis mei: * tu es, qui restítues hæreditátem meam mihi.

Funes cecidérunt mihi in præcláris: * étenim hæréditas mea præclára est mihi.

Benedícam Dóminum, qui tríbuit mihi intelléctum: * ínsuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exsultávit lingua mea: * ínsuper et caro mea requiescet in spe.

Quóniam non derelínques ánimam meam in inférno: * nec dabis sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * delectatiónes in dextera tua usque in finem.

Glória Patri.

V. Dóminus vobíscum.

R. Et cum spírítu tuo.

V. Sequéntia sancti Evangélíi secúndum Marcum.

R. Glória tibi Dómine.

Marc. 16. c.

In illo témpore: Recumbéntibus úndecim discípulis, appáruit illis Jesus, et exprobrávit incredulitátem eórum, et durítiam cordis; quia iis, qui víderant eum resurrexisse, non credidérunt. Et dixit eis: Eúntes in mundum univérsum, prædicáte Evangélium omni creatúræ. Qui crediderit, et baptizátus fúerit, salvus erit: qui vero non crediderit, condemnábitur. Signa autem eos, qui crediderint, hæc sequéntur: In nómine meo dæmónia ejí-

cient: linguis loquéntur novis: serpéntes tol-
lent: et si mortíferum quid bíberint, non eis
nocébit: super ægros manus impónent, et bene
habébunt.

Orémus.

Oratio.

Virtútum coeléstium Deus, qui ab humanís
corpóribus omnem languórem, et omnem
infirmítatem præcépti tui potestáte depéllis:
adésto propítius huic fámulo tuo N., ut fugá-
tis infirmítatibus, et víribus recéptis, nomen
sanctum tuum, instauráta prótinus sanitáte,
benedícat. Per Christum Dóminum nostrum.

R. Amen.

Psalmus 19.

Exáudiat te Dóminus in die tribulatiónis:
* próteget te nomen Dei Jacob.
Mittat tibi auxílium de sancto: * et
de Sion tueátur te.

Memor sit omnis sacrificií tui: * et holo-
caústum tuum pingue fiat.

Tríbuat tibi secúndum cor tuum: * et omne
consílium tuum confírmet.

Lætábimur in salutári tuo: * et in nómine
Dei nostri magnificábimur.

Impleat Dóminus omnes petitiónes tuas: *
nunc cognóvi quóniam salvum fecit Dóminus
Christum suum.

Exáudiet illum de cœlo sancto suo: * in po-
tentátibus salus dexteræ ejus.

Hi in cúrribus, et hi in equis: * nos autem
in nómine Dómini Dei nostri invocábimus.

Ipsi obligáti sunt, et cecidérunt: * nos autem surréximus, et erécti sumus.

Dómine, salvum fac regem: * et exaúdi nos in die, qua invocavérimus te.

Glória Patri.

V. Dóminus vobíscum.

R. Et cum spíritu tuo.

V. Sequéntia sancti Evangélii secúndum Lucam.

R. Glória tibi Dómine.

Luc. 4. g.

In illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébris: et rogavérunt illum pro ea. Et stans super illam, imperávit febrí: et dimísit illam. Et contínuo surgens ministrábat illis. Cum autem sol occidísset, omnes, qui habébant infirmos váriis languóribus, ducébant illos ad eum. At ille síngulis manus impónens, curábat eos.

Orémus.

Oratio.

Dómine sancte, Pater omnípotens, ætérne Deus, qui fragilitátem humanæ conditiónis, infúsa virtútis tuæ dignatióne, confírmas, ut salutáribus remédiis pietátis tuæ córpora nostra et mentes vegeténtur, super hunc fámulum tuum propítius inténde; ut omni necessitáte corpóreæ infirmitátis exclúsa, grátia in eo prístinæ sanitátis perfécte reparétur. Per Christum Dóminum nostrum.

R. Amen.

Psalmus 85.

Inclína, Dómine, aurem tuam, et exaúdi me: * quóniam inops et pauper sum ego.

Custódi ánimam meam, quóniam sanctus sum: * saluum fac servum tuum, Deus meus, sperántem in te.

Miserére mei Dómine, quóniam ad te clamávi tota die: * lætífica ánimam servi tui, quóniam ad te Dómine ánimam meam levávi.

Quóniam tu Dómine suávis et mitis: * et multæ misericórdiæ omnibus invocántibus te.

Aúribus pèrcipe Dómine oratiónem meam: * et inténde voci deprecationis meæ.

In die tribulatiónis meæ clamávi ad te: * quia exaudísti me.

Non est símilis tui in diis Dómine: * et non est secúndum ópera tua.

Omnes gentes quascúmque fecísti, vénient, et adorábunt coram te Dómine: * et glorificábunt nomen tuum.

Quóniam magnus es tu, et fáciens mirábilia: * tu es Deus solus.

Deduc me Dómine in via tua, et ingrédiar in veritaté tua: * lætétur cor meum, ut tímeat nomen tuum.

Confitébor tibi Dómine, Deus meus, in toto corde meo: * et glorificábo nomen tuum in ætérnum:

Quia misericórdia tua magna est super me: * et eruísti ánimam meam ex inférno inferióri.

Deus, iníqui insurrexérunt super me, et syn-

agóga poténtium quæsiérunt ánimam meam: *
et non proposuérunt te in conspéctu suo.

Et tu Dómine, Deus miserátor et miséricors: * pátiens, et multæ misericórdiæ, et verax.

Réspice in me, et miserére mei: * da impérium tuum púero tuo, et saluum fac fílium ancíllæ tuæ.

Fac mecum signum in bonum, ut vídeant qui odérunt me, et confundántur: * quóniam tu Dómine adjuvísti me, et consolátus es me.

Glória Patri.

V. Dóminus vobíscum.

R. Et cum spíritu tuo.

V. Sequéntia sancti Evangélíi secúndum Joánnem.

R. Glória tibi Dómine.

Joann. 5.

In illo témpore: Erat dies festus Judæórum, et adscéndit Jesus Jerosólymam. Est autem Jerosólymis Probática piscína, quæ cognominátur hebráice Bethsáida, quinque pórticus habens. In his jacébat multitúdo magna languéntium, cæcórum, claudórum, aridórum, exspectántium aquæ motum. Angelus autem Dómini descendébat secúndum tempus in piscinam: et movebátur aqua. Et qui prior descendisset in piscinam post motiónem aquæ, sanus fiebat a quacúmque detinebátur infirmitáte. Erat autem quidam homo ibi, trigínta et octo annos habens in infirmitáte sua. Hunc cum vidisset Jesus jacéntem, et cognovisset quia jam multum tempus habéret, dicit ei: Vis

sanus fieri? Respondit ei languidus: Domine, hominem non habeo, ut cum turbata fuerit aqua, mittat me in piscinam: dum venio enim ego, alius ante me descendit. Dicit ei Jesus: Surge, tolle grabatum tuum, et ambula. Et statim sanus factus est homo ille: et sustulit grabatum suum, et ambulabat. Erat autem Sabbatum in die illo. Dicebant ergo Judaei illi, qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, et ambula. Interrogaverunt ergo eum: Quis est ille homo, qui dixit tibi: Tolle grabatum tuum, et ambula? Is autem qui sanus fuerat effectus, nesciebat quis esset. Jesus enim declinavit a turba constituta in loco. Postea invenit eum Jesus in templo, et dixit illi: Ecce sanus factus es: jam noli peccare, ne deterius tibi aliquid contingat.

Orémus.

Oratio.

Réspice, Domine, famulum tuum in infirmitate sui corporis laborantem, et animam réfove, quam creasti: ut castigaciónibus emendatus, continuo se sentiat tua medicina salvatum. Per Christum Dominum nostrum.

R. Amen.

Ps. 90. Qui habitat in adjutorio. ut supra pag. 80.

Orémus.

Oratio.

Omnípotens, sempitérne Deus, infirmitatem famuli tui propítius réspice: atque ad protegendum eum dexteram tuæ majestátis extende. Per Christum Dominum nostrum. R. Amen.

Completa Oratione ultima, Sacerdos imponat dexteram manum super caput infirmī, et dicat:

Super ægros manus impōnent, et bene habébunt. Jesus Mariæ Fílius, mundi salus, et Dóminus, méritis et intercessióne sanctórum Apostolórum suórum Petri et Pauli, et ómnium Sanctórum, sit tibi clemens et propítius. Amen.

Postea dicat:

Ÿ. Dóminus vobíscum.

R. Et cum spíritu tuo.

Ÿ. Inítium sancti Evangélíi secúndum Joánnem.

R. Glória tibi Dómine.

In principio. ut pag. 76*.

Postea benedicens infirmum subjungat, dicens:

Benedíctio Dei omnipoténtis, Patris ✠, et Fílii, et Spírítus sancti, descéndat super te, et máneat semper. R. Amen.

Deinde adspergat eum aqua benedicta.

¶ Si fuerint plures infirmi in eodem cubiculo, vel loco, Preces et Orationes prædictæ dicantur super eos in numero plurali. Quæ omnia etiam poterunt, arbitrio Sacerdotis, breviora fieri.

MODUS JUVANDI MORIENTES.



Ingravescente morbo, Parochus infirmum frequentius visitabit, et ad salutem diligenter juvare non desinet, monebitque instante periculo se confestum vocari, ut in tempore præsto sit morienti; sumptoque sanctissimo Viatico, et sacra Unionione adhibita, si periculum imminet, statim commendationis animæ officium præstabit, de quo infra. Sed si tempus suppetat, sequentia pietatis officia præstare poterit, si ita expedire judicaverit, pro conditione personæ.

Ac primo, si aegrotus Indulgentiam legitima auctoritate concessam consequi possit, eam illi reducat ad mentem, proponatque, quid ad eam consequendam agi debeat: præsertim, ut contrito corde sanctissimum nomen **JESU** semel, vel sæpius invocet.

Deinde hortetur infirmum, et excitet, ut dum mente viget, eliciat actus fidei, spei, et caritatis, aliasque virtutum, nempe:

Ut firmiter credat omnes articulos fidei, et quidquid Sancta Romana Ecclesia catholica et apostolica credit, et docet.

Ut speret, Christum Dominum nostrum pro sua immensa clementia sibi fore propitium; et merito ejus sanctissimæ passionis, et per intercessionem B. Mariæ, et omnium Sanctorum, se vitam æternam consecuturum.

Ut toto corde diligat et maxime diligere cupiat Dominum Deum ea dilectione, qua illum diligunt Beati Sanctique omnes.

Ut ob amorem Dei doleat ex corde de omni offensa, qualitercumque contra Dominum Deum, et proximum commissa.

Ut ex corde ob amorem Dei parcat omnibus, qui sibi quoquo modo fuerint molesti, aut inimici.

Ut ab iis veniam postulet, quos aliquando dictis, aut factis offendit.

Ut quem patitur dolorem et morbi molestiam, propter Deum in pœnitentiam peccatorum suorum patienter toleret.

Ut si Dominus sibi salutem corporis præstare dignabitur, proponat de cetero pro viribus suis a peccatis cavere, et ejus mandata servare.

Hortetur præterea, ut eo modo quo potest saltem ex corde ita per intervalla precetur:

Miserére mei Deus secundum magnam misericórdiam tuam.

In te Dómine sperávi: non confúndar in ætérnum.

In manus tuas Dómine comméndo spíritum meum: redemísti me Dómine, Deus veritátis.

Deus in adjutórium meum inténde: Dómine ad adjuvándum me festína.

Esto mihi Dómine in Deum protectórem.

Deus propítius esto mihi peccatóri.

Dulcíssime Dómine Jesu Christe, per virtutem sanctíssimæ Passiónis tuæ, récipe me in númerum electórum tuórum.

Dómine Jesu Christe, súscipe spíritum meum.

María, mater grátiae, mater misericórdiae, tu me ab hoste prótege, et hora mortis súscipe.

Sancte Angele Dei, mihi custos assíste.

Omnes sancti Angeli, et omnes Sancti intercédite pro me, et mihi succúrrite.

Hæc, et his similia poterit prudens Sacerdos vulgari, vel latino sermone, pro personæ captu, morienti suggerere.

RITUS BENEDICTIONIS APOSTOLICÆ IN ARTICULO MORTIS

a Sacerdotibus ad id delegatis impertiendæ.

Benedictio in articulo mortis cum soleat impertiri post Sacramenta Pœnitentiæ, Eucharistiæ, et Extremæ Unctionis illis infirmis, qui vel illam petierint, dum sana mente et integris sensibus erant, seu verisimiliter petiissent, vel dederint signa contritionis: impertienda iisdem est, etiam si postea linguæ, ceterorumque sensuum usu sint destituti, aut in delirium, vel amentiam inciderint. Excommunicatis vero, impœnitentibus, et qui in manifesto peccato mortali moriuntur, est omnino dene-ganda.

Habens prædictam facultatem, ingrediendo cubiculum, ubi jacet infirmus, dicat: *Pax huic domui, etc.* ac deinde ægrotum, cubiculum, et circumstantes adspergat aqua benedicta, dicendo Antiph.: *Adsperges me, etc.*

Quod si ægrotus voluerit confiteri, audiat illum, et absolvat. Si Confessionem non petat, excitet illum ad eliciendum actum contritionis; de hujus Benedictionis efficacia ac virtute, si tempus ferat, breviter admoneat; tum instruat, atque hortetur, ubi morbi incommoda ac dolores in anteactæ vitæ expiationem libenter perferat, Deoque sese paratum offerat ad ultro acceptandum quidquid ei placuerit, et mortem ipsam patienter obeundam in satisfactionem pœnarum, quas peccando promeruit.

Tum piis ipsum verbis consoletur, in spem erigens, fore, ut ex divinæ munificentiae largitate eam pœnarum remissionem, et vitam sit consecuturus æternam.

Postea Sacerdos dicat:

V. Adjutórium nostrum in nómine Dómini.

R. Qui fecit cœlum et terram.

Antiph. Ne reminiscáris, Dómine, delícta fámuli tui (vel ancíllæ tuæ): neque vindíctam sumas de peccátis ejus.

Kyrie eléison. Christe eléison. Kyrie eléison.
Pater noster.

V. Et ne nos indúcas in tentatiónem.

R. Sed líbera nos a malo.

V. Salvum fac servum tuum (vel ancíllam tuam, et sic deinceps).

R. Deus meus, sperántem in te.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Clementissime Deus, Pater misericordiárum, et Deus totíus consolatiónis, qui némínem vis períre in te credéntem, atque sperántem: secúndum multitudínem miseratiónum tuárum réspice propítius fámulum tuum **N.**, quem tibi vera fides, et spes christiána comméndant. Vísita eum in salutári tuo, et per Unigéniti tui passiómem et mortem, ómnium ei delictórum suórum remissiómem et véniam cleménter indúlge: ut ejus ánima in hora éxitus sui te júdicem propitiátum invéníat, et in Sáanguine ejúsdem Fílii tui ab omni mácula ablúta, transíre ad vitam mereátur perpétuam. Per eúmdem Christum Dóminum nostrum. **R.** Amen.

Tum dicto ab uno **ex** Clericis adstantibus **Confíteor**, Sacerdos dicat: **Misereátur**, etc.

Deinde:

Dóminus noster Jesus Christus, Fílius Dei vivi, qui beáto Petro Apóstolo suo dedit potestátem ligándi, atque solvéndi: per suam piíssimam misericórdiam recípiat confessiόmem tuam, et restítuat tibi stolam primam, quam in baptísmate recepísti: et ego facultáte mihi ab apostólica sede tribúta, indulgéntiam plenáriam, et remissiόmem ómnium peccatórum tibi concédo.

In nómine Patris **+**, et Fílii, et Spíritus sancti. Amen.

Per sacrosáncta humánæ reparatiónis mystéria, remíttat tibi omnípotens Deus omnes

**præséntis et futúre vitæ poenas, paradísi portas
apériat, et ad gáudia sempitérna perdúcat. Amen.**

**Benedícat te omnípotens Deus, Pater †, et
Fílius, et Spíritus sanctus. Amen.**

Si vero infirmus sit adeo morti proximus, ut neque Confessionis generalis faciendæ, neque præmissarum precum recitandarum tempus suppetat, statim Sacerdos Benedictionem ei impertiatur.

Deinde sequentes preces quanta poterit majore devotione dicat, admoneatque domesticos et circumstantes, ut simul orent pro moriente.

ORDO COMMENDATIONIS ANIMÆ.

Parochus ad decedentis animæ commendationem accedens, Clericum saltem unum, si potest, secum habeat, qui deferat vasculum aquæ benedictæ, superpelliceum, et stolam violaceam, quibus ipse Sacerdos ante infirmi cubiculum indutus, locum ingrediens, dicat:

**Pax huic dómui, et ómnibus habitántibus
in ea.**

Deinde adspergat ægrotum, lectum, et circumstantes aqua benedicta, dicens:

**Adspérges me Dómine hyssópo, et mundá-
bor: lavábis me, et super nivem dealbábor.**

Postea Salvatoris nostri crucifixi imaginem ægroto osculandam præbeat, verbis efficacibus eum ad spem æternæ salutis erigens, ipsamque imaginem coram eo ponat, ut illam adspiciens, salutis suæ spem sumat.

Deinde accensa candelâ, genibus flexis, cum omnibus circumstantibus breves Litanias devote recitet, in hunc modum:

Kýrie eléison.
Christe eléison.
Kyrie eléison.

Sancta María, ora pro eo.

**Omnes sancti Angeli et
Archángeli,**

oráte pro eo.

Sancte Abel, ora.

Omnis chorus Justórum,	Omnes sancti Mónachi
oráte.	et Eremítæ, oráte.
Sancte Abraham, ora.	Sancta María Magda-
Sancte Joáñnes Baptí-	léna, ora.
sta, ora.	Sancta Lúcia, ora.
Sancte Joseph, ora.	Omnes sanctæ Vírgines
Omnes sancti Patriár-	et Víduæ, oráte.
chæ et Prophétæ,	Omnes Sancti et Sanctæ
oráte.	Dei,
Sancte Petre, ora.	intercéдите pro eo.
Sancte Paule, ora.	Propítius esto,
Sancte Andréa, ora.	parce ei, Dómine.
Sancte Joáñnes, ora.	Propítius esto,
Omnes sancti Apóstoli	libera eum, Dómine.
et Evangelístæ,	Propítius esto, libera.
oráte.	Ab ira tua, libera.
Omnes sancti Discípuli	A perículo mortis,
Dómini, oráte.	libera.
Omnes sancti Innocén-	A mala morte, libera.
tes, oráte.	A pœnis inférni, libera.
Sancte Stéphane, ora.	Ab omni malo, libera.
Sancte Laurénti, ora.	A potestáte diaboli,
Omnes sancti Mártýres,	libera.
oráte.	Per nativitátem tuam,
Sancte Silvéster, ora.	libera.
Sancte Gregóri, ora.	Per crucem et passió-
Sancte Augustíne, ora.	nem tuam, libera.
Omnes sancti Pontífi-	Per mortem et sepul-
ces et Confessóres,	túram tuam, libera.
oráte.	Per gloriósam resur-
Sancte Benedícte, ora.	rectiónem tuam,
Sancte Francísce, ora.	libera.

Per admirabilem adscen-	Peccatóres,
siónem tuam, libera.	te rogámus audi nos.
Per grátiam Spíritus	Ut ei parcas, te rog.
sancti Parácliti,	Kyrie eléison.
libera.	Christe eléison.
In die iudícii, libera.	Kyrie eléison.

Deinde cum in agone sui exitus anima anxietur, dicantur sequentes Orationes.

Oratio.

Proficiscere, ánima christiána, de hoc mundo, in nómine Dei Patris omnipoténtis, qui te creávit: in nómine Jesu Christi Fílii Dei vivi, qui pro te passus est: in nómine Spíritus sancti, qui in te effúsus est: in nómine Angelórum et Archangelórum: in nómine Thronórum et Dominationum: in nómine Principátuum et Potestátum: in nómine Chérubim et Séraphim: in nómine Patriarchárum et Prophetárum: in nómine sanctorum Apostolorum et Evangelistarum: in nómine sanctorum Mártirum et Confessorum: in nómine sanctorum Monachorum et Eremitarum: in nómine sanctorum Víginum, et ómnium Sanctorum et Sanctarum Dei. Hódie sit in pace locus tuus, et habitatio tua in sancta Sion. Per eúndem Christum Dóminum nostrum. R. Amen.

Oratio.

Deus miséricors, Deus clemens, Deus qui secúndum multitudinem miseratiónum tuárum peccáta pœniténtium deles, et præteritórum críminum culpas vénia remissiós evácuas: réspice propítius super hunc fámulum tuum N.,

et remissionem omnium peccatorum suorum tota cordis confessione poscentem deprecatus exaudi. Rénova in eo, piissime Pater, quidquid terréna fragilitate corruptum, vel quidquid diabólica fraude violatum est: et unitati corporis Ecclesiæ membrum redemptionis annecte. Miserere, Dómine, gemituum, miserere lacrimarum ejus: et non habentem fiduciam, nisi in tua misericórdia, ad tuæ sacraméntum reconciliatiónis admítte. Per Christum Dóminum nostrum. **R.** Amen.

Comméndo te omnipoténti Deo, carissime frater, et ei, cujus es creatúra, commítto: ut cum humanitátis débitum morte interveniente persólveris, ad auctórem tuum, qui te de limo terræ formáverat, revertáris. Egrediénti itaque animæ tuæ de corpore, spléndidus Angelórum cœtus occúrrat: judex Apostolórum tibi senátus advéniat: candidatórum tibi Mártyrum triumphátor exércitus óbviet: liliáta rutilántium te Confessórum turma circúmdet: jubilántium te Vírginum chorus excípiat, et beátæ quiétis in sinu Patriarchárum te complexus adstríngat: mitis, atque festívus Christi Jesu tibi adspéctus appáreat, qui te inter assisténtes sibi júgiter interésse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus sátanás cum satellítibus suis: in advéntu tuo te comitántibus Angelis contremíscat, atque in ætérnæ noctis chaos immáne diffúgiat. Exsúrgat Deus, et dissipéntur ini-

míci ejus: et fúgiant qui odérunt eum, a fácie ejus. Sicut déficit fumus, deficiant: sicut fluit cera a fácie ignis, sic péreant peccatóres a fácie Dei: et justí epuléntur, et exsúltent in conspéctu Dei. Confundántur ígitur et erubéscant omnes tartáreae legiões, et ministri sátanæ iter tuum impedíre non aúdeant. Líberet te a cruciátu Christus, qui pro te crucifíxus est. Líberet te ab ætéRNA morte Christus, qui pro te mori dignátus est. Constítuat te Christus Fílius Dei vivi intra paradísi sui semper amóena viréntia, et inter oves suas te verus ille Pastor agnóscat. Ille ab ómnibus peccátis tuis te absólvat, atque ad dexteram suam in electórum suórum te sorte constítuat. Redemptórem tuum fácie ad fáciem vídeas, et præsens semper assístens, manifestíssimam beátis óculis adspícias veritátem. Constitútus ígitur inter ágmina beatórum, contemplatiónis divínæ dulcedíne potiáris in sácula sæculórum.

R. Amen.

Oratio.

Súscipe, Dómine, servum tuum in locum sperándæ sibi salvatiónis a misericórdia tua.

R. Amen.

Líbera, Dómine, ánimam servi tui ex ómnibus perículis inférni, et de láqueis poenárum, et ex ómnibus tribulatióibus.

R. Amen.

Líbera, Dómine, ánimam servi tui, sicut liberásti Henoch et Elíam de commúni morte mundi. R. Amen.

Líbera, Dómine, ánimam servi tui, sicut liberásti Noë de dilúvio. *R.* Amen.

Líbera, Dómine, ánimam servi tui, sicut liberásti Abraham de Ur Chaldæórum.

R. Amen.

Líbera, Dómine, ánimam servi tui, sicut liberásti Job de passióibus suis. *R.* Amen.

Líbera, Dómine, ánimam servi tui, sicut liberásti Isaac de hóstia, et de manu patris sui Abrahæ. *R.* Amen.

Líbera, Dómine, ánimam servi tui, sicut liberásti Lot de Sódomis, et de flamma ignis.

R. Amen.

Líbera, Dómine, ánimam servi tui, sicut liberásti Móysen de manu Pharaónis regis Ægyptiórum. *R.* Amen.

Líbera, Dómine, ánimam servi tui, sicut liberásti Daniélem de lacu leónum. *R.* Amen.

Líbera, Dómine, ánimam servi tui, sicut liberásti tres púeros de camíno ignis ardéntis, et de manu regis iníqui. *R.* Amen.

Líbera, Dómine, ánimam servi tui, sicut liberásti Susánnam de falso crímine.

R. Amen.

Líbera, Dómine, ánimam servi tui, sicut liberásti David de manu Regis Saul, et de manu Golíæ. *R.* Amen.

Líbera, Dómine, ánimam servi tui, sicut liberásti Petrum et Paulum de carcéribus.

R. Amen.

Et sicut beatíssimam Theclam Vírginem et Mártýrem tuam de tribus atrocíssimis tormén-

tis liberásti, sic liberáre dignéris ánimam huius servi tui, et tecum fácias in bonis congau-
dére cœléstibus. *R. Amen.*

Oratio.

Commendámus tibi, Dómine, ánimam fá-
muli tui *N.*, precamúrque te, Dómine,
Jesu Christe Salvátor mundi, ut propter quam
ad terram misericórditer descendísti, Patriar-
chárum tuórum sínibus insinuáre non rénuas.
Agnósce, Dómine, creatúram tuam, non a diis
aliénis creatam, sed a te solo Deo vivo et vero:
quia non est álius Deus præter te, et non est
secúndum ópera tua. Lætífica, Dómine, áni-
mam ejus in conspéctu tuo, et ne memíneris
iniquitátum ejus antiquárum, et ebrietátum,
quas suscitávit furor, sive fervor mali desidérii.
Licet enim peccáverit, tamen Patrem, et Fílium,
et Spíritum sanctum non negávit, sed crédi-
dit, et zelum Dei in se hábuit, et Deum, qui
fecit ómnia, fidéliter adorávit.

Oratio.

Delícta juventútis, et ignorántias ejus, quæ-
sumus, ne memíneris, Dómine: sed secún-
dum magnam misericórdiam tuam memor esto
illíus in glória claritátis tuæ. Aperiántur ei
cœli, collæténtur illi Angeli. In regnum tu-
um, Dómine, servum tuum súscipe. Súscípiat
eum sanctus Míchaël Archángelus Dei, qui
milítiæ cœléstis méruit principátum. Véniant
illi óbviám sancti Angeli Dei, et perdúcant
eum in civitátem cœléstem Jerúsalem. Súscí-
piat eum beátus Petrus Apóstolus, cui a Deo

claves regni cœlestis trãditæ sunt. Adjuvet eum sanctus Paulus Apóstolus, qui dignus fuit esse vas electiõnis. Intercédât pro eo sanctus Joánnēs eléctus Dei Apóstolus, cui reveláta sunt secréta cœlestia. Orent pro eo omnes sancti Apóstoli, quibus a Dómino data est potéstas ligándi, atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sœculo sustinuérunt: ut vînculis carnis exútus, pervenîre mereátur ad glóriam regni cœlestis, præstánte Dómino nostro Jesu Christo: Qui cum Patre et Spíritu sancto vivit et regnat in sœcula sœculórum.

R. Amen.

IN EXPIRATIONE.

Cum vero tempus expirandi institerit, tunc maxime ab omnibus circumstantibus, flexis genibus, vehementer orationi instandum est. Ipse vero moriens, si potest, dicat; vel si non potest, assistens, sive Sacerdos pro eo clara voce pronuntiet: **JESU, JESU, JESU.** Quod et ea, quæ sequuntur, ad illius aures, si videbitur, etiam sæpius repetat.

In manus tuas, Dómine, comméndo spíritum meum. Dómine Jesu Christe, súscipe spíritum meum. Sancta María, ora pro me. María mater grátiae, mater misericórdiæ, tu me ab hoste prótege, et hora mortis súscipe.

Tunc ubi viget pia consuetudo, pulsetur campana parochialis Ecclesiæ aliquibus ictibus, ad significandum fidelibus in urbe, vel loco, aut extra in suburbanis existentibus, instantem mortem expirantis aegroti, ut pro eo Deum rogare possint.

Egressa anima de corpore, statim dicatur hoc:

R. Subveníte Sancti Dei, occúrrite Angeli
Dómini, * Suscipiéntes ánimam ejus, *
Offeréntes eam in conspéctu Altíssimi.

V. Suscípiat te Christus qui vocávit te, et
in sinum Abrahæ Angeli dedúcant te.

Suscipiéntes ánimam ejus, * Offeréntes eam
in conspéctu Altíssimi.

V. Réquiem ætérnam dona ei, Dómine, et
lux perpétua lúceat ei. * Offeréntes eam
in conspéctu Altíssimi.

Kyrie eléison. Christe eléison. Kyrie eléison.
Pater noster.

V. Et ne nos indúcas in tentatiónem.

R. Sed líbera nos a malo.

V. Réquiem ætérnam dona ei Dómine.

R. Et lux perpétua lúceat ei.

V. A porta ínferi.

R. Erue Dómine ánimam ejus.

V. Requíescat in pace. R. Amen.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Tibi, Dómine, commendámus ánimam fá-
mulí tui N. (vel fámulæ tuæ N.), ut
defúnctus (vel defúncta) sáculo tibi
vivat: et quæ per fragilitátem humánæ con-
versatiónis peccáta commísit, tu vénia miseri-
cordíssimæ pietátis abstérge. Per Christum Dó-
minum nostrum. R. Amen.

Interim detur campana signum transitus defuncti pro loci consuetudine, ut audientes pro ejus anima Deum precentur.

Deinde corpus de more honeste compositum, loco decenti cum lumine collocetur: ac parva crux super pectus inter manus defuncti ponatur, aut ubi crux desit, manus in modum crucis componantur, interdumque adspargatur aqua benedicta, et interim, donec efferatur, qui adsunt, sive sacerdotes, sive alii. orabunt pro defuncto.

PRECES AD REPELLENDAM TEMPESTATEM.

Ex tit. de Processionibus.

Pulsentur campanæ, et qui adesse possunt, in Ecclesiam convocatis, dicuntur Litanie ordinariæ (ut ad caleem libri, pag. [2]), in quibus bis dicitur: **A fûlgure et tempestâte, etc.** et post Litanias, Orationemque Dominicam dicitur:

Psalmus 147.

Lauda Jerúsalem Dóminum: * lauda Deum tuum Sion.

Quóniam confortávit seras portárum tuárum: * benedíxit fíliis tuis in te.

Qui pósuit fines tuos pacem: * et ádipe fruménti sátiat te.

Qui emíttit elóquium suum terræ: * velóci-ter currit sermo ejus.

Qui dat nivem sicut lanam: * nébulam sicut cínere[m] spargit.

Mittit crystállum suam sicut buccéllas: * ante faciém frígoris ejus quis sustinébit?

Emíttet verbum suum, et liquefáciét ea: * flabit spíritus ejus, et fluent aquæ.

Qui annúntiat verbum suum Jacob: * justítias et judícia sua Israël.

Non fecit táliter omni natióni: * et iudícia sua non manifestávit eis.

Glória Patri.

V. Adjutórium nostrum in nómine Dómini.

R. Qui fecit cœlum et terram.

V. Osténde nobis Dómine misericórdiam tuam.

R. Et salutáre tuum da nobis.

V. Adjuva nos Deus salutáris noster.

R. Et propter glóriam nóminis tui Dómine libera nos.

V. Nihil proficiat inimícus in nobis.

R. Et fílius iniquitátis non appónat nocére nobis.

V. Fiat misericórdia tua Dómine super nos.

R. Quemádmódum sperávimus in te.

V. Salvum fac pópulum tuum Dómine.

R. Et bénedic hæreditáti tuæ.

V. Non privábis bonis eos, qui ámbulant in innocentia.

R. Dómine Deus virtútum: beátus homo, qui sperat in te.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio.

Deus, qui culpa offénderis, pœniténtia placáris: preces pópuli tui supplicántis propítius réspice; et flagélla tuæ iracúndiæ, quæ pro peccátis nostris merémur, avérte.

Oratio.

A domo tua, quæsumus Dómine, spiritáles nequitiæ repellántur: et aëreárum discédát malignitas tempestátum.

Oratio.

Omnípotens, sempitérne Deus, parce metuentibus, propitiáre supplicibus: ut post nóxios ignes núbium, et vim procellárum, in matériam tránseat laudis comminátio tempestátum.

Oratio.

Dómine Jesu, qui imperásti ventis et mari, et facta fuit tranquillitas magna: exáudi preces familiæ tuæ, et præsta; ut hoc signo sanctæ cru + cis omnis discédát sævítia tempestátum.

Oratio.

Omnípotens, et miséricors Deus, qui nos. et castigándo sanas, et ignoscéndo consérvas: præsta supplicibus tuis; ut et tranquillitátibus hujus optatæ consolatiónis lætémur, et dono tuæ pietátis semper utámur. Per Dóminum nostrum Jesum Christum, etc. R̃. Amen.

Adspargatur aqua benedicta.

PRECES AD POSTULANDAM SERENITATEM.

Ex titulo de Processionibus.

Dicuntur Litanie ordinariæ (ut ad caleem libri pag. [2]), in quibus bis dicatur:

Ut fidélibus tuis áëris serenitátem concédere dignéris: Te rogámus, audi nos.

Ad finem obsecrationum dicitur: **Pater noster**, secreto.

Ÿ. Et ne nos indúcas in tentatiónem.

R. Sed libera nos a malo.

Psalmus 66.

Deus misereátur nostri, et benedícat nobis: * illúminet vultum suum super nos, et misereátur nostri.

Ut cognoscámus in terra viam tuam: * in ómnibus géntibus salutáre tuum.

Confiteántur tibi pópuli Deus: * confiteántur tibi pópuli omnes.

Læténtur et exsúltent gentes: * quóniam júdicas pópulos in æquitáte, et gentes in terra dírigis.

Confiteántur tibi pópuli Deus: confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Glória Patri.

Ÿ. Adduxísti Dómine spíritum tuum super terram.

R. Et prohibítæ sunt plúviæ de cœlo.

Ÿ. Cum obdúxero núbibus cœlum.

R. Apparébit arcus meus, et recordábor fœderis mei.

Ÿ. Illústra faciém tuam Dómine super seruos tuos.

R. Et bédedic speránte in te.

Ÿ. Dómine exaúdi oratióne meam.

R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

Orémus.

Oratio.

Deus, qui culpa offénderis, pœniténtia placáris: preces pópuli tui supplicántis propítius réspice; et flagélla tuæ iracúndiæ, quæ pro peccátis nostris merémur, avérte.

Oratio.

Ad te nos, Dómine, clamántes exaúdi, et áëris serenitátem nobis tríbue supplicántibus: ut qui juste pro peccátis nostris affligimur, misericórdia tua præveniénte, cleméntiam sentiámus.

Oratio.

Quæsumus, omnípotens Deus, cleméntiam tuam: ut inundántiam coérceas ímbrium, et hilaritátem vultus tui nobis impertíri dignéris. Per Dóminum nostrum, etc. R̃. Amen.

PRECES AD PETENDAM PLUVIAM.

Ex titulo de Processionibus.

Dicuntur Litaníæ ordinariæ (ut ad calcem libri pag. [2]), in quibus bis dicitur:

Ut congruéntem plúviam fidélibus tuis concédere dignéris: Te rogámus, audi nos.

In fine postea dicitur: **Pater noster.** secreto.

Ÿ. Et ne nos indúcas in tentatiónem.

R̃. Sed líbera nos a malo.

Psalmus 146.

Laudáte Dóminum quóniam bonus est psalmus: * Deo nostro sit jucúnda, decóraque laudátio.

Ædificans Jerúsalem Dóminus: * dispersiões Israhélis congregábit.

Qui sanat contritos corde: * et álligat contritiões eórum.

Qui númerat multitudínem stellárum: * et ómnibus eis nómina vocat.

Magnus Dóminus noster, et magna virtus ejus: * et sapiéntiæ ejus non est númerus.

Suscípiens mansuétos Dóminus: * humílians autem peccatóres usque ad terram.

Præcínite Dómino in confessiõe: * psállite Deo nostro in cíthara.

Qui óperit cœlum núbibus: * et parat terræ plúviam.

Qui prodúcit in móntibus fœnum: * et herbam servitúti hóminum.

Qui dat juméntis escam ipsórum: * et pulis corvórum invocántibus eum.

Non in fortitúdine equi voluntátem habébit: * nec in tibiis viri beneplácitum erit ei.

Beneplácitum est Dómino super timéntes eum: * et in eis, qui sperant super misericórdia ejus.

Glória Patri.

Quo finito, dicantur Preces:

Ÿ. Operi Dómine cœlum núbibus.

R. Et para terræ plúviam.

Ÿ. Ut prodúcat in móntibus fœnum.

R. Et herbam servitúti hóminum.

Ÿ. Riga montes de superióribus tuis.

R. Et de fructu óperum tuórum satiábitur terra.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum. R. Et cum spírítu tuo.

Orémus.

Deus, in quo vívimus, movémur, et sumus, plúviam nobis tríbue congruéntem: ut præséntibus subsídiis sufficiénter adjúti, sempitérna fiduciálius appetámus.

Oratio.

Præsta, quæsumus, omnípotens Deus: ut qui in afflictiónē nostra de tua pietáte confidimus, contra advérſa ómnia tua semper protectiónē muniámur.

Oratio.

Da nobis, quæsumus Dómine, plúviam salutárem: et áridam terræ fáciem fluéntis cœléstibus dignánter infúnde. Per Dóminum nostrum etc. R. Amen.


V. Dóminus vobíscum. R. Et cum spírítu tuo.

V. Benedicámus Dómino. R. Deo grátias.

V. Exaúdiat nos omnípotens et miséricors Dóminus. R. Amen.

V. Fidélium ánimæ per misericórdiam Dei requiéſcant in pace. R. Amen.

APPENDIX
AD RITUALE ROMANUM
SIVE
COLLECTIO
BENEDICTIONUM ET INSTRUCTIONUM
A RITUALI ROMANO EXSULANTUM
SANCTE SEDIS AUCTORITATE
ADPROBATARUM SEU PERMISSARUM
IN USUM ET COMMODITATEM
MISSIONARIORUM APOSTOLICORUM
ALIORUMQUE SACERDOTUM
DIGESTA.



DE SACRAMENTO BAPTISMI.

BENEDICTIO FONTIS

SEU

AQUÆ BAPTISMALIS.

Formula brevior pro Benedictione Fontis seu Aquæ baptismalis a S. Pont. Paulo III. Missionariis Peruanis apud Indos olim concessa, et nonnisi in iis locis adhibenda, ad quæ speciali Apostolicæ Sedis indulto extensa fuit.

Exorcízo te, creatúra aquæ, in nómine Dei Patris omnipoténtis ✚, et in nómine Jesu Christi ✚ Fílii ejus Dómini nostri, et in virtúte Spíritus ✚ sancti. Exorcízo te, omnis virtus adversárii diaboli: ut omnis phantásia eradicétur, ac effugétur ab hac creatúra aquæ, et fiat fons aquæ saliéntis in vitam ætérnam: ut qui ex ea baptizáti fúerint, fiant templum Dei vivi, et Spíritus sanctus hábitet in eis, in remissionem peccatórum: in nómine Dómini nostri Jesu Christi, qui ventúrus est judicáre vivos et mórtuos, et sæculum per ignem. Amen.

Orémus.

Dómine sancte, Pater omnípotens, ætérne Deus, aquárum spirituálium sanctificátor, te suppliciter deprecámur: ut hoc ministérium

humilitátis nostræ respícere dignéris, et super has aquas, abluéndis et vivificándis homínibus præparátas, Angelum sanctitátis emíttas; ut peccátis prióris vitæ ablútis, reatúque detérso, purum sacráto Spíritui habitáculum regeneratióibus procúret. Per Christum Dóminum nostrum. Amen.

Infundat deinceps Sanctum Oleum in aquam. in modum crucis, dicens:

Conjúctio Olei unctiόνis, et aquæ Baptísmatis sanctificétur, et fœcundétur. In nómine Patris †, et Fílii †, et Spíritus † sancti. Amen.

Deinde Chrisma aquæ infundat, in modum crucis, et dicat:

Conjúctio Chrísmatis sanctificatiónis et Olei unctiόνis et aquæ Baptísmatis sanctificétur et fœcundétur. In nómine Patris †, et Fílii †, et Spíritus † sancti. Amen.



DE SACRAMENTO CONFIRMATIONIS.

Instructio pro simplici Sacerdote, Sacramentum Confirmationis ex S. Sedis Apostolicæ delegatione administrante, edita ex decreto S. Congregationis de Propaganda Fide, die IV. Maji MDCCCLXXIV.

Decretum Sacræ Congregationis generalis de Propaganda Fide

Habitu die 21. Martii 1774.

Referente R. P. D. Stephano Borgia Secretario, nonnullos Missionum Superiores, aliosque, quibus ab Apostolica Sede extraordinaria Sacramentum Confirmationis administrandi facultas conceditur, in illius administratione usos quandoque esse vestibus ac ornamentis

episcopalibus: Eminentissimi Patres declararunt, ac vigore præsentis Decreti declarant, nemini prorsus characterē episcopali non insignito, vel cui alias usus Pontificalium ex vero, legitimoque privilegio non competit, licuisse, vel licere in collatione Chrismatis adhibere Rochettum, Mitram, Baculum pastorem, Annulum, vel Crucem pectoralem; statueruntque supplicandum esse Sanctissimo pro approbatione hujus declarationis, necnon efformandam Instructionem pro simplicibus Sacerdotibus, Confirmationem, ut supra, administrantibus.

Facta vero Ss. Domino Nostro Clementi PP. XIV. per præfatum Dominum Secretarium in audientia diei 3. Aprilis currentis supradictæ Sacræ Congregationis sententiæ relatione, Sanctitas Sua illam benigne approbavit, et ab omnibus, ad quos spectat, inviolabiliter observari mandavit.

Datum Romæ ex Ædibus dictæ Sacr. Congregationis die 23. Aprilis 1774.

Joseph Maria Card. Castelli *Praef.*

Stephanus Borgia *Secretarius.*

Instructio pro simplici Sacerdote.

Sacramentum Confirmationis

ex Sedis Apostolicæ delegatione administrante

Etsi, juxta Sacrosancti Tridentini Concilii definitionem solus Episcopus sit ordinarius hujus Sacramenti minister; ¹⁾ solet tamen quandoque justis de causis Sedes Apostolica simplici Sacerdoti, tamquam extraordinario ministro, facultatem tribuere illud conferendi.²⁾

Sacerdos igitur, cui facultas hæc fuerit concessa, in primis curet apud se habere Chrisma per catholicum Antistitem cum eadem S. Sede communionem habentem confectum, ac sciat, sibi numquam licere,³⁾ sine eo

¹⁾ Sess. VII. de *Confirm.* can. 3.

²⁾ Eugenius IV. in Decreto pro Armenis.

³⁾ S. Thomas III. part. quæst. 72., art. 5. in corp.

Confirmationem administrare, vel illud ab Episcopis hæreticis aut schismaticis recipere.

Animadvertat insuper, num in facultate sibi ab Apostolica Sede impertita alia etiam facultas expressa legatur, utendi scilicet Chrismate ante annum benedicto; alias eo non utatur, nisi forte in casibus necessitatis,¹⁾ cum a sacris canonibus id prohibitum sit.²⁾

Licet omni tempore administrari valeat Confirmatio, congruum tamen est, ut præcipue in hebdomada Pentecostes, et circa horam tertiam, in qua Spiritus sanctus illapsus est Apostolis, conferatur.³⁾

Quod ad ætatem Confirmandorum attinet, præ oculis habendum est Catechismi Romani⁴⁾ monitum in hæc verba: *Illud observandum est, omnibus quidem post Baptismum Confirmationis Sacramentum posse administrari, sed minus tamen expedire hoc fieri, antequam pueri rationis usum habuerint. Quare si duodecimus annus exspectandus non videatur, usque ad septimum certe hoc Sacramentum differre maxime convenit.* Quod sane monitum in pueris benevalentibus locum habet. Nam, si agatur de eo, qui gravi morbo laboret, ex quo decessurus prævideatur, non solum prohibitum non est illi ante septennium sacrum Chrisma administrare, sed expedit, ut id fiat, unde ex hac vita demigrans majorem gloriam, juxta S. Thomæ doctrinam,⁵⁾ in cœlis consequatur. Aliæ insuper, juxta probatam plurium theologorum sententiam,⁶⁾ esse possunt legitimæ causæ antevertendi septennium in collatione hujus Sacramenti, et præsertim, cum prævidetur futura diutina absentia

¹⁾ Benedictus XIV. Constit. *Anno vertente*. Bull. Tom. III. pag. 288.

²⁾ Canone *Litteris*. de Consecr., dist. 3.; et Canone *Si quis de alio*. de Consecr., dist. 4.

³⁾ Catechismus Romanus de Sacramento Confirmationis; S. Carolus in V. Synodo Mediolanen., cap. de Confirm.

⁴⁾ Loc. cit.

⁵⁾ S. Thomas III. part. quæst. 73., art. 8. ad 4.

⁶⁾ Benedictus XIV. in lib. VII., cap. 10., n. 5. 6. et 7. de Synodo Diocesana.

Episcopi, vel Presbyteri, cui, ut supra, facta sit facultas illud administrandi, vel alia urget necessitas.

Ut Confirmandi, qui usum rationis habent, digne hoc Sacramentum recipiant, debent esse in gratia; et ideo conveniens valde est, ut illius susceptioni præmittant sacramentalem Confessionem.¹⁾ Si enim conscii alicujus peccati lethalis, quod absit, ad Confirmationem accederent, non solum hujus Sacramenti gratiam non reciperent, sed gravissimo sacrilegio se illigarent.

Juxta veterem Ecclesiæ usum, Confirmandi debent esse jejuni,²⁾ optandumque propterea esset, ut id ipsum in præsentī etiam servaretur.

Sacro Chrismate liniendi ante diligenter erudiendi sunt juxta doctrinas Catechismi Romani de natura, dignitate, effectibus, ac dispositionibus ad digne Sacramentum hujusmodi recipiendum prærequisitis. Item oportet, ut instruantur circa Fidei rudimenta, Decalogi, et Ecclesiæ præcepta, Actus Virtutum theologalium, ac Orationem Dominicam, et Apostolorum Symbolum memoria teneant.

Ceterum Missionarii non omittant, populos sibi creditos etiam hortari, ut Confirmationem debito tempore recipiant, nec non ut parentes filios suos confirmari curent; etsi enim hoc Sacramentum non sit de necessitate mediī ad salutem, tamen sine gravis peccati reatu respui non potest, ac negligi,³⁾ cum illud suscipiendi opportuna adest occasio. Porro hæc doctrina, si pro omnibus, qui sunt undique, Christifidelibus vera est, multo magis locum habet in illis, qui in terris degunt hæreticorum, vel paganorum, in quibus quandoque adversus Catholicos persecutiones ingruunt; unde opus est, ut septiformis Spiritus virtute roborentur, qua non solum corde credant ad justitiam, sed etiam ore confessionem faciant

1) Instructio Eminentissimi Almæ Urbis Vicarii pro iis, qui suscepturi sunt hoc Sacramentum, an. 1773.

2) Catechismus Romanus, de Confirmatione.

3) Benedictus XIV. in Constitutione *Etsi Pastoralis*. §. 3. n. 4.; Bull. Tom. I.

ad salutem, seque paratos exhibeant pro Christo etiam sanguinem fundere.

Cum hoc Sacramentum indelebilem in anima characterem imprimat, reiterari non debet; et propterea, qui est confirmatus, ad illud recipiendum non audeat accedere; sicut nec excommunicatus, interdictus, in divinis communicans cum hæreticis, aut schismaticis, vel qui ritus idololatricos usurpat, sive alio modo publice peccat; item qui præceptum paschale non adimpleverit.

Caveant Confirmandi, ne sordida fronte,¹⁾ capillisque impexis ad hoc Sacramentum accedant, vestibus tamen sint induti, quemadmodum et Patrini, simplicibus, et ad modestiam compositis. Mulieres vero illud suscepturæ, et quæ Matrinarum officium exercebunt, non se in Ecclesia cum vanis ornamentis, aut fucata facie, sed cum omni modestia et reverentia præsentent.

Si quis ex Confirmandis turpe nomen, vel christiano homini non conveniens haberet, aliud in Confirmatione assumat.²⁾

Quamquam de necessitate hujus Sacramenti non sit, ut in eo recipiendo Patrinus vel Matrina adhibeatur, id tamen laudabilis Ecclesiæ consuetudo suadet, sacrique canones præscribunt.³⁾

Ab hoc vero munere excluduntur tum minores annis quatuordecim,⁴⁾ tum qui Sacramentum Confirmationis nondum receperunt.⁵⁾ Verum quia contingere potest, ut in locis Missionum nullus adsit, qui antea confirmatus fuerit, permittitur in hoc casu, ut aliqui sine Patrino confirmentur, qui postea Patrini ceterorum esse poterunt.

Ad Patrinos hujusmodi quod attinet, hæ insuper regulæ erunt observandæ. I. Ut non plures,⁶⁾ sed unus

¹⁾ Concilium Aquense, an. 1585. Instructio supradicta.

²⁾ Concilium Aquense, an. 1585; Concil. Tolosan., an. 1590., S. Carolus Borrom. in V. Synodo Mediolanen.

³⁾ Sacramentarium S. Gregorii M.; Ordo Romanus apud Hittorpium.

⁴⁾ Instructio prædicta.

⁵⁾ Can. *In Baptismate*. 102. de Consecrat., dist. 4.

⁶⁾ Can. *Non plures*. 101. dist. 4.

tantum, sive vir, sive mulier, in Patrinum aut Matrinam adhibeatur. II. Ut nec feminis mares,¹⁾ nec maribus feminae Patrini officium præstent, sed suo quisque sexui Patrinus adhibeatur. III. Ut nisi necessitas cogat,²⁾ idem non sit, sed diversus Confirmationis Patrinus a Patrino Baptismi. IV. Ut a Patrini munere arceantur excommunicati,³⁾ interdicti, publici peccatores, aut qui præceptum paschale omiserint.

Circa cognationem spirituales, quæ in hoc Sacramento contrahitur, hæc statuit Tridentina Synodus:⁴⁾ *Ea quoque cognatio, quæ ex Confirmatione contrahitur, Confirmantem, et Confirmatum, illiusque patrem, et matrem, ac tenentem non egrediatur, omnibus inter alias personas hujus spiritualis cognationis impedimentis omnino sublatis.*

Quod quidem Concilii decretum locum habet in iis, qui ad Tridentini statuta servanda adstringuntur. Ceteri vero disciplinæ in suis regionibus vigenti hac in parte se conforment.



um tempus advenerit, quo Sacerdos utens facultate sibi ab Apostolica Sede, ut supra, tributa, administrare Confirmationem intendit, vestibus sacerdotalibus, vel saltem alba et stola indutus, stans ante Altare versus ad populum hinc inde dispositum (quasculis a dexteris, feminis vero a sinistris), circumstantes summarie de præmissis admoneat, eisque præsertim denuntiet, quod nullus alius nisi solus Episcopus Confirmationis ordinarius minister est; se vero paratum esse illum conferre jure per S. Sedem delegato.

Mox delegationis Decreto, sive Brevis Apostolico, lingua vernacula alta et intelligibili voce lecto, iterum moneat adstantes, quod nullus Confirmatus discedat, nisi benedictione accepta, quam ipse post omnium Confirma-

¹⁾ Pontificale Romanum.

²⁾ Can. *In Catechismo*. 100. de Consecr., dist. 4.

³⁾ Pontificale Romanum.

⁴⁾ Sess. XXIV. *de Reform. Matrimonii*, cap. 2.

tionem daturus est. Item, quod infantes, si quos in prima ætate justa de causa confirmandos existimaverit, per Patrinos teneantur in brachiis dexteris, et quod adulti ponant pedem suum super pedem dexterum Patrini sui.

Hac altera monitione completa,¹⁾ pariter stans, et versa facie ad Confirmandos, junctis ante pectus manibus, Confirmandis vero genua flectentibus, et manus ante pectus junctas tenentibus, dicit:

℣. Spíritus sanctus supervéniat in vos, et virtus Altíssimi custódiat vos a peccátis.

℞. Amen.

Deinde signans se manu dextera a fronte ad pectus signo crucis, dicit:

℣. Adjutórium nostrum in nómine Dómini.

℞. Qui fecit cœlum et terram.

℣. Dómine exaúdi oratiómem meam.

℞. Et clamor meus ad te véniat.

℣. Dóminus vobíscum.

℞. Et cum spíritu tuo.

Tunc extensis versus Confirmandos manibus, dicit:

Orémus.

Omnípotens sempitérne Deus, qui regeneráre dignátus es hos fámulos tuos ex aqua, et Spíritu sancto, quique dedísti eis remissiómem ómnium peccatórum: emítte in eos septifórmem Spíritum tuum sanctum Paráclitum de cœlis.

℞. Amen.

Spíritum Sapiéntiæ, et Intelléctus.

℞. Amen.

Spíritum Consílii, et Fortitúdinis.

℞. Amen.

¹⁾ Pontificale Romanum.

Spíritum Sciéntiæ, et Pietátis.

R. Amen.

Adimple eos Spíritu Timóris tui, et consigna eos signo Cru † cis Christi in viam propitiátus ætérnam. Per eúmdem Dóminum nostrum Jesum Christum, Fílium tuum: qui tecum vivit, et regnat in unitáte Spíritus sancti Deus, per ómnia sæcula sæculórum. **R. Amen.**

Post hæc Sacerdos confirmat per ordinem genuflexos, primo mares, secundo feminas. Uno ordine confirmato illi surgunt, et alii genuflectunt, et confirmantur, et sic usque in finem. Inquit autem singillatim de nomine cujuslibet Confirmandi, sibi per Patrimum vel Matrinam flexis genibus præsentati, et summitate pollicis dexteræ manus Chrismate intincta dicit:

N. Signo te signo Cru † cis: quod dum dicit producit pollice signum crucis in frontem illius, deinde prosequitur: **et confírmo te Chrísmate salutis. In nómine Pa † tris, et Fí † lii, et Spíritus † sancti. R. Amen.**

Deinde leviter in maxilla cædit, dicens: **Pax tecum.**

Ligandæ essent vitta linea recens Confirmatorum frontes juxta Pontificalis Romani præscriptum. ¹⁾ Verum quoniam publica vittarum delatio apud infideles ludibrio exponere posset Sacramentum, ideo, si prævideatur hoc scandalum eventurum, consultius erit, vittas hujusmodi non adhibere; sed in hoc casu opus erit, ut Sacerdos, postquam frontes Confirmandorum linierit sacro Chrismate, eas gossypio, mox comburendo, diligenter abstergat, ac deinde lavet. ²⁾

Omnibus confirmatis, tergit cum mica panis, et lavat pollicem, et manus super pelvim; deinde aqua lotionis

¹⁾ De Confirmandis.

²⁾ S. Carolus Borrom. in dict. V. Synodo Mediolan.

cum pane fundatur in piscinam Sacrarü, in qua reponi debent etiam supradictorum gossypiorum cineres.

Dum lavat manus, si adsint ministri, cantatur, vel legitur sequens Antiphona; alias post lotionem ab ipso Sacerdote dicatur:

Confirma hoc, Deus, quod operátus es in nobis, a templo sancto tuo, quod est in Jerúsalem. V. Glória Patri, et Fílio, et Spirítui sancto; Sicut erat in princípío, et nunc, et semper, et in sœcula sæculórum. Amen.

Et repetitur Antiphona tono octavo: **Confirma hoc Deus, etc.**

Qua repetita, conversus ad Altare, junctis ante pectus manibus dicit:

V. Osténde nobis Dómine misericórdiam tuam.

R. Et salutáre tuum da nobis.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Junctis vero adhuc ante pectus manibus, et omnibus confirmatis devote genuflectentibus dicit:

Orémus.

Deus, qui Apóstolis tuis sanctum dedísti Spíritum, et per eos, eorúmque successóres céteris fidélibus tradéndum esse voluísti: réspice propítius ad humilitátis nostræ famulátum, et præsta; ut eórum corda, quorum frontes sacro Chrísmate delinívimus, et signo sanctæ Crucis signávimus, idem Spíritus sanctus in eis supervénies, templum glóriæ suæ dignánter inhabitándo perficiat: Qui cum Patre, et eódem

Spíritu sancto vivis et regnas Deus in sæcula sæculórum. R. Amen.

Deinde dicit: **Ecce sic benedicétur omnis homo, qui timet Dóminum.** Et vertens se ad Confirmatos, ac faciens super eos signum crucis, pariter dicit:

Bene † dicat vos Dóminus ex Sion, ut videátis bona Jerúsalem ómnibus diébus vitæ vestræ, et habeátis vitam ætérnam. R. Amen.

Exposita hoc pacto Confirmatione, Sacerdos sedens juxta memoratum Pontificale Romanum¹⁾ Patrínes et Matrinas monet, quod instruant filios suos bonis moribus, unde fugiant mala, et faciant bona; et si forte in infantili ætate essent confirmati, ut suo tempore doceant eos **Credo in Deum**, et **Pater noster**, et **Ave María**, quoniam ad hoc sunt obligati.

Hoc Sacramentum potest conferri minus solemniter, et præsertim tunc cum in privatis domibus, vel extra Ecclesiam seu Oratorium, pueris ægrotantibus, de quibus supra, conferendum est, vel etiam adultis, qui ad Ecclesiam quacumque ex causa, legitima tamen, accedere nequeunt. In iis casibus Sacerdos non omittat uti saltem stola, si superpelliceum habere non possit. Cavere etiam debet, ne coram hæreticis, aut schismaticis, et multo minus eis ministrantibus, confirmet.

Quod si tandem per Sedem Apostolicam alicui fieri potestatem contingat, Confirmationem administrandi in regionibus, in quibus, præter Latinos, degunt Orientales Catholici, non modo opus erit, ut supradicta diligenter observet, sed curabit etiam, priusquam Orientalibus ipsis hoc Sacramentum conferat, ab Apostolica Sede instructionem petere, quo pacto se gerere debeat erga Orientales uniuscujusque ritus.

¹⁾ Loc. cit.

Ut autem congruum quantocius responsum accipiat, de nonnullis S. Congregationem de Propaganda Fide singillatim certiore reddat oportet. Et primo quidem, cujus ritus sint Orientales hujusmodi; an fuerint a quodam confirmati, et a quibus, videlicet an a suis Episcopis, vel a Presbyteris propriæ nationis; an sponte petant confirmari; an Confirmationem commode a suis Episcopis recipere valeant; ac tandem, an Confirmatio administranda sit in Diœcesi, in qua actu resideat Episcopus Orientalis, qui sit Confirmandi Ordinarius.

Quam Sacræ Congregationis Instructionem SS. D. N. Clementi XIV. per me infrascriptum Secretarium ejusdem S. Congregationis relatum in Audientia habita die prima Maji anni currentis, Sanctitas Sua illam benigne in omnibus adprobavit, et omnino servari mandavit.

Datum Romæ ex Ædibus Sacræ Congregationis die IV. Maji MDCCLXXIV.

Stephanus Borgia Secretarius.

DE SACRAMENTO EUCHARISTIÆ.

DE MISSA BIS EADEM DIE CELEBRANDA.

Instructio a S. R. C. die 12. Sept. 1857 edita pro Sacerdote Apostolicam facultatem habente bis Missam eadem die celebrandi.



Quando Sacerdos eadem die duas Missas dissitis in locis celebrare debet, in prima, dum divinum Sanguinem sumit, eum diligentissime sorbeat. Exinde super corporale ponat Calicem et palla tegat, ac junctis manibus in medio Altari dicat: Quod ore sumpsimus, etc. et subinde admoto aquæ vasculo digitos lavet dicens: Corpus tuum, etc. et abstergat.

Hisce peractis Calicem, super corporale manentem adhuc, deducta palla cooperiat ceu mos est, scilicet

primum purificatorio linteo, deinde patena ac palla, et demum velo.

Post hæc Missam prosequatur, et completo ultimo Evangelio, rursus stet in medio Altaris, et detecto Calice, inspiciat an aliquid divini Sanguinis nec ne ad imum se receperit, quod plerumque continget. Quamvis enim sacræ species primum sedulo sorptæ sint, tamen dum sumuntur, cum particulæ, quæ circum sunt, undequaque sursum deferantur, non nisi deposito Calice ad imum redeunt. Si itaque divini Sanguinis gutta quædam supersit adhuc, ea rursus ac diligenter sorbeatur, et quidem ex eadem parte qua ille primum sumptus est. Quod nullimode omittendum est, quia Sacrificium moraliter durat, et superexstantibus adhuc vini speciebus ex divino præcepto compleri debet.

Postmodum Sacerdos in ipsum Calicem tantum saltem aquæ fundat, quantum prius vini posuerat, eamque circumactam ex eadem parte, qua S. Sanguinem biberat, in paratum vas demittat. Calicem subinde ipsum purificatorio linteo abstergat, ac demum cooperiat, uti alias fit, atque ab Altari discedat.

Depositis vestibibus sacris, et gratiarum actione completa, aqua e Calice demissa pro rerum adjunctis vel ad diem crastinum servetur (si nempe eo rursus Sacerdos redeat, Missam habiturus), et in secunda purificatione in Calicem demittatur, vel gossypio aut stuppa absorpta comburatur, vel in sacrario, si sit exsiccanda, relinquatur, vel demittatur in piscinam.

Cum autem Calix, quo Sacerdos primum est usus, purificatus jam sit, si illo ipso pro Missa altera indigeat, eum secum deferat: secus vero in altera Missa diverso Calice uti poterit.

Cum superior S. R. C. Instructio nonnisi casum respiciat, quo Sacerdos duas Missas dissitis in locis eadem die sit celebraturus; operæ pretium visum est, ex Commentariis Bartholomæi Gavanti et Cajetani Mariæ Merati hic ritus adjungere a Sacerdote servandos, cum utramque Missam in eadem Ecclesia offerre debet.

Hoc itaque in casu Sacerdos post haustum in prima Missa diligenter Sanguinem Domini, omissa consueta purificatione, patena Calicem et palla patenam tegens, ac super corporale relinquens, dicet junctis manibus: Quod ore sumpsimus, Dómine etc. Deinde digitos, quibus Ss. Sacramentum tetigit, in aliquo vase mundo, ad hoc in Altari præparato, abluet, interim dicens: Corpus tuum, Dómine etc.; abstersisque purificatorio digitis, Calicem velo cooperiet, velatumque ponet super corporale extensum.

Absoluta Missa, si nulla in Ecclesia sit sacristia, Calicem eodem modo super Altare relinquet; secus vero in sacristiam deferet, ibique super corporale vel pallam in aliquo loco decenti et clauso collocabit usque ad secundam Missam, in qua, cum eodem Calice uti debeat, illum rursus secum deferet ad Altare, ac super corporale extensum reponet.

Cum autem in secunda Missa Sacerdos ad Offertorium devenerit, ablato velo de Calice, hunc parumper versus cornu Epistolæ collocabit, sed non extra corporale; factaque hostiæ oblatione cavebit, ne purificatorio extergat calicem, sed eum intra corporale relinquens leviter elevabit, vinumque et aquam eidem caute imponet, ne guttæ aliquæ ad labia ipsius Calicis resiliant, quem deinde nullatenus ab intus abstersum more solito offeret.

~~~~~

### Modus sacram Eucharistiam deferendi occulte ad infirmos ob metum infidelium.

Ex Constitutione Benedicti XIV. *Inter Omnigenas*. §. 25. edita pro Servia et finitimis regionibus die 2. Febr. 1744.

**U**bi Turcarum vis prævalet et iniquitas, Sacerdos stolam semper habeat propriis coopertam vestibus: in sacculo, seu bursa Pyxidem recondat, quam per funiculos collo appensam in sinu reponat; et numquam solus procedat, sed uno saltem fidei, in defectu Clerici, associetur.

~~~~~

Decretum a S. Rituum Congregatione
die 9. Julii 1864 editum
de specie olei pro nutrienda lampade
Ss. Sacramenti.

Nonnulli Reverendissimi Galliarum Antistites, serio perpenderentes, in multis suarum Diocesium Ecclesiis difficile admodum et nonnisi magnis sumptibus comparari posse oleum olivarum ad nutriendam diu noctuque saltem unam lampadem ante Sanctissimum Eucharistiæ Sacramentum, ab Apostolica Sede declarari petierunt: Utrum in casu, attentis difficultatibus et Ecclesiarum paupertate, oleo olivarum substitui possint alia olea, quæ ex vegetabilibus habentur, ipso non excluso petroleo.

Sacra porro Rituum Congregatio, etsi semper sollicita, ut etiam in hac parte quod usque ab Ecclesiæ primordiis circa usum olei ex olivis inductum est, ob mysticas significationes retineatur; attamen silentio præterire minime censuit rationes ab iisdem Episcopis prolatas: ac proinde exquisito prius voto alterius ex Apostolicarum Cæremoniarum Magistris, subscriptus Cardinalis Præfectus ejusdem Sacræ Congregationis rem omnem proposuit in ordinariis Comitibus ad Vaticanum hodierna die habitis.

Eminentissimi autem et Reverendissimi Patres, sacris tuendis Ritibus præpositi, omnibus accurate perpendis ac diligentissime examinatis, rescribendum censuerunt: *Generatim utendum esse oleo olivarum; ubi vero haberi nequeat, remittendum prudentiæ Episcoporum, ut lampades nutriantur ex aliis oleis quantum fieri possit vegetabilibus.* Die 9. Julii 1864.

Facta postmodum de præmissis Sanctissimo Domino nostro Pio Papæ IX. per Secretarium fideli relatione, Sanctitas Sua sententiam Sacræ Congregationis ratam habuit, et confirmavit. Die 14. iisdem mense et anno.

LITANIE, PRECES ET ORATIONES

que dici debent in expositione XL horarum in alma Urbe.

Kyrie eléison.
Christe eléison.
Kyrie eléison.

Christe audi nos.

Christe exaúdi nos.

Pater de cœlis Deus,
miserére nobis.

Fili Redemptor mundi
Deus, miserére nobis.

Spíritus sancte Deus,
miserére nobis.

Sancta Trínitas unus
Deus, miserére nobis.

Sancta María,
ora pro nobis.

Sancta Dei Génitrix,
ora.

Sancta Virgo vírginum,
ora.

Sancte Míchaël, ora.

Sancte Gábriel, ora.

Sancte Ráphaël, ora.

Omnes sancti Angeli et
Archángeli,

oráte pro nobis.

Omnes sancti beatórum

Spirítuum órdenes,
oráte.

Sancte Joáñnes Baptí-
sta, ora.

Sancte Joseph, ora.

Omnes sancti Patriár-
ehæ et Prophétæ,
oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joáñnes, ora.

Sancte Thoma, ora.

Sancte Jacóbe, ora.

Sancte Philíppe, ora.

Sancte Bartholomæe,
ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Bárnaba, ora.

Sancte Luca, ora.

Sancte Marce, ora.

Omnes sancti Apóstoli
et Evangelístæ, oráte.

Omnes sancti Discípuli
Dómini, oráte.

Omnes sancti Innocén-
tes, oráte.

Sancte Stéphane, ora.	Omnes sancti Mónachi
Sancte Lauréti, ora.	et Eremítæ, oráte.
Sancte Vincéti, ora.	Sancta María Magdalé-
Sancti Fabiáne et Se-	na, ora.
bastiáne, oráte.	Sancta Agatha, ora.
Sancti Joánnes et Paule,	Sancta Lúcia, ora.
oráte.	Sancta Agnes, ora.
Sancti Cosma et Dami-	Sancta Cæcília, ora.
áne, oráte.	Sancta Catharína, ora.
Sancti Gervási et Pro-	Sancta Anastásia, ora.
tási, oráte.	Omnes sanctæ Vírgines
Omnes sancti Mártýres,	et Víduæ, oráte.
oráte.	Omnes Sancti et Sanctæ
Sancte Silvéster, ora.	Dei,
Sancte Gregóri, ora.	intercéдите pro nobis.
Sancte Ambrósi, ora.	Propítius esto,
Sancte Augustíne, ora.	parce nobis, Dómine.
Sancte Hierónyme, ora.	Propítius esto,
Sancte Martíne, ora.	exaúdi nos, Dómine.
Sancte Nicolæ, ora.	Ab omni malo,
Omnes sancti Pontífices	libera nos, Dómine.
et Confessóres, oráte.	Ab omni peccáto,
Omnes sancti Doctóres,	libera.
oráte.	Ab ira tua, libera.
Sancte Antóni, ora.	Ab imminéntibus perí-
Sancte Benedíte, ora.	culis, libera.
Sancte Bernárde, ora.	A flagélllo terræmótus,
Sancte Domínice, ora.	libera.
Sancte Francísce, ora.	A peste, fame, et bello,
Sancte Ludovíce, ora.	libera.
Omnes sancti Sacerdó-	A subitánea et improví-
tes et Levítæ, oráte.	sa morte, libera.

Ab insídiis diabóli,
libera.

Ab ira, et ódio, et omni
mala voluntáte, libera.

A spíritu fornicatiónis,
libera.

A fúlure et tempestáte,
libera.

A morte perpétua,
libera.

Per mystérium sanctæ
Incarnatiónis tuæ,
libera.

Per Advéntum tuum,
libera.

Per Nativitátem tuam,
libera.

Per Baptísmum et san-
ctum Jejúnium tuum,
libera.

Per Crucem et Passi-
onem tuam, libera.

Per Mortem et Sepultú-
ram tuam, libera.

Per sanctam Resurre-
ctionem tuam, libera.

Per admirábilẽ Adscen-
sionem tuam, libera.

Per advéntum Spíritus
sancti Parácliti,
libera.

In die iudicii, libera.

Peccatóres,
te rogámus audi nos.

Ut nobis parcas,
te rogámus.

Ut nobis indúlgeas,
te rogámus.

Ut ad veram poenitén-
tiam nos perdúcere di-
gnéris, te rogámus.

Ut Ecclesiám tuam san-
ctam régere, et con-
serváre dignéris,
te rogámus.

Ut Domnum Apostóli-
cum, et omnes eccle-
siásticos órdenes in
sancta religiõe con-
serváre dignéris,
te rogámus.

Ut Turcárum, et Hære-
ticórum conátus re-
primere, et ad níhi-
lum redígere dignéris,
te rogámus.

Ut inimícos sanctæ Ec-
clesiæ humiliáre di-
gnéris, te rogámus.

Ut Régibus et Princí-
pibus Christiánis pa-
cem et veram concór-
diam donáre dignéris,
te rogámus.

Ut cuncto pópulo Christiáno pacem, et unitátem largíri dignéris, te rogámus.

Ut nosmetípsos in tuo sancto servítio confortáre, et conserváre dignéris, te rogámus.

Ut mentes nostras ad coeléstia desidéria érigas, te rogámus.

Ut ómnibus benefactóribus nostris sempitérna bona retríbuas, te rogámus.

Ut ánimas nostras, fratrum, propinquórum, et benefactórum nostrórum ab æténa damnatióne erípias, te rogámus.

Ut fructus terræ dare, et conserváre dignéris, te rogámus.

V. Et ne nos indúcas in tentatiónem.

R. Sed líbera nos a malo.

Ut ómnibus fidélibus defúntis réquiem ætéram donáre dignéris, te rogámus.

Ut nos exaudíre dignéris, te rogámus.

Fili Dei, te rogámus.

Agnus Dei, qui tollis peccáta mundi, parce nobis, Dómine.

Agnus Dei, qui tollis peccáta mundi, exaúdi nos, Dómine.

Agnus Dei, qui tollis peccáta mundi, miserére nobis.

Christe audi nos.

Christe exaúdi nos.

Kyrie eléison.

Christe eléison.

Kyrie eléison.

Pater noster etc.

Psalmus 69.

Deus, in adjutórium meum inténde: * Dómine, ad adjuvándum me festína.

Confundántur, et revereántur, * qui quærunt ánimam meam.

Avertántur retrórsum, et erubéscant, * qui volunt mihi mala.

Avertántur statim erubescéntes, * qui dicunt mihi: Euge, euge.

Exsúltent et læténtur in te omnes, qui quærunt te: * et dicant semper: Magnificétur Dóminus, qui díligunt salutáre tuum.

Ego vero egénus, et pauper sum: * Deus, ádjuva me.

Adjútor meus, et liberátor meus es tu: * Dómine, ne moréris.

Glória Patri. Sicut erat.

V. Salvos fac servos tuos.

R. Deus meus, sperántes in te.

V. Esto nobis Dómine turris fortitúdinis.

R. A fácie inimíci.

V. Nihil profíciat inimícus in nobis.

R. Et fílius iniquitátis non appónat nocére nobis.

V. Dómine non secúndum peccáta nostra fácias nobis.

R. Neque secúndum iniquitátes nostras retribuas nobis.

V. Orémus pro Pontífice nostro N.

R. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus.

V. Orémus pro benefactóribus nostris.

R. Retribúere dignáre Dómine ómnibus nobis bona faciéntibus propter nomen tuum vitam ætérrnam. Amen.

Ÿ. Orémus pro fidélibus defúntis.

R̃. Réquiem ætérnam dona eis Dómine, et lux perpétua lúceat eis.

Ÿ. Requiéscant in pace.

R̃. Amen.

Ÿ. Pro frátribus nostris abséntibus.

R̃. Salvos fac servos tuos, Deus meus, sperántes in te.

Ÿ. Mitte eis Dómine auxílium de sancto.

R̃. Et de Sion tuére eos.

Ÿ. Dómine exaúdi oratióne meam.

R̃. Et clamor meus ad te véniat.

Ÿ. Dóminus vobíscum.

R̃. Et cum spírítu tuo.

Orémus.

Deus, qui nobis sub Sacraménto mirábili passióis tuæ memóriam reliquisti: tríbue, quæsumus, ita nos Córporis et Sanguinis tui sacra mystéria venerári; ut redemptionis tuæ fructum in nobis júgiter sentiámus.

Ab. Adventu usque ad Nativitatem Domini:

Deus, qui de beátæ Mariæ Vírginis útero Verbum tuum, Angelo nuntiánte, carnem suscípere voluisti: præsta supplícibus tuis; ut qui vere eam genitricem Dei crédimus, ejus apud te intercessióibus adjuvémur.

A Nativitate usque ad Purificationem:

Deus, qui salútis ætérnæ, beátæ Mariæ virginitáte fœcúnda, humano géneri præmia præstitísti; tríbue, quæsumus; ut ipsam pro nobis intercédere sentiámus, per quam merúimus

auctórem vitæ suscipere, Dóminum nostrum
Jesum Christum Fílium tuum.

A Purificatione usque ad Adventum Domini, etiam
tempore paschali:

Concéde nos fámulos tuos, quæsumus Dómine
Deus, perpétua mentis et córporis sanitáte
gaudere: et gloriósa beátæ Mariæ semper Vír-
ginis intercessióne, a præsentí liberári tristítia,
et ætéRNA pérfrui lætítia.

Omnípotens, sempitérne Deus: miserére fá-
mulo tuo Pontífici nostro N., et dírige eum
secúndum tuam cleméntiam in viam salútis
æternæ; ut, te donánte, tibi plácita cúpiat, et
tota virtúte perfíciat.

Deus, refúgium nostrum, et virtus: adésto
piis Ecclesiæ tuæ précibus, auctor ipse
pietátis, et præsta; ut quod fidéliter pétimus,
efficáciter consequámur.

Omnípotens, sempitérne Deus, in cujus manu
sunt ómnium potestátes, et ómnium jura
regnórum: réspice in auxílium Christianórum;
ut gentes Turcárum et hæreticórum, quæ in
sua feritáte et fraude confidunt, délixteræ tuæ
poténtia conterántur.

Omnípotens, sempitérne Deus, qui vivórum
domináris símulo et mortuórum, omniúmque
miseréris, quos tuos fide et ópere futúros esse
prænóscis: te súpplīces exorámus; ut pro qui-
bus effúndere preces decrevīmus, quosque vel
præsens sáculum adhuc in carne rétinet, vel
futúrum jam exútos córpore suscepit, interce-

déntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum nostrum Jesum Christum, Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

V. Dómine exaúdi oratióem meam.

R. Et clamor meus ad te véniat.

V. Exaúdiat nos omnípotens et miséricors Dóminus.

R. Et custódiat nos semper. Amen.

V. Fidélium ánimæ per misericórdiam Dei requiéscent in pace. R. Amen.

LITANÆ LAURETANÆ B. MARIE VIRG.

Kyrie eléison.
Christe eléison.
Kyrie eléison.

Christe audi nos.

Christe exaúdi nos.

Pater de cœlis Deus,
miserére nobis.

Fili, Redemptor mundi
Deus, miserére nobis.

Spíritus sancte Deus,
miserére nobis.

Sancta Trínitas unus
Deus, miserére nobis.

Sancta María,
ora pro nobis.

Sancta Dei Génitrix,
ora.

Sancta Virgo vírginum,
ora.

Mater Christi, ora.

Mater divínæ grátiae,
ora.

Mater puríssima, ora.

Mater castíssima, ora.

Mater invioláta, ora.

Mater intemeráta, ora.

Mater amábilis, ora.

Mater admirábilis, ora.

Mater Creatóris, ora.

Mater Salvatóris, ora.

Virgo prudentíssima,	ora.	Regína Patriarchárum,	ora.
Virgo veneránda,	ora.	Regína Prophetárum,	ora.
Virgo prædicánda,	ora.	Regína Apostolórum,	ora.
Virgo potens,	ora.	Regína Mártýrum,	ora.
Virgo clemens,	ora.	Regína Confessórum,	ora.
Virgo fidélis,	ora.	Regína Vírginum,	ora.
Spéculum justítiæ,	ora.	Regína Sanctórum óm-	ora.
Sedes sapiéntiæ,	ora.	nium,	ora.
Causa nostræ lætítiæ,	ora.	Regína sine labe ori-	ora.
Vas spirituále,	ora.	gináli concépta,	ora.
Vas honorábile,	ora.	Regína sacratíssimi Ro-	ora.
Vas insígne devotiónis,	ora.	sárii,	ora.
Rosa mystica,	ora.	Agnus Dei, qui tollis	
Turris Davídica,	ora.	peccáta mundi:	
Turris ebúrnea,	ora.	parce nobis, Dómine.	
Domus aúrea,	ora.	Agnus Dei, qui tollis	
Fóederis arca,	ora.	peccáta mundi:	
Jánua cœli,	ora.	exaúdi nos, Dómine.	
Stella matutína,	ora.	Agnus Dei, qui tollis	
Salus infirmórum,	ora.	peccáta mundi:	
Refúgium peccatórum,	ora.	miserére nobis.	
Consolátrix afflictórum,	ora.	Christe audi nos.	
Auxílium Christianó-	ora.	Christe exaúdi nos.	
rum,	ora.	Kyrie eléison.	
Regína Angelórum,	ora.	Christe eléison.	
	ora.	Kyrie eléison.	

V. Ora pro nobis, sancta Dei génitrix.

R. Ut digni efficiámur promissionibus Christi.

Orémus.

Concède nos fámulos tuos, quæsumus Dómine Deus, perpétua mentis et córporis sanitáte gaudére: et gloriósa beátæ Mariæ semper Vírginis intercessióne, a præsénti liberári tristítia, et ætéRNA pérfrui lætítia. Per Christum Dóminum nostrum. **R.** Amen.

LITANIE SS. NOMINIS JESU.

K yrie eléison.	Jesu, rex glóriæ, mis.
Christe eléison.	Jesu, sol justítiæ, mis.
Kyrie eléison.	Jesu, Fili Mariæ Vírgi-
Jesu, audi nos.	nis, mis.
Jesu, exaúdi nos.	Jesu, amábilis, mis.
Pater de cœlis Deus,	Jesu, admirábilis, mis.
miserére nobis.	Jesu, Deus fortis, mis.
Fili, Redémptor mundi	Jesu, pater futúri sæ-
Deus, miserére nobis.	culi, mis.
Spirítus sancte Deus,	Jesu, magni consílii án-
miserére nobis.	gele, mis.
Sancta Trínitas unus	Jesu, potentíssime, mis.
Deus, miserére nobis.	Jesu, patientíssime,
Jesu, Fili Dei vivi, mis.	mis.
Jesu, splendor Patris,	Jesu, obedientíssime,
mis.	mis.
Jesu, candor lucis ætér-	Jesu, mitis et húmilis
næ, mis.	corde, mis.

Jesu, amátor castitátis,	Jesu, fortitúdo Mártý-
mis.	rum, mis.
Jesu, amátor noster, mis.	Jesu, lumen Confessó-
Jesu, Deus pacis, mis.	rum, mis.
Jesu, auctor vitæ, mis.	Jesu, púritas Vírginum,
Jesu, exémpLAR virtú-	mis.
tum, mis.	Jesu, coróna Sanctórum
Jesu, zelátor animárum,	ómnium, mis.
mis.	Propítius esto,
Jesu, Deus noster, mis.	parce nobis, Jesu.
Jesu, refúgium nostrum,	Propítius esto,
mis.	exaúdi nos, Jesu.
Jesu, pater paúperum,	Ab omni malo,
mis.	libera nos, Jesu.
Jesu, thesaúrus fidéli-	Ab omni peccáto,
um, mis.	libera.
Jesu, bone pastor, mis.	Ab ira tua, libera.
Jesu, lux vera, mis.	Ab insídiis diabóli,
Jesu, sapiéntia ætéRNA,	libera.
mis.	A spíritu fornicatiónis,
Jesu, bónitas infiníta,	libera.
mis.	A morte perpétua,
Jesu, via et vita nostra,	libera.
mis.	A negléctu inspiratió-
Jesu, gaúdium Angeló-	num tuárum, libera.
rum, mis.	Per mystérium sanctæ
Jesu, rex Patriarchá-	incarnatiónis tuæ,
rum, mis.	libera.
Jesu, magíster Aposto-	Per nativitátem tuam,
lórum, mis.	libera.
Jesu, doctor Evangeli-	Per infántiam tuam,
stárum, mis.	libera.


Per diviníssimam vitam	Per gaúdia tua, líbera.
tuam, líbera.	Per glóriam tuam,
Per labóres tuos, líbera.	líbera.
Per agoníam et passió-	Agnus Dei, qui tollis
nem tuam, líbera.	peccáta mundi:
Per crucem et dereli-	parce nobis, Jesu.
ctiónem tuam, líbera.	Agnus Dei, qui tollis
Per languóres tuos,	peccáta mundi:
líbera.	exaúdi nos, Jesu.
Per mortem et sepúltu-	Agnus Dei, qui tollis
ram tuam, líbera.	peccáta mundi:
Per resurrectiónem tu-	miserére nobis, Jesu.
am, líbera.	Jesu, audi nos.
Per adscensiónem tuam,	Jesu, exaúdi nos.
líbera.	

Orémus.

Dómine Jesu Christe, qui dixísti: Pétite, et accipiétis; quærite, et inveniétis; pulsáte, et aperiétur vobis: quæsumus, da nobis peténtibus diviníssimi tui amóris afféctum, ut te toto corde, ore et ópere diligámus, et a tua numquam laude cessémus.

Sancti Nóminis tui, Dómine, timórem páriter et amórem fac nos habére perpétuum: quia numquam tua gubernatióne destítuis, quos in soliditáte tuæ dilectiónis instítuis. Per Dóminum . . . in unitáte Spíritus sancti Deus.

R. Amen.



DE BENEDICTIONIBUS.

BENEDICTIONES NON RESERVATÆ.

BENEDICTIO POPULI CUM AQUA BENEDICTA diebus Dominicis impertienda.



acerdos celebraturus, indutus pluviali coloris Officio convenientis, accedit ad Altare, et ibi ad gradus cum ministris genuflexus, etiam tempore paschali, accipit a Diacono adpersorium, et primo ter adspersit Altare, deinde se, et erectus ministros, incipiens Antiphonam: Adspérges me. Et Chorus prosequitur: Dómine hyssópo, etc. ut infra. Interim Celebrans adspersit Clerum; deinde populum, dicens submissa voce cum ministris Psalmum Miserére mei Deus.




Antiphona. Ad-spér-ges me

Dómine hyssópo, et mundábor: lavábis me, et super nivem dealbábor.

Psalmus 50. Miserére mei Deus secúndum magnam misericórdiam tuam. **Y.** Glória Patri.

Et repetitur Antiphona: Adspérges me.

Hæc Antiphona prædicto modo dicitur ad adspersionem aquæ benedictæ in Dominicis per totum annum: excepta Dominica de Passione, et Dominica Palmarum, in quibus non dicitur **Glória Patri**; sed post Psalmum **Miserére** repetitur immediate Antiphona **Adspérge me**. Excepto etiam tempore Paschali scilicet a Dominica Paschæ usque ad Pentecosten inclusive, quo tempore cantatur sequens



Antiphona. Vi - di a - quam

egrediéntem de templo, a látere dextro, allelúja: et omnes, ad quos pervénit aqua ista, salvi facti sunt, et dicent: allelúja, allelúja.

Psalmus 117. **Confitémini Dómino quóniam bonus: quóniam in sáculum misericórdia ejus.**

V. Glória Patri.

Repetitur Ant.: **Vidi aquam egrediéntem.**

In Dom. vero Trinitatis resumitur: **Adspérge me Dómine.**

In die sancto Paschæ, et Pentecostes, ubi est fons Baptismalis, fit adspersio cum aqua pridie benedicta in fonte Baptismi, et ante infusionem Olei et Chrismatis accepta.

Inita Antiphona supradicto modo, Sacerdos qui adspersit aquam, reversus ad Altare, stans ante gradus Altaris junctis manibus, dicat:

V. Osténde nobis Dómine misericórdiam tuam.

Tempore Paschali additur: **Allelúja.**

R. Et salutáre tuum da nobis.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio.

Exáudi nos, Dómine sancte, Pater omnípotens, ætérne Deus: et mittere dignéris sanctum Angelum tuum de cœlis, qui custodiat, foveat, protégat, vísitet, atque deféndat omnes habitántes in hoc habitáculo. Per Christum Dóminum nostrum. R. Amen.

BENEDICTIO VINI

in festo S. Joannis Evangelistæ.

In festo sancti Joannis Evangelistæ, expleta omnino Missa majore, hoc est post ultimum Evangelium, retentis omnibus paramentis, excepto manipulo, vinum a populo oblatum, in memoriam et honorem S. Joannis, qui venenum innocue sumpsit, benedicitur hoc modo:

V. Adjutórium nostrum in nómine Dómini.

R. Qui fecit cœlum et terram.

V. Dómine exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Bene ✠ dicere et conse ✠ crare dignéris, Dómine Deus, dextera tua hunc cálicem vini, et cujúslibet potus: et præsta; ut per mérita sancti Joánnis Apóstoli et Evangelistæ, omnes in te credéntes et de cálice isto bibéntes benedicántur, et protegántur. Et sicut beátus Joánnes de cálice bibens venenum, illæsus omníno permánsit, ita omnes, hac die in honórem beáti Joánnis de cálice isto bibéntes, méritis ipsíus ab omni ægritúdine venéni,

et nóxiis quibúsviſ absolvántur, et córpore ac ánima se offeréntes, ab omni culpa liberéntur. Per Christum Dóminum nostrum. R. Amen.

Béne † dic, Dómine, hanc creatúram potus: ut sit remédium salutáre ómnibus suméntibus: et præsta per invocatióem sancti nóminis tui; ut quicúmque ex eo gustáverint, tam ánimæ quam córporis sanitátem te donánte percípiant. Per Christum Dóminum nostrum.

R. Amen.

Concludendo:

Et benedictio Dei omnipoténtis, Pa † tris, et Fí † lii, et Spíritus † sancti, descéndat super hanc creatúram vini, et cújúslibet potus, et máneat semper. Amen.

Postremo aqua benedicta adspergat.

¶ Quod si benedictio illa fiat privatim extra Missam, Sacerdos, superpelliceo et stola indutus, eam conficiat modo superius tradito.

ALIA BENEDICTIO VINI

in festo S. Joannis Apostoli et Evangelistæ.

Approbata pro Archidiœcesi Coloniensi.

In fine Missæ post Evangelium sancti Joannis, scilicet
In principio, dicitur:

Psalmus 22.



Dóminus regit me, et nihil mihi déerit:
* in loco páscuæ ibi me collocávit.

Super aquam refectiόνis educávit me:

* ánimam meam convértit.

Dedúxit me super sémitas justítia: * propter nomen suum.

Nam et si ambulávero in médio umbræ mortis, non timébo mala: * quóniam tu mecum es.

Virga tua, et báculo tuus: * ipsa me consoláta sunt.

Parásti in conspéctu meo mensam: * advér-sus eos, qui tríbulant me.

Impinguásti in óleo caput meum: * et calix meus inébrians quam præclárus est!

Et misericórdia tua subsequétur me: * ómnibus diébus vitæ meæ.

Et ut inhábitem in domo Dómini: * in longitúdinem diérum.

Glória Patri. Sicut erat.

Kyrie eléison. Christe eléison. Kyrie eléison.

Pater noster. secreto.

V. Et ne nos indúcas in tentatiónem.

R. Sed libera nos a malo.

V. Salvos fac servos tuos.

R. Deus meus, sperántes in te.

V. Mitte eis, Dómine, auxílium de sancto.

R. Et de Sion tuére eos.

V. Nihil proficiat inimícus in eis.

R. Et fílius iniquitátis non appónat nocére eis.

V. Et si mortíferum quid bíberint.

R. Non eis nocébit.

V. Dómine exaúdi oratiónem meam.

R. Et clamor meus ad te véniat.

Orémus.

Oratio.

Dómine sancte, Pater omnípotens, ætérne Deus: qui Fílium tuum tibi coætérnum et consubstantiálem de cœlis descéndere, et de

sacratíssima Vírgine María in hoc témpore plenitúdinis incarnári temporáliter voluísti, ut ovem pérditam et errántem quæreret, et in húmeris pròpriis ad ovíle reportáret; nec non ut eum, qui in latrónes incidit, a vúlnerum suórum dolóre, infúdens ipsi vinum et óleum, curáret; béne ✠ dic et sanctí ✠ fica hoc vinum: quod de vite in potum hóminum produxísti, et præsta: ut quisquis in hac sacra solemnitáte de eo sumpserit vel bíberit, salútem ánimæ et córporis consequátur: et si in peregrinatióne fúerit, ab eódem, tua grátia mediánte, confortétur; ut via ejus in omni prosperitáte dirigátur. Per eúndem Dóminum.

Alia Oratio.

Dómine Jesu Christe, qui te vitem veram, et sanctos Apóstolos tuos pálmities appellári, et de ómnibus te diligéntibus víneam eléctam plantáre voluísti; béne ✠ dic hoc vinum, et virtútem ei tuæ benedictiónis infúnde: ut quicúmque ex eo sumpserit vel bíberit, intercedénte dilécto discípulo tuo Joánnē Apóstolo et Evangelísta, síngulis morbis et venénis pestíferis effugátis, sanitátem inde córporis et ánimæ consequátur: Qui vivis et regnas.

Alia Oratio.

Deus, qui humáno géneri panem in cibum, et vinum in potum procreásti, ut panis corpus confortet, et vinum cor hóminis lætíficet; quique beáto Joánni prædilécto discípulo tuo tantam grátiam contulísti, ut non solum

haustum venéni illæsus eváderet, sed étiam in tua virtúte venéno prostrátos a morte resuscitáret: præsta ómnibus hoc vinum bibéntibus, ut spirituálem lætítiam et vitam cónsequi mereántur ætérrnam. Per Dóminum nostrum Jesum Christum. *R.* Amen.

BENEDICTIO AURI, MYRRHÆ ET THURIS
in die Epiphaniæ.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Súscipe, sancte Pater, a me indígno fámulo tuo hæc múnera, quæ in honórem nóminis tui sancti, et in título omnipoténtiæ tuæ majestátis, humíliter tibi óffero; sicut suscepísti sacrificium Abel justí, et sicut éadem múnera a tribus Magis tibi quondam offeréntibus suscepísti.

Exorcízo te, creatúra auri, myrrhæ et thuris, per Patrem ✠ omnipoténtem, per Jesum Christum ✠ Fílium ejus unigénitum, et per Spírítum sanctum ✠ Paráclitum: ut a te discédât omnis fraus, dolus, et nequítia diáboli, et sis remédium salutáre humáno géneri contra insídias inimíci; et quicúmque divíno freti auxílio te in suis lóculis, dómibus, aut circa se habúerint, per virtútem et mérita Dómini et Salvatóris nostri, ac intercessiónem ejus san-

ctíssimæ Genitrícis et Vírginis Maríæ, ac eórum, qui hódie simílibus munéribus Christum Dóminum veneráti sunt, omniúmque Sanctórum, ab ómnibus perículis ánimæ et córporis liberéntur, et bonis ómnibus pérfrui mereántur.

R. Amen.

Deus invisíbilis et interminábilis, pietátem tuam per sanctum et treméndum Filii tui nomen, supplicíter deprecámur: ut in hanc creatúram auri, thuris, myrrhæ bene † dictiónem ac operatióem tuæ virtútis infúndas: ut qui ea penes se habúerint, ab omni ægritúdinis et læsiónis incúrsu tuti sint; et omnes morbos córporis et ánimæ effúgiant, nullum dominétur eis perículum, et læti, ac incólumes tibi in Ecclésia tua desérviant: qui in Trinitáte perfécta vivis et regnas Deus per ómnia sæcula sæculórum. *R.* Amen.

Postea adspergantur aqua benedicta.

Et benedíctio Dei omnipoténtis, Pa † tris, et Fí † lii, et Spíritus † sancti, descéndat super hanc creatúram auri, thuris et myrrhæ, et máneat semper. *R.* Amen.

BENEDICTIO CRETÆ

in festo Epiphaniæ.

Béne † dic, Dómine Deus, creatúram istam cretæ: ut sit salutáris humáno géneri; et præsta per invocatióem nóminis tui sanctíssimi, ut quicúmque ex ea sumpserint, vel in ea in domus suæ portis scrípserint nómina

sanctorum tuorum Gáspari, Melchióris et Baltáassar, per eorum intercessiónem et mérita, córporis sanitátem et ánimæ tutélam percípiant. Per Christum Dóminum nostrum. R̃. Amen.

Adspergatur aqua benedicta.

BENEDICTIO DOMORUM

in festo Epiphaniæ.

In ingressu: Ṽ. Pax huic dómui.

R̃. Et ómnibus habitántibus in ea.

Antiphona. Ab Oriénte venérunt Magi in Béthlehem, adoráre Dóminum: et apértis thesaúris suis pretiósa múnera obtulérunt, aurum Regi magno, thus Deo vero, myrrham sepulchræ ejus. Allelúja.

Canticum B. Mariæ Virginis.

Luc. Cap. I. v. 46.

Magnificat * ánima mea Dóminum.

Et exultávit spíritus meus * in Deo salutári meo.

Quia respexit humilitátem ancíllæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede: * et exaltávit húmiles.

Esuriéntes implévit bonis: * et dívites dimísit inánes.

Suscépit Israël púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sácula.

Glória Patri. Sicut erat.

Interea adspergitur, et incensatur domus, et in fine repetitur Antiphona: Ab Oriénte venérunt, etc.

Pater noster, etc. secreto.

V. Et ne nos indúcas in tentatiónem.

R. Sed líbera nos a malo.

V. Omnes de Saba vénient.

R. Aurum et thus deferéntes.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus, qui hodiérna die Unigénitum tuum Géntibus stella duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sácula sæculórum. R. Amen.

Responsorium. Illumináre, illumináre Jerúsalem, quia venit lux tua: et glória Dómini super te orta est, Jesus Christus ex María Vírgine.

℣. Et ambulábunt gentes in lúmine tuo: et reges in splendóre ortus tui.

℞. Et glória Dómini super te orta est.

Orémus.

Béne + dic, Dómine Deus omnípotens, locum istum (vel domum istam): ut sit in eo (vel in ea) sánitas, cástitas, victóriæ virtus, humilitas, bónitas et mansuetúdo, plenitúdo legis, et gratiárum áctio Deo Patri, et Fílio, et Spíritui sancto; et hæc benedíctio máneat super hunc locum (vel super hanc domum), et super habitántes in eo (vel in ea). Per Christum Dóminum nostrum. ℞. Amen.

BENEDICTIO CANDELARUM

in festo S. Blasii Episcopi et Martyris.

℣. Adjutórium nostrum in nómine Dómini.

℞. Qui fecit cœlum et terram.

℣. Dómine, exáudi oratióem meam.

℞. Et clamor meus ad te véniat.

℣. Dóminus vobíscum.

℞. Et cum spíritu tuo.

Orémus.

Omnípotens et mitíssime Deus, qui ómnium mundi rerum diversitatés solo Verbo creásti, et ad hóminum reformatiódinem illud idem Verbum, per quod facta sunt ómnia, incarnári voluísti: qui magnus es, et imménsus, terríbilis atque laudábilis, ac fáciens mirabília: pro cuius fidei confessiódine gloriósus Martyr et Póntifex Blásius, diversórum tormentórum gé-

nera non pavescens, martyrii palmam feliciter est adeptus: quique eidem, inter ceteras gratias, hanc prerogativam contulisti, ut quoscunque gutturis morbos tua virtute curaret; majestatem tuam suppliciter exoramus, ut non inspectu reatus nostri, sed ejus placatus meritis et precibus, hanc ceræ creaturam benedicere, ac sanctificare tua venerabili pietate digneris, tuam gratiam infundendo; ut omnes, quorum colla per eam ex bona fide tacta fuerint, a quocunque gutturis morbo ipsius passionis meritis liberentur, et in Ecclesia sancta tua sani et hilares tibi gratiarum referant actiones, laudentque nomen tuum gloriosum, quod est benedictum in sæcula sæculorum. Per Dominum nostrum Jesum Christum Filium tuum: qui tecum vivit et regnat in unitate Spiritus sancti Deus, per omnia sæcula sæculorum.

R. Amen.

Adspergantur aqua benedicta.

Deinde Sacerdos terminata Missa, deposita casula, et manipulo, accensis duobus cercis, ac in modum crucis aptatis, apponens illos sub mento gutturi cujusvis benedicendorum, ipsis ante Altare genuflectentibus, dicat:

Per intercessionem sancti Blasii, Episcopi et Martyris, liberet te Deus a malo gutturis, et a quolibet alio malo. In nomine Patris, et Filii, et Spiritus sancti. Amen.

BENEDICTIO HERBARUM

in festo Assumptionis B. Mariæ V.

Absoluta adpersione, si Festum venerit in Dominica, alioquin immediate ante maiorem Missam, Officians ante Altare, conversus ad populum tenentem herbas, vel fructus, incipit voce intelligibili:

V. Adjutórium nostrum in nómine Dómini.

R. Qui fecit coelum et terram.

Deinde dicat:

Psalmus 64.

Te decet hymnus, Deus, in Sion: * et tibi reddétur votum in Jerúsalem.

Exaúdi oratióem meam: * ad te omnis caro véniet.

Verba iniquórum prævaluérunt super nos: * et impietátibus nostris tu propitiáberis.

Beátus quem elegísti et assumpsísti: * inhabitábit in átriis tuis.

Replébimur in bonis domus tuæ: * sanctum est templum tuum, mirábile in æquitáte.

Exaúdi nos, Deus salutáris noster: * spes ómnium finium terræ, et in mari longe.

Præparans montes in virtúte tua, accíntus poténtia: * qui contúrbas profúndum maris, sorum flúctuum ejus.

Turbabúntur gentes, et timébunt, qui hábitant téminos a signis tuis: * éxitus matutíni et vespere delectábis.

Visitásti terram, et inebriásti eam: * multiplicásti locupletáre eam.

Flumen Dei replétum est aquis, parásti cibum illórum: * quóniam ita est præparátio ejus.

Rivos ejus inébria, múltiplica genímína ejus:
* in stillicídiis ejus lætábitur gérmínans.

Benedíces corónæ anni benignitátis tuæ: *
et campi tui replebúntur ubertáte.

Pinguéscent speciósa desérti: * et exsulta-
tióne colles accingéntur.

Indúti sunt arietes óvium, et valles abundá-
bunt fruménto: * clamábunt, étenim hymnum
dicent.

Glória Patri. Sicut erat.

℣. Dóminus dabit benignitátem.

℞. Et terra nostra dabit fructum suum.

℣. Rigans montes de superióribus suis.

℞. De fructu óperum tuórum satiábitur terra.

℣. Producens fœnum juméntis.

℞. Et herbam servitúti hóminum.

℣. Ut edúcas panem de terra.

℞. Et vinum lætíficet cor hóminis.

℣. Ut exhílalet fáciem in óleo.

℞. Et panis cor hóminis confírmet.

℣. Misit verbum suum, et sanávit eos.

℞. Et erípuit eos de ómnibus interitió nibus
eórum.

℣. Dómine exaúdi oratió nem meam.

℞. Et clamor meus ad te véniat.

℣. Dóminus vobíscum.

℞. Et cum spírítu tuo.

Orémus.

Omnípotens sempitérne Deus, qui cœlum, ter-
ram, mare, visibília et invisibília, verbo
tuo ex nîhilo creásti, quique herbas, arborés-
que ad usus hóminum animalíumque terram

gignere, et unumquódque juxta seméntem in semetípso fructum habére præcepísti; atque non solum ut herbæ animántibus ad victum, sed ægris étiam corpóribus prodéssent ad medicaméntum, tua ineffábili pietáte concessísti: te súpplīci mente et ore deprecámur, ut has diversī gēneris herbas et fructus tua cleméntia bene † dicas, et supra naturálem a te índitam virtútem, eis benedictiónis tuæ novæ grátiam infúndas; ut ad usum homínibus et juméntis in nómine tuo applicátæ, ómnium morbórum et adversitátum efficiántur præsidium. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Orémus.

Deus, qui per Móysen fámulum tuum mādásti fíliis Israēl, ut manípulos novórum frúctuum benedicéndos deférrent ad sacerdótes, tolleréntque fructus árboris pulchérriamæ, et lætaréntur coram te Dómino Deo suo: adésto propítius invocatióibus nostris, et infúnde tuæ bene † dictiόνis abundántiam super nos, et super manípulos novárum frugum, novárum herbárum, et frúctuum collectiόνem, quæ cum gratiárum actiόνē tibi repræsentámus, et in nómine tuo in hac solemnitáte bene † dicimus; et concéde, ut homínibus, pecóribus, pecúdibus et juméntis contra morbos, pestes, úlcerā, maleficia, incantatiónes, veneficia serpéntum, et aliórum venenosórum animálium et bestiárum

morsus, nec non quæcúmque venéna, remédium præstent: atque contra diabólicas illusiones, et machinationes, et fraudes tutámen ferant, in quocúmque loco pòsitum vel portátum aut hábitum áliquid ex eis fúerit: quátenus cum manípulis bonórum óperum, méritis beátæ Mariæ Vírginis, cujus Assumptiónis festum cólimus, quo ipsa assúpta est, súscipi mereámur. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum. R̃. Amen.

Orémus.

Deus, qui virgam Jesse, Genitrícem Fílii tui Dómini nostri Jesu Christi, hodiérna die ad cœlórum fastigia ídeo evexisti, ut per ejus suffrágia et patrocínia fructum ventris illíus, eúndem Fílium tuum, mortalitáti nostræ comunicáres: te súplices exorámus; ut ejúsdem Fílii tui virtúte, ejúsque Genitrícis glorióso patrocínio, istórum terræ frúctuum præsídiis per temporálem ad ætérnam salútem disponámur. Per eúndem Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum. R̃. Amen.

Et benedíctio Dei omnipoténtis, Pa ✠ tris, et Fí ✠ lii, et Spíritus ✠ sancti, descéndat super has creatúras, et máneat semper. R̃. Amen.

Postea herbæ aqua benedicta adspergantur et thurificentur.

BENEDICTIO SEMINUM ET SEGETUM

in festo Nativitatis B. Mariæ V.

Y. Adjutórium nostrum in nómine Dómini.

R. Qui fecit cœlum et terram.

Y. Dómine exaúdi oratióem meam.

R. Et clamor meus ad te véniat.

Y. Dóminus vobíscum.

R. Et cum spírítu tuo.

Orémus.

Dómine sancte, Pater omnípotens, sempitérne Deus: pétimus ac rogámus, ut hos fructus ségetum ac séminum tuis serénis óculis, hilaríque vultu adspícere dignéris: et sicut testátus es Móysi fámulo tuo in terra Ægypti, dicens: Dic fíliis Israël, cum ingrèssi fúerint terram promissiónis, quam eis dabo, ut primítias frúctuum suórum ófferant sacerdotíbus, et erunt benedícti; sic et nos rogámus te Dómine, ut per auxílium misericórdiæ tuæ emítas super hunc fructum ségetum dexteræ tuæ bene + dictiónem, quem ad exhibéndum próferre dignéris, ut non súbruat grando, nec áëris inundátio extérminet, sed semper incólumis permáneat, propter usum animárum et córporum, et ad bene abundántem et pleníssimam maturitátem perdúcere dignéris: Qui in Trinitáte perfécta vivis et regnas in sæcula sæculórum. R. Amen.

Orémus.

Omnípotens sempitérne Deus, cœléstis verbi seminátor et cultor, qui nostri cordis áream

spiritalibus rastris exéres: adésto propítius
 précibus nostris, et super agros, quibus si fú-
 erint sémina ínsita, tuam largam benedicti-
 onem infúnde, ac ab eis omnem vim procellá-
 rum grátia tuæ defensiónis avérte; ut omnis
 hic fructus et tua bene + dictióne repleátur, et
 ad hórrea sine impediménto pervéniat. Per
 Dóminum nostrum Jesum Christum Fílium tu-
 um: qui tecum vivit et regnat in unitáte Spí-
 ritus sancti Deus, per ómnia sǎcula sǎculórum.

R. Amen.

Adspergantur aqua benedicta, et, si fieri potest, thu-
 rificentur.

BENEDICTIO INSTRUMENTORUM ORGANI IN ECCLESIA.

V. Adjutórium nostrum in nómine Dómini.

R. Qui fecit cœlum et terram.

Psalmus 150.

Laudáte Dóminum in sanctis ejus: * laudáte
 eum in firmaménto virtútis ejus.

Laudáte eum in virtútibus ejus: * laudáte
 eum secúndum multitudínem magnitúdinis ejus.

Laudáte eum in sono tubæ: * laudáte eum
 in psalterio et cíthara.

Laudáte eum in tympano et choro: * lau-
 dáte eum in chordis et órgano.

Laudáte eum in cymbalis benesonántibus,
 laudáte eum in cymbalis jubilatiónis: * omnis
 spíritus laudet Dóminum.

Glória Patri. Sicut erat.

℣. Laudáte Dóminum in tympano et choro.

℞. Laudáte eum in chordis et órgano.

℣. Dóminus vobíscum.

℞. Et cum spírítu tuo.

Orémus.

Deus, qui per Móysen fámulum tuum tubas ad canéndum super sacrificiis, nómini tuo offeréndis, fácere præcepísti, quique per fílios Israël in tubis et cymbalis laudem tui nóminis decantári voluísti: béne + dic, quæsumus, hoc instruméntum órgani, cúltoi tuo dedicátum; et præsta, ut fidéles tui in cánticis spirituálibus jubilántes in terris, ad gaúdia ætérra perveníre mereántur in cœlis. Per Dóminum nostrum Jesum Christum Fílium tuum: qui tecum vivit et regnat in unitáte Spírítus sancti Deus, per ómnia sácula sæculórum. ℞. Amen.

BENEDICTIO VEXILLI PROCESSIONALIS.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spírítu tuo.

Orémus.

Dómine Jesu Christe, cujus Ecclésia est vél-uti castrórum ácies ordináta: béne + dic hoc vexíllum; ut omnes sub eo tibi Dómino Deo exercítuum militántes, per intercessiónem beáti N. (vel beátæ N.) inimícos suos visíbles et invisíbles in hoc sáculo superáre, et post victóriam in cœlis triumpháre mereántur. Per

te, Jesu Christe, qui vivis et regnas cum Deo Patre et Spírítu sancto, in sácula sæculórum.

R. Amen.

Deinde Vexillum adspergat aqua benedicta.

BENEDICTIO METALLI PRO CAMPANA

dum ære conflatur.

V. Adjutórium nostrum in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Dómine Deus omnípotens, qui creatúris étiam inanimátis hunc honórem tríbuis, ut ad cultum tuum destinéntur: tuam, quæsumus, bene + dictiónem effúnde super hoc metállum; et præsta, ut cum jam in rívulos ignítos prófluet, tua dirigénte délixtera et protegénte grátia, apte et conveniénter disponátur ad efformándum tintinnábulum, quo (vel efformánda tintinnábula, quibus) fidéles ad laudem et glóriam nóminis tui in ecclésia congregéntur. Per Christum Dóminum nostrum.

R. Amen.

Deinde Fornacem adspergit aqua benedicta.

Postquam autem feliciter completum fuerit opus, Sacerdos dicit:

Psalmus 116.

Laudáte Dóminum, omnes gentes: * laudáte eum, omnes pópuli.

Quóniam confirmáta est super nos misericórdia ejus: * et véritas Dómini manet in ætérnum. Glória Patri. Sicut erat.

Postea adjungit Orationem sequentem:

Orémus.

Actiões nostras, quæsumus Dómine, adspirando præveni, et adjuvando proséquere: ut cuncta nostra orátio et operátio a te semper incípiat, et per te cœpta finiátur. Per Christum Dóminum nostrum. R. Amen.

BENEDICTIO DOMUS SCHOLARIS

noviter erecta.



Die Dominicali vel Festivali, a Curato, et Patrono constituta et rite promulgata, Officians et qui adsunt sacerdotes et ministri, in domo parochiali, vel, si in loco, ubi schola benedicenda sit, domus parochialis non fuerit, in aliqua alia decenti domo, paramentis coloris albi induti, omnibus bene paratis, hora statuta, præcedente scholari juventute cum vexillo suo, choro et subdiacono cum Cruce, et sequente Patrono vel ejus commissario, cum reliquis fidelibus ad hanc solemnitatem invitatis, bono ordine in solemni processione, sub pulsu campanarum et cantu Litaniarum ad omnes Sanctos vel piorum hymnorum, ex domo parochiali in ecclesiam se conferunt, ubi Officians ad aram majorem, in infimo gradu genuflexus, tono consueto intonat sequentem Hymnum. Quod si vero ecclesia nulla sit in loco, sequentia dicantur in domo, e qua egrediuntur.

Veni Créator Spíritus: quem chorus prosequitur: **Mentes tuórum vísita, * Imple supérna grátia, * Quæ tu creásti pectora.**

Qui diceris Paráclitus, * Altíssimi donum Dei, * Fons vivus, ignis, caritas, * Et spiritalis únctio.

Tu septifórmis múnere, * Dígitus Patérnæ dexteræ, * Tu rite promíssum Patris, * Ser-móne ditans gúttura.

Accénde lumen sénsibus, * Infúnde amórem córdibus, * Infírma nostri córporis * Vir-túte firmans pérpeti.

Hostem repéllas lóngius, * Pacémque dones prótinus: * Ductóre sic te prævio * Vitémus omne nóxium.

Per te sciámus da Patrem, * Noscámus at-que Fílium: * Teque utriúsque Spíritum * Cre-dámus omni témpore.

Deo Patri sit glória, * Ejúsque soli Fílio, * Cum Spíritu Paráclito, * Nunc et per omne sæculum. Amen.

Tempore Paschali:

Deo Patri sit glória, * Et Fílio, qui a mór-tuis * Surréxit, ac Paráclito, * In sæculórum sæcula. Amen.

Hoc finito cantatur:

℣. Kyrie eléison. ℞. Christe eléison.

℣. Kyrie eléison. Pater noster. secreto.

℣. Et ne nos indúcas in tentatiónem.

℞. Sed libera nos a malo.

℣. Dómine exaúdi oratiónem meam.

℞. Et clamor meus ad te véniat.

℣. Dóminus vobíscum.

℞. Et cum spíritu tuo.

Orémus.

Deus, qui corda fidélium sancti Spíritus illustratione docuisti: da nobis in eódem Spíritu recta sápere, et de ejus semper consolatione gaudére.

Deus, cui omne cor patet, et omnis volúntas lóquitur, et quem nullum latet secrétum: purifica per infusiónem sancti Spíritus cogitationes cordis nostri; ut hanc nostram benedictionem digne perfícere, et tuis fidélibus perinde optátam salútem procuráre valeámus.

Actiones nostras, quæsumus Dómine, adspirando præveni, et adjuvando proséquere: ut cuncta nostra orátio et operátio a te semper incípiat, et per te cœpta finiátur. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sœcula sæculórum.

R. Amen.

V. Sínite párvulos veníre ad me.

R. Tálum est enim regnum cœlórum.

Orémus.

Omnípotens sempitérne Deus, te suppliciter deprecámur, ut respícere dignéris super infántulos tuos: infúnde in corda eórum grátiam Spíritus sancti; ut per eúmdem illumináti et edócti sciant, quid accéptum sit coram te omni témpore, et proficiant sapiéntia, ætáte et grátia. Per Christum Dóminum nostrum.

R. Amen.

V. Adjutórium nostrum in nómine Dómini.

R. Qui fecit cœlum et terram.

Diaconus: V. Procedámus in pace.

R. In nómine Christi. Amen.

Nunc Officians in processione solemnī, sub cantu scholaris juventutis et pulsu campanarum, vadit ad Scholam benedicendam. Quo cum pervenerit Officians, stans ante januam exteriorem, cantat solus:

V. Pax huic dómui.

R. Et ómnibus habitántibus in ea.

Tunc intonat Antiphonam: **Adspérges me.** Et chorus prosequitur tono Psalmi:

Dómine, hyssópo et mundábor: lavábis me, et super nivem dealbábor.

Miserére mei, Deus: secúndum magnam miséricórdiam tuam.

Glória Patri, et Fílio, et Spirítui sancto.

Sicut erat in princípio, et nunc et semper: et in sácula sæculórum. Amen.

Deinde repetitur Antiph. **Adspérges me, Dómine, hyssópo, et mundábor: lavábis me, et super nivem dealbábor.**

Interim dum hæc cantantur, Officians adspergit parietes exteriores saltem in anteriori parte aqua benedicta.

His finitis, Officians cantat:

V. Dóminus vobíscum.

R. Et cum spírítu tuo.

Orémus.

Omnípotens et miséricors Deus, qui sacerdotibus tuis tantam præ céteris grátiam contulisti, ut quidquid in tuo nómine digne, perfectéque ab iis ágitur, a te fieri credátur: quæsumus imménsam cleméntiam tuam; ut quidquid modo visitatúri sumus, vísites, et quidquid

benedictúri sumus, bene † dícas, sitque ad nostræ humilitátis intróitum, Sanctórum tuórum méritis, fuga inimíci, Angeli pacis ingrèssus.

Dómine sancte, Pater omnípotens, per intercessiónem sanctórum Ignátii et Aloísii béne † dic domum istam, béne † dic intróitum nostrum, béne † dic ingrèssum pedum nostrórum: sicut dignátus es domum Patriarchárum Abraham, Isaac, et Jacob benedícere. Per Christum Dóminum nostrum.

R̃. Amen.

Nunc sequitur ingressus. Officians intrando amplius Scholæ cubiculum, cantat:

Ÿ. Pax huic dómui.

Chorus respondet:

R̃. Et ómnibus habitántibus in ea.

Progrediens cum Clero et choro ad mensam lineo albo tectam, in qua inter duos cereos accensos Crucifixi imago est posita, cantat:

Ÿ. Dómine exaúdi oratiómem meam.

R̃. Et clamor meus ad te véniat.

Ÿ. Dóminus vobíscum.

R̃. Et cum spírítu tuo.

Orémus.

Exáudi nos, Dómine sancte, Pater omnípotens, ætérne Deus: et mittere dignéris sanctum Angelum tuum de coelis, qui custódiat, fóveat, prótegat, vísitet, atque deféndat omnes habitántes, docéntes et discéntes in hoc habitáculo. Per Christum Dóminum nostrum.

R̃. Amen.

Oremus.

Dómine Jesu Christe, qui discipulis tuis dixisti: In quamcúmque domum intravéritis, salutáte eam, dicéntes: Pax huic dómui; véniat quæsumus, pax illa super hanc domum, instituéndæ juventúti destinátam, et super omnes habitántes, docéntes et discéntes in ea; et eos, Dómine, ab omni infirmitáte erípere, et liberáre dignéris: reple docéntes in ea spíritu sciéntiæ, sapiéntiæ, et timóris tui; reple discéntes in ea grátia tua, ut, quæ salutáriter et útiliter edocéntur, intelléctu cápian, corde retíneant, ópere exsequántur, et in ómnibus nomen tuum honorificétur. Ad intróitum ergo nostrum bene + dicere, et sanctificáre dignéris hanc scholam, et intra paríetes domus istíus Angeli tuæ lucis hábitent, eámque et in ea habitántes, docéntes et discéntes custódiant. Per Christum Dóminum nostrum.

R. Amen.

Postea Officians intonat Antiphonam: Adspérges me, et chorus prosequitur, ut supra, pag. 28*. Interim fit adpersio cubiculi aqua benedicta. Reversus ad mensam Officians imponit thus in thuribulum, et benedicit illud, dicens:

Per intercessiόνem sancti Michaélis Arch-ángeli, stantis a dextris altáris incénsi, et ómnium sanctórum Angelórum, incénsum istud dignéris, Dómine, bene + dicere, et in odórem suavitátis accípere. Per Christum Dóminum nostrum. R. Amen.

Hoc dicto, sumit Officians thuribulum, et incensat cubiculum, choro cantante tono Psalmi:

Incensum istud, a te benedictum, adscéndat ad te, Dómine: et descéndat super nos misericórdia tua.

Psalmus 140.

Dirigátur, Dómine, orátio mea, sicut incensum in conspéctu tuo: * elevátio mánuum meárum, sacrificium vespertinum.

Pone Dómine custódiam ori meo: * et óstium circumstántiæ lábiis meis.

Non declínet cor meum in verba malítiæ, * ad excusándas excusatiónes in peccátis.

Glória Patri. Sicut erat.

Incensatione peracta. Officians stans coram imagine Crucifixi, cantat:

V. Dóminus vobíscum.

R. Et cum spíritu tuo.

Orémus.

Vísita, quæsumus Dómine, habitatióem istam, et omnes insídias inimíci ab ea longe repélle: Angeli tui sancti hábitent in ea, qui omnes hic habitántes, docéntes et discéntes in pace custódiant, et benedíctio tua super illos sit semper.

Béne † dic, Dómine, domum istam, et sit ibi sánitas, sánctitas, virtus et glória, humílitas, bónitas, mansuetúdo, lénitas, docílitas, et plenitúdo legis, obediéntia et gratiárum áctio Deo Patri, et Fílio, et Spíritui sancto. Et hæc benedíctio sit super hanc domum et locum istum: atque super omnes habitántes, docéntes et discéntes in eo descéndat septifórmis

grátia Spíritus sancti. Per Christum Dóminum nostrum. R. Amen.

Officians nunc affligit sanctam Crucem in loco apto cubiculi, dicendo:

Signum salutis impóne, Dómine, super hanc domum: et non permíttas introíre in eam ángelum percutiéntem. In nómine Pa + tris, et Fí + lii, et Spíritus + sancti. R. Amen.

Versus Crucem:

Orémus.

Omnípotens, sempitérne Deus, qui in omni loco dominationis tuæ totus assistis, solus operáris: adésto supplicatióibus nostris, ut hujus domus sis protéctor, et nulla hic nequítia contráriæ potestátis obsístat; sed in virtúte sanctæ crucis et operatióne Spíritus sancti fiat tibi hic purum servítium, et devóta libértas exsístat. Per Christum Dóminum nostrum.

R. Amen.

Orémus.

Adésto nobis, Dómine Deus noster: et eos qui in sanctæ crucis præsidio confídunt, perpétuis defénde auxiliis. Per Christum Dóminum nostrum. R. Amen.

Tandem benedicit Officians cubiculo et omnibus præsentibus manu dextera, formans signum crucis, et dicens:

Benedíctio Dei omnipoténtis, Pa + tris, et Fí + lii, et Spíritus + sancti, descéndat super hanc domum, super omnes habitántes, docéntes et discéntes in ea, super nos omnes, et máneat semper. R. Amen.

His finitis sub cantu juventutis et pulsu campanarum processionaliter fit reditus in Ecclesiam statuto ordine, ubi celebratur Missa conveniens Officio dici.

BENEDICTIO PRIMARI LAPIDIS AEDIFICII.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

Deus, a quo omne bonum sumit initium, et semper ad potiôra progrédiens percipit incrementum: concède quæsumus, supplicântibus nobis; ut quod ad laudem nómínis tui inchoâre aggrédimur, ætérno tuæ patérnæ sapientiæ múnere perducâtur ad términum. Per Christum Dóminum nostrum. R. Amen.

BENEDICTIO VIÆ FERREÆ ET CURRUUM.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

Omnipotens sempitérne Deus, qui ómnia eleménta ad tuam glóriam, utilitatémque hóminum condidísti: dignâre, quæsumus, hanc viam férream, ejúsque instruménta bene † dicere, et benígna semper tua providéntia tuéri; ut dum fámuli tui velóciter próperant in via, in lege tua ambulântes, et viam mandatórum

tuorum currétes, ad cœléstem pátriam felíciter perveníre váleant. Per Christum Dóminum nostrum. R̃. Amen.

Orémus.

Propitiáre Dómine Deus supplicatióibus nostris, et béne † dic currus istos dēxtera tua sancta: adjúnge ad ipsos sanctos Angelos tuos, ut omnes qui in eis vehéntur, líberent et custódiánt semper a perículis univérſis: et quemádmodum viro Æthíopi super currum suum sedénti, et sacra elóquia legénti, per Levítam tuum Philíppum fidem et grátiam contulísti; ita fámulis tuis viam salútis osténde, qui tua grátia adjúti, bonísque opéribus júgiter inténti, post omnes viæ et vitæ hujus varietátes, æténa gáudia cónsequi mereántur. Per Christum Dóminum nostrum. R̃. Amen.

Deinde Sacerdos adspergat viam et currus aqua benedicta.

BENEDICTIO PONTIS NOVI.

V. Adjutórium nostrum in nómine Dómini.

R̃. Qui fecit cœlum et terram.

V. Dóminus vobíscum.

R̃. Et cum spíritu tuo.

Orémus.

Adésto, Dómine, supplicatióibus nostris: et pontem istum, et omnes qui per eum transíbunt, bene † dícere dignáre; ut inter próſpera hujus mundi et advérſa tuo semper protegántur auxílio. Per Christum Dóminum nostrum. R̃. Amen.

Orémus.

Exáudi nos, Dómine sancte, Pater omnípotens, ætérne Deus: et mittere dignáre sanctum Angelum tuum de cœlis, qui custódiat, vísitet, et deféndat pontem istum, et omnes qui per eum transíbunt. Per Christum Dóminum nostrum. R. Amen.

Deinde adspergat aqua benedicta.

BENEDICTIO FONTIS.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Súpplīces deprecámur, Dómine, cleméntiam pietátis tuæ: ut aquam fontis hujus cœlesti benedictióne sanctí ⁊ fices, et ad commúnem vitæ usum concédas esse salúbrem; et ita omnem diabólicæ tentatiónis incúrsum inde fugáre dignéris, ut quicúmque ex eo háuserint vel bíberint, vel in quibuscúmque necessariis úsibus hausta aqua usi fúerint, totíus virtútis ac sanitátis dulcédine perfruántur, tibi que sanctificatóri et salvatóri ómnium Dómino grátias ágere mereántur. Per Christum Dóminum nostrum. R. Amen.

Fontem adspergat aqua benedicta.

BENEDICTIO PUTEI.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Dómine Deus omnípotens, qui in hujus pú-
tei altitúdinem per crepídinem fistulárum
cópíam aquárum manáre jussísti: præsta, ut
te juvánte atque bene † dicénte per nostræ of-
ficiúm funciónis, repúlsis hinc phantasmáticis
collusió nibus, ac diabólicis insídiis, purificátus
atque emundátus semper hic púteus perseveret.
Per Christum Dóminum nostrum. R. Amen.

Puteum adspergat aqua benedicta.

BENEDICTIO IGNIS.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.


Dómine Deus, Pater omnípotens, lumen
indeficiens, qui es cónditor ómnium lú-
minum: novum hunc ignem sanctí † fica; et
præsta, ut ad te, qui es lumen indeficiens, pu-
ris méntibus, post hujus sœculi calíginem per-
veníre valeámus. Per Christum Dóminum no-
strum. R. Amen.

Deinde adspergat aqua benedicta.

BENEDICTIO FORNACIS CALCARIÆ.

V. Adjutorium nostrum in nomine Domini.
 R. Qui fecit cœlum et terram.
 V. Domine, exaudi orationem meam.
 R. Et clamor meus ad te veniat.
 V. Dominus vobiscum. R. Et cum spiritu tuo.

Orémus.

mnípotens ætérne Deus, a quo ómnia cre-
 áta procedunt, et qui mirábili disposi-
 tióne bonitátis tuæ eis tríbuis ad usum hómi-
 num inservíre; qui olim altáre tuum de lapí-
 dibus constructum calce levigáre jussísti, ut
 per Deuteronomium in eo scriptum tuórum
 servarétur memória mandatórum: te súpplices
 exorámus, béne † dic hanc fornácem, et ab ea
 longe repúlso omni versútia diabólicæ fraudis,
 fructuósam reddas illam et aptam; ut per
 ignem vim virtútis suæ exercéntem aptatóres
 hujus óperis de tua benignitáte calcem recípi-
 ant congruéntem; quibus étiam tríbue, ut in eis
 simul crescat tuæ grátiae salutáris augméntum.
 Per Christum Dóminum nostrum. R. Amen.

Adspargatur aqua benedicta.

BENEDICTIO FORNACIS FUSORIÆ METALLICÆ

vel coctoriæ laterum et tegularum.

V. Adjutorium nostrum in nomine Domini.
 R. Qui fecit cœlum et terram.
 V. Domine exaudi orationem meam.
 R. Et clamor meus ad te veniat.

℣. Dóminus vobíscum.

℞. Et cum spírítu tuo.

Orémus.

Omnípotens ætérne Deus, a quo ómnia creáta procédunt, et qui mirábili dispositióne bonitátis tuæ eis tríbuis ad usum hóminum inservíre; qui modo coércens vim flammárum tres púeros in camíno ignis illáesos custodísti, et modo illam adaúgens viros illos, qui sanctos míserant in fornácem, consumpsísti: te súpplíces exorámus, béne ✠ dic hunc clíbanum, et ab eo longe repúlssa omni versútia diabólicæ fraudis, fructuósum reddas illum et aptum; ut per ignem vim virtútis suæ exercéntem aptatóres hujus óperis metálli matériam recípiant congruéntem (vel láterum vel tegulárum cópiam recípiant congruéntem): quibus étiam tríbue, ut in eis simul crescat tuæ grátiae salutáris augméntum. Per Christum Dóminum nostrum. ℞. Amen.

Et adspergat fornacem aqua benedicta.

BENEDICTIO SEMINUM.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spírítu tuo.

Orémus.

Te rogámus, Dómine, ac pétimus: ut hos fructus séminum bene ✠ dícere, plácido lenis auræ afflátu fovére, rore cœlésti fœcun-

dáre, et incólumes propter usum animárum et
córporum ad pleníssimam maturitátem perdú-
cere dignéris. Per Christum Dóminum nostrum.

R. Amen.

Deinde adspergat aqua benedicta.

BENEDICTIO HORREI SEU SEGETUM DEMESSARUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

(O)remus.

Dómine Deus omnípotens, qui de rore cœli
abundántiam, et de pinguédine terræ
vitæ substántiam homínibus conférre non dé-
sinis: piíssimæ majestáti tuæ pro colléctis frú-
ctibus grátias ágimus, tuam cleméntiam exo-
rantes; ut has ségetes, quas de benignitáte
tua suscepimus, bene † dicere, conserváre, et
ab omni noxa deféndere dignéris; simúlque
concéde, ut quorum in bonis replésti desidé-
rium, de tua custódia gloriéntur, misericórdias
tuas sine fine collaúdent, et sic tránseant per
bona temporália, ut non amíttant ætérna. Per
Christum Dóminum nostrum.

R. Amen.

Deinde adspergat aqua benedicta.

BENEDICTIO PISTRINI.

V. **Adjutórium nostrum in nómine Dómini.**

R. **Qui fecit cœlum et terram.**

V. **Dóminus vobíscum.**

R. **Et cum spíritu tuo.**

(Orémus.

Mnnípotens sempitérne Deus, qui in pœnam peccáti dixísti: In sudóre vultus tui vescéris pane tuo; béne + dic pistrínium istud, quod ad teréndum fruméntum eréctum est, ut inde panis conficiátur ad nostram sustentatiónem, Angelúmque lucis ac defensiónis ei assignáre dignéris. Per Christum Dóminum nostrum.

R. **Amen.**

BENEDICTIO ADULTI ÆGROTANTIS.

Sacerdos cubiculum ægrotantis ingrediens dicat:

V. **Pax huic dómui.**

R. **Et ómnibus habitántibus in ea.**

Et continuo ad infirmum accedens subjungat:

V. **Adjutórium nostrum + in nómine Dómini.**

R. **Qui fecit cœlum et terram.**

V. **Dómine exaúdi oratióem meam.**

R. **Et clamor meus ad te véniat.**

V. **Dóminus vobíscum.**

R. **Et cum spíritu tuo.**

(Orémus.

Intróeat, Dómine Jesu Christe, domum hanc ad nostræ humilitátis ingréssum pax et misericórdia tua: effúgiat ex hoc loco omnis nequítia dæmonum, adsint Angeli pacis,

domúmque hanc déserat omnis malígna discórdia. Magnífica, Dómine, super nos nomen sanctum tuum: et bédedic nostræ conversatióni: Qui sanctus et pius es, et pérmanes cum Patre et Spíritu sancto in sæcula sæculórum. R. Amen.

(O)rémus.

Péspice, Dómine, fámulum tuum (vel fámulam tuam) in infirmitáte córporis laborántem, et ánimam réfove quam creásti: ut castigatióibus emendátus (vel emendáta), contínuo se séntiat tua miseratióne salvátum (vel salvátam). Per Christum Dóminum nostrum.

R. Amen.

(O)rémus.

Miséricors Dómine, fidélium consolátor, quæsumus imménsam pietátem tuam, ut ad intróitum humilitátis nostræ hunc fámulum tuum (vel hanc fámulam tuam) super lectum dolóris sui jacéntem, visitáre dignéris, sicut socrum Simónis visitásti: propítius adésto ei, Dómine, quátenus prístina sanitáte recépta, gratiárum tibi, in ecclésia tua, réferat actiões: Qui vivis et regnas Deus in sæcula sæculórum. R. Amen.

Deinde, extendens dexteram versus caput aegroti, dicat:

Dóminus Jesus Christus apud te + sit, ut te deféndat: intra te + sit, ut te consérvet: ante te + sit, ut te ducat: post te + sit, ut te custódiat: super te + sit, ut te benedícat: Qui cum Patre et Spíritu sancto vivit et regnat in sæcula sæculórum. R. Amen.

Benedictio Dei omnipoténtis, Patris, et Fílii †, et Spíritus sancti, descéndat super te, et máneat semper. R. Amen.

Demum adspergat infirmum aqua benedicta.

EADEM BENEDICTIO PRO PLURIBUS INFIRMIS.

Sacerdos cubiculum ægrotantium ingrediens dicat:

V. Pax huic dómui.

R. Et ómnibus habitántibus in ea.

Et continuo ad infirmos accedens subjungat:

V. Adjutórium nostrum † in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

(Orémus.

Intróeat, Dómine Jesu Christe, domum hanc ad nostræ humilitátis ingrèssum pax et misericórdia tua: effúgiat ex hoc loco omnis nequítia dæmonum, adsint Angeli pacis, domúmque hanc déserrat omnis maligna discórdia. Magnífica, Dómine, super nos nomen sanctum tuum: et bédic nostræ conversatióni: Qui sanctus et pius es, et pérmanes cum Patre et Spíritu sancto in sœcula sœculórum. R. Amen.

(Orémus.

Réspice, Dómine, fámulos tuos (vel fámulas tuas) in infirmitáte córporis laborántes, et ánimas réfove quas creásti: ut castigatióibus

emendáti (vel emendátæ), continuo se sentiant tua miseratióne salvátos (vel salvátas). Per Christum Dóminum nostrum. R. Amen.

(O)rémus.

Miséricors Dómine, fidélium consolátor, quæsumus imménsam pietátem tuam, ut ad intróitum humilitátis nostræ hos fámulos tuos (vel has fámulas tuas) super lectum dolóris sui jacéntes, visitáre dignéris, sicut socrum Simónis visitásti: propítius adésto eis, Dómine, quatenus prístina sanitáte recépta, gratiárum tibi, in Ecclésia tua, réferant actiões: Qui vivis et regnas Deus in sæcula sæculórum. R. Amen.

Deinde, extendens dexteram versus ægrotos, dicat: Dóminus Jesus Christus apud vos + sit, ut vos deféndat: intra vos + sit, ut vos consérvet: ante vos + sit, ut vos ducat: post vos + sit, ut vos custódiat: super vos + sit, ut vos benedícat: Qui cum Patre et Spíritu sancto vivit et regnat in sæcula sæculórum. R. Amen.

Benedíctio Dei omnipoténtis, Patris, et Fílii +, et Spíritus sancti, descéndat super vos, et máneat semper. R. Amen.

Denum adspergat infirmos aqua benedicta.

BENEDICTIO MULIERIS PRÆGNANTIS

in periculis partus.

V. Adjutórium nostrum in nómine Dómini.

R. Qui fecit cœlum et terram.

V. Salvam fac ancíllam tuam.

R. Deus meus sperántem in te.

V. Esto illi Dómine turris fortitúdinis.

R. A fácie inimíci.

V. Nihil proficiat inimícus in ea.

R. Et fílius iniquitátis non appónat nocére ei.

V. Mitte ei Dómine auxílium de sancto:

R. Et de Sion tuére eam.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Omnípotens sempitérne Deus, qui dedísti fámulis tuis in confessióne veræ fidei æternæ Trinitátis glóriam agnóscere, et in poténtia majestátis adoráre unitátem: quæsumus; ut ejúsdem fidei firmitáte hæc fámula tua N. ab ómnibus semper muniátur advérsis. Per Christum Dóminum nostrum. R. Amen.

Orémus.

Dómine Deus, ómnium Creátor, fortis et terribilis, justus et miséricors, qui solus bonus et pius es; qui de omni malo liberásti Israël, fáciens tibi patres nostros diléctos, et sanctificásti eos manu Spíritus tui; qui gloriósæ Vírginis Mariæ corpus et ánimam, ut dignum Fílii tui habitáculum éffici mererétur, Spíritu sancto cooperánte præparásti; qui Joánnem Baptístam Spíritu sancto replésti, et in útero matris exultáre fecísti: áccipe sacrificium cordis contríti, ac fervens desidérium fámulæ tuæ N., humíliter supplicántis pro conservatióne prolis, quam ei dedísti concípere:

custódi partem tuam, et ab omni dolo et injúria duri hostis defénde; ut obstetricánte manu misericórdiæ tuæ fœtus ejus ad lucem prósperè véniat, ac sanctæ generatióni servétur, tibi que in ómnibus júgiter desérviat, et vitam cónsequi mereátur ætérrnam. Per eúndem Dóminum nostrum Jesum Christum Fílium tuum: qui tecum vivit et regnat etc. R. Amen.

Deinde Mulier adspérgatur aqua benedicta, et interim dicatur:

Psalmus 66.

Deus misereátur nostri, et benedícat nobis; * illúminet vultum suum super nos, et misereátur nostri.

Ut cognoscámus in terra viam tuam: * in ómnibus géntibus salutáre tuum.

Confiteántur tibi pópuli Deus: * confiteántur tibi pópuli omnes.

Læténtur et exsúltent gentes: * quóniam júdicas pópulos in æquitáte, et gentes in terra dírigis.

Confiteántur tibi pópuli Deus: confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Glória Patri. Sicut erat.

V. Benedicámus Patrem, et Fílium, cum sancto Spíritu.

R. Laudémus et superexaltémus eum in sæcula.

V. Angelis suis Deus mandávit de te.

R. Ut custódiant te in ómnibus viis tuis.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Vísita, quæsumus Dómine, habitatióem istam, et omnes insídias inimíci ab ea, et a præsénti fámula tua N. longe repélle: Angeli tui sancti hábitent in ea, qui eam et ejus prolem in pace custódiant, et bene † dictio tua sit super eam semper. Salva eos, omnípotens Deus, et lucem eis tuam concéde perpétuam. Per Christum Dóminum nostrum. R. Amen.

Benedíctio Dei omnipoténtis, Patris †, et Filii †, et Spírítus † sancti, descéndat super te, et prolem tuam, et máneat semper.

R. Amen.

BENEDICTIO INFANTIS.

V. Adjutórium nostrum in nómine Dómini.

R. Qui fecit cælum et terram.

V. Deus noster miserétur.

R. Custódiens párvulos Dóminus.

V. Dómine exaúdi oratióem meam. •

R. Et clamor meus ad te véniat.

V. Dóminus vobíscum,

R. Et cum spírítu tuo.

Orémus.

Dómine Jesu Christe, Fili Dei vivi, qui ante ómnia sæcula génitus, in témpore tamen infans esse voluísti, et hujus ætátis

diligis innocentiam; qui párvulos tibi oblátos amánter compléxus es, iisque benedixísti: infántem istum préveni in benedictiónibus dulcédinis, et præsta, ne malítia mutet intelléctum ejus; eíque concéde, ut proficiens ætáte, sapiéntia et grátia, tibi semper placére váleat. Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. R. Amen.

Deinde infantem adspergat aqua benedicta in modum crucis, dicens:

Pax et benedictio Dei omnipoténtis, Patris, et Filii †, et Spíritus sancti, descéndat super te, et máneat semper. R. Amen.

¶ Si fuerint plures, Oratio et Benedictio dicantur in numero plurali.

BENEDICTIO PUERI

ad obtinendam super ipsum misericordiam Dei.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Dómine Jesu Christe, Fili Dei vivi, qui dixísti: Sínite párvulos veníre ad me, tálium est enim regnum cœlórum; super hunc púerum tuum virtútem bene † dictiónis tuæ infúnde, ac ad Ecclésiæ et paréntum illíus fidem ac devotióem réspice; ut virtúte ac sapiéntia apud Deum et hómines proficiens, ad

optátam pervéniat senectútem, et salútem consequáture ætérnam. Qui vivis et regnas in sæcula sæculórum. R. Amen.

Psalmus 112.

Laudáte púeri Dóminum, * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília réspicit in cœlo, et in terra?

Súscitans a terra ínopem, * et de stércore érigens paúperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Glória Patri. Sicut erat.

Kyrie eléison. Christe eléison. Kyrie eléison.

Pater noster. dicitur secreto.

V. Et ne nos indúcas in tentatiónem.

R. Sed líbera nos a malo.

Benedíctio Dei omnipoténtis, Pa † tris, et Fí † lii, et Spíritus † sancti, descéndat super te, et máneat semper. R. Amen.

BENEDICTIO PUERORUM

cum præsertim in Ecclesia præsentantur.

Die et hora constitutis, pueri conveniant in Ecclesiam, quos ibi a parentibus vel magistris associari maxime deceret, ut in silentio et modestia facilius se componant. Quibus per ordinem dispositis, et pueris a puellis, si adsint, separatis, Sacerdos ad ipsos accedat, et brevissimo ac simplici sermone eos alloquatur, prout opportunum sibi visum fuerit.

Deinde stans versus eos dicat:

V. Adjutorium nostrum in nómine Dómini.

R. Qui fecit cœlum et terram.

Antiphona. Laudáte púeri Dóminum, laudáte nomen Dómini.

Psalmus 112. incipitur a secundo versu: Sit nomen Dómini. ut supra pag. 71*

Et repetitur Antiphona: Laudáte púeri Dóminum, laudáte nomen Dómini.

Qui Psalmus cum sua Antiphona, si paucis tantum, aut minus solemniter conferatur Benedictio, omitti poterit.

Finito Psalmo et repetita Antiph.. Sacerdos dicit:

V. Sínite párvulos veníre ad me.

R. Tálíum est enim regnum cœlórum.

V. Angeli eórum.

R. Semper vident fáciem Patris.

V. Nihil proficiat inimícus in eis.

R. Et fílius iniquitátis non appónat nocére eis.

V. Dómine exaúdi oratiómem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui párvulos tibi oblátos et ad te veniéntes compléxus es, manúsque super illos impónens benedixísti eis, atque dixísti: Sínite párvulos veníre ad me, et nolíte prohibére eos, tálium est enim regnum coelórum, et Angeli eórum semper vident fáciem Patris mei; réspice, quæsumus, ad puerórum (vel puellárum, si solæ adsunt puellæ) præséntium innocéntiam, et ad eórum paréntum devotiónem, et cleménter eos (vel eas) hódie per ministérium nostrum béne-
† dic; ut in tua grátia et misericórdia semper proficiant, te sápiant, te díligant, te tímeant, et mandáta tua custódiant, et ad finem optátum felíciter pervéniant: per te, Salvátor mundi, qui cum Patre et Spíritu sancto vivis et regnas Deus in sæcula sæculórum. R. Amen.

Orémus.

Defénde, quæsumus Dómine, beáta María semper Vírgine intercedénte, istam ab omni adversitaté familiam: et toto corde tibi prostrátam, ab hóstium propítius tuére cleménter insídiis. Per Christum Dóminum nostrum.

R. Amen.

Orémus.

Deus, qui ineffábili providéntia sanctos Angelos tuos ad nostram custódiam mittere dignáris: largíre supplicibus tuis; et eórum semper protectiÓne deféndi, et æténa societáte gaudére. Per Christum Dóminum nostrum.

R. Amen.

Postea manu dextera producens signum crucis super pueros, benedicit eos, dicens:

Benedícat vos Deus, et custódiat corda vestra et intelligéntias vestras, Pater, et Fílius †, et Spíritus sanctus. R. Amen.

Deinde adspergat pueros aqua benedicta in modum crucis.

BENEDICTIO PUERORUM ÆGROTANTIUM.

Pueri infirmi, qui ad hunc usum rationis pervenerunt, ut ipsis præberi possit Sacramentum Extremæ Unctionis, iis adjuventur exhortationibus et precibus, quæ describuntur in Rituali Romano, ubi de visitatione et cura Infirmorum, prout feret temporis opportunitas, et eorumdem ægrotantium status.

Verum pro ceteris junioribus pueris infirmis adhiberi poterunt sequentes preces.

Sacerdos igitur infirmi cubiculum ingressus, primum dicat:

V. Pax huic dómui.

R. Et ómnibus habitántibus in ea.

Mox infirmum et lectum ejus et cubiculum adspergat nihil dicens.

Deinde dicere poterit supra infirmum Psalmum **Laudáte púeri Dóminum, laudáte nomen Dómini** (pag. 71*), cum **Glória Patri.** in fine.

Postea dicat:

Kyrie eléison. Christe eléison. Kyrie eléison.

Pater noster. secreto.

V. Et ne nos indúcas in tentatiónem.

R. Sed libera nos a malo.

V. Deus noster miserétur.

R. Custódiens párvulos Dóminus.

- V. Sinite párvulos veníre ad me.
R. Tálum est enim regnum coelórum.
V. Dómine exaúdi oratióem meam.
R. Et clamor meus ad te véniat.
V. Dóminus vobíscum.
R. Et cum spírítu tuo.

Orémus.

Deus, cui cuncta adoléscent, et per quem adúlta firmántur: exténde délixteram tuam super hunc fámulum tuum (vel hanc fámulam tuam), in ténera ætáte languéntem: quátenus vigóre sanitátis recépto, ad annórum pervéniat plenitúdinem, et tibi fidéle, grátumque obséqúium indesinéter præstet ómnibus diébus vitæ suæ. Per Dóminum nostrum Jesum Christum Fílium tuum: qui tecum vivit et regnat, etc. R. Amen.

Orémus.

Pater misericordiárum, et Deus totíus consolationís, qui creatúræ tuæ múltiplici pietáte cónsulens, non solum ánimæ sed ipsi córpori curatiónis grátiam benígnus infúndis: hunc párvulum infirmum (vel hanc párvulam infirmam) a lecto ægritúdinis erígere, et Ecclésiæ tuæ sanctæ, suisque paréntibus incólumem restitúere dignéris; ut cunctis prolongátæ sibi vitæ diébus, grátia et sapiéntia coram te et homínibus proficiens, in justítia et sanctitaté tibi sérviat, et débitas misericórdiæ tuæ réferat gratiárum actiões. Per Christum Dóminum nostrum. R. Amen.

Orémus.

Deus, qui miro órđine Angelórum ministéria, hominúmque dispénsas: concéde propítius; ut, a quibus tibi ministrántibus in cœlo semper assístitur, ab his in terra vita hujus púeri (vel puéllæ) muniátur. Per Christum Dóminum nostrum. R̃. Amen.

Completa Oratione ultima, Sacerdos imponat dexteram manum super caput infirmi, et dicat:

Super ægros manus impónent, et bene habébunt. Jesus, Mariæ Fílius, mundi salus et Dóminus, méritis et intercessióne sanctórum Apostolórum suórum Petri et Pauli, et ómnium Sanctórum, sit tibi clemens et propítius. Amen.

Quod sequitur Evangelium, pro temporis opportunitate et pro ægrotantis pueri parentum desiderio, Sacerdotis arbitrio dici poterit.

V. Dóminus vobíscum.

R̃. Et cum spírítu tuo.

Inítium sancti Evangélíi secúndum Joánnem.

R̃. Glória tibi Dómine.

Dum Sacerdos dicit **Inítium etc.** facit signum crucis de more super se in fronte, ore et pectore; similiter super puerum infirmum, si non potest se signare.

In princípíio erat Verbum, et Verbum erat apud Deum, et Deus erat Verbum. Hoc erat in princípíio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hóminum: et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joánnes. Hic venit in

testimónium, ut testimónium perhiberet de lumine, ut omnes créderent per illum. Non erat ille lux, sed ut testimónium perhiberet de lumine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. (Hic genuflectitur.) Et Verbum caro factum est, et habitávit in nobis: et vídimus glóriam ejus, glóriam quasi Unigéniti a Patre, plenum grátiae et veritátis.

R. Deo grátias.

Postea benedicens puerum infirmum, subjungat dicens:

Benedíctio Dei omnipoténtis, Patris, et Fílii ✠, et Spíritus sancti, descéndat super te, et máneat semper. R. Amen.

Deinde adspergat eum aqua benedicta.

¶ Si fuerint plures infirmi in eodem cubiculo vel loco, Orationes et Benedictio prædictæ dicantur super eos numero plurali.

BENEDICTIO VESTIUM ET CINGULI

quæ deferuntur in honorem beatæ Mariæ Virg.

Pro benedictione Vestis.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Béne ✠ dic, Dómine, vestem istam, in honórem et sub protectióne beatíssimæ Vírginis Maríæ suméndam: et præsta per invocatiónem sancti tui nóminis; ut qui eam indúerit, córporis sanitátem, et ánimæ tutelam percípiat. Per Christum Dóminum nostrum. R. Amen.

Deinde vestis adspargatur aqua benedicta.

Pro benedictione Cinguli.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Deus, qui ut servum redímeres, Fílium tuum per manus impiórum ligári voluísti: béne ✠ dic, quæsumus, cingulum istud; et præsta, ut fámulus tuus, qui eo véluti sui córporis poenitentiáli ligámine cingétur, vinculórum ejúsdem Dómini nostri Jesu Christi perpétuus exsístat amátor, tuisque semper obséquiis se alligátum esse cognóscat. Per eúndem Dóminum nostrum Jesum Christum, etc. R. Amen.

Deinde cingulum adspargatur aqua benedicta.

BENEDICTIO LINTEAMINUM PRO INFIRMIS.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Dómine Jesu Christe, qui per tactum fimbrium vestimentórum tuórum mulierem fluxu sánguinis laborántem, aliósque passim infirmos sanáre dignátus es, et per sudária, et semicínctia Apóstoli tui Pauli languóres et spíritus nequam ab infirmis eádem virtúte fugásti: præsta, quæsumus; ut qui his vestiméntis, velis, et linteaminibus, quæ in tuo nómine bene ✠ dicimus, indúti vel opérti fúerint, sanitátem mentis et córporis percípere mereántur. Qui vivis et regnas in, sæcula sæculórum.

R. Amen.

BENEDICTIO CUJUSCUMQUE MEDICINÆ.

V. Adjutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Deus, qui mirabíliter hóminem creásti, et mirabílius reformásti, qui váriis infirmitátibus, quibus detinétur humana mortálitás, múltiplici remédio succurrere dignátus es: propítius esto invocatióibus nostris, et sanctam tuam de cœlis bene ✠ dictiõem super hanc medicinam infúnde; ut ille, qui eam sumpserit (vel hi, qui eam sumpserint), sanitátem mentis et córporis percípere mereátur (vel mereántur). Per Christum Dóminum nostrum. R. Amen.

Et mox adspergat medicinam aqua benedicta.

BENEDICTIO PANIS ET PLACENTARUM.

Bómine Jesu Christe, panis Angelórum, panis vivus, et æternæ vitæ: bene + dicere dignáre panem istum, sicut benedixísti quinque panes in desérto; ut omnes ex eo digne gustántes, inde córporis et ánimæ desideráblem percípiant sanitátem. Per Christum Dóminum nostrum. R. Amen.

BENEDICTIO CEREVISIÆ.

Bénedic + Dómine creatúram istam cerevisiæ, quam ex ádipe fruménti producere dignátus es: ut sit remédium salutáre humano géneri; et præsta per invocatióem nóminis tui sancti, ut quicúmque ex ea bíberint, sanitátem córporis, et ánimæ tutelam percípiant. Per Christum Dóminum nostrum.

R. Amen.

BENEDICTIO CASEI ET BUTYRI.

Dignáre, Dómine Deus omnípotens, bene + dicere, et sancti + ficáre hanc creatúram casei et butyri, quam ex ádipe animálium producere dignátus es: ut quicúmque ex pópulis tuis fidélibus de eis coméderint, omni benedictióe coelésti, et grátia tua saturáti, repleántur in bonis. Per Christum Dóminum nostrum.

R. Amen.

BENEDICTIO LARIDI.

Béne † dic, Dómine, creatúram istám lárídi, ut sit remédium salutáre géneri humáno: et præsta per invocatiónem tui sancti nóminis; ut quicúmque ex eo sumpserint, córporis sanitátem et ánimæ tutelam percípiant. Per Christum Dóminum nostrum. *R.* Amen.

BENEDICTIO VOLUCRUM.

Deus, univérsæ cónditor natúræ, qui inter céteras diversárum creaturárum spécies, pro humáni géneris usu étiam volatílium genus ex aqua producere dignátus es; de quibus Noë ex arca egrédiens holocaústum tibi plácitum obtulit; et qui pópulo tuo ex Ægypto educto per Móysen servum tuum, munda ab inmúndis ségregans, ut de iis éderent, præcéptum dedísti: te súpplīces rogámus, ut has mundárum ávium carnes bene † dícere, et sancti † ficáre dignéris; ut quicúmque ex iis coméderint, benedictiōnis tuæ abundántia repleántur, et ad æternæ vitæ páscua perveníre mereántur. Per Christum Dóminum nostrum.

R. Amen.

BENEDICTIO APUM.

V. Adjutórium nostrum in nómine Dómini.

R. Qui fecit cœlum, et terram.

V. Dóminus vobíscum.

R. Et cum spírītu tuo.

Orémus.

Dómine Deus omnípotens, qui creásti cœlum et terram, et ómnia animália super ea et in eis existéntia, ut eis uteréntur hómines; quique jussísti per minístros sacrosáncetæ Ecclesiæ cêreos ex opéribus apum edúctos in templo, dum sacrum perágitur ministérium, in quo confícitur et súmitur sacrosáncetum corpus et sanguis Jesu Christi Fílii tui, accénderi: descéndat tua sancta bene ✠ díctio super has apes et hæc alveária; ut multiplicent, fructíficent et conservéntur ab ómnibus malis, ita ut fructus ex eis proveniéntes ad laudem tuam, Fílii et Spíritus sancti, beatissimæque Vírginis Mariæ dispenséntur. Per Christum Dóminum nostrum: R. Amen.

Et alvearia adspargantur aqua benedicta.

BENEDICTIO PECORUM ET JUMENTORUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Dómine Deus, rex cœli et terræ, Verbum Patris, per quod ómnia facta sustentatióni nostræ trádicta sunt, réspice quæsumus humilitátem nostram: et sicut nostris labóribus et necessitatibus subventiónem tribuísti, ita tua benigníssima miseratióne, ac cœlesti benedictióne, hæc pécora et arménta (hoc pecus

et arméntum) bene ✠ dicere, tuéri, et custodíre ac fámulis tuis cum temporáli provéntu grátiam perpétuam largíri dignéris; ut cum gratiárum actióne nomen sanctum tuum laudétur et glorificétur. Qui vivis et regnas cum Deo Patre in unitáte Spíritus sancti Deus, per ómnia sácula sæculórum. R. Amen.

In nómine Pa ✠ tris, et Fí ✠ lii, et Spíritus ✠ sancti. R. Amen.

BENEDICTIO EQUORUM ET ANIMALIUM.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dómine exaúdi oratióem meam.

R. Et clamor meus ad te véniat.

Ÿ. Dóminus vobíscum.

R. Et cum spírítu tuo.

Orémus.

Deus, refúgium nostrum, et virtus: adésto piis Ecclésiæ tuæ précibus, auctor ipse pietátis, et præsta; ut quod fidéliter pétimus, effícaciter consequámur. Per Christum Dóminum nostrum. R. Amen.

Orémus.

Omnípotens sempitérne Deus, qui gloriósum beátum Antónium, váriis tentatióibus probátum, inter mundi hujus túrbines illæsum abíre fecísti: concéde fámulis tuis; ut et præcláro ipsíus proficiámus exémplo, et a præsentis vitæ perículis ejus méritis et intercessióne libéremur. Per Christum Dñm nostrum. R. Amen.

Orémus.

Bene ✠ dictionem tuam, Dómine, hæc animália accípiant: qua corpore salvéntur, et ab omni malo per intercessionem beáti Antónii liberéntur. Per Christum Dóminum nostrum.

R. Amen.

Deinde adspergantur aqua benedicta.

BENEDICTIO ANIMALIUM

peste vel alio morbo laborantium.

Sacerdos superpelliceo et stola violacea indutus, dicat:

V. Adjutórium nostrum in nómine Dómini.

R. Qui fecit cœlum et terram.

V. Dómine non secúndum peccáta nostra fácias nobis.

R. Neque secúndum iniquitátes nostras retribúas nobis.

V. Hómines et juménta salvábis Dómine.

R. Quemádmódum multiplicásti misericórdiam tuam Deus.

V. Aperis tu manum tuam.

R. Et imples omne ánimál benedictióne.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Deus, qui labóribus hóminum étiam de mutis animálibus solátia subrogásti: supplices te rogámus; ut sine quibus non álitur

humána conditio, nostris fácias úsibus non períre. Per Christum Dóminum nostrum.

R. Amen.

Orémus.

Misericórdiam tuam, Dómine, súpplíces exorámus: ut hæc animália, quæ gravi infirmitáte vexántur, in nómine tuo atque benedictiónis virtúte sanéntur. Exstinguátur in eis omnis diabólica potéstas, nec ultérius ægrótent. Tu eis, Dómine, sis defénsor vitæ, remédium sanitátis. Per Dóminum nostrum Jesum Christum Fílium tuum, etc. R. Amen.

Orémus.

Avérte, quæsumus Dómine, a fidélibus tuis cuncta propítius flagélla: et morbórum in animália sæviéntium depélle perníciam; ut quos mérito plectis dévios, fóveas tua miseratióne corréctos. Per Christum Dóminum nostrum.

R. Amen.

Et adspergat aqua benedicta.

BENEDICTIO PECORUM ET JUMENTORUM

gravi infirmitate vexatorum.

V. Adjutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Misericórdiam tuam, Dómine, súpplíces exorámus: ut hæc animália quæ gravi

infirmítate vexántur, in nómine tuo, atque tuæ bene † dictiónis virtúte sanéntur. Exstinguátur in eis omnis diabólica potéstas; et ne ultérius ægrótent, tu eis Dómine, sis defénsio vitæ, et remédium sanitátis. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

BENEDICTIO SALIS VEL AVENÆ

pro animalibus.

V. Adjutórium nostrum in nómine Dómini.

R. Qui fecit coelum et terram.

V. Dóminus vobíscum.

R. Et cum spíritu tuo.

Orémus.

Dómine Deus, ómnium cónditor et conser-
vátor, cujus in manu est ánima omnis
vivéntis, et spíritus univérsæ carnis: exaúdi,
quæsumus, tuórum fidélium preces, et hanc
creatúram salis (vel avenæ) tua bene † dictióne,
tuæque invisíbilis operatiónis virtúte perfúnde;
ut animália quæ necessitátibus humánis tribú-
ere dignátus es, cum ex eo (vel ex ea) gustá-
verint, ab omni morbo illæsa reddántur, et a
malígni spíritus incúrsu, te protegén- te, custo-
diántur. Per Christum Dóminum nostrum.

R. Amen.

Adspergat sal vel avenam aqua benedicta.

BENEDICTIO STABULI

equorum, boum et aliorum armentorum.

Ÿ. Adjutórium nostrum in nómine Dómini.

R. Qui fecit cœlum et terram.

Ÿ. Dóminus vobíscum.

R. Et cum spírítu tuo.

Orémus.

Dómine Deus omnípotens, qui Fílium tuum unigénitum, Redemptórem nostrum, in stábulo nasci, et inter duo animália in præsépio reclinári voluísti: béne † dic, quæsumus, hoc stábulum, et defénde illud ab omni nequítia vel versútia diabólicæ fraudis; ut juméntis, pecóribus, ceterisque animántibus efficiátur locus sanus, et ab omni impugnatióne secúrus. Et quóniam cognóvit bos possessórem suum, et ásinus præsépe dómini sui: misericórditer tríbue fámulis tuis, quos ad imáginem tuam creásti, paulo minus ab Angelis minuísti, et sub quorum pédibus subjecísti oves et boves univérsas, ínsuper et pécora campi; ne comparéntur juméntis insipiéntibus, et ne fiant sicut equus et mulus, quibus non est intelléctus; sed te solum Deum auctórem bonórum ómnium agnóscant, et in servítio tuo fidéles perseverént, quátenus de percéptis munéribus tibi grátias exhibéntes, benefícia potióra percípere mereántur. Per eúmdem Christum Dóminum nostrum. R. Amen.

Deinde, si tunc in stabulo congregata fuerint animalia, addere poterit Sacerdos sequentes Orationes:

Omnípotens sempitérne Deus, qui gloriósum, etc. et Benedictiónem tuam, etc. uti supra in Benedictione Equorum et Animalium pag. 83*

Postea adspergat aqua benedicta stabulum et animalia.

BENEDICTIO AD OMNIA.

Hæc benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Deus, cujus verbo sanctificántur ómnia, benedictiónem tuam effúnde super creatúram istam (vel creatúras istas): et præsta, ut quisquis ea (vel eis) secúndum legem et voluntátem tuam cum gratiárum actióne usus fúerit, per invocatióem sanctíssimi Nóminis tui, córporis sanitátem, et ánimæ tutélam, te auctóre, percípiat. Per Christum Dóminum nostrum. **R. Amen.**

Deinde illam (vel illas) Sacerdos adspergit aqua benedicta.



BENEDICTIONES RESERVATÆ

AB EPISCOPO VEL SACERDOTIBUS FACULTATEM HABENTIBUS FACIENDÆ.

BENEDICTIO SOLEMNIOR NOVÆ CRUCIS.



ova Crux, seu Tabula, in qua Crucifixus est depictus, hoc modo benedicitur. Paratis thurethuribuloque cum igne, aqua benedicta, Sacerdos delegatus superpelliceo, stola, et pluviali rubri coloris indutus, stans dicit:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Béne ✠ dic, Dómine Jesu Christe, hanc Crucem, per quam eripuísti mundum a potestate diabóli, et superásti passióne tua suggestórem peccáti, qui gaudébat in prævaricatioe primi hóminis per ligni vétiti sumptiónem. Qui cum Deo Patre et Spírítu sancto vivis et regnas in sœcula sæculórum.

R. Amen.

Orémus.

Rogámus te, Dómine sancte, Pater omnípotens, sempitérne Deus: ut dignéris benedicere ✠ hoc signum Crucis, ut sit remédium salutáre géneri humano: sit solíditas fidei, proféctus bonórum óperum, redemptio animárum: sit solámen et protéctio ac tutéla contra

sæva jácula inimicórum. Per Dóminum nostrum Jesum Christum, etc.

Deinde dicit voce mediocri. extensis manibus ante pectus, Præfationem.

Per ómnia sæcula sæculórum. R̃. Amen.

Ṽ. Dóminus vobíscum.

R̃. Et cum spírítu tuo.

Ṽ. Sursum corda.

R̃. Habémus ad Dóminum.

Ṽ. Grátias agámus Dómino Deo nostro.

R̃. Dignum et justum est.

Vere dignum et justum est, æquum et salutáre, nos tibi semper et ubíque grátias ágere, Dómine sancte, Pater omnípotens, ætérne Deus: cujus sanctum ac terríbile Nomen, inter céteras visíbiles creatúras, ligna quoque fructífera laudáre ac benedícere non cessant: qui in figúram unigénitæ Sapiéntiæ tuæ ligno vitæ a principio paradísium voluptátis ornásti, ut ejúsdem fructu, sacro mystério, Protoparéntes nostri géneris mortem cavére, et vitam admonéres obtinére perpétuam: quique nos vétitæ árboris attáctu justæ morti addíctos, ejúsdem coætérnæ tibi Sapiéntiæ, Dei et Dómini nostri Jesu Christi, innóxia morte ad vitam misericórditer revocáre dignátus es: Te súpplíces exorámus, ut hoc singuláre signum, quod ad exémplum primi illíus sacratíssimi vexílli, quo pretiósó Fílii tui sángine triumphásti, fidélium tuórum devotióne compáctum, erectúmque est, coelésti tua bene ✠ dictiône sanctificáre dignéris; ut

ómnibus hic génua flecténtibus, ac tuæ Majestáti supplicántibus, lárgior et cordis compunctio, et admissórum indulgéntia concedátur, atque intercedénte ipsa victoriosíssima unigéniti Fílii tui passióne, et tibi plácita postuláre, et cítiús váleant postuláta percípere. Da, quæsumus, clementíssime Pater, in quo vívimus, movémur et sumus: ut, quóties triúmphum divínæ humilitátis, quæ supérbiam nostri hostis dejécit, óculis intuémur quotiésque mente recólimus, et contra hostem ipsum fidúciam fortitúdinis, et majórem tibi devótæ humilitátis grátiam consequámur: quátenus in illo treméndo tuæ Majestátis exámine, cum pavéntibus eleméntis, cœlorúmque commóti virtútibus, signum istud glóricum redemptiόνis nostræ apparúerit in cœlo, ipsi de morte ad vitam transíre, ac perpétua beátæ resurrectiόνis vidére gaúdia mereámur. Quod sequitur, dicitur submissa voce legendo, ita tamen quod a circumstantibus audiri possit: **Per eúndem Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sœcula sœculórum.**

R. Amen.

Orémus.

Deus, qui beátæ Crucis patíbulum, quod prius erat sceléstis ad pœnam, convertísti redéptis ad vitam: concéde plebi tuæ, ejus vallári præsidio, cujus est armáta vexillo.

Sit ei Crux fídei fundaméntum, spei suffrágium, in advérsis defénsio, in prósperis

adjuvâmen: sit ei in hostes victôria, in civitate custôdia, in campis protectio, in domo fultûra: ut per eam Pastor in futûro gregem conservet incolumem, quæ nobis, Agno † vincente, conversa est in salutem. Per eundem Dôminum nostrum Jesum Christum Fîlium tuum: qui tecum vivit et regnat in unitate Spîritus sancti Deus, per ômnia sæcula sæculorum.

R. Amen.

Orémus.

Sancti † fica, Dômine Jesu Christe, signaculum istud passiónis tuæ: ut sit inimicis tuis obstaculum, et credéntibus in te perpétuum efficiâtur victoriæ vexillum: Qui cum Deo Patre vivis et regnas in unitate Spîritus sancti Deus, per ômnia sæcula sæculorum. R. Amen.

Tum offertur Sacerdoti thus in navicula, quod stans benedicit, dicens:

Orémus.

Dômine Deus omnipotens, cui assistit exercitus Angelorum cum tremóre, quorum servitium spirituále, et igneum esse cognoscitur: dignâre respicere, bene † dicere, et sancti † ficâre hanc creaturam incénsi, ut omnes languôres, omnesque infirmitates, atque insidiæ inimici, odorem ejus sentiéntes, effûgiant, et separéntur a plásmate tuo; ut numquam lædâtur a morsa antiqui serpéntis, quod pretioso Fîlii tui sânguine redemísti. Per eundem Christum Dôminum nostrum.

R. Amen.

Quo facto, Sacerdos imponit thus in thuribulum. Deinde adspersit Crucem aqua benedicta, et mox eam incensat. Tunc dicit adhuc stans:

Sanctificétur lignum istud in nómine Pa- + tris, et Fí + li, et Spíritus + sancti: et benedíctio illíus ligni, in quo membra sancta Salvatóris suspénsa sunt, sit in isto ligno; ut orántes, inclinántesque se propter Deum ante istam Crucem, invéniant córporis et ánimæ sanitátem. Per eúmdem Dóminum nostrum Jesum Christum, etc. R. Amen.

Tum Sacerdos flexis ante Crucem genibus ipsam devote aderat, et osculatur. Idem faciunt quicumque alii voluerint.

¶ Si vero Crux est ex metallo vel lapide, loco præcedentis Orationis, videlicet: **Sanctificétur, etc.** Sacerdos stans dicit sequentem Orationem:

Deus glóriæ, Deus excélse Sábaoth, fortísime Emmánuel, Deus Pater veritátis, Pater sapiéntiæ, Pater beatitúdinis, Pater illuminationis ac vigiliatiónis nostræ; qui mundum regis, qui cuncta regna dispónis, qui es bonórum collátor múnierum, et bonórum ómnium attribútor; cui omnes gentes, pópuli, tribus et linguæ sérviant; cui assístit omnis Angelórum légio; qui largíris fámulis tuis fidem et laudem tui nóminis, ut débita tibi obláta persólvant; cui prius fides offeréntium cómplacet, deínde sacrificátur oblátio: quæsumus exorábilem misericórdiæ tuæ pietátem, ut sanctí- + fices tibi hoc signum Crucis, et cónse + cres, quod tota mentis devotióne famulórum tuórum religiósá fides constrúxit, trophæum scílicet

victóriæ tuæ ac redemptionis nostræ, quod in amorem Christi triumphâlis glôria consecravit. Adspice hoc signum Crucis insuperabile, per quod diaboli exinanita est potestas, mortâlium restituta libertas: quæ licet fûerit aliquândo in pœnam, sed nunc versa est in honorem per grâtiâ, et quæ reos quondam puniebat supplicio, nunc et nôxios absolvit a debito. Et tibi quid' per hoc placere pôtuît; nisi id, per quod tibi placuit nos redimere? Et nullum tibi debitum amplius munus est, quam quod tibi tunc cõporis dedicavit affixio: nec tibi est magis familiâris oblâtiõ, quam quæ familiâri mânũ tuârum extensióne sacrâta est. Illis ergo mânibus hanc Crucem accipe, quibus illam amplexus es, et de sanctitate illius hanc sancti ✚ fica: et sicuti per illam mundus expiatus est a reatu, ita offerentium famulorum tuorum animæ, devotissimæ hujus crucis mérito, omni cãreant perpetrâto peccâto, et tuæ veræ Crucis obtectu enitescant succëssibus assiduïs triumphatôres. Râdiet hic unigéniti Fílii tui Dómini nostri splendor divinitâtis in auro, émicet glôria passiónis ejus in ligno; in Cruce rúilet nostræ mortis redemptio; in crystalli splendóre vitæ nostræ purificatiõ. Sit suorum protëctio, spei certa fidúcia; eos simul cum gente et plebe fide confírmet, spe et pace consóciet; aúgeat triúmphis, amplíficet in secúndis, proficiat eis ad perpetuitatem témporis, ad vitam æternitâtis, ut eos temporáli floréntes glôria múniat, et ad perpétuam redemptos corónam, ad regna

cœlestia poténti virtúte perdúcat. Præsta per propitiatióem sánguinis ejus, per ipsum datórem qui seípsum dedit redemptiόem pro multis, qui se hóstiam pro delictis offérre dignátus est, qui exaltátus in ligno Crucis suæ principátus et potestátes humiliávit, qui tecum sidéreo cónsidet throno, indissolúbili connexiόe Spíritus sancti, per infiníta sæculórum sæcula.

R. Amen.

Tum Sacerdos flexis genibus, eam devote adorat, et osculatur. Idem faciunt quicumque alii voluerint.

BENEDICTIO OSTENSORII

pro Ss. Sacramento fidelium venerationi
exponendo.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Omnípotens sempitérne Deus, vásculum istud, pro Fílii tui Dómini nostri Jesu Christi Córpoze fidélium veneratiόni exponéndo fabrefáctum, bene † dicere, et sancti † ficáre dignáre: ut omnes, qui eúndem Unigénitum in hoc sæculo pio afféctu venerántur, et in futúro perpétuam pietátis suæ mercédem accípiant. Per eúndem Christum Dóminum nostrum.

R. Amen.

Deinde Sacerdos Ostensorium adspergat aqua benedicta.

BENEDICTIO CAPSARUM

pro Reliquiis Sanctorum includendis.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Béne † dic, Dómine, cápsulam hanc Sanctórum tuórum Reliquiis condéndis præparátam: et præsta; ut quicúmque eas pro mentis afféctu veneráti fúerint, ipsis Sanctis tuis intercedéntibus, ómnium delictórum suórum véniam obtíneant, et contra omnes adversitatés tuo semper muniántur auxílio. Per Christum Dóminum nostrum. R. Amen.

Deinde Sacerdos adspergat Capsam aqua benedicta.

BENEDICTIO VASORUM

pro sacris Oleis includendis.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Exáudi Dómine, Pater clementíssime, preces nostras: et hæc purificánda vasa, Ecclesiæ tuæ sacri ministérii úsui præparáta, bene † dicere et sancti † ficáre dignéris. Per Christum Dóminum nostrum. R. Amen.

Orémus.

Omnípotens sempitérne Deus, a quo ómnia immúnda purgántur, et in quo ómnia purgáta claréscunt: súpplīces omnipoténtiam tuam invocámus; ut ab his vasis, quæ tibi ófferunt fámuli tui, omnis spíritus immúndus confúsus longe discédāt, et per tuam bene † dictiónem ad usum et ministérium Ecclésiæ tuæ sanctificáta permáneant. Per Christum Dóminum nostrum. R. Amen.

Deinde adspergit ea aqua benedicta.

BENEDICTIO SACRORUM VASORUM

et aliorum Ornamentorum in genere.

V. Adjutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Exáudi Dómine, Pater clementíssime, preces nostras: et hæc purificánda vasa et ornámēta sacri Altáris, atque Ecclésiæ tuæ sacri ministérii úsui præparáta, bene † dícere, et sanctificáre dignéris. Per Christum Dóminum nostrum. R. Amen.

Orémus.

Omnípotens sempitérne Deus, a quo ómnia munda purgántur, et in quo ómnia purgáta claréscunt: súpplīces omnipoténtiam tuam invocámus; ut ab his vasis et ornámētis, quæ tibi ófferunt fámuli tui, omnis spíritus imúndus

confusus longe discédât, et per tuam benedictiõnem ad usum et ministérium sancti Altáris et Ecclesiæ tuæ sanctificáta permáneant. Per Christum Dóminum nostrum. R. Amen.

Deinde adspergit ea aqua benedicta.

BENEDICTIO SIMPLEX NOVÆ CAMPANÆ

quæ tamen ad usum Ecclesiæ non inserviat.

¶. Adjutórium nostrum in nómine Dómini.

R. Qui fecit cœlum et terram.

Psalms 50.

Miserere mei, Deus: * secúndum magnam misericórdiam tuam.

Et secúndum multitudinem miserationum tuarum: * dele iniquitátem meam.

Amplius lava me ab iniquitate mea: * et a peccáto meo munda me.

Quóniam iniquitátem meam ego cognósko: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incérta et occúlta sapiéntiæ tuæ manifestásti mihi.

Adspérges me hyssópo, et mundábor: * lavábis me, et super nivem dealbábor.

Auditui meo dabis gaúdium et lætítiam: * et exsultábunt ossa humiliáta.

Avérte fáciem tuam a peccátiis meis: * et omnes iniquitátes meas dele.

Cor mundum crea in me, Deus: * et spíritum rectum ínnoVa in viscéribus meis.

Ne projícias me a fácie tua: * et Spíritum sanctum tuum ne aúferas a me.

Redde mihi lætítiam salutáris tui: * et spíritu principáli confírma me.

Docébo iníquos vias tuas: * et ímpii ad te converténtur.

Líbera me de sanguínibus, Deus, Deus salutis meæ: * et exsultábit lingua mea justítiam tuam.

Dómine lábia mea apéries: * et os meum annuntiábit laudem tuam.

Quóniam si voluísseis sacrificium, dedíssem útique: * holocaústis non delectáberis.

Sacrificium Deo spíritus contribulátus: * cor contrítum et humiliátum, Deus non despícies.

Benígne fac Dómine in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblationes et holocaústa: * tunc impónent super altáre tuum vítulos.

Glória Patri. Sicut erat.

Psalmus 53.

Deus, in nómine tuo salvum me fac: * et in virtúte tua júdica me.

Deus exaúdi oratióem meam: * aúribus pécipe verba oris mei.

Quóniam aliéni insurrexérunt advérsus me,

et fortes quæsiérunt ánimam meam: * et non proposuérunt Deum ante conspéctum suum.

Ecce enim Deus ádjuvat me, * et Dóminus suscéptor est ánimæ meæ.

Avérte mala inimícis meis: * et in veritáte tua dispérde illos.

Voluntárie sacrificábo tibi: * et confitébor nómini tuo Dómine, quóniam bonum est.

Quóniam ex omni tribulatióne eripuísti me, * et super inimícos meos despéxit óculus meus. Glória Patri. Sicut erat.

Psalmus 56.

Miserére mei Deus, miserére mei: * quóniam in te confídít ánima mea.

Et in umbra alárum tuárum sperábo, * donec tránseat iníquitas.

Clamábo ad Deum altíssimum: * Deum qui benefécit mihi.

Misit de cœlo, et liberávit me: * dedit in oppróbrium conculcántes me.

Misit Deus misericórdiam suam, et veritátem suam: * et erípuit ánimam meam de médio catulórum leónum: dormívi conturbátus.

Fílii hóminum, dentes eórum arma et sagíttæ: * et lingua eórum gládius acútus.

Exaltáre super cœlos Deus: * et in omnem terram glória tua.

Láqueum paravérunt pédibus meis: * et incurvavérunt ánimam meam.

Foderunt ante fáciem meam fóveam: * et incidérunt in eam.

Parátum cor meum Deus, parátum cor meum: * cantábo et psalmum dicam.

Exsúrge glória mea, exsúrge psaltérium et cíthara: * exsúrgam dilúculo.

Confitébor tibi in pópulis Dómine: * et psalmum dicam tibi in géntibus.

Quóniam magnificáta est usque ad coelos misericórdia tua: * et usque ad nubes véritas tua.

Exaltáre super coelos Deus: * et super omnem terram glória tua.

Glória Patri. Sicut erat.

Psalmus 66.

Deus misereátur nostri, et benedícat nobis: * illúminet vultum suum super nos, et misereátur nostri.

Ut cognoscámus in terra viam tuam: * in omnibus géntibus salutáre tuum.

Confiteántur tibi pópuli Deus: * confiteántur tibi pópuli omnes.

Læténtur et exsúltent gentes: * quóniam júdicas pópulos in æquitáte, et gentes in terra dírigis.

Confiteántur tibi pópuli Deus: confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Glória Patri. Sicut erat.

Psalmus 69.

Deus in adjutórium meum inténde: * Dómine ad adjuvándum me festína.

Confundántur, et revereántur, * qui quærunt ánimam meam.

Avertántur retrórsu, et erubéscant: * qui volunt mihi mala.

Avertántur statim erubescéntes: * qui dicunt mihi: Euge, euge.

Exsúltent et læténtur in te omnes, qui quæ-
runt te: * et dicant semper: Magnificétur Dó-
minus, qui díligunt salutáre tuum.

Ego vero egénus, et pauper sum: * Deus
áduva me.

Adjútor meus, et liberátor meus es tu: *
Dómine ne moréris.

Glória Patri. Sicut erat.

Psalmus 85.

[Inclína Dómine aurem tuam, et exaúdi me: *
quóniam inops et pauper sum ego.

Custódi ánimam meam, quóniam sanctus
sum: * saluum fac servum tuum, Deus meus,
sperántem in te.

Miserére mei Dómine, quóniam ad te cla-
mávi tota die: * lætífica ánimam servi tui, quó-
niam ad te Dómine ánimam meam levávi.

Quóniam tu Dómine suávis et mitis: * et
multæ misericórdiæ ómnibus invocántibus te.

Aúribus pécipe Dómine oratióem meam:
* et inténde voci deprecatióis meæ.

In die tribulatióis meæ clamávi ad te: *
quia exaudísti me.

Non est símilis tui in diis Dómine: * et non
est secúndum ópera tua.

Omnes gentes quascúmque fecísti, vénient,
et adorábunt coram te Dómine: * et glorifi-
cábunt nomen tuum.

Quóniam magnus es tu, et fáciens mirabília: * tu es Deus solus.

Deduc me Dómine in via tua, et ingrédiaŕ in veritatē tua: * lætétur cor meum, ut tímeat nomen tuum.

Confitébor tibi Dómine, Deus meus, in toto corde meo: * et glorificábo nomen tuum in ætérnum:

Quia misericórdia tua magna est super me: * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: * et non proposuérunt te in conspéctu suo.

Et tu, Dómine Deus, miserátor et miséricors: * pátiens, et multæ misericórdiæ, et verax.

Réspice in me, et miserére mei: * da impérium tuum púero tuo, et salvum fac fílium ancíllæ tuæ.

Fac mecum signum in bonum, ut vídeant, qui odérunt me, et confundántur: * quóniam tu Dómine adjuvísti me, et consolátus es me.

Glória Patri. Sicut erat.

Psalmus 129.

De profúndis clamávi ad te Dómine: * Dómine exaúdi vocem meam.

Fiant aures tuæ intendéntes * in vocem deprecationis meæ.

Si iniquitátes observáveris Dómine: * Dómine quis sustinébit?

Quia apud te propitiátio est: * et propter legem tuam sustínui te Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem, * speret Israël in Dómino.

Quia apud Dóminum misericórdia, * et copíosa apud eum redéemptio.

Et ipse rédimet Israël, * ex ómnibus iniquitatibus ejus.

Glória Patri. Sicut erat.

℣. Kyrie eléison. ℞. Christe eléison.

℣. Kyrie eléison. Pater noster. secreto.

℣. Et ne nos indúcas in tentatiónem.

℞. Sed libera nos a malo.

℣. Sit nomen Dómini benedíctum.

℞. Ex hoc nunc et usque in sáculum.

℣. Dómine exaúdi oratióem meam.

℞. Et clamor meus ad te véniat.

℣. Dóminus vobíscum.

℞. Et cum spíritu tuo.

Orémus.

Deus, qui per beátum Móysen, legíferum fámulum tuum, tubas argénteas fieri præcepísti, quibus dum sacerdótes témpore sacrificii clángerent, sónitu dulcédinis pópulus mónitus ad te adorándum fieret præparátus, et ad celebrándum conveníret: præsta, quæsumus; ut hoc vâsculum, sanctæ tuæ Ecclésiæ præparátum, a Spíritu sancto per nostræ humilitátis obséquium sancti ✠ ficétur, ut per illíus tactum et sónitum fidéles inviténtur ad sanctam Ecclésiám, et ad præmium supérnum. Et cum

melódia illius aúribus insonúerit populórum, crescat in eis devótio fidei, procul pellántur omnes insídiæ inimíci, fragor grándinum, ímpetus tempestátum, temperéntur infésta tonítrua, prostérnat aéreas potestátes délixtera tuæ virtútis: ut hoc audiéntes tintinnábulum contremíscant, et fúgiant ante sanctæ Crucis vexíllum in eo depíctum. Quod ipse Dóminus noster Jesus præstáre dignétur, qui absórpta morte per patíbulum crucis, regnat in glória Dei Patris, cum eódem Patre et Spírítu sancto, per ómnia sácula sæculórum. R. Amen.

Nunc Officians ponit incensum in thuribulum et benedicit; et primum adspergit circumeundo campanam, choro dicente:

Adspérges me Dómine hyssópo, et mundábor: lavábis me, et super nivem dealbábor.

Dein incensat circumeundo campanam, choro dicente:

Dirigátur Dómine orátio mea: sicut incensum in conspéctu tuo. Officians prosequitur:

Orémus.

Omnípotens Dominátor Christe, quo secundum carnis assumptiónem dormiénte in navi, dum obórta tempésta mare conturbásset, te prótinus excitáto et imperánte dissiluit: tu necessitátibus pópuli tui benígnus succúrre: tu hoc tintinnábulum sancti Spírítus rore perfúnde; ut ante sónitum illius semper fúgiat bonórum inimícus, invitétur ad fidem pópulus christiánus, hostilis terreátur exércitus, confortétur in Dómino per illud pópulus tuus

convocátus, ac sicut Davídica cíthara delectátus désuper descéndat Spíritus sanctus: atque ut Samuэле agnum lacténtem mactánte in holocaustum Regis ætérni impérii, fragor aurárum turbam répulit adversántium; ita dum hujus vásculi sónitus transit per núbila, Ecclesiæ tuæ convéntum manus consérvet angélica, fruges credéntium, mentes et córpora salvet protéctio sempitérna. Per te, Christe Jesu, qui cum Deo Patre vivis et regnas in unitáte ejúsdem Spíritus sancti Deus, per ómnia sácula sæculórum.

R. Amen.

V. In honórem sancti N. R. Amen.

Tum Officiarius producit super Campanam benedictam signum crucis, et discedit cum Ministris.

BENEDICTIO TELEGRAPHI.

Clerus vel a proximiori Ecclesia, vel ab alio aliquo loco ad hoc parato, procedat usque ad stationem Telegraphi, canendo vel recitando Canticum:

Benedíctus Dóminus Deus Israël: * quia visitávit, et fecit redemptionem plebis suæ.

Et eréxit cornu salútis nobis, * in domo David púeri sui.

Sicut locútus est per os sanctórum, * qui a sáculo sunt, prophetárum ejus.

Salútem ex inimícis nostris, * et de manu ómnium qui odérunt nos.

Ad faciéndam misericórdiam cum pátribus nostris: * et memorári testaménti sui sancti.

Jusjurándum, quod jurávit ad Abraham patrem nostrum, * datúrum se nobis:

Ut sine timóre, de manu inimicórum nostrórum liberáti, * serviámus illi.

In sanctitáte et justítia coram ipso, * ómnibus diébus nostris.

Et tu puer, prophéta Altíssimi vocáberis: * præíbis enim ante fáciem Dómini, paráre vias ejus.

Ad dandam sciéntiam salútis plebi ejus: * in remissionem peccatórum eórum.

Per víscera misericórdiæ Dei nostri: * in quibus visitávit nos, óriens ex alto.

Illumináre his, qui in ténebris, et in umbra mortis sedent: * ad dirigéndos pedes nostros in viam pacis.

Glória Patri. Sicut erat.

Ibi Episcopus vel Sacerdos in aliqua ecclesiastica dignitate constitutus, intonabit Antiphonam:

Antiph. Benedíctus es Dómine, qui ponis nubem adscénsu tuum: qui ámbulas super pennas ventórum, qui facis Angelos tuos spíritus, et minístros tuos ignem uréntem.

Post eam

Psalmus 103.

Benedic ánima mea Dómino: * Dómine Deus meus, magnificátus es veheménter.

Confessionem et decórem induísti: * amíctus lúmine sicut vestiménto.

Exténdens cælum sicut pellem: * qui tegis aquis superióra ejus.

Qui ponis nubem adscensum tuum: * qui ambulat super pennas ventorum.

Qui facis Angelos tuos, spiritus: * et ministros tuos, ignem uréntem.

Qui fundásti terram super stabilitátem suam: * non inclinábitur in sáeculum sáeculi.

Abyssus, sicut vestiméntum, amíctus ejus: * super montes stabunt aquæ.

Ab increpatióne tua fúgient: * a voce tonitrui tui formidábunt.

Adscéndunt montes, et descéndunt campi, * in locum, quem fundásti eis.

Términum posuísti, quem non transgrediéntur: * neque converténtur operíre terram.

Qui emíttis fontes in convállibus: * inter médium móntium pertransíbunt aquæ.

Potábunt omnes béstiae agri: * exspectábunt ónagri in siti sua.

Super ea volúcres cœli habitábunt: * de médio petrárum dabunt voces.

Rigans montes de superióribus suis: * de fructu óperum tuórum satiábitur terra:

Prodúcens fœnum juméntis, * et herbam servitúti hóminum.

Ut edúcas panem de terra, * et vinum lætíficet cor hóminis:

Ut exhílalet faciém in óleo, * et panis cor hóminis confírmet.

Saturabúntur ligna campi, et cedri Líbani, quas plantávit: * illic pásseres nidificábunt.

Heródii domus dux est eórum: * montes excélsi cervis, petra refúgium herináciis.

Fecit lunam in témpora: * sol cognóvit oc-
cásum suum.

Posuísti ténebras, et facta est nox: * in ipsa
pertransíbunt omnes béstiae silvæ.

Cátuli leónum rugiéntes, ut rápíant, * et
quærant a Deo escam sibi.

Ortus est sol, et congregáti sunt: * et in
cubílibus suis collocabúntur.

Exíbit homo ad opus suum, * et ad opera-
tiónem suam usque ad vésperum.

Quam magnificáta sunt ópera tua, Dómine!
* ómnia in sapiéntia fecísti: impléta est terra
possessióne tua.

Hoc mare magnum, et spatiósum mánibus:
* illic reptília, quorum non est númerus.

Animália pusílla cum magnis: * illic naves
pertransíbunt.

Draco iste, quem formásti ad illudéndum
ei: * ómnia a te expéctant, ut des illis escam
in témpore.

Dante te illis, cólligent: * aperiénte te
manum tuam, ómnia implebúntur bonitáte.

Averténte autem te fáciem, turbabúntur: *
aúferes spíritum eórum, et defícient, et in
púlverem suum reverténtur.

Emíttes spíritum tuum, et creabúntur: *
et renovábis fáciem terræ.

Sit glória Dómini in sæculum: * lætábitur
Dóminus in opéribus suis.

Qui réspicit terram, et facit eam trémere: *
qui tangit montes, et fúmigant.

Cantábo Dómino in vita mea: * psallam Deo meo quámdiu sum.

Jucúndum sit ei elóquium meum: * ego vero delectábor in Dómino.

Defícient peccatóres a terra, et iníqui ita ut non sint: * bédedic ánima mea Dómino. Glória Patri. Sicut erat.

Ac repetita Antiphona, incipiet in hunc modum Benedictionem:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

(Orémus.

Concéde nos fámulos tuos, quásumus Dómine Deus, perpétua mentis, et córporis sanitáte gaudére: et gloriósa beátæ Mariæ semper Vírginis intercessióne, a præsénti liberári tristítia, et æténa pérfrui lætítia. Per Christum Dóminum nostrum. R. Amen.

(Orémus.

Deus, qui ámbulas super pennas ventórum, et facis mirabília solus: concéde, ut cum per vim huic metállo índitam fulmíneo ictu celérius huc abséntia, et hinc álio præséntia transmíttis; ita nos invéntis novis edócti, tua grátia opitulánte, prómptius et facílius ad te veníre valeámus. Per Christum Dóminum nostrum. R. Amen.

Deinde adspergit Telegraphum aqua benedicta.

BENEDICTIO VIÆ FERREÆ ET CURRUUM.

(Clerus, vel a proximiori ecclesia, vel ab aliquo alio loco ad hoc parato, procedat usque ad stationem Viæ ferreæ, canendo vel recitando:

Antiphona.

In viam pacis et prosperitatis dirigat nos omnipotens et misericors Dominus: et Angelus Raphaël comitetur nobiscum in via, ut cum pace, salute, et gaudio revertamur ad propria.

Canticum. Benedictus Dominus Deus. ut supra, pag. 106*

Ibi Episcopus vel Sacerdos in aliqua ecclesiastica dignitate constitutus, repetita Antiphona, intonabit:

Kyrie eléison. Christe eléison. Kyrie eléison.

Pater noster. secreto.

V. Et ne nos inducas in tentationem.

R. Sed libera nos a malo.

V. Salvos fac servos tuos.

R. Deus meus, sperantes in te.

V. Mitte nobis Domine auxilium de sancto.

R. Et de Sion tuere nos.

V. Esto nobis Domine turris fortitudinis.

R. A facie inimici.

V. Nihil proficiat inimicus in nobis.

R. Et filius iniquitatis non apponat nocere nobis.

V. Benedictus Dominus die quotidie.

R. Prósperum iter faciat nobis Deus salutarium nostrorum.

V. Vias tuas Domine démonstra nobis.

R. Et sémitas tuas édoce nos.

℣. Utinam dirigántur viæ nostræ.

℞. Ad custodiéndas justificatiónes tuas.

℣. Erunt prava in dirécta.

℞. Et áspera in vias planas.

℣. Angelis suis Deus mandávit de te.

℞. Ut custódiant te in ómnibus viis tuis.

℣. Adjutórium nostrum in nómine Dómini.

℞. Qui fecit cœlum et terram.

℣. Dómine exaúdi oratióem meam.

℞. Et clamor meus ad te véniat.

℣. Dóminus vobíscum.

℞. Et cum spíritu tuo.

Orémus.

Omnípotens sempitérne Deus, qui ómnia elementa ad tuam glóriam, utilitatémque hóminum condidísti: dignáre, quæsumus, hanc viam férream, ejúsque instruménta bene + dicere, et benígna semper tua providéntia tuéri; ut dum fámuli tui velóciter próperant in via, in lege tua ambulánte, et viam mandatórum tuórum currénte, ad cœléstem pátriam feliciter perveníre váleant. Per Christum Dóminum nostrum. ℞. Amen.

Orémus.

Propitiáre Dómine Deus supplicatióibus nostris, et béne + dic currus istos délixtera tua sancta, adjúnge ad ipsos sanctos Angelos tuos, ut omnes qui in eis vehéntur, líberent et custódiant semper a perículis univérstis: et quemádmodum viro Æthíopi super currum suum sedénti, et sacra elóquia legénti, per Levítam tuum Philíppum fidem et grátiam contulísti;

ita fámulis tuis viam salútis osténde, qui tua grátia adjúti, bonísque opéribus júgiter inténti; post omnes viæ et vitæ hujus varietátes æténa gaúdia cónsequi mereántur. Per Christum Dóminum nostrum. R. Amen.

Deinde adspersit viam et currus aqua benedicta.

Post utramque Benedictionem dicitur **Te Deum**, cum Oratione **Deus cujus misericórdiæ**, etc. ut infra, pag. 133*

BENEDICTIO DEPRECATORIA

contra mures, locustas, bruchos, vermes et alia animalia nociva.

Sacerdos indutus superpelliceo et stola coloris violacei, veniat ad agros, a locustis, bruchis vel aliis animalibus noxiis vexatos, et dicat:

Antiphona. **Exsúrge Dómine, ádjuva nos: et libera nos propter nomen tuum.**

Psalmus. **Deus aúribus nostris audívimus: patres nostri annuntiavérunt nobis.**

V. **Glória Patri. Sicut erat.**

Repetitur Antiphona: **Exsúrge etc.**

V. **Adjutórium nostrum in nómine Dómini.**

R. **Qui fecit cœlum et terram.**

V. **Dómine exaúdi oratióem meam.**

R. **Et clamor meus ad te véniat.**

V. **Dóminus vobíscum.**

R. **Et cum spíritu tuo.**

Orémus.

Preces nostras, quæsumus Dómine, cleménte exaúdi: ut qui juste pro peccátis nostris affligimur, et hanc múrium (vel locustárum,

seu bruchórum, aut vérmiū, sive aliorum animalium) persecutióem pátimur, pro tui nóminis glória ab ea misericórditer liberémur; ut tua poténtia procul expúlsi (vel expúlsæ) nulli nóceant, et campos, agrósque nostros in tranquillitáte ac quiéte dimíttant, quátenus ex eis surgéntia et orta tuæ majestáti desérvant, et nostræ necessitáti subvéniant. Per Christum Dóminum nostrum. R. Amen.

Orémus.

Omnípotens sempitérne Deus, ómnium bonórum remunerátor, et peccatórum máximus miserátor, in cujus nómine ómnia genuflectúntur, cœléstia, terréstria, et infernália: tua poténtia nobis peccatóribus concéde; ut quod de tua misericórdia confísi ágimus, per tuam grátiam effícacem ejus consequámur efféctum; quátenus hos pestíferos mures (seu locústas, vel bruchos, aut vermes, sive alia animalia) per nos servos tuos maledicéndo maledícas, segregándo ségrege, exterminándo extérmines; ut per tuam cleméntiam ab hac peste liberáti, gratiárum actiões majestáti tuæ libere referámus. Per Christum Dóminum nostrum.

R. Amen.

Exorcismus.

Exorcízo vos pestíferos mures (vel locústas, seu bruchos, aut vermes, sive alia animalia), per Deum Patrem † omnipoténtem, per Jesum Christum † Fílium ejus únicum, per Spíritum † sanctum ab utróque procedéntem, ut conféstim recedátis a campis et agris nostris, nec

ámplius in eis habitétis, sed ad ea loca trans-
eátis, in quibus némini nocére possítis: pro
parte omnipoténtis Dei, et totíus cúriæ coelé-
stis, et Ecclésiæ sanctæ Dei vos maledícens,
ut, quocúmque iéritis, sitis maledícti (vel male-
dictæ), deficientes de die in diem in vos ipsos
(vel ipsas), et decrescéntes; quátenus reliquíæ
de vobis nullo in loco inveniántur, nisi neces-
sáriæ ad salútem et usum humánum. Quod
præstáre dignétur, qui ventúrus est judicáre
vivos et mórtuos, et sæculum per ignem.

R̃. Amen.

Postremo aqua benedicta adspargantur loca infecta.

BENEDICTIO HABITUS CLERICALIS.

Si quis militiæ clericalis candidatus, impetrata facul-
tate induendi ejusdem ordinis habitum, ipsum peti-
erit a Sacerdote benedici, Sacerdos delegatus habitum
clericalem, quem induendus genuflexus brachiis susten-
tat, hac forma benedicat: .

Y. Adjutórium nostrum in nómine Dómini.

R. Qui fecit cœlum et terram.

Y. Dóminus vobíscum.

R. Et cum spírítu tuo.

(Orémus.

Dómine Jesu Christe, qui tégumen nostræ
mortalitátis induere dignátus es, obse-
crámus imménsam tuæ largitátis abundántiam:
ut hoc genus vestiménti, quod sancti patres ad
innocéntiæ vel humilitátis indícium, deponén-
tes ignomíniam sæculáris hábitus, ferre sanxé-
runt, tu ita bene ✠ dícere dignéris, ut hi fámuli

tui, qui hoc indúti fúerint (si unus fuerit: hic fámulus tuus, qui hoc indútus fúerit) vestiménto, te quoque indúere mereántur (vel mereátur), et inter réliquos hómínes conversatióne sancta tibi agnoscántur esse dicáti (vel agnoscátur esse dicátus). Qui vivis et regnas Deus in sæcula sæculórum. R. Amen.

Deinde vestes seu vestem adspergit aqua benedicta.

BENEDICTIO CINGULORUM

in honorem sancti Josephi, Sponsi B. M. V.

In Diœcesibus, quibus a S. Apostolica Sede privilegium conceditur benedicendi Cingula in honorem S. Josephi Sponsi B. M. V., Sacerdotes adhibere debent hanc formulam, a S. Rituum Congregatione approbatam die 19. Septembris 1859.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Dómine Jesu Christe, qui virginitátis consílium et amórem íngeris atque castitátem præcipis: orámus cleméntiam tuam, ut hæc cingula castitátis tésseram benedicere, et sancti + ficári dignéris, ut quicumque pro castitáte servánda illis præcíncti fúerint, intercedénte beáto Josépho, sanctíssimæ Genitrícis tuæ sponso, gratam tibi continéntiam, mandatorúmque tuórum obediéntiam servant, atque véniam peccatórum suórum obtí-

neant, et sanitatem mentis et corporis percipiant, vitamque consequantur æternam. Qui vivis et regnas cum Deo Patre in unitate Spiritus sancti Deus, per omnia sæcula sæculorum.

R. Amen.

Orémus.

Da, quæsumus, omnipotens æternæ Deus: ut purissimæ Virginis Mariæ, ejusque sponsi Joséphi, integerrimam virginitatem venerantes, eorum intercessionibus puritatem mentis et corporis consequamur. Per Christum Dñm nostrum. R. Amen.

Orémus.

Omnipotens sempiternæ Deus, qui sanctissimo viro Josépho purissimam Mariam semper Virginem, et puerum Jesum commisisti: te supplices exoramus; ut fideles tui, qui his cingulis in honorem, et sub protectione ejusdem sancti Joséphi præcincti fuerint, te largiente, et ipso intercedente, in castitate semper devôte persistant. Per eundem Dñm nostrum Jesum Christum Filium tuum: qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Orémus.

Deus, innocentiae restitutor et amator: quæsumus, ut fideles tui, qui hæc cingula adhibuerint, intercedente beato Josépho, sanctissimæ Genitricis tuæ sponso, in lumbis suis sint semper præcincti, et lucernas ardentes gestent in manibus suis; ac similes sint homi-

nibus expectántibus dóminum suum quando revertátur a nuptiis, ut cum vénerit et pulsá-verit, conféstim apérianť ei, et in ætérna gaú-dia récipi mereántur. Qui vivis, et regnas in sæcula sæculórum. R. Amen.

Deinde Sacerdos, imposito thure in thuribulo, aqua benedicta adspergit cingula, dicens: *Adspérges me, etc.* postea incensat, et tandem dicit:

V. Salvos fac servos tuos.

R. Deus meus sperántes in te.

V. Mitte eis Dómine auxílium de sancto.

R. Et de Sion tuére eos.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus miséricors, Deus clemens, cui bona cuncta placent, sine quo nihil boni inchoátur, nihilque boni perficitur: adsint nostris humíllimis précibus tuæ pietátis aures, et fídeles tuos, qui in tuo sancto nómine cingulo benedícto in honórem et sub protectióne sancti Joséphi præcíncti fúerint, a mundi impediménto, vel sæculári desidério defénde; et concéde eis, ut in hoc sancto propósito devóti persístere, et remissióne percépta ad electórum tuórum váleant perveníre consórtium. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, etc. R. Amen.

BENEDICTIO PUERORUM ET PUELLARUM

in Festis piæ Unionis a Sancta Infantia
nuncupatæ.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Quæsumus, omnipotens Deus, púeris istis, pro quibus tuam deprecámur cleméntiam, bene ✠ dicere dignáre: et per virtútem sancti Spíritus corda eórum corróbora, vitam sanctífica, castimóniam prómovere, sensus eórum bonis opéribus únice inténtos custódi, próspera tribue, pacem concéde, salútem confer, caritátem largíre, et ab ómnibus diabólicis atque humánis insídiis tua protectióne et virtúte semper defénde; ut, te miseránte, paradísi réquiem tandem felíciter assequántur. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Orémus.

Dómine Jesu Christe, qui párvulos tibi oblátos, et ad te veniéntes, complectebáris, (hic ponat manus super capita puerorum) **ma-**núsque super illos impónens, eis benedicébas, dicens: Sínite párvulos veníre ad me, et nólite prohibére eos: tálíum est enim regnum cœlórum, et Angeli eórum semper vident fá-

ciem Patris mei; respice, quæsumus, ad puerorum et puellarum præsentium devotionem, et benedictio tua copiosa super illos descendat, ut in tua gratia et caritate proficiant, te sapiant, te diligant, te timeant, mandata tua custodiant, et ad exoptatum finem perveniant, per te, Salvator mundi, qui cum Patre et Spiritu sancto vivis et regnas Deus in sæcula sæculorum. R. Amen.

Benedictio Dei omnipotentis, Pa + tris, et Fi + lii, et Spiritus + sancti, descendat super vos, custodiat atque dirigat vos, et maneat semper vobiscum. R. Amen.

Deinde adspargantur aqua benedicta.

Instructio pro sacerdotibus

quibus summus Pontifex facultatem delegat benedicendi

Coronas, Rosaria, Cruces, Crucifixos,

parvas Statuas et sacra Numismata

cum adnexarum Indulgentiarum elenco.



triusque sexus Christifideles in primis admonitos vult Sanctitas Sua, ut quis consequi valeat Indulgentias, quas in præfata Benedictione concedit, necessario requiri aliquod ex enunciatis Numismatibus, Coronis etc. secum habere, aut apud se retinere.

Item orationes, devotasque preces infrascriptas, uti conditiones pro Indulgentiarum consecutione requisitas, unumquemque teneri recitare, vel secum deferendo Coronam, Crucifixum etc., vel si quis secum non habeat, eadem in cubiculo vel alio decenti loco suæ habitationis

retinere, et coram eis respectivas preces recitare debet.

Præterea ab hujusmodi Benedictione Sanctitas Sua rejicit Imagines sive impressas sive depictas, necnon Cruces, Crucifixos, parvas Statuas, Numismata, (vulgo Medaglie, médailles nuncupata), quæ ex ferro, stanno, plumbo, vel ex fragili alia materia, facilisque consumptionis conficiuntur.

Vult denique Sanctitas Sua Imagines et Icones benedicendas repræsentare Sanctos vel jam canonizatos, vel in Martyrologio Romano descriptos.

His pro clariori intelligentia prænotatis Indulgentiarum series, quas quis consequi potest, necnon piorum operum implendorum elenchus recensetur, prout infra, videlicet:

Quicumque semel in singulas hebdomadas Coronam Domini, aut Beatissimæ Virginis, vel Rosarium, ejusque tertiam partem, aut Officium sive divinum sive parvum ejusdem Beatissimæ Virginis, vel Defunctorum, aut septem Psalmos Pœnitentiales, vel Graduales recitabit; aut rudimenta fidei tradere, aut detentos in carcere, vel alicujus domus hospitalis ægros visitare, aut pauperibus subvenire, aut Missam audire, vel, si Sacerdos est, celebrare consuevit; si vere pœnitens, et Sacerdoti per Ordinarium approbato confessus, sanctissimum Eucharistiæ Sacramentum sumpserit, in quolibet ex diebus infrascriptis, nimirum diebus festis Nativitatis Domini nostri Jesu Christi, Epiphaniæ, Paschatis Resurrectionis, Ascensionis, Pentecostes, Sanctissimæ Trinitatis, Corporis Christi; tum diebus Purificationis, Annuntiationis, Assumptionis, Nativitatis et Conceptionis B. Mariæ Virginis; necnon diebus Nativitatis sancti Joannis Baptistæ, sanctorum Apostolorum Petri et Pauli, Andreæ, Jacobi, Joannis, Thomæ, Philippi et Jacobi, Bartholomæi, Matthæi, Simonis et Judæ, Mathiæ, sancti Josephi Sponsi B. Mariæ Virginis, atque Omnium Sanctorum; piasque ad Deum preces fuderit pro hæresum atque schismatum extirpatione, fidei catholicæ propa-

gatione, pace et christianorum principum concordia, ceterisque Romanæ Ecclesiæ necessitatibus, in unoquoque præfatorum dierum plenariam Indulgentiam consequetur.

Qui eadem aliis festis Domini, aut Beatæ Virginis Mariæ peregerit, in quolibet eorum participet Indulgentiam septem annorum, ac totidem quadragenarum: qui vero quavis Dominica vel alio anni Festo, Indulgentiam quinque annorum, totidemque quadragenarum. Qui demum in alio quocumque anni die ea præstabit, Indulgentiam centum dierum.

Quicumque saltem semel in hebdomada recitare consuevit Coronam aut Rosarium aut Officium B. Mariæ Virginis, vel Defunctorum, aut Vesperas, vel unum saltem ex Nocturnis, et Laudes, aut septem Psalmos Pœnitentiales cum Litanis et earumdem Precibus, quo die id egerit, Indulgentiam centum dierum acquirit.

Quisquis animam suam Deo in articulo mortis devote commendans, ipsamque mortem æquo ac libenti animo de manu Domini suscipere paratus, et vere pœnitens, confessus ac sacra Communione refectus, si valeat, alioquin contritus nomen Jesu ore, si potuerit, sin minus saltem corde invocaverit, plenariam Indulgentiam consequetur.

Quicumque ante Missæ celebrationem, vel sumptionem Eucharistiæ, aut recitationem divini Officii, vel parvi B. Mariæ Virginis, aliquam devotam præparationem præmiserit, quinquaginta dierum Indulgentiam, qualibet vice id egerit, percipiet.

Qui detentos in carcere, aut ægrotos in nosocomiis visitaverit, eos aliquo bono opere adjuvando, aut doctrinam christianam in Ecclesia vel domi filios aut propinquos aut famulos docuerit, toties Indulgentiam biscentum dierum consequetur.

Qui ad pulsum campanæ alicujus Ecclesiæ mane aut meridie aut vespere consuetas preces *Angelus Domini etc.* dicet, vel si eas ignoret, semel Orationem Dominicam et Salutationem Angelicam; vel dato signo

sub horam noctis orandi pro Defunctis, Psalmus *De profundis*, aut si hunc nescit, Orationem Dominicam et Salutationem Angelicam recitabit, centum dierum indulgentiam qualibet vice adipiscetur.

Eandem pariter consequetur Indulgentiam, qui Feria sexta devote cogitaverit de Passione ac Morte Domini nostri Jesu Christi, terque Orationem Dominicam et Salutationem Angelicam recitaverit.

Quisquis vere pœnitens peccata commissa emendare firmiter proponat, conscientiam suam excutiat, ter Oratione Dominica et Angelica Salutatione devote repetitis in honorem sanctissimæ Trinitatis, et ob reverentiam quinque Vulnerum Jesu Christi quinques devote eandem Orationem et Salutationem recitet, eandem Indulgentiam consequetur.

Omnes et singulas antedictas Indulgentias unusquisque memoratis diebus poterit aut pro seipso adipisci, aut fidelibus defunctis per modum suffragii applicare.

Declarat insuper Sanctitas Sua concessione præfata Indulgentiarum nullo modo derogari Indulgentiis, quas alii Summi Pontifices prædecessores jam concessere pro nonnullis ex supra indicatis piis operibus, volens easdem suorum prædecessorum concessionem in suo robore permanere.

In distribuendis autem hujusmodi Coronis, Crucibus etc., earumque usu, Sanctissimus Dominus noster servari jubet Decretum fel. record. Alexandri VII. editum sub die 6. Februarii 1657; nimirum, ut Coronæ, Cruces, Rosaria etc. ut supra benedicta, quoad Indulgentias non transeant personam illorum, quibus concessa sunt, aut quibus ab iis prima vice distribuuntur; nec aliqua re ex prædictis deperdita, pro ea subrogari altera ullo modo possit, quacumque concessione aut privilegio in contrarium non obstante: nec non eadem commodari, aut precario dari non possint pro Indulgentiarum communicatione, alioquin amittant Indulgentias jam concessas: tum etiam præfata post Pontificiam Benedictionem vendi non possint, juxta dispositionem Decreti

Sacrae Congregationis Indulgentiarum et Sacrarum Reliquiarum, editi die 5. Junii 1721.

Insuper Sanctitas Sua confirmat Decretum felicis recordationis Benedicti XIV., datum die 19. Augusti 1752, quo expresse declarat Missas ad Altare (in quo aliqua ex præfatis sive Crucifixi sive Numismatis Imago quoque modo collocata fuerit) lectas, sive a Sacerdote hujusmodi Imaginem secum habente celebratas, vigore dictæ Imaginis nullo prorsus gaudere privilegio.

Præterea vetat ne quisquam, quem infirmis morti proximis assistere contigerit, benedictionem cum Indulgentia plenaria in articulo mortis, vigore hujusmodi Imaginis, illis impertiri audeat sine speciali facultate in scriptis obtenta, quoniam ad hujusmodi effectum in Constitutione Benedicti XIV. incipiente *Pia Mater*, satis provisum jam fuit.





BENEDICTIONES PROPRIÆ NONNULLORUM ORDINUM REGULARIUM.

Quæ sequuntur benedictiones, nonnisi a Sacerdotibus
specialem facultatem habentibus adhiberi possunt.

Benedictio et Impositio

SCAPULARIS SANCTISSIMÆ TRINITATIS.

Propria Ordinis Ss. Trinitatis Redemptionis Captivorum.

Sacerdos indutus superpelliceo et stola albi coloris,
dicit:

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spíritu tuo.

Orémus.

In nómine Jesu Christe, qui tégumen nostræ
mortalitátis indúere dignátus es: ob-
secrámus imménsam tuæ largitátis ab-
undántiam; ut hoc genus vestiménti, quod
sancti patres ad innocentíæ et humilitátis in-
dícium abrenuntiántes sæculo ferre sanxérunt,
tu ita bene + dicere dignéris, ut hic fámulus

tuus (vel fámula tua) N. qui (vel quæ) hoc indútus (vel indúta) fúerit vestiménto, te quoque indúere mereátur. Qui vivis et regnas per ómnia sǽcula sǽculórum. R̃. Amen.

Postea adspergit aqua benedicta.

MODUS IMPONENDI DICTUM SCAPULARE.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Adésto, Dómine, supplicatióibus nostris: ut hunc fámulum tuum (vel fámulam tuam), cui in tui nómine hábitum Religiónis sanctíssimæ Trinitátis impónimus, tu ita benedicere dignéris; ut te largiénte devótus (vel devóta) persístat, et vitam cónsequi mereátur ætérnam. Per Dóminum nostrum Jesum Christum Fílium tuum: qui tecum vivit et regnat in unitáte Spírítus sancti Deus, per ómnia sǽcula sǽculórum. R̃. Amen.

Nunc imponitur sacrum Scapulare a Sacerdote dicente:

Accipe hábitum sanctíssimæ Trinitátis, in augméntum fidei, spei, et caritátis: in nómine Patris, et Fílii ✚, et Spírítus sancti.

R̃. Amen.

V. Dóminus vobíscum.

R̃. Et cum spírítu tuo.

Orémus.

Omnípotens sempitérne Deus, qui dedísti fámululo tuo (vel fámulæ tuæ) in confessióne veræ fidei æternæ Trinitátis glóriam agnóscere, et in poténtia majestátis adoráre unitátem: quæsumus; ut ejúsdem fidei firmitáte ab ómnibus semper muniátur advérsis.

Deus, qui per sanctos Joánnem et Felícem Ordinem sanctíssimæ Trinitátis, ad rediméndum de potestáte Saracenórum captívos, cœlitus institúere dignátus es: præsta, quæsumus; ut eórum suffragántibus méritis a captivitáte córporis et ánimæ, te adjuvánte, liberétur hic fámulus tuus (vel hæc fámula tua). Per Christum Dóminum nostrum. *R.* Amen.

Suscípiat te sanctíssima Trínitas in número confrátrum, consororúmque Confraternitátis nostræ: et licet te indígne suscípimus, in oratióibus tamen nostris precámur, ut tibi sanctíssima Trínitas concédatur tempus bene vivéndi, constántiam perseverándi; et sicut nos hódie fratérna caritas spirituáliter jungit in terris, ita divína píetas, quæ dilectiόνis est auctrix et arátrix, nos cum fidélibus suis conjúgere dignétur in cœlis. Per Christum Dóminum nostrum. *R.* Amen.

Datur benedictio, dicendo: Pax et benedíctio Dei omnipoténtis, Patris ✠, et Fílii ✠, et Spíritus ✠ sancti descéndat super te (vel super vos), et máneat semper. *R.* Amen.

BENEDICTIO TRISAGII SS. TRINITATIS.

Ÿ. Adjutórium nostrum in nómine Dómini.

R. Qui fecit cœlum et terram.

Ÿ. Dóminus vobíscum.

R. Et cum spíritu tuo.

(Orémus.

Omnípotens et miséricors Deus, qui per Fílium tuum unigénitum, ac per Prophétas et Apóstolos tuos, sanctíssimæ Trinitátis mystérium reveláre dignátus es, ut sanctórum Angelórum choros imitántes in terris, dignas et devótas tibi laudes referámus: tuam obsecrámus cleméntiam; ut hæc triságia (vel hoc triságium), quæ (vel quod) in honórem et laudem ejúsdem sanctíssimæ Trinitátis ab Ecclesiá fidéli dicáta sunt (vel dicátum est), bene † dicas, et sanctífiges, eisque (vel eíque) tantam infúndas Spíritus sancti virtútem, ut quicúmque horum quódlibet portáverit, atque in domo sua reverénter serváverit, seu devóte recitáverit, tua divína virtúte ab ómnibus ánimæ et córporis perículis eruátur; sitque consors et párticeps gratiárum ómnium, privilegiórum et indulgentiárum, quæ ab Apostólica Sede concessa fúerint; atque in éxitu suo a sanctis Angelis tuis in conspéctu divínæ majestátis præsentári mereátur. Per Dóminum nostrum Jesum Christum Fílium tuum: qui tecum vivit et regnat, etc. R. Amen.

Postea adspargatur aqua benedicta.

Methodus pro erigendis Stationibus
VIAE CRUCIS.

Propria Ordinis Minorum Observantium S. Francisci.

Sacerdos superpelliceo et stola violacei coloris indutus, uno saltem clerico adhibito, qui ei opportuno tempore porrigere possit vasculum aquae benedictae cum adpersorio, et thuribulum cum incensi navicula, adscendit Altare, ibique stans brevi sermone super praestantia et utilitate pii exercitii Viae Crucis populum alloquetur. Deinde genuflexus in intimo gradu intonat Hymnum: **Veni Creátor Spíritus etc.** ut supra pag. 48*

V. Emítte Spíritum tuum, et creabúntur.

R. Et renovábis faciém terræ.

Orémus.

Deus, qui corda fidélium sancti Spíritus illustratione docuísti: da nobis in eódem Spíritu recta sápere, et de ejus semper consolatione gaudére.

Defénde, quásumus Dómine, beáta María semper Vírgine intercedénte, pópulum istum (vel familiam istam) ab omni adversitaté: et toto corde tibi prostrátum (vel prostrátam), ab hóstium propítius tuére cleménter insídiis.

Actiones nostras, quásumus Dómine, adspirádo præveni, et adjuvándo proséquere: ut cuncta nostra orátio et operátio a te temper incípiat, et per te cœpta finiátur. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sœcula sæculórum.

R. Amen.

BENEDICTIO TABULARUM PICTARUM

si adsunt.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spírítu tuo.

Orémus.

Omnípotens sempitérne Deus, qui Sanctórum tuórum imágines sculpi aut pingi non réprobas, ut quóties illas óculis córporis intuémur, tóties eórum actus et sanctitátē ad imitándum memóriæ óculis meditémur: has, quæsumus, imágines, in honórem et memóriam unigéniti Fílii tui Dómini nostri Jesu Christi adaptátas, bene† dicere, et sancti† ficáre dignéris; et præsta, ut quicúmque coram illis unigénitum Fílium tuum suppliciter cólere, et honoráre studúerit, illíus méritis et obténtu, a te grátiam in præsenti, et ætérmam glóriam obtíneat in futúro. Per eúmdem Christum Dóminum nostrum. ℞. Amen.

Tunc Sacerdos eas adspersit aqua benedicta, et incensat. In Oratorio privato omitti potest incensatio.

BENEDICTIO CRÚCIUM

quæ ex ligno esse debent.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spírítu tuo.

Orémus.

Rogámus te, Dómine sancte, Pater omnípotens, sempitérne Deus: ut dignéris bene + dicere hæc signa Crucis tuæ, ut sint remédia salutária géneri humano; sint solíditas fidei, bonórum óperum proféctus, et redéemptio animárum; sint solámen, et protéctio, ac tutéla contra sæva jácula inimicórum. Per Christum Dóminum nostrum. *R.* Amen.

Orémus.

Béne + dic, Dómine, has Cruces, quia per Crucem sanctam tuam eripuísti mundum a potestáte dæmonum, et superásti passióne tua suggestórem peccáti, qui gaudébat in prævaricatóne primi hóminis per ligni vétiti sumptiónem.

Tunc Sacerdos eas adspargens dicat:

Sanctificéntur ista Crucis signa in nómine Patris, + et Fílii, + et Spíritus + sancti: ut orántes, inclinántesque se propter Deum ante istas Cruces, invéniant sanitátem ánimæ, et córporis. Per Christum Dóminum nostrum. *R.* Amen.

Deinde cantatur sequens

Hymnus.

Vexílla Regis pródeunt, * Fulget Crucis mystérium, * Qua vita mortem pértulit, * Et morte vitam prótulit.

Quæ vulneráta lánceæ * Mucróné diro, criminum * Ut nos laváret sórdibus, * Manávit unda, et ságuine.

Impléta sunt, quæ cóncinit * David fidéli cármine, * Dicéndo natióibus: * Regnávit a ligno Deus.

Arbor decóra et fúlgida, * Ornáta regis púr-
pura, * Elécta digno stípíte * Tam sancta
membra tángere.

Beáta, cujus bráchiis * Prétium pepéndit
sæculi, * Statéra facta córporis, * Tulítque
prædam tártari.

O Crux, ave, spes única, * Hoc passiónis
témpace, * Piis adaúge grátiam, * Reisque dele
crímina.

Te, fons salútis, Trínitas, * Collaúdet omnis
spíritus: * Quibus Crucis victóriam * Largíris,
adde præmium. Amen.

Loco Versus Hoc passiónis témpace, qui dicitur
tempore Passionis, tempore paschali dicitur: **Paschále**
quæ fers gáudium; alio tempore: In hac triúmphi glória.

Hymnus.

Stabat mater dolorósa * Juxta Crucem la-
scrimósa, * Dum pendébat Fílius.

Cujus ánimam geméntem, * Contristátam
et doléntem, * Pertransívit gládius.

O quam tristis et afflícta * Fuit illa bene-
dícta * Mater Unigéniti!

Quæ mœrébat, et dolébat, * Pia mater, dum
vidébat * Nati poenas ínclýti.

Quis est homo, qui non fleret, * Matrem
Christi si vidéret * In tanto supplício?

Quis non posset contristári, * Christi matrem
contemplári * Doléntem cum Fílio?

Pro peccátis suæ gentis * Vidit Jesum in
torméntis, * Et flagéllis súbditum.

Vidit suum dulcem Natum * Moriéndo de-
solátum, * Dum emísit spíritum.

**Eja mater, fons amóris, * Me sentíre vim
dolóris * Fac, ut tecum lúgeam.**

**Fac ut árdeat cor meum * In amándo Chri-
stum Deum, * Ut sibi compláceam. Amen.**

Sacerdos accedens ad locum primæ Stationis, osculatur Crucem et tabulam, easque, vel per se, vel per laicum decenti habitu indutum; collocat in loco ad id præparato; deinde legit meditationem et preces huic Stationi respondentes: quod et fiet in ceteris Stationibus. Quibus finitis cantatur

Hymnus. .

Te Deum laudámus: * te Dóminum confi-
témur.

Te ætérnum Patrem * omnis terra venerátur.

**Tibi omnes Angeli, * tibi cœli, et univérsæ
potestátes:**

**Tibi Chérubim et Séraphim * incessábili voce
proclámant:**

**Sanctus, Sanctus, Sanctus * Dóminus Deus
Sábaoth.**

**Pleni sunt cœli et terra * majestátis gló-
riæ tuæ.**

Te gloriósus * Apostolórum chorus:

Te Prophetárum * laudábilis númerus:

Te Mártyrum candidátus * laudat exércitus.

**Te per orbem terrárum * sancta confitétur
Ecclésia:**

Patrem * imménsæ majestátis:

**Venerándum tuum verum, * et únicum
Fílium:**

Sanctum quoque * Paráclitum Spíritum.

Tu Rex glóriæ, * Christe.

Tu Patris * sempiternus es Filius.

Tu ad liberandum suscepturus hominem, * non horruisti Virginis uterum.

Tu devicto mortis aculeo, * aperuisti credentibus regna cœlorum.

Tu ad dexteram Dei sedes, * in glória Patris. Judex crederis * esse venturus.

Te ergo quæsumus, tuis famulis subveni, * quos pretioso Sanguine redemisti.

Æterna fac cum Sanctis tuis * in glória numerari.

Salvum fac populum tuum Domine, * et benedic hæreditati tuæ.

Et rege eos, * et extolle illos usque in æternum.

Per singulos dies * benedicimus te.

Et laudamus nomen tuum in sæculum, * et in sæculum sæculi.

Dignare Domine die isto * sine peccato nos custodire.

Miserere nostri Domine, * miserere nostri.

Fiat misericordia tua Domine super nos, * quemadmodum speravimus in te.

In te Domine speravi: * non confundar in æternum.

V. Benedicamus Patrem, et Filium, cum sancto Spiritu.

R. Laudemus, et superexaltemus eum in sæcula.

Orémus.

Deus, cujus misericordiæ non est numerus, et bonitatis infinitus est thesaurus, piis-

simæ majestáti tuæ pro collátis donis grátias ágimus: tuam semper cleméntiam exorántes; ut qui peténtibus postuláta concédís, eósdem non déserens, ad præmia futúra dispónas. Per Christum Dóminum nostrum. R. Amen.

Tunc Sacerdos benedicit populum cum Cruce.

FORMULA AD FIDEM FACIENDAM

de erectione Viæ Crucis.

Vigore facultatis mihi commissæ Ego N. N. Viam Crucis cum annexis Indulgentiis erexi in loco ut supra in precibus etc. juxta regulas a S. Indulgentiarum Congregatione die 10. Maji 1742 præscriptas. In quorum fidem testimonium hoc mea manu exaravi hac die etc.

Benedictio et impositio habitus vel Scapularis nigri

SS. CRUCIS ET PASSIONIS D. N. J. CHR.

Propria Congregationis Clericorum Regularium Ss. Crucis et Passionis D. N. J. Chr.

Sacerdos indutus superpelliceo et stola rubea, eo genuflexo cui Habitus vel Scapulare est imponendum, dicit:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui pro redemptione mundi voluísti nasci, circumcídí, a Judæis reprobári, a Juda traditóre ósculo tradi,

vínculis alligári, sicut agnus ínnocens ad víctimam duci, atque conspéctibus Annæ, Cáiphæ, Piláti et Heródis indecénter offérri, a falsis téstibus accusári, flagéllis et oppróbriis vexári, sputis cónspui, spinis coronári, cólaphis cædi, arúndine pércuti, fácie velári, véstibus éxui, cruci clavis affígi et láncea vulnerári: tu Dómine, per has sanctíssimas pœnas tuas, et sanctam crucem et mortem tuam, hujus fámuli tui (vel fámulæ tuæ) intelléctum illúmina, af-féctum inflámma, ut caritátis tuæ dulcédine perfúsus (vel perfúsa) lácrimas compunctiónis júgiter effúndat, totáque virtúte te díligat, et quæ tibi plácita sunt, tota dilectióne perfíciat. Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. R. Amen.

V. Adjutórium nostrum in nómine Dómini.

R. Qui fecit cœlum et terram.

V. Sit nomen Dómini benedíctum.

R. Ex hoc nunc et usque in sæculum.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui tégumen mortali-tátis nostræ assúmere dignátus es: te hu-míliter deprecámur; ut hoc induméntum, quod in memóriam tuæ sanctíssimæ passióis et mor-tis institútum fuit, bene † dícere, et sancti-†

ficare digneris; ut hic famulus tuus (vel hæc famula tua), qui (vel quæ) ipsum gestaverit, ejusdem Passiõnis pãrticeps effectus (vel effecta), æternam glóriam tuam consequi mereatur. Qui vivis et regnas in sæcula sæculórum.

R. Amen.

Hic Sacerdos sacrum Habitum vel Scapulare adspersit aqua benedicta, et illud imponit, dicens:

Induat te Dóminus novum hóminem, ut hac lúgubri poenitentiæ téssera munitus, júgiter adspicias ad Jesum, quem manus impiórum confixerunt, et dóleas super eum, ut doléri solet in morte primogéniti.

R. Amen.

Deinde subjungit:

Et ego ex facultate mihi concessa recípio te ad participatióem ómnium bonórum spirituálium, quibus ex Apostólico privilégio gaudet Congregatio Sanctíssimæ Crucis et Passiõnis Dómini nostri Jesu Christi. In nómine Patris, et Fílii ✠, et Spíritus sancti. Amen.

In fine tandem:

Pássio Dómini nostri Jesu Christi sit semper in córdibus nostris. Amen.

Benedictio Scapularis rubri

PASSIONIS ET SACRATISS. CORDIS D.N.J.C.

nec non et Cordis amantissimi et compatientis

B. Mariæ Virg. Immaculatæ.

Propria Congr. Missionum.

Genuflexo qui suscepturus est Scapulare, Sacerdos superpelliceo et stola rubra indutus, capite detecto, dicat:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui tégumen nostræ mortalitátis indúere dignátus, temetípsum exinanivísti, formam servi accípiens, et factus obédiens usque ad mortem Crucis: tuæ largitátis cleméntiam humíliter implo-rá-mus, ut hoc genus vestiménti, quod in honórem et memóriam dolorosíssimæ Passiónis tuæ, tuíque sacratíssimi Cordis, necnon et Cordis amantíssimi ac compatiéntis Immaculá-tæ Matris tuæ institútum fuit, atque ut illo indúti hæc mystéria devótius récolant, benedícere ✠ dignéris; ut hic fámulus tuus qui (vel hæc fámula tua quæ) ipsum gestáverit, te quoque, per tua mérita et intercessiónem beatíssimæ Vírginis Mariæ, indúere mereátur. Qui vivis et regnas in sæcula sæculórum.

R. Amen.

Hic Sacerdos sacrum Scapulare aqua benedicta adspergit, et illud imponit, dicens:

Accipe, caríssime frater (vel caríssima soror), hunc hábitum benedíctum, ut véterem hóminem exútus (vel exúta) novúmque indútus (vel indúta) ipsum digne pérferas, et ad vitam pervénias sempitérnam. Per Christum Dóminum nostrum. R. Amen.

Deinde subjungit:

Et ego, ex facultáte mihi concéssa, recípio te (vel vos) ad participatióem ómnium bonórum spirituálíum, quæ per Sanctæ Sedis Apostólicæ privilégium huic sancto scapulári, in grátiam Congregatióis Missiόnis, concéssa sunt. In nómine Patris, et Filii ✠, et Spíritus sancti. Amen.

Denique dicatur trina vice versiculus sequens:

Te ergo quæsumus, tuis fámulis súbveni, quos pretiόso sángine redemísti!

BENEDICTIO CORONARUM PRETIOSISSIMI SANGUINIS.

Propria Congr. Miss. pretios. Sanguinis.

Constat Corona precatoria triginta tribus granulis, in septem distinctis partes, quarum quæque quinque habet granulos, septima parte excepta, quæ tantum tres numerat; ut ita honorentur septem Sanguinis Christi præcipuæ effusiones recitatione 33 *Pater noster* et 7 *Glória*.

V. Adjutórium nostrum in nómine Dómini.

R. Qui fecit cœlum et terram.

V. Redemísti nos Dómine in Sángine tuo.

R. Et fecísti nos Deo nostro regnum.

V. Te ergo quæsumus, tuis fámulis súbveni.

R. Quos pretiόso Sángine redemísti.

℣. Dómine exaúdi oratióem meam.

℞. Et clamor meus ad te véniat.

℣. Dóminus vobíscum.

℞. Et cum spíritu tuo.

(Orémus.

Gmnípotens et miséricors Deus, qui propter exímiam caritátem tuam, qua dilexísti nos, Fílium tuum unigénitum, Dóminum nostrum Jesum Christum, de cœlis in terram descéndere, et de beatíssimæ Vírginis Mariæ Dóminæ nostræ útero sacratíssimo, Angélo nuntiánte, carnem suscípere voluísti, ut nos eríperes de potestáte diáboli: obsecrámus imménsam cleméntiam tuam; ut has Corónas in honórem, et laudem pretiósí Sándguinis ejúsdem Fílii tui ab Ecclésia tua fidéli dicátas benedícas, et sanctí fices, eisque tantam infúndas virtútem Spíritus sancti, ut quicúmque harum quámlibet secum portáverit, aut in domo sua reverénter tenúerit, ab omni hoste visíbili et invisíbili semper et ubíque in hoc sâculo liberétur, et post éxitum suum, méritis ipsíus pretiosíssimi Sándguinis, ad ætérnam beatitúdinem feliciter pervéniat. Per eúmdem Christum Dóminum nostrum. ℞. Amen.

Adspergantur aqua benedicta.

BENEDICTIO ROSARIORUM B. M. V.

Propria Ordinis Prædicatorum.

℣. Adjutórium nostrum in nómine Dómini.

℞. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

(Orémus.

Omnípotens et miséricors Deus, qui propter exímiam caritátem tuam, qua dilexísti nos, Fílium tuum unigénitum, Dóminum nostrum Jesum Christum, de coelis in terram descéndere, et de Beatíssimæ Vírginis Mariæ Dóminæ nostræ útero sacratíssimo, Angelo nuntiánte, carnem suscípere, crucémque ac mortem subíre, et tértia die glorióse a mórtuis resúrgere voluísti, ut nos eríperes de potestáte diabóli: obsecrámus imménsam cleméntiam tuam; ut hæc signa Rosárii, in honórem et laudem ejúsdem Genitrícis Fílii tui ab Ecclésia tua fidéli dicáta, bene † dicas, et sanctí † fices, eisque tantam infúndas virtútem Spíritus sancti, ut quicúmque horum quódlibet secum portáverit, atque in domo sua reverénter tenúerit, et in eis ad te, secúndum hujus sanctæ Societátis institúta, divína contempládo mystéria devóte oráverit, salúbri et perseveránti devotióne abúndet, sitque consors et párticeps ómnium gratiárum, privilegiórum, et indulgentiárum, quæ eidem Societáti per sanctam Sedem Apostólicam concéssa fuérunt, ab omni hoste visíbili et invisíbili semper et ubíque in hoc sæculo liberétur, et in éxitu suo ab ipsa Beatíssima Vírgine María Dei Genitríce tibi plenus bonis opéribus præsentári mereátur. Per eúm-

dem Dóminum nostrum Jesum Christum Fílium tuum, etc. R. Amen.

Deinde adspergantur aqua benedicta.

Benedictio habitus ac receptio Confratrum

B. MARIE VIRG. DE MONTE CARMELO.

Propria Ordinis Carmelitarum.

Sodalitati huic nomen daturus, ipso die ad Pœnitentiæ atque Eucharistiæ Sacramenta accedat, ut plenariam Indulgentiam a Paulo V. concessam lucrari valeat.

Si fieri potest, Scapulare benedicendum est ad Altare Beatissimæ Virginis Mariæ de monte Carmelo, duobus cereis accensis.

Sacerdos superpelliceum induat, una cum stola albi coloris.

Genuflexo qui habitum recipit, Sacerdos stans dicat:

Suscépi-mus, Deus, misericórdiam tuam in médio templi tui: secúndum nomen tuum, Deus, sic et laus tua in fines terræ: justítia plena est délixtera tua.

Kyrie eléison. Christe eléison. Kyrie eléison.

Pater noster. secreto.

V. Et ne nos indúcas in tentatió-nem.

R. Sed libera nos a malo.

V. Salvum fac servum tuum.

R. Deus meus, sperántem in te.

V. Mitte ei Dómine auxílium de sancto.

R. Et de Sion tuére eum.

V. Nihil proficiat inimícus in eo.

R. Et fílius iniquitátis non appónat nocére ei.

V. Dómine exaúdi oratió-nem meam.

R. Et clamor meus ad te véniat.

V. Dóminus vobíscum. R. Et cum spírítu tuo.

Orémus.

Suscípiat te Christus in número fidélium suórum, et nos, licet indigni, te suscipimus in oratióibus nostris. Concédât tibi Deus per Unigénitum suum, mediatórem Dei et hóminum, tempus bene vivéndi, locum bene agéndi, constantiam bene perseverándi, et ad æternæ vitæ hæreditátem felíciter perveniéndi: et sicut nos hódie fratérna caritas spirituáliter jungit in terris, ita divína píetas, quæ dilectiónis est auctrix et amátrix, nos cum fidélibus suis conjungere dignétur in cœlis. Per eúmdem Christum Dóminum nostrum. R. Amen.

V. Adjutórium nostrum in nómine Dómini.

R. Qui fecit cœlum et terram.

V. Sit nomen Dómini benedíctum.

R. Ex hoc nunc, et usque in sæculum.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Ætérne Pater et omnípotens Deus, qui Unigénitum tuum vestem nostræ mortalitátis indüere voluísti: obsecrámus, imménsam tuæ largitátis bene + dictiónem in hoc genus effluere vestiménti, quod sancti Patres ad innocentíæ et humilitátis indícium a renuntiántibus sæculo gestári sanxérunt; et sic ipsum bene + dicere dignéris, ut quicumque eo usus fuerit, indüere mereátur ipsum Dóminum no-

strum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sácula sæculórum. R̃. Amen.

Orémus.

Suppliciter te, Dómine, rogámus, ut super hunc hábitum servo tuo (vel ancillæ tuæ) imponéndum bene † dictio tua benígna descéndat: ut sit bene † dictus, atque divína virtúte procul pellántur hóstium nostrórum visibílium et invisibílium tela nequíssima. R̃. Amen.

Adspergat habitum aqua benedicta, et imponendo dicat:

Accipe vir devóte (vel devóta múlter) hunc hábitum benedíctum: precántes sanctíssimam Vírginem, ut ejus méritis illum pérferas sine mácula, et te ab omni adversitaté deféndat, atque ad vitam perdúcat ætérnam. R̃. Amen.

Adesto, Dómine, supplicatióibus nostris: et hunc fámulum tuum (vel hanc ancillam tuam), quem (vel quam) Sodalitatí sanctæ Religiónis Carmelitárum sociámus, perpétua tribue firmitáte corroborári, ut, perseveránti propósito, in omni sanctitaté tibi váleat famulári.

Prótege, Dómine, fámulum tuum (vel ancillam tuam) subsidiis pacis, et beátæ Mariæ semper Vírginis patrocíniis confidéntem, a cunctis hóstibus redde secúrum (vel secúram).

Bene † dicat te cónditor cœli et terræ, Deus omnípotens, qui te elígere dignátus est ad Beatíssimæ Vírginis Mariæ de Monte Carmélo Societátem et Confraternitátem: quam precá-

mur, ut in hora óbitus tui cónterat caput serpéntis, qui tibi est adversárius, et tandem tamquam victor palmam, et corónam sempitérnæ hæreditátis consequáris. Per Christum Dóminum nostrum. *R.* Amen.

Si autem habitus solum sit benedicendus, incipitur a *V.* **Adjutórium nostrum**, usque ad Orationem **Suppliciter**, inclusive.

Deinde adspergat Confratrem aqua benedicta, et subjungat:

Ego auctoritáte, qua fungor, et mihi concessa, recípio te ad Confraternitátem sacræ Religiónis Carmelitárum, et invéstio, ac partícipem te fácio ómnium bonórum spirituálium ejúsdem Ordinis. In nómine Patris, et Fí † lii, et Spíritus sancti. Amen.

His expletis describatur Confratris nomen in codice Confraternitatis, et paucis, sed efficacioribus verbis Sacerdos eum adhortetur ad caute, pie, sancteque vivendum, ne Deiparam offéndat, quam in posterum peculiari devotionis obsequio et affectu colere, ac veluti singularem ac dulcissimam matrem prosequi fas erit.

Benedictio et impositio
SCAPULARIS CÆRULEI
B. MARÆ VIRG. IMMACULATÆ.
Prop. Cler. Regul. Theatinorum.

Qui suscepturus est Scapulare, genuflectat: et Sacerdos superpelliceo et stola alba indutus, capite detecto, dicat absolute:

V. **Adjutórium nostrum in nómine Dómini.**

R. **Qui fecit cælum et terram.**

V. **Dóminus vobíscum.**

R. **Et cum spíritu tuo.**

Orémus.

Dómine Jesu Christe, qui tégimen nostræ mortalitátis indúere dignátus es, tuæ largitátis cleméntiam humíliter implorámus: ut hoc genus vestiménti, quod in honórem et memóriam Conceptionis Beátæ Mariæ Vírginis Immaculátæ, nec non ut illo indúti exórent in hóminum pravórum morum reformatiónem, institútum fuit, bene † dícere dignéris; ut hic fámulus tuus, qui eo usus fúerit (vel hæc fámula tua, quæ eo usa fúerit; si plures suscepturi sint, dicatur: hi fámuli tui qui eo usi fúerint; vel: hæ fámulæ tuæ quæ eo usæ fúerint), eádem beáta María Vírgine intercedénte, te quoque indúere mereátur (vel mereántur). Qui vivis et regnas in sæcula sæculórum. R̃. Amen.

Postea Sacerdos nihil dicendo adspergit Scapulare vel Scapularia aqua benedicta: deinde illud imponit, dicens:

Accipe frater (vel soror) Scapuláre Conceptionis Beátæ Mariæ Vírginis Immaculátæ: ut, ea intercedénte, véterem hóminem exútus (vel exúta) et ab omni peccatórum inquinaménto mundátus (vel mundáta), ipsum pérferas sine mácula, et ad vitam pervénias sempitérnam. Per Christum Dóminum nostrum. R̃. Amen.

Postea subjungit:

Et ego, ex facultáte mihi concéssa, recípio te (vel vos) ad participatióem bonórum ómnium spirituálium, quæ in Clericórum Regulárium Congregatióne ex grátia Dei fiunt, et quæ

per Sanctæ Sedis Apostolicæ privilégium concessa sunt.

In nómine Patris, et Fílii †, et Spíritus sancti. R. Amen.

Describat nomen ejus (vel nomina eorum) in libro consueto: et dicat, trina vice, flexis genibus, Orationem sequentem vulgari sermone una cum adscripto (vel adscriptis).

Laudes ac grátia sint omni moménto sanctíssimo ac diviníssimo Sacraménto.

Et benedícta sit sancta et immaculáta Concéptio Beátæ Vírginis Mariæ.

Hortetur fideles ut hæc elogia sæpe sæpius repellant ad Indulgentias 200 dierum consequendas. (Rescr. Pii VI. d. 21. Nov. 1793; Decr. Pii VII. d. 30. Junii 1818.)

Benedictio et impositio Scapularis

B. MARIE VIRG. DE MERCEDE.

Propria Ord. B. M. V. de Mercede Redempt. Captivorum.

Sacerdos superpelliceo et stola albi coloris indutus, dicit:

℣. Osténde nobis Dómine misericórdiam tuam.

℞. Et salutáre tuum da nobis.

℣. Dóminus vobíscum.

℞. Et cum spíritu tuo.

Orémus.

Dómine Jesu Christe, qui tégimen nostræ mortalitátis induere dignátus es: obsecrámus imménsæ largitátis tuæ abundántiam; ut hunc hábitum, quem sancti Patres ad innocéntiæ et sanctitátis indícium ferre sanxérunt, ita bene † dicere dignéris, ut qui

eo usus fúerit, te indúere mereátur. Qui vivis
et regnas per ómnia sǎcula sǎculórum.

R. Amen.

Deinde adspergat habitum aqua benedicta, et eo
postulantem induat, dicens:

Ego auctoritáte Dómini nostri Jesu Christi,
et Apostolórum Petri et Pauli, et mihi com-
missa, do tibi hábitum Religiónis Beátæ Mariæ
de Mercéde, propter devotiónem, quam geris
ad sacratíssimam et immaculátam Matrem Dei
Mariám, et Ordinem ejus sub nómine fundá-
tum: cum quo in præsénti grátiam Spíritus
sancti adipísci váleas, et in futúro sǎculo gló-
riam ætérnam, quæ præmium est electórum.
In nómine Patris, et Filii †, et Spíritus sancti.

R. Amen.

Postea dicatur Hymn. Veni Creátor Spíri-
tus etc. ut supra pag. 48*

V. Emítte Spíritum tuum, et creabúntur.

R. Et renovábis fáciem terræ.

V. Salvum fac servum tuum (vel ancíllam
tuam),

R. Deus meus, sperántem in te.

V. Dóminus vobíscum. R. Et cum spíritu tuo.

Orémus.

A désto, Dómine, supplicatióibus nostris; et
hunc fámulum tuum (vel fámulam tuam)
bene † dícere dignéris, cui in tuo sancto nómine
hábitum sanctæ Religiónis beátæ Mariæ de Mer-
céde impónimus, quem ex devotióne cupit por-
táre, dum vitam dúxerit in humánis; ut, te

largiēte, et devótus (vel devóta) in Ecclésia
persistere, et vitam percipere mereátur ætérnam.
Per Christum Dóminum nostrum. R. Amen.

BENEDICTIO ALIA EJUSDEM SCAPULARIS.

Propria ejusdem Ordinis.

V. Adjutórium nostrum in nómine Dómini.

R. Qui fecit cœlum et terram.

V. Ostēde nobis Dómine misericórdiam tuam.

R. Et salutáre tuum da nobis.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui tégimen nostræ
mortalitátis indúere dignátus es: obse-
crámus imménsæ largitátis tuæ abundántiam;
ut hoc genus vestimentórum, quod sancti
Patres ad innocéntiæ et sanctitátis indícium
ferre sanxérunt, ita bene ✠ dicere dignéris,
ut qui hoc usus fúerit, te indúere mereátur.
Qui vivis et regnas in sæcula sæculórum.

R. Amen.

Orémus.

Pater misericordiárum et Deus totíus conso-
latiόνis, qui te máxime mirábilem et lau-
dábilem præbes in gloriosíssima Vírgine María,
unigéniti Fílii tui matre, qui nobis eam in
misericórdiæ matrem donásti, captivorúmque
redemptricem effecísti, in ipsáque glorificári

cómplaces: tuam súpplices exorámus cleméntiam; ut super hoc signum (scapuláre seu vestiméntum), pro ipsíus sanctíssimæ Vírginis veneratióne adaptátum, et super quâmlibet ipsíus partem, sacram tuam bene † dictiónem benígnus effúndas; et præstes, ut qui eam devóte colúerit, potentíssimum redemptrícis supérnæ experiátur auxiliúm, tuámque misericórdiam piíssimam in præsénti et in futúro sæculo. Per eúndem Christum Dóminum nostrum.

R. Amen.

Orémus.

Clementíssime Dómine Deus, qui Beatíssimam Vírginem Mariám, Fílii tui felicíssimam matrem, byssino splendénti et cándido in ætérnum fulgére fecísti: bene † dícere, quæsumus, velis album istud operiméntum, in ejúsdem Vírginis Matris, captivórum auxiliatrícis, honórem consecrátum; ut, qui venerétur devóte, a malis ómnibus sit liber, et supérno byssino in cœlis vestíri mereátur. Per eúndem Christum Dóminum nostrum. R. Amen.

Adsperratur aqua benedicta.

Benedictio et impositio Scapularis

B. VIRG. MARIE

SUB TITULO **SALUS INFIRMORUM.**

Propria Clericorum Regul. Infirmit. Ministrantium.

FORMULA BENEDICENDI SCAPULARE.

V. Adjutórium nostrum in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Béne ✠ dic, Dómine, quæsumus, induméntum hoc: et præsta, ut quicúmque illud in honórem Mariæ Deíparæ Salútis Infirmórum sumpserint, mentis et córporis sanitáte gaúdeant, et in hora éxitus sui ad vitam perducántur ætérm. Per Christum Dóminum nostrum. R. Amen.

Deinde adspargatur aqua benedicta.

Formula benedicendi

PARVAS CRUCES RUBRI COLORIS

scapularibus adnectendas.

V. Adjutórium nostrum in nómine Dómini.

R. Qui fecit cælum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Béne ✠ dic, Dómine, cruces istas, ut sint remédium salutáre fidélibus: et præsta per invocatióem sancti Nóminis tui, ut quicúmque eas portáverint, córporis sanitátem, et ánimæ tutelam accípiant. Per Christum Dóminum nostrum. R. Amen.

Orémus.

Omnípotens sempitérne Deus, qui crucis signum pretioso Fílii tui sánguine consecrásti, per eámdem sanctíssimam crucem, et mortem ipsíus Fílii tui Jesu Christi, mundum redímere voluísti, ac per ejúsdem venerábilis crucis virtútem hóminum genus ab antíqui hostis tyránnide liberásti: te suppliciter exorámus, ut tua pietáte has cruces bene ✝ dícere dignéris, et cœléstem ejus virtútem et grátiam impertíri; ut quicúmque eas super se gestáverit, cœléstis grátiae plenitúdinem recípere, et Christum contra omnes diabólicas versútias defensórem habére mereátur: qui tecum, et cum Spíritu sancto vivit et regnat, per ómnia sœcula sœculórum. R. Amen.

Deinde adspergantur aqua benedicta.

Formula benedicendi

CORONAM DOMINI PRO AGONIZANTIBUS.

V. Adjutórium nostrum in nómine Dómini.

R. Qui fecit cœlum et terram.

V. Benedíces coronæ anni benignitátis tuæ.

R. Et campi tui replebúntur ubertáte.

V. Dómine exaúdi oratiómem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui in similitúdinem hóminum factus, et in mundo conversátus, tam multa pati pro hóminum salúte, et

in cruce mortem subire voluisti: dignare, quæsumus, hanc bene ✠ dicere et sancti ✠ ficare Coronam; ut qui eam pie gestaverit, et devôte recitaverit, multiplici gratiæ et indulgentiæ tuæ dono ditatus, æternam in cœlo coronam obtinere mereatur: et fideles etiam toto orbe terrarum in extrémis laborantes, misericordia tua adjuti, de agone ad perpétuam tuæ claritatis glóriam pertingere valeant. Per te, Jesu Christe Salvator mundi: qui vivis et regnas cum Deo Patre in unitate Spíritus sancti Deus, per ómnia sæcula sæculórum. *R.* Amen.

Deinde adspargatur aqua benedicta.

Orationes recitandæ

**CUM FIDELES PIÆ SOCIETATI
ADSCRIBUNTUR.**

V. Adjutórium nostrum in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum. *R.* Et cum spíritu tuo.

Orémus.

Omnípotens et miséricors Deus, te humiliter deprecámur: ut qui piæ huic Societati nomen déderint, beatíssimam Vírginem Mariám infirmórum salútem exoránte, et córporum medélam obtíneant, et ánimæ sanitátem. Per Christum Dóminum nostrum. *R.* Amen.

Orémus.

Deus, qui ineffábili providéntia beátum Joseph sanctíssimæ Genitrícis tuæ Sponsum

eligere dignátus es, eíque moriénti una cum ipsa Immaculáta Vírgine adstitísti: concéde; ut, eo intercedénte, in hora éxitus nostri sanctíssimum tuum et Mariæ nomen invocémus, atque ætérnam íngredi réquiem valeámus: Qui vivis et regnas, etc. R. Amen.

Orémus.

Deus, qui sanctum Camíllum singulári caritátis prærogatíva decorásti, ac novæ prolis ad infirmórum subsídium effecísti patrem: ejus méritis et intercessióne concéde; ut, qui ægro-tándo labórant, ad ánimæ salútem proficiant sempitérnam. Per Christum Dóminum nostrum.

R. Amen.

Formula adhibenda

DUM SCAPULARE PORRIGITUR.

Accipe frater (vel soror) hábitum hunc, singuláre signum piæ Societátis sub título sanctíssimæ Vírginis de Salúte, ac sanctórum Joséphi et Camílli, ut ita indútus (vel indúta) sub eórum patrocínio perpétuo vivas.

R. Amen.

Formula adhibenda

DUM CORONA PORRIGITUR.

Accipe corónam Dómini nostri Jesu Christi, in memóriam passiónis ejus contéxtam: ut cum eum ore laudáveris, omnes in agóne constitúti patiénter dolóres sustíneant, et ad vitam pervéniant sempitérnam. Per eúndem Christum Dóminum nostrum. R. Amen.

Pax et benedictio Dei omnipotentis, Patris, et Filii ✙, et Spiritus sancti, descendat super te, et maneat semper. *R.* Amen.

Benedictio et impositio

CINCTURÆ BEATÆ MARIE VIRGINIS.

Propria Ordinis Eremitarum S. Augustini.

Sacerdos superpelliceo ac stola alba indutus, dicat:

V. Adjutorium nostrum in nomine Domini.

R. Qui fecit cælum et terram.

V. Domine exaudi orationem meam.

R. Et clamor meus ad te veniat.

V. Dominus vobiscum. *R.* Et cum spiritu tuo.

Orémus.

Omnipotens et misericors Deus, qui peccatoribus, pietatis tuæ misericordiam quærentibus, veniam et misericordiam tribuis: oramus clementiam tuam; ut hanc corrigiam bene ✙ dicere, et sanctificare digneris, ut omnis persona, quæ pro peccatis suis illa præcincta fuerit, atque eam portaverit, gratam tibi continentiam, mandatorumque tuorum obedientiam servet, et intercedentibus beata Maria semper Virgine, ac sanctis Augustino, et Monica, veniam peccatorum suorum obtineat, et vitam consequatur æternam. Per Christum Dominum nostrum. *R.* Amen.

Orémus.

Precamur te, Domine sancte, Pater omnipotens, æterne Deus: ut hanc corrigiam in signum puritatis bene ✙ dicas, ad restringen-

dos lumbos et renes, et voluntatem sub tua lege comprimendam; ut quicumque illam devotionis studio semper portaverit, et misericordiam tuam imploraverit, veniam, et indulgentiam tuæ sanctissimæ misericordiæ consequatur. Per Christum Dominum nostrum. R̃. Amen.

BENEDICTIO CORONÆ.

Orémus.

Dómine Jesu Christe, qui discipulos tuos orare docuisti: súscipe, quæsumus, bene-
✚ dicendo orationes famulorum, famularumque tuarum; ut illorum oratio a te semper incipiat, et per te cœpta finiatur. Qui vivis. R̃. Amen.

BENEDICTIO PERSONÆ.

Orémus.

Adesto, Dómine supplicationibus nostris: ut hic famulus tuus (vel hæc famula tua), cui in tuo sanctissimo nómine hanc corrigiam impónimus, te largiente semper devóte in sancta religióne persístat. Per Christum Dominum nostrum. R̃. Amen.

Deinde ipsam adspergat aqua benedicta.

Postea eam cingens corrigia, dicat:

Accipe corrigiam super lumbos tuos: ut sint lumbi tui præcincti, in signum temperantiæ et castitátis. In nómine Patris, et Filii ✚, et Spíritus sancti. Amen.

Deinde dicat Sacerdos:

Dóminus qui cœpit in vobis opus bonum, et ipse perficiat: et augmentum gratiæ et gló-

riæ, méritis beátæ Mariæ semper Vírginis, et sancti Augustíni, ejúsque devotíssimæ matris Mónica, vobis concédât. Amen.

Et ego auctoritatē qua fungor, indultóque Apostólico mihi commisso, vos recípio, atque accépto: et partícipes ómnium bonórum, quæ fiunt per totum Ordinem sancti Augustíni, constituo.

Benedíctio Dei omnipoténtis, Patris, et Fílii ✠, et Spíritus sancti, descéndat super vos, et máneat semper. R. Amen.

Benedictio Coronæ

SEPTEM DOLORUM B. MARIE VIRG.

Propria Ordinis Servorum B. M. V.

Sacerdos superpelliceo ac stola alba indutus, dicat:


V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

mnípotens et miséricors Deus, qui propter nímiā caritátem, qua dilexísti nos, Fílium tuum unigénitum, Dóminum nostrum Jesum Christum, pro redemptione nostra de cœlis ad terram descéndere, carnem suscípere, et crucis torméntum subíre voluísti: obsecramus imménsam cleméntiam tuam; ut hanc coronam, in memóriam septem dolórum Genitrícis Fílii tui ab Ecclesiá tua fidéli dicátam, benedícas, et sanctí ✠ fices, et ei tantam Spíritus

sancti virtutem infundas, ut quicumque eam recitaverit, ac secum portaverit, atque in domo sua reverenter tenuerit, ab omni hoste visibili et invisibili, semper et ubique in hoc sæculo liberetur, et in exitu suo a Beatissima Virgine Mariâ tibi bonis operibus coronatus presentari mereatur. Per eundem Christum Dominum nostrum. R. Amen.

Deinde Sacerdos adspergat coronam aqua benedicta. Postea eam porrigens, dicat:

Accipe coronam beatæ Mariæ Virginis, in memoriam septem dolorum suorum contextam: ut dum eam ore laudaveris, ejus poenas toto corde compatiaris. Amen.

Deinde benedicens dicat:

Pax et benedictio Dei omnipotentis Patris, et Filii † et Spiritus sancti descendat super te (vel super vos), et maneat semper.

R. Amen.

BENEDICTIO CINGULI S. THOMÆ AQUINATIS

ad servandam castitatem.

Propria Ord. Prædicatorum.

V. Adjutorium nostrum in nomine Domini.

R. Qui fecit cælum et terram.

V. Dominus vobiscum.

R. Et cum spiritu tuo.

Orémus.

Domine Jesu Christe, Fili Dei vivi, puritatis amator et custos, obsecramus immensam clementiam tuam: ut sicut ministerio An-

gelórum sanctum Thomam Aquinátem cingulo castitátis cingere, et a labe córporis ac ánimæ præserváre fecísti; ita ad honórem et glóriam ejus bene + dicere, et sancti + ficáre dignéris cingula ista: ut quicúmque ipsa circa renes reverénter portáverit ac tenúerit, ab omni im-mundítia mentis et córporis purificétur, atque in éxitu suo per manus sanctórum Angelórum tibi digne præsentári mereátur. Qui cum Patre et Spíritu sancto vivis et regnas in sácula sæculórum. R̃. Amen.

Et adspargatur aqua benedicta.

BENEDICTIO NUMISMATUM S. BENEDICTI.

Propria Ordinis S. Benedicti.

Sacerdos benedicturus Numismata sancti Benedicti, incipit absolute:

Y. Adjutórium nostrum in nōmine Dómini.

R̃. Qui fecit cœlum et terram.

Exorcízo vos, numísmata, per Deum Patrem + omnipoténtem, qui fecit cœlum et terram, mare et ómnia quæ in eis sunt. Omnis virtus adversárii, omnis exércitus diáboli, et omnis incúrsus, omne phantásma sátanæ, eradicáre et effugáre ab his numismátibus: ut fiant ómnibus qui eis usúri sunt, salus mentis et córporis: in nómine Patris + omnipoténtis, et Jesu + Christi Fílii ejus, Dómini nóstri, et Spíritus sancti + Parácliti, et in caritáte ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. R̃. Amen.

Kyrie eléison. Christe eléison. Kyrie eléison.
Pater noster. secreto.

V. Et ne nos indúcas in tentatiónem.

R. Sed libera nos a malo.

V. Salvos fac servos tuos.

R. Deus meus, sperántes in te.

V. Esto nobis Dómine turris fortitudinis.

R. A fácie inimíci.

V. Dóminus virtútem pópulo suo dabit.

R. Dóminus benedícet pópulum suum in pace.

V. Mitte nobis Dómine auxílium de sancto.

R. Et de Sion tuére nos.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus omnípotens, bonórum ómnium largítor, súpplices te rogámus, ut per intercessiónem sancti Benedícti, his sacris numismátibus, lítteris ac caractéribus a te designátis, tuam benedictiónem infúndas: ut omnes qui ea gestáverint, ac bonis opéribus inténti fúerint, sanitátem mentis et córporis, et grátiam sanctificatiónis, atque indulgéntias nobis concéssas cónsequi mereántur; omnésque diáboli insídias et fraudes, per auxílium misericórdiæ tuæ, ef-fúgere váleant, et in conspéctu tuo sancti et immaculáti appáreant. Per Dóminum nostrum Jesum Christum, etc.

R. Amen.

Orémus.

Dómine Jesu Christe, qui voluísti pro totíus mundi redemptióne de Vírgine nasci, circumcídi, a Judæis reprobári, Judæ ósculo tradi, vínculis alligári, spinis coronári, clavis perforári, inter latrónes crucifígi, lancea vulnerári, et tandem in cruce mori: per hanc tuam sanctíssimam passiónem humíliter exóro; ut omnes diabólicas insídias et fraudes expéllas ab eo, qui nomen sanctum tuum, his lítteris ac caractéribus a te designátis, devóte invocáverit, et eum ad salútis portum perdúcere dignéris. Qui vivis et regnas in sæcula sæculórum. *R.* Amen.

Benedíctio Dei Patris omnipoténtis, et Fílii *✙*, et Spíritus sancti descéndat super hæc numismata, ac ea gestántes, et máneat semper. Amen.

Deinde Sacerdos adspergit Numismata aqua benedicta.

Benedictio et impositio

CHORDÆ S. FRANCISCI ASSISIENSIS.

Propria Ord. Minorum Conventualium.

Sacerdos indutus superpelliceo ac stola alba, dicat:

V. Adjutórium nostrum in nómine Dómini.

R. Qui fecit cœlum et terram.

V. Ora pro nobis, beáte Pater Francísce.

R. Ut digni efficiámur promissiόνibus Christi.

V. Dómine exaúdi oratióne meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus qui, ut servum redímeres, Fílium tuum per manus impiórum ligári voluísti: béne † dic, quæsumus, funem istum, et præsta; ut fámulus tuus qui eo velut ligámine pœnitentiáli sui córporis cingétur, vinculórum ejúsdem Dómini nostri Jesu Christi perpétuo memor exsístat, et in órdine, quem assúmpsit, perénriter perseveret, túsque cum afféctu semper obséquiiis se alligátum esse cognóscat. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sœcula sœculórum.

R. Amen.

Orémus.

Omnípotens sempitérne Deus, qui ómnibus peccatóribus, quæréntibus véniam et misericórdiam, quæsíta et optáta misericórditer tribuísti: orámus imménsam cleméntiam tuam; ut has chordas (vel hanc chordam) bene † dicere, et sanctificáre dignéris; ut quicúmque iis (vel ea) pro peccátis suis cincti fúerint (vel cinctus fúerit), et cleméntiam tuam imploráverint (vel imploráverit), méritis et intercessióne beatíssimi servi tui Francísci véniam et indulgéntiam suórum peccatórum, fructúmque tæ sanctæ misericórdiæ consequántur (vel consequátur). Per Christum Dóminum nostrum.

R. Amen.

Deinde adspargatur aqua benedicta; mox Sacerdos cingendo eum chorda, dicat:

Accipe chordam super lumbos tuos: ut sint lumbi tui præcincti in signum castitátis. In nómine Patris, et Fílii ✠, et Spíritus sancti.

R. Amen.

BENEDICTIO ET IMPOSITIO CINGULI LANEI pro Chordigeris S. Francisci de Paula.

Propria Ordinis Minimorum.

Sacerdos superpelliceo et stola albi coloris indutus, signans se signo crucis, dicit:


V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

mnípotens, sempitérne et miséricors Deus, qui pietátis tuæ indulgéntiam peccatóribus, quæréntibus véniam et misericórdiam, tribuísti: orámus imménsam cleméntiam tuam, ut hoc cingulum láneum (vel hæc cingula lánea) bene ✠ dicere et sanctificáre dignéris; ut quicumque pro peccátis suis cincti fúerint, et misericórdiam tuam imploráverint, intercedénte beáto Francíscó, véniam et indulgéntiam tuæ sanctæ misericórdiæ consequántur. Per Christum Dóminum nostrum. R. Amen.

Adspergit aqua benedicta; deinde porrigit, dicens:

Accipe cingulum super lumbos tuos: ut sint lumbi tui præcincti in signum castitátis et temperántiæ. In nómine Patris ✠, et Fílii, et Spíritus sancti. R. Amen.

FORMULA BENEDICTIONIS AQUÆ

sancti Vincentii Ferrerii pro infirmis.

Propria Ordinis Prædicatorum.

℣. Adjutórium nostrum in nómine Dómini.

℞. Qui fecit cœlum et terram.

℣. Sit nomen Dómini benedíctum.

℞. Ex hoc nunc et usque in sœculum.

℣. Dómine exaúdi oratióem meam.

℞. Et clamor meus ad te véniat.

℣. Dóminus vobíscum.

℞. Et cum spírítu tuo.

Orémus.

Majestátem tuam, Dómine, súpplíces exorámus, ut qui in desérto erémi petram benedixísti, ut bis a virga Móysi percússa, aquæ ex ea largíssime egrederéntur, et géminam illam percussiónem sacraméntum Passiónis, et duo ligna Crucis significáre voluísti; tua quoque benignitáte et cleméntia per ejúsdem sanctæ Crucis mystérium, aquam istam larga benedictióne ✝ sanctífices, ut omnis infírmus, qui de ea bíberit, vel ex ea adspérsus fúerit, sentiát statim salutárem tuæ benedictiónis efféctum. Per Christum Dóminum nostrum.†

℞. Amen.

Benedíco hanc aquam in nómine Dei Patris ✝ omnipoténtis, qui hoc ad usum humánum gratum creávit eleméntum, ut sit sórdium lavácrum córporis et ánimæ, mira omnipoténtia elevátum; potum sitiéntibus tríbuat, refrigerium sit æstuántibus, via et sémita navigán-

tibus; et qui in aqua et per aquam in mundi universi submersiōne sacramentum novæ legis præsignavit, cum octo animas salvavit in arca super eam ambulante, apertis cataractis cœli plûere fecit eam quadraginta diēbus et quadraginta noctibus super terram, hanc aquam bene + dicat, et sancti + ficet, ut ad sui sancti Nominis et S. Vincēntii invocatiōnem ægrōtum sanet, consolidet infirmum, dejēctum érigat, immūndum purificet ac petēnti ab eo salutem potēnter restituat. In nómine Pa + tris et Fí + lii et Spíritus + sancti. *R.* Amen.

Sacerdos tangens vas aquæ Reliquia vel Imāgine S. Vincēntii, dicat:

Orémus.

Adésto, Dómine, supplicatiōnibus nostris, et elemēto huic aquæ méritis S. Vincēntii, cujus Reliquia (vel Imāgine) tángitur, virtutem tuæ iteratæ benedi + ctiónis infúnde, ut bibēnti fiat potus ad salutem. *R.* Amen.

— In nómine Pa + tris, et Fí + lii, et Spíritus + sancti. *R.* Amen.

Quatuor Cruces in hac Oratione præsignatæ, fieri debent cum Reliquia vel Imāgine. Sacerdos dicat:

Antiphona. Adsit nobis propítius in hujus vitæ vespere, ad Christum nos Vincēntius tuto ferens itínere.

V. Ora pro nobis, beáte Vincēnti.

R. Ut digni efficiámur promissiōnibus Christi.

Orémus.

Deus, qui gēntium multitudinem, mira beāti Vincēntii Confessóris tui prædicatiōne, ad

agnitióem tui nóminis veníre tribuísti: præsta, quæsumus; ut quem ventúrum júdicem nuntiávit in terris, præmiatórem habére mereámur in cœlis. Per Christum Dóminum nostrum. R. Amen.

MODUS BENEDICENDI AQUAM S. IGNATII.

Pro Societate Jesu approbatus.

V. Adjutórium nostrum in nómine Dómini.

R. Qui fecit cœlum et terram.

V. Sit nomen Dómini benedíctum.

R. Ex hoc nunc, et usque in sæculum.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Dómine sancte, Pater omnípotens, ætérne Deus, qui benedictiόνis tuæ grátiam ægris infundéndo corpóribus, factúram tuam múltiplici pietáte custódis, ad invocatióem nóminis tui benígnus assíste, ut intercedénte beáto Ignátio Confessóre tuo, fámulos tuos ab ægritúdine liberátos et sanitáte donátos, délixtera tua érigas, virtúte confírmes, potestáte tueáris atque Ecclésiæ tuæ sanctæ cum omni prosperitáte restítuas. Per Dóminum nostrum Jesum Christum Fílium tuum, etc. R. Amen.

Immergitur aquæ numisma, seu Reliquiarium sancti Ignatii, et immersum tenetur usque ad finem hujus Oratiónis:

Béne † dic, Dómine, hanc aquam, ut sit remédium salutáre géneri humano, et per intercessiónem beáti Ignátii, cujus numísma (vel reliquiæ) in eam immérgitur, (vel immergúntur) præsta, ut quicúmque ex ea sumpserint, córporis sanitátem et ánimæ tutelam percípiant. Per Christum Dóminum nostrum. R. Amen.

Educitur ex aqua numisma seu Reliquarium.

Orémus.

Deus, qui ad majórem tui nóminis glóriam propagándam, novo per beátum Ignátium subsidio militántem Ecclesiám roborásti: concéde; ut ejus auxílio et imitatione certántes in terris, coronári cum ipso mereámur in cœlis. Per Dóminum nostrum. R. Amen.

Formula benedicendi

**QUATUOR SCAPULARIA SS. TRINITATIS,
B. M. V. DE MONTE CARMELO,
IMMACUL. CONCEPTIONIS, AC VII DOLORUM.**

Pro Sacerdotibus Congreg. Ss. Redemptoris.

V. Adjutórium nostrum in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Dómine Jesu Christe, ómnium caput fidélium, et humáni géneris salvátor, qui tégumen nostræ mortalitátis indúere dignátus

es: obsecrámus imménsam largitátis tuæ abundántiam, ut indumentá hæc in obséquium Ss. Trinitátis institúta, neque non in honórem B. V. Matris tuæ sine labe concéptæ, dolorésque tuos ac vices peramánter doléntis, et Carméli órđinem suo patrocínio decorántis, ita bene + dícere et sancti + ficáre dignéris, ut qui (vel quæ) ea assúmpserint, eádem Genitríce tua intercedénte, te quoque salutáre nostrum, córpore et ánima indúere mereántur. Qui vivis et regnas in sácula sæculórum.

Ry. Amen.

Adspergit aqua benedicta, et illa imponit, dicens:

- I. Accípíte hábitum Ordinis Ss. Trinitátis in fidei, spei, et caritátis augméntum, ut induátis novum hóminem, qui secúndum Deum creátus est in justítia et sanctitáte.
- II. Accípíte hábitum Ordinis B. Mariæ V. de Monte Carmélo, ut ejus patrocínio ab omni erróre et adversitáte liberáti, Dómino fidé-liter serviátis.
- III. Accípíte scapuláre devotórum B. Mariæ V. sine labe concéptæ, ut ejus intercessióne ab omni inquinaménto mundáti ad vitam perveniátis ætéřnam.
- IV. Accípíte hábitum servórum B. Mariæ V. septem dolóres ejus devóte recoléntium, ut dolóres ipsos assídue recogitántes, pássio D. N. Jesu Christi sit in corde et córpore vestro.

Ego ex facultáte apostólica mihi delegáta, recípio vos in participatióem bonórum spiri-
tuálium et Indulgentiárum, quibus prædicti
Ordines seu Congregatióes pollent. In nó-
mine Pa † tris, et Fí † lii, et Spíritus †
sancti. Amen.

Y. Salvos fac servos tuos.

R. Deus meus sperántes in te.

Y. Mitte eis auxílium de sancto.

R. Et de Sion tuére eos.

Y. Esto eis Dómine turris fortitúdinis.

R. A fácie inimíci.

Y. Nihil proficiat inimícus in eis.

R. Et fílius iniquitátis non appónat nocére eis.

Y. Dómine exaúdi oratióem meam.

R. Et clamor meus ad te véniat.

Y. Dóminus vobíscum.

R. Et cum spíritu tuo.

Orémus.

A désto Dómine supplicatióibus nostris, et
quibus in tuo Nómine sacros hábitus im-
posúimus, ita bene † dícere dignéris, ut tuæ
grátiae cooperántes, vitam cónsequi mereántur
ætérmam. Per Christum Dóminum nostrum.

R. Amen.

Benedíctio Dei omnipoténtis Pa † tris, et
Fí † lii, et Spíritus † sancti, descéndat super
vos et máneat semper. Amen.

Si plures sint omnes primo induantur, deinde for-
mula pronuntiatur super omnes simul.

BENEDICTIONES NOVISSIMÆ.

ABSOLUTIO GENERALIS

ET

BENEDICTIO PAPALIS

pro regularibus Ordinibus et Tertiariis ad eos
pertinentibus.

Ss. D. N. Leo PP. XIII. per Breve Apostolicum
Quo universi d. d. 7. Julii 1882 circa absolutionis tum
generalis, tum in articulo mortis, tum Papalis benedi-
ctionis formulas sequentia decrevit:

**I. Pro Absolutione in articulo mortis retineatur
in omnibus formula præscripta in Constitutione sa. me.
Benedicti Papæ XIV. Pia Mater, addito tantum ad
Confiteor nomine Sancti proprii Fundatoris.**

(Quæ formula invenitur in hoc libro pag. 94.)

**II. Benedictio Summi Pontificis nomine imper-
tienda detur cum formula approbata in Constitutione
ejusdem sa. me. Benedicti Papæ XIV. Exemplis Præ-
decessorum, sed nonnisi bis in anno, et sub conditione
quod hæc Benedictio numquam detur eadem die et in
eodem loco, ubi Episcopus eam impertiat.**

(Quam formulam habes in hoc libro pag. 57.)

**III. In Absolutione generali pro Regularibus
cujuscumque Ordinis, atque in Benedictione cum In-
dulgencia plenaria pro Tertiariis Sæcularibus adhibe-
antur omnino duæ insequentes formulæ a Rmo Asses-
sore Sacræ Rituum Congregationis propositæ atque ab
eadem approbatæ, abrogatis penitus et suppressis quibus-
cumque aliis formulis hucusque usitatis, videlicet;**

I. Formula Absolutionis Generalis pro Regularibus

cujuscumque Ordinis hoc privilegio fruentibus.

Antiph. Ne reminiscáris, Dómine, delicta nostra vel paréntum nostrórum, neque vindictam sumas de peccátis nostris.

Kyrie eléison. Christe eléison. Kyrie eléison.
Pater noster.

V. Et ne nos indúcas in tentatióem.

R. Sed líbera nos a malo.

V. Osténde nobis Dómine misericórdiam tuam.

R. Et salutáre tuum da nobis.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus, cui próprium est, miseréri semper et párcere, súscipe deprecatióem nostram, ut nos, et omnes fámulos tuos, quos delictórum caténa constringit, miserátio tuæ pietátis cleménter absólvat.

Exaúdi, quæsumus Dómine, súpplícum preces, et confiténtium tibi parce peccátis, ut páriter nobis indulgéntiam tríbuas benígnus et pacem.

Ineffáblem nobis, Dómine, misericórdiam tuam cleménter osténde: ut simul nos et a peccátis ómnibus éxuas, et a poenis, quas pro his merémur, erípias.

Deus, qui culpa offénderis, pœniténtia placáris: preces pópuli tui supplicántis propítius

réspice, et flagélla tuæ iracúndiæ, quæ pro peccátis nostris merémur, avérte. Per Christum Dóminum nostrum. Amen.

Completis precibus, ab uno ex adstantibus dicitur **Confíteor.** addito nomine proprii Fundatoris.

Deinde Sacerdos dicit:

Misereátur vestri etc. Indulgéntiam, absolutiónem etc.

Postea subjungit:

Dóminus noster Jesus Christus per mérita suæ sacratíssimæ passiónis vos absólvat et grátiam suam vobis infúndat. Et ego auctoritáte ipsíus, et beatórum Apostolórum Petri et Pauli et Summórum Pontíficum Ordini nostro ac vobis concéssa, et mihi in hac parte commissa, absólvo vos ab omni vínculo excommunicatiónis majóris, vel minóris, suspensiónis et interdícti, si quod forte incurristis, et restítuo vos unióni et participatióni fidélium, necnon sacrosántis Ecclésiæ Sacraméntis. Item eádem auctoritáte absólvo vos ab omni transgressióne votórum et régulæ, constitutiónum, ordinatiónum et admonitiónum majórum nostrórum, ab ómnibus pœniténtiis oblitis, seu étiam negléctis, concédens vobis remissiónem et indulgéntiam ómnium peccatórum, quibus contra Deum et próximum fragilitáte humana, ignorántia, vel malítia deliquístis, ac de quibus jam conféssi estis: In nómine Patris † et Fílii et Spíritus sancti. Amen.

II. Formula Benedictionis cum indulgentia plenaria pro Tertiariis Sæcularibus,

ceterisque omnibus communicationem privilegiorum et gratiarum cum iisdem, vel cum Regularibus cujuscumque Ordinis habentibus.

Antiph. Intret oratio mea in conspectu tuo, Dómine; inclína aurem tuam ad preces nostras; parce, Dómine, parce pópulo tuo, quem redemísti Sanguine tuo pretiósso, ne in ætérnum irascáris nobis.

Kyrie eléison. *Christe* eléison. *Kyrië* eléison. *Pater* noster.

V. Et ne nos indúcas in tentatiónem.

R. Sed libera nos a malo.

V. Salvos fac servos tuos.

R. Deus meus, sperántes in te.

V. Mitte eis Dómine auxiliúm de Sancto.

R. Et de Sion tuére eos.

V. Esto eis Dómine turris fortitúdinis.

R. A fácie inimíci.

V. Nihil proficiat inimícus in nobis.

R. Et fílius iniquitátis non appónat nocére nobis.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus, cui próprium est, miseréri semper et párcere, súscipe deprecatióem nostram, ut nos, et omnes fámulos tuos, quos delictórum

caténa constríngit, miserátio tuæ pietátis cleménter absólvat.

Exaúdi, quæsumus Dómine, súpplícum preces, et confiténtium tibi parce peccátis: ut páriter nobis indulgéntiam tríbuas benígnus et pacem.

Ineffábilem nobis, Dómine, misericórdiam tuam cleménter osténde: ut simul nos et a peccátis ómnibus éxuas et a pœnis, quas pro his merémur, erípias.

Deus, qui culpa offénderis, pœniténtia placáris: preces pópuli tui supplicántis propítius réspice, et flagélla tuæ iracúndiæ, quæ pro peccátis nostris merémur, avérte. Per Christum Dóminum nostrum. Amen.

Dicto deinde Confíteor etc., Misereátur etc., Indulgéntiam etc., sacerdos prosequitur:

Dóminus noster Jesus Christus, qui beáto Petro Apóstolo dedit potestátem ligándi atque solvéndi, ille vos absólvat ab omni vínculo delictórum, ut habeátis vitam ætérnam et vivátis in sæcula sæculórum. Amen.

Per sacratíssimam passiónem et mortem Dómini nostri Jesu Christi, précibus et méritis beatíssimæ semper Vírginis Mariæ, beatórum Apostolórum Petri et Pauli, beáti Patris nostri N. et ómnium Sanctórum, auctoritáte a Summis Pontíficibus mihi commissa, plenáriam indulgéntiam ómnium peccatórum vestrórum vobis impértior. In nómine Patris ✠ et Fílii et Spíritus sancti. Amen.

Si hæc indulgentia immediate post sacramentalem absolutionem impertiatur, reliquis omissis, Sacerdos absolute incipiat a verbis: **Dóminus Noster Jesus Christus etc.** et ita prosequatur usque ad finem, plurali tantum numero in singularem immutato.

BENEDICTIO BOMBYCUM.

Adprobata pro Archidiazcesi Lugdunensi.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spíritu tuo.

Orémus.

Deus, ómnium creátor et rector, qui in animalium creatióne símilis suæ speciëi propagándæ virtútem contulísti, quæsumus, ut hæc bombycum sémina bene † dicere, fovére ac multiplicáre tua pietáte dignéris, ut sancta altária tua, eórum opéribus adornáta, et fideles tui eisdem fulgéntes, te, uti bonórum ómnium largitórem, toto corde gloríficent: qui cum Unigénito tuo et Spíritu sancto vivis et regnas in sæcula sæculórum. ℞. Amen.

Deinde adspargatur aqua benedicta.

BENEDICTIO CINGULI

quod gestatur in honorem B. M. V. vel alicujus Sancti.¹⁾

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spíritu tuo.

• ¹⁾ Qui tamen Alba Sanctorum a Sede Apostolica adscriptus sit.

Orémus.

Dómine Jesu Christe, béne ✠ dic, quæsumus, hoc cingulum, et præsta, ut qui (vel quæ) illud gestáverit, Beatíssimæ Vírginis Matris tuæ (vel Sancti N., seu Sanctæ N.) protectióne munítus (vel muníta) ab ómnibus perículis deféndi, atque ánimæ et córporis sanitátem percípere mereátur. Qui vivis et regnas Deus in sæcula sæculórum. R̃. Amen.

Deinde Sacerdos adspergat aqua benedicta.

BENEDICTIO VINI PRO INFIRMIS.

Ṽ. Adjutórium nostrum in nómine Dómini.

R̃. Qui fecit cœlum et terram.

Ṽ. Dóminus vobíscum.

R̃. Et cum spírítu tuo.

Orémus.

Dómine Jesu Christe, Fili Dei vivi, qui in Cana Galilææ ex aqua vinum fecísti; bene ✠ dícere et sanctificáre dignéris hanc creatúram vini, quam ad sustentatióem servórum tuórum tribuísti; ut ubicúmque fusum fúerit, vel a quólibet potátum, divína opuléntiæ tuæ bene ✠ dictióne repleátur.

Omnípotens sempitérne Deus, salus ætérna credéntium, exaúdi nos pro fámulo tuo infirmo (vel fámula tua infirma, seu fámulis tuis infirmis, si fuerint plures), pro quo (vel pro qua, sive pro quibus) misericórdiæ tuæ implo-rámus auxílium; ut, réddita sibi sanitáte, gra-

tiarum tibi in Ecclesia tua referat (vel referant) actiones. Per Christum Dominum nostrum.

R. Amen.

BENEDICTIO DOMUS SCHOLARUM.

Sacerdos ingrediens adspargat cubicula aqua benedicta, dicens:

V. Pax huic domui.

R. Et omnibus habitantibus in ea.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

Domine Jesu Christe, qui Apóstolis tuis præcepisti, ut in quamcúmque domum intrarent, pacem illi adprecarentur, sanctifica, quæsumus, per ministérium nostrum hanc domum pueris (vel puellis) educandis destinatam; effunde super eam tuæ bene dictionis et pacis abundantiam, fiat eis salus, sicut domui Zachæi, te intrante, facta est; manda Angelis tuis, ut eam custodiant, et ab ea omnem inimici repellant potestatem; reple docentes in ea spiritu scientiæ, sapientiæ et timoris tui; discentes cœlesti gratia fove, ut quæ salutari-ter edocentur, intellectu capiant, corde retineant, opere exsequantur; atque omnes habitatores ejus virtutum omnium operibus tibi placeant, ut in æternam domum in cœlis aliquando recipi mereantur. Per te, Jesu Christe,

Salvátor mundi, qui vivis et regnas Deus in
sæcula sæculórum. R. Amen.

BENEDICTIO UVARUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Béne ✠ dic, Dómine, hos fructus novos ví-
neæ, quos tu rore cœli, et abundántia
pluviárum, et témporum serenitáte atque tran-
quillitáte, ad maturitátem perdúcere dignátus
es, et dedísti eos ad usus nostros cum gratiá-
rum actióne percípere in nómine Dómini no-
stri Jesu Christi, qui tecum vivit et regnat in
unitáte Spíritus sancti Deus, per ómnia sæcula
sæculórum. R. Amen.

Deinde adspergat aqua benedicta.

BENEDICTIO AQUÆ

in honorem S. Adelhaidis.

Adprobata pro Archidiœcesi Coloniensi.

V. Adjutórium nostrum in nómine Dómini.

R. Qui fecit cœlum et terram.

V. Sit nomen Dómini benedíctum.

R. Ex hoc nunc et usque in sæculum.

V. Dóminus vobíscum.

R. Et cum spíritu tuo.

Orémus.

Bidélium Deus ómnium fortitúdo, et salus, qui socrum beáti Petri Apóstoli tui magnis fébribus deténtam, pio motus rogatiónis afféctu sanásti: sanctí ✠ fica et béne- ✠ dic creatúras has (panis et) aquæ tuo sanctí- simo nómine, et méritis S. Adelháidis Vírginis, quam, spreto sáculo, servítio tuo glorióse mancipáre dignátus es: præsta ejúdem intercedéntibus méritis, ut quicúmque morborum vexatióibus gravántur, per hujus (panis et) aquæ sumptiónem húmitem a cunctis ánimæ et córporis languóribus liberéntur, atque incólumes Ecclésiæ tuæ repræsentári mereántur, ut gratiárum in ea tibi júgiter réferant actiões. Qui vivis et regnas. *R.* Amen.

Orémus.

Bénedic ✠ Dómine méritis S. Adelháidis creatúras has (panis et) aquæ, qui glorióso córpore tuo benedixísti aquas Jordánis et panes in desérto, ac præsta, ut omnes gustántes ex ea tam córporis quam ánimæ recípiant sanitátem. Qui vivis et regnas.

V. Ora pro nobis S. Adelháidis.

R. Ut digni efficiámur promissióibus Christi.

Orémus.

Concéde quæsumus, omnipotens et miséricors Deus, ut per virtútem benedictiόnis hujus aquæ (et panis) et per méritum passiόnis Dómini Nostri Jesu Christi et per intercessiόnem beátæ Vírginis Maríæ ac S. Adelháidis et ómnium

Sanctorum omnes fideles, qui pie ac devote aquam istam gustaverint, animæ et corporis sanitatem recipere valeant, ac in tuo servitio semper permanere. Per Dominum nostrum.

R. Amen.

Benedictio ✝ Dei omnipotentis etc.

Adspargatur aqua benedicta.

MODUS BENEDICENDI AQUAM

in honorem S. Willibrordi.

Adprobatus pro Archidiacesi Coloniensi.

V. Adjutorium nostrum in nomine Domini.

R. Qui fecit cælum, et terram.

Exorcismus prædictæ aquæ.

Exorcizo te, creatura aquæ per Deum vivum ✝ per Deum verum ✝ per Deum sanctum ✝, ut fieri valeas remedium salutis animæ et corporis per eum qui venturus est judicare vivos et mortuos et sæculum per ignem. R. Amen.

Orémus.

Benedic ✝ Domine hanc aquam adversus humani generis inimicum et super eam Spiritum sanctum tuum mitte, ut armata cœlesti virtute gravissimum persequatur inimicum vel morbum et cunctis summentibus proficiat ad salutem. Per Dominum nostrum. R. Amen.

Orémus.

Benedic ✝ Domine omnipotens has aquas, quas ad usum generis humani, ad abluen-

dum ómnium peccatórum crímina præstitísti, ut invocáto super eas nómine sancto tuo, ubi-
cúmque adspérsæ fúerint vel potátæ, salutáris
tui munus inviolábile per has aquas tribuátur,
et omne, quod sórdidum est, effugétur, et tuæ
pietátis beneficio in ómnibus præstétur sánitas
córporis et ánimæ per eum, qui ventúrus est
judicáre vivos et mórtuos et sáeculum per ignem.

R̃. Amen.

Orémus.

Bénedic ✚ Dómine sancte Pater, hanc crea-
túram aquæ, ut sit remédium humáno gé-
neri ad ómnia mala córporis et ánimæ tollénda
et ómnia nóxia inimíci expellénda, et præsta
in ea per invocatiónem sanctíssimi nóminis tui
tutélam mentis et córporis. Per Dóminum
nostrum. R̃. Amen.

Orémus.

Dēus, qui in diversárum natiónum pópulis
præcláros veræ fidei constituísti propaga-
tóres: concéde quæsumus; ut omnes, qui ad
sanctíssimi Doctóris nostri Willibrórdi patro-
cínia confúgiunt, præsentis incolumitátis pro-
speritátisque gaúdium et futúre beatitúdinis
glóriam consequántur. Per Dóminum nostrum.

R̃. Amen.

Benedíctio Dei ✚ Patris et Fílii ✚ et Spí-
ritus ✚ sancti descéndat super hanc aquam et
máneat semper. R̃. Amen.

Dein adspargatur aqua benedicta.

BENEDICTIO AQUÆ

in festo Lanceæ et Clavorum Domini.

Adprobata pro Archidiocesi Coloniensi.

V. Adjutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui pro salute mundi passus es de corde tuo aquam et sánguinem per lanceam militis emanáre: concéde propítius; ut præsens aqua hujus sacræ lanceæ tactu benedicátur ac sanctificétur, ut sit ómnibus suméntibus salus ánimæ et córporis, et ubicúmque fúerit adspérsa, per sanctíssimæ Passiónis tuæ invocationem omnis infestatio immúndi spíritus abigátur infirmitásque procul pellátur, sánitas mentis ac córporis tribuátur per te, Salvátor mundi, qui vivis et regnas Deus per ómnia sæcula sæculórum. R. Amen.

Imponitur Reliquia S. Lanceæ in aquam dicendo:

In nómine Patris et Fílii et Spíritus sancti. Amen.

Interim cum Reliquia S. Lanceæ efformet crucem per aquam.

S. HUBERTI BENEDICTIO.

Adprobata pro Archidiocesi Coloniensi.

Petentes benedictiones conferunt *panem et aquam*, et Sacerdos stola indutus hæc benedicit coram expositis reliquiis, ut infra sequitur: dein benedicuntur et ipsi petentes, prout etiam inferius sequitur. Tum insinuat,

ut de pane et aqua benedicta sumant per novem dies, ter de die, scilicet mane jejuni, ante prandium et ante cœnam; deinde orent singulis his diebus *semel Credo et novies Pater et Ave*, et his novem diebus suscipiant interea Ss. Sacramenta Pœnitentiæ et Eucharistiæ et singulis annis festum S. Huberti venerentur ut præceptum, offerant ad altare, osculentur sacras reliquias et sic abeant in pace.

Benedictio aquæ, salis et panis

in honorem S. Huberti contra morsum rabidi canis tam pro hominibus quam jumentis in ecclesia olim parochiali B. M. V. in pasculo ac Sacello S. Huberti in præsentia Reliquiarum ejusdem S. Episcopi usitata.

Exorcismus aquæ.

℣. Adjutórium nostrum in nómine Dómini.

℞. Qui fecit cœlum et terram.

Exorcízo te creatúra aquæ, in nómine Patris ✢ omnipoténtis et in nómine Jesu ✢ Christi Fílii ejus et in nómine Spíritus ✢ sancti, ut omne virus rabiéi et omnis spíritus immúndus et incúrsio sátanæ superétur et expellátur, et ut fias aqua exorcizáta ad expelléndam et effugándam rábiem et venénium ejus, et omnem morbum tam hóminum quam pécorum et invídiam malórum spirítuum atque omne phantásma inimíci, et ut ipsum virus rabiéi et stabíliter ipsum inimícum eradicáre váleas, per virtútem Dómini nostri Jesu Christi, qui ventúrus est judicáre vivos et mórtuos et sæculum per ignem. ℞. Amen.

Exorcismus salis.

Exorcízo te creatúra salis per Deum ✢ vivum, per Deum ✢ verum, per Deum ✢ sanctum,

per Deum totíus creatúræ, ut efficiáris sal exorcizátum ad evacuándam et expelléndam rábiem et omne virus ejus, inimicúmque et omnem virtútem ejus atque étiam omnem morbum tam hóminum quam pécorum, quæ necessitatibus humánis dignátus es donáre, ut possint salva ad usus necessariós profícere, et hómines salváti mente et córpore cóngruam tibi exhíbeant servitútem per virtútem Dómini nostri Jesu Christi, per quem creáta sunt ómnia et perficiúntur univérsa, qui ventúrus est judicáre vivos et mórtuos et sáeculum per ignem.

R̃. Amen.

Benedictio panis.

Orémus.

Dómine sancte Pater omnípotens ætérne Deus, benedícere † dignéris hunc panem tua sancta spirituáli benedictióne, ut sit ómnibus suméntibus salus mentis et córporis, atque contra omnes morbos et univérsas inimicórum insídias tutámen. Per Dóminum nostrum Jesum Christum, panem vivum, qui de cœlo descéndit, et dat vitam et salútem mundo, qui tecum vivit et regnat in unitáte Spíritus sancti Deus, etc. R̃. Amen.

Adspargatur aqua benedicta et fiat commixtio salis per modum crucis dicendo:

Hæc commixtio salis et aquæ páriter fiat in nómine † Patris et † Filii et Spíritus † sancti, ut prosit tam homínibus quam animálibus ad sanitátem.

Vox Dómini super aquas, Deus majestátis intónuit, Dóminus super aquas multas; hómines et juménta salvábis, Dómine, quemádmódum multiplicásti misericórdiam tuam, Deus; áperis tu manum tuam et imples omne ánimal benedictióne.

V. Dóminus vobíscum.

R. Et cum spíritu tuo.

Orémus.

Deus invisíbilis et insuperábilis impérii Rex, imménsam pietátem et misericórdiam tuam per sanctum et treméndum nomen Fílii tui súpplíces deprecámur, ut super has creatúras panis et aquæ bene + dictiónem tuam per poténtiam invisíbilis operatiónis infúndas, et hómines páriter et juménta, quæ in usum et cómodum hóminum cóndere dignátus es, cum ex eísdem accéperint vel gustáverint, hæc bene + díctio et sancti + ficátio salvet et a rábie et ab omni noxa et incúrsu maligno, te protegénte, custódiat. Per Christum Dóminum nostrum. **R.** Amen.

Orémus.

Præsta Dómine benedictiónem + copiósam super has creatúras panis et aquæ, ut fiant salúbre remédium tum homínibus tum béstiis advérsus rábiem omnésque maligni hostis insídias, et læsis ad recuperatióem sanitátis, íntegris vero sanísque ad conservatióem poténter et effícaciter proficiant. Per Christum Dóminum nostrum. **R.** Amen.

Orémus.

Dómine Deus Pater omnípotens, per quem disponúntur ómnia, quæ ad usum vitæ possidémus, béne † dic étiam has creatúras panis et aquæ ad effugándum inimícum arcendámque rábiem ab homínibus vel juméntis, et per virtútem gloriosíssimi nóminis Jesu Christi Fílii tui, quod cunctis malignis spirítibus est treméndum atque terríbile, hujus panis et aquæ usum ómnibus suméntibus salúbrem fac esse medicínam. Per eúmdem Christum Dóminum nostrum. R̃. Amen.

Orémus.

Deus qui labóribus hóminum étiam ex mutis animálibus solátia præbuísti: súplices te rogámus; ut sine quibus non álitur humana condítio, nostris fácias úsibus non períre. Per Christum Dóminum nostrum.

R̃. Amen.

Subjungitur Oratio de S. Huberto.

Orémus.

Omnípotens sempitérne Deus, qui beáti et gloriósi Confessóris Hubérti Pontíficis et Patróni nostri méritis divérsos sæpe languóres morbósque depulísti: concéde propítius; ut cuncti qui ipsíus implórant auxílium, ab infestatione dæmonum, a subitánea et improvísá morte, a rábie et ab omni malo ac perículo ánimæ et córporis júgiter liberéntur. Per Christum Dóminum nostrum.

R̃. Amen.

Orémus.

A vérte, quæsumus Dómine, a fidélibus tuis cunctos miserátus erróres, et sæviéntis morbi (rabiéi) qui grassátur in animália, depélle perníciam, ut quos suo mérito flagéllas dévios, fóveas tua miseratióne compúctos. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, etc. *R.* Amen.

Benedictio super hominem pronuntianda, imponendo stolam capiti ipsius. (Si plures sunt, omnia dicuntur numero plurali.) Sacerdos versus hominem genuflectentem dicit:

V. Adjutórium nostrum in nómine Dómini.

R. Qui fecit cælum et terram.

V. Salvum fac servum tuum (salvam fac servam tuam).

R. Deus meus sperántem in te.

V. Mitte ei auxiliúm de sancto.

R. Et de Sion tuére eum (eam).

V. Dómine exaúdi oratióne meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus infirmitátis humánæ præsidium, auxilií tui super hunc fámulum tuum (hanc fámulam tuam) osténde virtútem, ut ope misericórdiæ tuæ adjútus, (adjúta) Ecclésiæ tuæ sanus (sana) et a rábie incólumis repræsentári mereátur. Per Christum Dóminum nostrum.

R. Amen.

℣. Amávit eum Dóminus et ornávit eum.
℞. Stolum glóriæ induit eum.

Orémus.

Deus, qui ánimæ sancti Hubérti Confessóris tui atque Pontíficis perénnem glóriam contulísti: concéde propítius; ut cuncti, qui ipsíus implórant auxílium, petitiónis suæ salutárem consequántur efféctum. Per Christum Dóminum nostrum. ℞. Amen.

Stola imponatur; si adsint plures, binis et binis imponatur.

Per intercessiόνem S. Hubérti Pontíficis et Patróni nostri liberet te (vos) Deus a rábie et ab omni malo córporis et ánimæ et perdúcat te (vos) in vitam ætérrnam. In nómine Patris ✠ et Fílii ✠ et Spíritus ✠ sancti.

℞. Amen.

Formula inscribendi in album confraternitatis **S. HUBERTI PATRONI**

si quis velit inscribi, quod tamen necesse non est.

Ante inscriptionem Sacerdos stola indutus dicit:

℣. Adjutórium nostrum in nómine Dómini.
℞. Qui fecit cœlum et terram.

Orémus.

Actiões nostras, quæsumus Dómine adspiciéndó præveni et adjuvándó proséquere, ut cuncta nostra orátio et operátio a te semper incípiat, et per te cœpta finiátur. Per Christum Dóminum nostrum. ℞. Amen.

Post inscriptionem.

Orémus.

Omnípotens sempitérne Deus, qui beáti et gloriósi Confessóris Hubérti Pontíficis et Patróni nostri méritis diversos sæpe languóres morbósque depulísti: concéde propítius; ut cuncti, qui ejus implórant auxílium, ab infestatióne dáemonum, a subitánea et improvísá morte, a rábie et ab omni malo ac perículo ánimæ et córporis júgiter liberéntur. Per Christum Dóminum nostrum. *R.* Amen.

O radiósa lampas supra candelábrum pósita, o méritis præcípui inclyte Hubérte! per tua suffrágia, languéntium suscípíens vota, confer cunctis tibi devótis vitæ subsídia, et per tua mérita evádere váleant insánias, morbos et cuncta perícula ánimæ et córporis.

R. Amen.

Benedíctio Dei omnipoténtis Patrís ✙ et Fílii ✙ et Spíritus ✙ sancti descéndat super te (vos) et máneat semper. *R.* Amen.

BENEDICTIO PEREGRINORUM ÆGROTANTIUM.

Adprobata pro Diœcesi Quebecen.

Sacerdos indutus superpelliceo et stola albi coloris, ponet extremitatem stolæ super caput infirmi, evangeliumque recitabit modo sequenti; si plures sint infirmi, stolam ipse teneat elevatam manu dextra, et benedictiones dicat in plurali.

Ÿ. Dóminus vobíscum.

***R.* Et cum spíritu tuo.**

V. Sequéntia sancti Evangélii secúndum Mat-thæum. (Cap. 13.) R. Glória tibi Dómine.

In illo témpore: Dixit Jesus discíplis suis parábolam hanc: Símile est regnum cœ-lórum thesaúro abscóndito in agro: quem qui invénit homo, abscóndit, et præ gaúdio illius vadit, et vendit univérsa, quæ habet, et emit agrum illum. Iterum símile est regnum cœ-lórum hómini negotiatóri, quærénti bonas mar-garítas. Invénta autem una pretiósá margaríta, ábiit, et véndidit ómnia, quæ hábuit, et emit eam. Iterum símile est regnum cœlórum sa-génæ missæ in mare, et ex omni génere pí-scium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cœlórum símilis est hómini patrifamílias, qui profert de thesaúro suo nova et vétera.

Post Evangelium benedicat infirmum dicens:

Benedíctio Dei Pa ✠ tris, et Fí ✠ lii, et Spíritus ✠ sancti descéndat super te, et máneat semper.

Deinde porriget extremitatem stolæ deosculandam infirmo, ipsumque adsperget aqua benedicta, dicens:

Adspérgat te Deus rore grátiae suæ in vitam ætérrnam. R. Amen.

Formula Benedictionis in honorem, et cum
invocatione

B. MARÆ VIRGINIS

SUB TITULO

AUXILIUM CHRISTIANORUM.

Adprobata pro Diacesi Taurinensi.

Sacerdos superpelliceo ac stola indutus dicit:

V. Adjutórium nostrum in nómine Dómini.

R. Qui fecit cœlum et terram.

Ave Maria etc.

Sub tuum præsidium confúgimus, sancta
Dei Génitrix, nostras deprecationes ne despicias
in necessitatibus nostris, sed a periculis cunctis
libera nos semper, Virgo gloriósa et benedícta.

V. María, Auxílium Christianórum.

R. Ora pro nobis.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Quoniam omnipotens, sempitérne Deus, qui gloriósæ
Vírginis matris Mariæ corpus et ánimam,
ut dignum Fílii tui habitáculum éffici mere-
rétur, Spíritu sancto cooperánte, præparásti;
da, ut cujus commemoratióne lætámur, ejus
pia intercessióne ab instántibus malis et a
morte perpétua liberémur. Per eúndem Chri-
stum Dóminum nostrum. **R. Amen.**

Et personam benedicendam adspersit aqua benedicta.

BENEDICTIO VESTIS EX VOTO ASSUMENDI*Adprobata pro Diœcesi Lugdunensi.*

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Dómine Jesu Christe, qui pro nostra salute suscípiens humánam natúram, te vestiménto carnis indúere dignátus es, benedictióne sancta bénedic ✠ ista vestiménta, quæ pro grátiis tibi exsolvéndis cum omni devotióne sanctóque voto, ac veneratióne beatíssimæ Mariæ, (vel beáti N.) fámulus tuus (vel fámula tua) super se susceptúrus est (vel susceptúra est): infúnde in eum (vel in eam), quæsumus, tuam sanctam benedictiónem, ut cum primum indúerit hoc religiónis símile vestiméntum, intercedente beatíssima Vírgine María, (vel beáto N.) descéndat super eum (vel eam) grátia tua, et prótegat eum (vel eam) ab omni malo mentis et córporis: Qui vivis et regnas. R. Amen.

Et adspergat aqua benedicta.

BENEDICTIO LOCI

in quo, licentia ab Ordinario data, transitorie seu ad tempus Missa celebranda est.

Adprobata pro Diœcesi Lugdunensi.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. R. Et cum spírítu tuo.

Orémus.

Deus, qui loca tuo nómini dicánda sanctíficas, effúnde super hanc oratiónis domum grátiam tuam; ut ab ómnibus hic nomen tuum invocántibus auxílium tuæ misericórdiæ sentiátur. Per Dóminum nostrum. R. Amen.

Et adspergat aqua benedicta.

BENEDICTIO ROGI

quæ fit a Clero extra Ecclesiam in Vigilia
Nativitatis S. Joannis Baptistæ.

Adprobata pro Diœcesi Tarbiensi.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Dómine Deus, Pater omnípotens, lumen indeficiens, qui es cónditor ómnium lúminum: novum hunc ignem sanctí ✠ fica, et præsta; ut ad te, qui es lumen indeficiens, puris méntibus post hujus sæculi caliginem perveníre valeámus. Per Christum Dóminum nostrum. R. Amen.

Et sacerdos adspergat ignem aqua benedicta. Deinde a Clero cantetur sequens hymnus:

Ut queant laxis resonáre fibris
Mira gestórum fámuli tuórum,
Solve pollúti lábii reátum,
Sancte Joánnes.

Núntius celso véniens Olýmpo,
Te patri magnum fore nascitúrum,
Nomen, et vitæ sériem geréndæ,
Ordine promit.

Ille promíssi dúbius supérni,
Pérdidit promptæ módulos loquélæ;
Sed reformásti génitus peréemptæ
Organa vocis.

Ventris obstrúso récubans cubíli,
Sénseras Regem thálamó manéntem:
Hinc parens, nati méritis, utérque
Abdita pandit.

Sit decus Patri genitæque Proli,
Et tibi compar, utriúsque virtus
Spíritus semper, Deus unus, omni
Témporis ævo. Amen.

Ÿ. Fuit homo missus a Deo.

Ŗ. Cui nomen erat Joánnes.

Orémus.

Deus, qui præsentem diem honorábilem nobis
in beáti Joánnis nativité fecísti: da
pópulis tuis spirituálium grátiam gaudiórum; et
ómnium fidélium mentes dírige in viam sa-
lútis ætérnæ. Per Christum Dóminum nostrum.

Ŗ. Amen.

~~~~~  
**FORMULA BENEDICTIONIS AQUÆ  
S. VINCENTII A PAULO**

pro Infirmis.

*Propria Congr. Missionis.*

Ÿ. Adjutórium nostrum in nómine Dómini.

Ŗ. Qui fecit cœlum et terram.

- V̄. Sit nomen Dómini benedíctum.  
 R̄. Ex hoc nunc et usque in sǎculum.  
 V̄. Dómine exaúdi oratióem meam.  
 R̄. Et clamor meus ad te véniat.  
 V̄. Dóminus vobíscum. R̄. Et cum spírítu tuo.

Orémus.

**D**ómine sancte, Pater omnípotens, ætérne Deus, qui benedictiόνis tuæ grátiam ægris infundéndo corpóribus, factúram tuam múltiplici pietáte custódis, ad invocatióem sanctíssimi nóminis tui benígnus assíste; ut, intercedénte beáto Vincéntio Confessóre tuo, fámulos tuos ab ægrítudine liberátos et sanitáte donátos, délixtera tua érigas, virtúte confírmes, potestáte tueáris, atque Ecclésiæ tuæ sanctæ cum omni prosperitáte restítuas. Per Dóminum nostrum Jesum Christum Fílium tuum, qui tecum vivit et regnat. R̄. Amen.

Deínde Sacerdos accípiat Relíquiam vel Numisma S. Vincentii a Paulo, immittat in aquam, et dicat:

Béne ✠ dic Dómine hanc aquam, ut sit remédium salutáre géneri humáno, et per intercessiόνem beáti Vincéntii Confessóris tui, cujus Relíquiæ (vel Numísma) in eam immergúntur (vel immérgitur), præsta; ut quicúmque ex ea sumpserint, sanitátem córporis, et ánimæ tutelam percípiant. Per Christum Dóminum nostrum. R̄. Amen.

Hic educitur ex aqua Reliquiarium, vel Numisma.

Ant. Paúperes Sion saturábo pánibus, sacerdótes ejus índuam salutári, et sancti ejus exsultatióne exsultábunt.



**V. Parásti in dulcédine tua paúperi Deus.**  
**R. Dóminus dabit verbum evangelizántibus**  
**virtúte multa.**

**Orémus.**

**D**eus, qui ad salútem paúperum et cleri disciplínam novam in Ecclesiá tua per beátum Vincéntium famíliam congregásti: da quæsumus; ut eódem nos quoque spírиту fervéntes, et amémus quod amávit, et quod dócuit operémur. Per Christum Dóminum nostrum.

**R. Amen.**

**BENEDICTIO INFIRMORUM CUM LIGNO**  
**SS. CRUCIS D. N. J. C.**  
**SEU SIGNUM S. MAURI ABBATIS.**

*Adprobata pro Ordine S. Benedicti.*

**A**ntea rite exponatur Reliquia veræ Crucis Dominicæ, duabus saltem candelis accensis. Excitetur deinde in infirmo actus contritionis, et firma fiducia, ut adjutus meritis S. P. Benedicti et S. Mauri, ipsis intercedentibus, si Deo placeat, sanitatem obtineat. Recitentur tres **Pater** totidemque **Ave María** et **Glória** in honorem Sanctissimæ Trinitatis: tum sacerdos Ordinis S. Benedicti indutus stola rubri coloris, manu dextera tenens elevatam Reliquiam sanctæ Crucis coram infirmo, dicit:

**V. Benedíctio et cláritas et sapiéntia et gra-**  
**tiárum áctio, honor, virtus et fortitúdo**  
**Deo nostro in sæcula sæculórum.**

**R. Amen.**

**V. Pes meus stetit in dirécto.**

**R. In ecclesiis benedícam te Dómine.**

## Invocatio.

**P**er sanctíssimum nomen Dómini invocátum, optátam tibi donet sanitátem illa fides, qua sanctus Maurus per sequéntia verba ægrótos sanávit, et in qua ego, licet indignus peccátor, eásdem preces super te humíliter prófero.

In nómine sanctíssimæ et indivíduæ Trinitátis, adjútus méritis sanctíssimi Patris Benedicti, sta sanus, o N., et incóлумis super pedes tuos rectus. In nómine Patris † et Fílii et Spíritus sancti. Amen.

Antiph. Vere languóres nostros ipse tulit, et dolóres nostros ipse portávit, cujus livóre sanáti sumus.

V. Qui propitiátur iniquitátibus hóminum.

R. Ipse sanet infirmitátes tuas.

V. Dómine exaúdi oratiómem meam.

R. Et clamor meus ad te véniat.

V. Dóminus vobíscum. R. Et cum spíritu tuo.

## Oratio.

**D**eus ómnium cónditor creaturárum, qui ad restauratiómem humáni géneris únicum Fílium tuum, cooperánte Spíritu sancto, ex María Vírgine incarnári constituísti, et per sacrosáctum ac gloriósum vivíficæ Crucis lignum vulnéribus et languóribus animárum nostrárum, nos rediméndo, subveníre dignátus es: ipse hunc fámulum tuum N. per vitális hujus signi virtútem ad prístinam redúcere dignéris sanitátem. Per eúndem Christum Dóminum nostrum. R. Amen.

## Oratio.

**D**ómine Jesu Christe, qui magistro meo beáto Benedícto dedísti potestátem apud te impetráre quod in nómine tuo péteret. Tu per ipsíus intercessiónem cunctos ab hoc fámulo tuo languóres repéllere dignáre: ut sanitáte percépta, gratiárum actiónem réferat nómini sancto tuo: Qui cum Patre et Spíritu sancto vivis et regnas in sœcula sæculórum. *R. Amen.*

## Signum.

**P**er invocatióem Immaculátæ Dei Matris et semper Vírginis Mariæ, et per intercessiónem sanctórum Benedícti et Mauri.

Poténtia † Dei Patris, Sapiéntia † Dei Fílii, Virtus † Spíritus sancti líberet te ab ista infirmitáte. *Amen.*

Sicut fúerit beneplácitum ejus sic fiat, et fiat tibi sicut petis et desíderas ad laudem et honórem sanctíssimæ Crucis Dómini nostri Jesu Christi.

Ultimo benedicat infirmo Reliquia S. Crucis, dicens:

**Benedíctio Dei omnipoténtis, Patris † et Fílii et Spíritus sancti descéndat super te et máneat semper. Amen.**

Et porrigit ad osculum.

Hoc signum, si opus sit, repetitur per tres vices, sive diversis diebus, sive eadem die, juxta necessitatem. Tres etiam Missæ votivæ si lubet, nempe de Passione, de S. Mauro Abbate, et pro defunctis celebrandæ erunt: alioquin Beatissimæ Vírginis Mariæ Rosarium in tres partes distributum juxta præfatam intentionem infirmus, si potest, recabit vel recitare faciet.

# **FORMULA BENEDICTIONIS PANIS ET AQUÆ**

sub invocatione S. Machuti Episcopi.

*Adprobata pro Diœcesi Buscoducen.*

Ÿ. Adjutórium nostrum in nómine Dómini.

R̃. Qui fecit cœlum et terram.

Ÿ. Sit nomen Dómini benedíctum.

R̃. Ex hoc nunc et usque in sœculum.

Ÿ. Dómine exaúdi oratiónem meam.

R̃. Et clamor meus ad te véniat.

Ÿ. Dóminus vobíscum.

R̃. Et cum spíritu tuo.

Orémus.

**O**mnípotens sempitérne Deus, qui solo verbo ómnia creásti, et per Fílium tuum hóminem pérditum redemísti, ac Spíritum sanctum tuum fidélium córdibus infudísti, sanctæque Trinitátis fidem per Apóstolos tuos eorúmque successóres in toto mundo prædicáre fecísti, pro cujus fidei propagatióne gloriósus Conféssor tuus Machútus plúrimos sustínuit labóres, quos tibi gratos fuísse multis miráculis declaráre dignátus es; fámulos tuos ad ejus patrocínia fugiéntes cleménter exaúdi, et hanc creatúram panis et aquæ cœlésti benedictióne ✠ sanctífica, tuámque virtútem désuper infúnde: et præsta; ut qui fide íntegra illis usi fúerint, ab omni illusióne diabólica et univérstis malis, languóribus et infirmitátibus, ejus intercessióne liberéntur, et in sanctis tuis, per quos mirábília operáris, majestátem tuam collaúdent, et

in Ecclesia tua gratiarum tibi réferant actiones.  
Per Christum Dóminum nostrum. R. Amen.

Bene ✠ dictio Dei Patris omnipoténtis, et  
Fílii, et Spíritus sancti descéndat super hanc  
substántiam panis et aquæ, ut ad effugándos  
dæmones, morbósque pelléndos, divínæ grátiae  
sumat efféctum, sitque ómnibus eam sumén-  
tibus adjutórium et remédium.

Orémus.

**D**eus, cujus Unigénitus Jesus Christus Dó-  
minus noster Apóstolis tuis dixit „qui  
credit in me, ópera quæ ego fácio et ipse fáciat,  
et majóra horum fáciat“; quique beátum Ma-  
chútum Confessórem tuum atque Pontíficem  
dono curatiónis mirabíliter ornásti; quæsumus;  
ut ipsíus deprecatióne hæc múnera suscípias,  
eisque uténtibus salutária esse concédas. Per  
eúmdem Christum Dóminum nostrum:

R. Amen.

Per mérita sancti Machúti benedicántur  
hæc múnera in nómine Patris ✠ et Fílii et  
Spíritus sancti. R. Amen.

Crux in hac oratione præsignata fieri debet cum  
Reliquia vel Imagine S. Machuti.

## **MODUS BENEDICENDI AQUAM S. ALBERTI** pro Ordine Carmelitarum Excalceatorum.

*Adprobatus pro Ord. Carmelit. Excalc.*

**S**acerdos indutus superpelliceo et stola, vel saltem  
stola ad collum posita, ministro cum accensa candela  
comitante, accedens ad locum, ubi Reliquiæ Sancti Al-

berti sunt repositæ, extrahit illas reverenter, et, aqua benedicenda in vase decenti præparata, dicit:

℣. Adjutórium nostrum in nómine Dómini.

℞. Qui fecit cœlum et terram.

℣. Sit nomen Dómini benedíctum.

℞. Ex hoc nunc et usque in sæculum.

℣. Dóminus vobíscum.

℞. Et cum spíritu tuo.

Orémus.

**D**ómine Jesu Christe, fidélium ómnium fortitúdo et salus, qui socrum beáti Petri Apóstoli tui fébribus magnis deténtam perfécte sanásti, sancti ✠ ficáre et bene ✠ dícere dignéris creatúram hanc aquæ: ut, intercedénte beáto Albérto Confessóre tuo, quem, spreto sæculo, ad almæ Genitrícis tuæ Vírginis Mariæ religiónem vocáre dignátus es, quicúmque fébrium vexatióne gravántur, per hujus aquæ húmilem sumptiónem a cunctis ánimæ et córporis languóribus liberéntur, atque Ecclesiæ tuæ incólumes repræsentári mereántur, gratiárum Tibi actiões in ea júgiter referéntes: Qui vivis et regnas in sæcula sæculórum. ℞. Amen.

Deinde accipiens reverenter Reliquias immergit eas in aquam in modum Crucis simul dicens:

Béne ✠ dic Dómine méritis sancti Albérti creatúram hanc aquæ, qui glorióso tuo corpore benedixísti aquas Jordánis: et præsta, ut omnes gustántes ex ea tam córporis quam ánimæ recípiant sanitátem. Qui vivis et regnas in sæcula sæculórum. ℞. Amen.

Deinde dicitur:

Antiphona. O Albérte, norma munditiæ, puritatis et continentiæ, ora Matrem misericordiæ, ut in hac valle miseriæ nos defendat ab omni labe, et, exuto mortali corpore, perfruamur æterna réquie.

V. Ora pro nobis, beáte Albérte.

R. Ut digni efficiamur promissionibus Christi.

Orémus.

Concede quæsumus, omnipotens et misericors Deus: ut, intercedente beato Albérto Confessore tuo, omnes fideles, qui pie et devôte aquam istam gustáverint, animæ et corporis sanitatem recipere et in tuo sancto servitio permanere valeant. Per Christum Dóminum nostrum. R. Amen.

## RITUS ERIGENDI STATIONES VIÆ MATRIS DOLOROSÆ SEU

### IN HONOREM SEPTEM DOLORUM B. M. V.

*Proprius Ordinis Servorum B. M. V. et adprobatus die  
10. Martii 1883.*

Sacerdos superpellicco et stola violacei coloris indutus, comitantibus Clericis, vel aliis ministris, cum vasculo aquæ benedictæ, et adpersorio, necnon thuribulo ac navicula incensi adscendit ad Altare, ibique, habito ad populum brevi sermone super excellentia et utilitate pii exercitii Viæ Matris Dolorosæ, genuflexus in infimo gradu intonat Hymnum.

Veni Créator Spíritus: quem chorus prosequitur: **Mentes tuórum vísitá, \* Imple supérna grátia, \* Quæ tu creásti péctora.**

Qui diceris Paráclitus, \* Altíssimi donum Dei, \* Fons vivus, ignis, caritas, \* Et spiritalis unctio.

Tu septifórmis múnere, \* Dígitus Patérnæ dexteræ, \* Tu rite promíssum Patris, \* Sermóne ditans gúttura.

Accénde lumen sénsibus, \* Infúnde amórem córdibus, \* Infirma nostri córporis \* Virtúte firmans pépeti.

Hostem repéllas lóngius, \* Pacémque dones prótinus: \* Ductóre sic te prævio \* Vitémus omne nóxium.

Per te sciámus da Patrem, \* Noscámus atque Fílium: \* Teque utriúsque Spíritum \* Credámus omni témpore.

Deo Patri sit glória, \* Ejúsque soli Fílio, \* Cum Spíritu Paráclito, \* Nunc et per omne sæculum. Amen.

### Tempore Paschali:

Deo Patri sit glória, \* Et Fílio, qui a mórtuis \* Surréxit, ac Paráclito, \* In sæculórum sæcula. Amen.

℣. Emítte Spíritum tuum et creabúntur.

℞. Et renovábis faciém terræ.

### Orémus.

**D**eus, qui corda fidélium sancti Spíritus illustratióne docuísti; da nobis in eódem Spíritu recta sápere, et de ejus semper consolatióne gaudére.

Defénde, quæsumus Dómine, beáta María semper Vírgine intercedénte, istam ab omni



adversitatē civitatē (vel familiam vel istum . . . pópulum); et toto corde tibi prostrátam (vel prostrátum) ab hóstium propítius tuere cleménter insídiis.

Actiões nostras, quæsumus Dómine, adspirádo præveni, et adjuvándo proséquere: ut cuncta nostra orátio et operátio, a te semper incípiat, et per te cœpta finiátur. Per Christum Dóminum nostrum. R. Amen.

Deinde fit benedictio tabularum pictarum seu imaginum Stationum.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

**O**mnípotens sempitérne Deus, qui sanctórum tuórum imágines sculpi aut pingi non réprobas, ut quóties illas óculis córporis intuémur, tóties eórum actus et sanctitatē ad imitándum memóriæ óculis meditémur: has, quæsumus, imágines in honórem et memóriam perdoléntis Vírginis Deíparæ adaptátas bene † dicere et sanctifi † cáre dignéris: et præsta; ut quicumque coram illis dolóres, quos beáta Virgo María in vita, passióne, et morte unigéniti Fílii sui Dómini Nostri Jesu Christi sustínuit, recólere et venerári studúerit, illíus méritis et intercessióne a te grátiam in præsénti, et ætérnam glóriam obtíneat in futúro. Per eúndem Christum Dóminum nostrum. R. Amen.

Deinde ponit incensum in thuribulo illud benedicens, quo facto, accepto adpersorio adspersit imagines seu tabulas dicens Antiphonam:

**Adspérge me Dómine hyssópo et mundábor, lavábis me et super nivem dealbábor;** deinde accepto thuribulo, eas thurificat nihil dicens. In Oratorio privato omitti poterit incensatio.

Completa benedictione imaginum seu tabularum, Sacerdos, præcedentibus Clericis cum cruce et duobus intorticiis vel candelis accensis, processionaliter pergit ad locum primæ stationis, deosculatur primam tabulam et vel per se vel per Clericum collocat eam in loco præparato; deinde legit meditationem et preces huic Stationi respondentes. Idem ritus servabitur in colloca-tione reliquarum Stationum. Quibus collocatis, pergit ad aram vel ante imaginem perdolentis Virginis Mariæ interim decantans partem dei respondentem: **Stabat Mater dolorósa etc.** ut supra pag. 132\* concludens cum sequenti Versiculo et Oratione.

**V. Ora pro nobis Virgo dolorosíssima.**

**R. Ut digni efficiámur promissionibus Christi.**

**Orémus.**

**D**eus, in cujus passióne secúndum Simeónis prophetíam dulcíssimam ánimam gloriósæ Vírginis et Matris Mariæ dolóris gládius pertransívit: concéde propítius; ut qui dolórum ejus memóriam recólimus, passiónis tuæ efféctum felícem consequámur: Qui vivis et regnas in sæcula sæculórum. **R. Amen.**

Deinde cantatur Hymnus. **Te Deum** ut supra pag. 133\*.

**V. Benedicámus Patrem et Fílium cum sancto Spíritu.**

**R. Laudémus et superexaltémus eum in sæcula.**

## Orémus.

**D**eus, cujus misericordiæ non est número et bonitátis infinitus est thesaurus, piíssimæ majestáti tuæ pro collátis donis grátias ágimus, tuam semper cleméntiam exorántes, ut qui peténtibus postuláta concédís, eósdem non déserens ad præmia futúra dispónas. Per Christum Dóminum nostrum. R. Amen.

Demum Sacerdos genuflexus ter invocet Patrocinium dolorosæ Matris dicens:

**Virgo dolorosíssima, ora pro nobis.** populo idem respondente; postea adscendit super altare et conversus ad populum illum benedicit, dicens:

**Nos cum prole pia, benedícat dolorósa Virgo María.**



**RITUS  
BENEDICENDI ET IMPONENDI SCAPULARE  
SANCTI MICHAELIS ARCHANGELI**

pro Archisodalitio hoc sub titulo in perinsigni Ecclesia Collegiata Sancti Angeli in Foro Piscium Romæ erecto, et pro aliis hujusmodi sodalitatibus extra Urbem eidem rite aggregatis.

**N**otandum quod benedictio et impositio Scapularis fieri debet a Sacerdote, qui præest Consilio directivo, aut ab alio Sacerdote ab eo legitime delegato.

Sacerdos itaque superpelliceo et stola indutus, dicat:

**V. Adjutórium nostrum in nómine Dómini.**

**R. Qui fecit cælum et terram.**

**V. Dómine exaúdi oratióem meam.**

**R. Et clamor meus ad te véniat.**

Y. Dóminus vobíscum.

R̃. Et cum spírítu tuo.

Orémus.

**O**mnípotens sempitérne Deus, qui Ecclesiám tuam contra diabólicas nequítias per sanctum Michaélem Archángelum deféndere dignáris: te súplices exorámus; ut hoc signum ad excitándam et fovéndam inter fidéles tuos in tantum Patrónum devotióem institútum, bene-  
✠ dícas et sanctí ✠ fices; et iis, qui illud gestáverint, ejúsdem sancti Archángeli auxílio roborátis, inimícos ánimæ et córporis in vita et in morte superáre concédas. Per Christum Dóminum nostrum. R̃. Amen.

Adspergit Scapulare aqua benedicta, ac deinde imponit, dicens:

Accipe Frater (vel Soror) scapuláre sancti Michaëlis Archángeli, ut, eo júgiter interveni-  
énte, vitam sanctam dúcere váleas. Amen.

Orémus.

**P**reces nostras, quæsumus Dómine, benígnus exaúdi, et hunc fámulum tuum (vel hanc fámulam tuam) speciáli patrocínio sancti Michaëlis Archángeli commíssum (vel commíssam) bene ✠ dícere dignéris; ut, per ejus intercessi-  
ónem, quámliet offénsam tuam evitádo et impediédo, in tuo famulátu própriam aliorúmque sanctificatióem cónsequi mereátur. Per Christum Dóminum nostrum. R̃. Amen.

## RITUS BENEDICENDI ATQUE IMPONENDI SCAPULARE S. JOSEPHI SPONSI B. M. V.

pro sodalitate sub ejus titulo canonice erecta  
in Ecclesia sancti Nicolai Civitatis Veronensis.

*Adprobatus die 23. Aug. 1883.*

Sacerdos superpelliceo et stola indutus dicat:

**V. Adjutórium nostrum in nómine Dómini.**

**R. Qui fecit cœlum et terram.**

**V. Dóminus vobíscum.**

**R. Et cum spíritu tuo.**

**Orémus.**

**D**ómine Jesu Christe, qui fidèles tuos induis vestiméntis salutis, et induménto justítiæ circúmdas: dignáre quæsumus, benedicere et sancti-  
ficáre hoc genus vestimentórum suméndum in honórem et sub protectióne sancti Joséphi, tuæ Immaculátæ et semper Vírginis Genitrícis puríssimi Sponsi et Ecclesiæ Patróni: et præsta, per invocatiónem sancti tui Nóminis; ut qui hoc vestiménto indúti fúerint, ejúsdem beatíssimi Patróni auxílio suffúlti, vestem nuptiálem caritátis semper hábeant, atque ab ingruéntibus malis præserváti, córporis sanitátem et ánimæ tutelam percípiant. Qui vivis et regnas cum Deo Patre et Spíritu sancto in sœcula sæculórum.

**R. Amen.**

Deinde adspersat Scapulare aqua benedicta, et imponat novæ sodalit.

**BENEDICTIO**  
**PANIS, VINI, AQUÆ ET FRUCTUUM**  
 contra gutturis aegritudinem in festo sancti  
 Blasii Ep. Mart.

*Adprobata pro Diœcesi Urgellensi die 25. Sept. 1883.*

V. Adjutorium nostrum in nómine Dómini.

R. Qui fecit cœlum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

**S**alvátor mundi Deus, qui hodiérnam diem beatíssimi Blásii martýrio consecrásti, quique eídem inter céteras grátias, hanc prærogatívam contulísti, ut, quoscúmque gútturis morbos tua virtúte curáret; ineffábilem misericórdiam tuam suppliciter exorámus, et pétimus: ut hos panes, vinum, aquam et fructus, quæ plebs fidélis tibi devóte hódie ad sanctificándum áttulit, tua pietáte bene † dicere et sanctificáre dignéris: ut qui ex his gustáverint, ab omni gútturis plaga, et quavis ália ánimæ et córporis infirmitáte, méritis et intercessióne ejúsdem beáti Blásii Mártýris tui atque Pontíficis, plenam recípiant sanitátem: Qui vivis et regnas Deus in sæcula sæculórum.

R. Amen.

*Deinde Sacerdos res adspersit aqua benedicta.*

**FORMULA BENEDICTIONIS CINGULORUM**

in honorem sanctæ Philumenæ Virginis et  
Martyris.

*Adprobata pro Archidiec. Parisiensi die 20. Dec. 1883.*

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

**D**ómine Jesu Christe, béne ✠ dic, quæsumus,  
hoc cingulum, et præsta: ut qui (vel quæ)  
illud gestáverit, sanctæ Philúmenæ Vírginis et  
Mártýris protectióne munítus (vel muníta), ab  
ómnibus perículis deféndi, atque ánimæ et cór-  
poris sanitátem percípere mereátur: Qui vivis  
et regnas Deus in sæcula sæculórum. R. Amen.

Deinde Sacerdos adspergat aqua benedicta.

---

**A d p r o b a t i o.**


Omnia concordant cum Originalibus penes Secre-  
tariam Sacrorum Rituum Congregationis existentibus.

In fidem etc.

Ex eadem Secretaria hac die 29. Aprilis 1884.

(L. S.)

Pro **R. P. D. Laurentio Salvati** Secretario  
**Joannes Canonicus Ponzi** Substitutus.



## APPENDIX ALTERA.

### Typographus Lectori.

Sequentes Benedictiones in Rituali Romano non inveniuntur. Sed quum in plurimorum votis sit, ut etiam alias diversas Benedictiones in promptu habeant, hinc vulgatiores, quæ tamen authenticitatis nota gaudent, in unum colligere et Appendicis alterius nomine heic addere visum est.

### FORMULA BREVIS CONFICIENDÆ AQUÆ BAPTISMALIS,

præscripta a Concilio Baltimorensi Provinciali primo, et a Pio VIII. adprobata, ad usum Missionariorum Americæ Septentrionalis.

**E**xorcízo te, creatúra aquæ, in nómine Dei Patris omnipoténtis ✚, et in nómine Jesu Christi ✚ Fílii ejus Dómini nostri, et in virtúte Spíritus ✚ sancti. Exorcízo te, omnis virtus adversárii diaboli: ut omnis phantásia eradicétur, ac effugétur ab hac creatúra aquæ, et fiat fons aquæ saliéntis in vitam ætérrnam: ut qui ex ea baptizáti fúerint, fiant templum Dei vivi, et



**Spíritus sanctus hábitet in eis, in remissiónem peccatórum: in nómine Dómini nostri Jesu Christi, qui ventúrus est judicáre vivos et mórtuos, et sæculum per ignem. Amen.**

**Orémus.**

**D**ómine sancte, Pater omnípotens, ætérne Deus, aquárum spirituálium sanctificátor, te suppliciter deprecámur: ut hoc ministérium humilitátis nostræ respícere dignéris, et super has aquas, abluéndis et vivificándis homínibus præparátas, Angelum sanctitátis emíttas; ut peccátis prióris vitæ ablútis, reatúque detérso, purum sacráto Spíritui habitáculum regeneratióibus procúret. Per Christum Dñm nostrum. Amen.

Infundat deinceps Sanctum Oleum in aquam, in modum crucis, dicens:

**Conjúntio Olei unctiόνis, et aquæ Baptísmatis sanctificétur, et fœcundétur. In nómine Patris ✠, et Fílii ✠, et Spíritus ✠ sancti. Amen.**

Deinde Chrisma aquæ infundat, in modum crucis, et dicat:

**Conjúntio Chrísmatis sanctificatiόνis et Olei unctiόνis et aquæ Baptísmatis sanctificétur et fœcundétur. In nómine Patris ✠, et Fílii ✠, et Spíritus ✠ sancti. Amen.**

Denique dicat, benedicens ipsam aquam:

**Sanctificétur et fœcundétur Fons iste et ex eo renascéntes. In nómine Pa ✠ tris, et Fí ✠ lii et Spíritus ✠ sancti. R. Amen.**

## BENEDICTIO CORONÆ DOMINI.

*Propria Ordinis Camaldulensium.*

- V. Adjutórium nostrum in nómine Dómini.  
 R. Qui fecit cœlum et terram.  
 V. Benedíces coronæ anni benignitátis tuæ.  
 R. Et campi tui replebúntur ubertáte.  
 V. Dómine exaúdi oratiómem meam.  
 R. Et clamor meus ad te véniat.  
 V. Dóminus vobíscum.  
 R. Et cum spíritu tuo.

Orémus.

**D**ómine Jesu Christe, qui in similitúdinem hóminum factus, trigínta et tribus annis es conversátus in mundo, et multa passus pro hóminum salúte, in cruce demum mori volúisti; dignáre quæsumus, hanc (vel has) benedícere et sancti ✠ ficáre coronam, quam (vel coronas, quas) beáto Michaéli Eremítæ Camaldulénsi ad vitam, passiómem et mortem tuam recoléndam institúere jussísti (vel inspirásti), ut qui eam (vel eas) pie gestáverit (vel gestáverint) et devóte recitáverit (vel recitáverint) múltiplici gratiárum et indulgentiárum consecutióne coronas in cœlo ætérnas obtinére mereátur (vel mereántur). Per te Jesu Christe, Salvátor mundi, qui vivis et regnas cum Deo Patre in unitáte Spíritus sancti Deus, per ómnia sæcula sæculórum. R. Amen.

Deinde adspargantur aqua benedicta.

**BENEDICTIO ROSARII S. JOSEPHI.***Ex Breviario Ord. Carmelitarum.*

V. Adjutórium nostrum in nómine Dómini.

R. Qui fecit cœlum et terram.

Orémus.

**O**mnípotens et miséricors Deus, qui propter  
 nímiam caritátem, qua dilexísti nos, Fí-  
 lium tuum unigénitum Dóminum nostrum Je-  
 sum Christum pro redemptione nostra, de cœlis  
 in terram descéndere, et beatíssimæ Vírginis  
 Mariæ útero, Angelo nuntiánte, carnem susci-  
 pere voluísti, ut nos de potestáte inimíci erí-  
 peres, obsecrámus cleméntiam tuam, ut hoc  
 Rosárium in honórem, et laudem ejúsdem Ge-  
 nitrícis Fílii tui, ac perdilécti ejus Sponsi Jo-  
 seph, conféctum, et dicátum, bene ✠ dicas, ei-  
 que tantam sancti Spíritus virtútem infúndas  
 ✠ ut quicúmque hoc secum portáverit, atque  
 in domo sua reverénter tenúerit, ab omni  
 hoste visibili, et invisibili, semper et ubique  
 in hoc sáculo liberétur, et in éxitu suo, a  
 beatíssimis illis Sponsis, plenus bonis opéribus  
 tibi præsentári mereátur. Per eúmdem Dómi-  
 num nostrum.

R. Amen.

Adspargatur aqua benedicta.

**BENEDICTIO ANNULI S. JOSEPHI.***Ex Breviario Ord. Carmelitarum.*

V. Adjutórium nostrum in nómine Dómini.

R. Qui fecit cœlum et terram.

Orémus.

**D**eus, cujus verbo sanctificántur ómnia, quæ percípiamus, effúnde quæsumus, bene- † dictiónem tuam super nos et super hunc Annulum, ut per intercessiónem beátæ Mariæ semper Vírginis, ac ejus Sponsi Joseph, quæcúmque præsentis vitæ necéssitas póstulat, misericórditer cum gratiárum actióne assequámur. Per Christum Dóminum nostrum.

R. Amen.

Adspargatur aqua benedicta.

**BENEDICTIO CORONARUM S. BIRGITTE.**

V. Adjutórium nostrum in nómine Dómini.

R. Qui fecit cælum et terram.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

**O**mnípotens et miséricors Deus qui propter nímiā caritátem tuā qua dilexísti nos, Fílium tuum Dóminum nostrum Jesum Christum pro redemptióne nostra de cœlis in terram descéndere, et de beatíssimæ Vírginis útero, Angelo nuntiánte, carnem suscipere voluísti ut nos eríperes de potestáte diáboli: obsecrámus imménsam cleméntiam tuā ut has corónas in honórem et laudem Genitrícis Fílii tui ab Ecclésia tua fidéli dicátas bene † dicas, et sanctí- † fices, eisque tantam infúndas virtútem Spí-

ritus sancti ut quicumque eas portáverit, vel recitáverit, aut domi reverénter tenúerit, ab omni hoste et adversitaté semper et ubique liberétur, indulgéntias lucrári possit juxta mandátum sanctæ Románæ Ecclésiæ, et in éxitu mortis suæ a beatíssima Vírgine tibi plenus méritis præsentári mereátur. Per eúmdem Dóminum nostrum Jesum Christum Fílium tuum: Qui tecum vivit et regnat in unitaté Spíritus sancti etc.

Benedíctio Dei omnipoténtis Patris et Fílii  
✠ et Spíritus sancti descéndat super vos et máneat semper.

R. Amen.

Deinde adspergantur coronæ aqua benedicta.

---

## BENEDICTIO ROSARUM SOCIETATIS SS. ROSARII.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

**D**eus, creátor et conservátor géneris humani, dator grátiae spirituális, et largítor ætérnæ salútis; benedictióne tua sancta béne-  
✠ dic has rosas, quas pro grátiis tibi exsolvéndis cum devotióne ac veneratióne beatæ semperque Vírginis Mariæ, ejúsque rosárii, hódie

tibi præsentamus et pétimus benedíci, et infúndi in eis per virtútem sanctæ cru ✠ eis benedictiónem coeléstem; ut qui eas ad odóris suavitátem, et repelléndas infirmitátes humano úsui tribuísti, talem signáculo sanctæ cru ✠ eis benedictiónem accípiant, ut quibuscúmque in infirmitátibus appósitæ fúerint, seu qui eas in dómibus suis portáverint, ab infirmitáte sanéntur, discédant diáboli, contremíscant et fúgiant pávidi cum suis minístris de habitatióibus illis, nec ámplius tibi serviéntes inquietáre præsumant. Per Christum Dóminum nostrum.

R. Amen.

Deinde adspargantur aqua benedicta.

## BENEDICTIO CANDELARUM SOCIETATIS SS. ROSARII.

V. Adjutórium nostrum in nómine Dómini.

R. Qui fecit cælum et terram.

V. Dóminus vobíscum.

R. Et cum spíritu tuo.

Orémus.

**D**ómine Jesu Christe, lux vera, qui illúminas omnem hóminem veniéntem in hunc mundum; effúnde per intercessiónem Vírginis Mariæ Matris tuæ, (et per quíndecim ejus rosárii mystéria), bene ✠ dictiónem tuam super hos céreos et candélas, et sanctífica eas lúmine tuæ grátiae; et concéde propítius, ut sicut hæc luminária igne visíbili accénsa noctúrnas de-

péllunt ténebras, ita corda nostra invisibili igne ac Spíritus ✠ sancti splendóre illustráta, ómnium vitiórum cæcitate cáreant; ut puro mentis óculo cernere semper possimus quæ tibi sunt plácita, et nostræ salúti utilia, quátenus post hujus sæculi caliginósa discrímína, ad lucem indeficiéntem perveníre mereámur. Qui vivis et regnas, etc. R̃. Amen.

. Deinde adspergantur aqua benedicta.

### BENEDICTIO AQUÆ INFIRMIS PRÆSTANDÆ.

Ad consequendam sanitatem meritis et intercessione beatissimæ Mariæ Virg. et S. Torelli Confessoris.

℣. Adjutórium nostrum in nómine Dómini.  
R̃. Qui fecit cælum et terram.

Oratio.

**D**eus, qui miseratione tua cœlesti homínibus nóxia súbtrahis, et benígna concédis, quique mota per Angelum tuum aqua languórem in probática piscína eripiéndò vale-túdinem contulísti, infúnde in aqua ista tuæ bene ✠ dictiónis rorem, ut de ea suméntes méritis et précibus beatissimæ Mariæ Vírginis, ac sancti Torélli Confessóris sanitátem consequántur infirmi, paritérque fœcundátæ mulieres a malis ingruéntibus salvæ, partúsque suos ad sacrosáncti Baptísmi grátiam feliciter perdúcant. Per Christum Dóminum nostrum.

R̃. Amen.

(Brevé 16. Decembris 1628.)

## BENEDICTIO AQUÆ CUM RELIQUIIS S. PETRI

Martyris.

Ÿ. Adjutórium nostrum in nómine Dómini.

R. Qui fecit cœlum et terram.

Ÿ. Dómine exaúdi oratiónem meam.

R. Et clamor meus ad te véniat.

Ÿ. Dóminus vobíscum. R. Et cum spíritu tuo.

Orémus.

**D**eus, qui ad salutem humáni géneris máxima quæque sacraménta in aquárum substantia condidísti; adesto propítius invocatió nibus nostris et eleménto huic aquæ, quod beáti Petri Mártiris tui virtúte consignámus, virtútem tuæ bene ✠ dictiónis infúnde; ut per intervéntum ejúdem Mártiris tui, sit fidélibus tuis in remédium salutáre, dæmones ab eis ejiciens, morbos ac infirmitátes córporis et ánimæ repéllens: et præsta, ut quicúmque eam sumpserint, vel ea adspérsi fúerint, ab omni adversitaté ánimæ et córporis liberéntur, et utriúsque hóminis recípiant sanitátem. Per Christum Dóminum nostrum. R. Amen.

Orémus.

**I**mménsam cleméntiam tuam, omnípotens ætérne Deus, humíliter implorámus; ut hos fidéles tuos, ad reliquias beáti Petri Mártiris devóte accedéntes, et ejus suffrágia postulántes, tua ineffábili virtúte bene ✠ dicere dignéris, ut per intervéntum ejúdem Mártiris tui, ab omni ægritúdine mentis et córporis liberáti,



tuáque hic et ubíque misericórdia custodíti, et grátia salváti, post hujus quoque viæ ac vitæ cursum, ad ætérna mereámur gaúdia perveníre. Per Christum Dóminum nostrum. *R.* Amen.

## BENEDICTIO PALMARUM

### VEL ALIORUM RAMORUM

in Fæsto S. Petri Mart.

*V.* Adjutórium nostrum in nómine Dómini.

*R.* Qui fecit cœlum et terram.

*V.* Dómine exaúdi oratiónem meam.

*R.* Et clamor meus ad te véniat.

*V.* Dóminus vobíscum.

*R.* Et cum spíritu tuo.

Orémus.

**D**ómine Jesu Christe, Fili Dei vivi, béne- †  
dic hos árborum ramos supplicatió nibus  
nostris, et infúnde eis Dómine, per virtútem  
sanctæ cru † cis, per intercessiόnem beáti Petri  
Mártiris, benedictiόnem cœléstem, qui trium-  
phatúrus de hoste géneris humáni per manus  
puerórum palmas et árborum ramos in honó-  
rem tuum adhibére voluísti, talémque benedi-  
ctiόnem signáculo sanctæ cru † cis accípiant,  
ut in quibuscúmque locis áliquid ex eis pōsi-  
tum fúerit, discédant príncipes tenebrárum et  
contremíscant et fúgiant pávidi cum ómnibus  
minístris suis de locis vel habitatió nibus illis.  
Non ibi nóceant fúlmina et tempestátes, non  
fructus terræ consúmat aut depérdat ulla in-  
tempéries eleménti, nihílque inquietet aut mo-

léstet serviéntes tibi omnipoténti Deo: Qui vivis et regnas in sæcula sæculórum.

R. Amen.

Deinde adspargantur aqua benedicta.

### BENEDICTIO SCAPULARIS NIGRI ET ROSARII

seu Coronæ Septem Dolorum B. M. V.

*Propria Ordinis Servorum B. M. V.*

Sacerdos superpelliceo ac stola alba indutus dicat:


V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

mnípotens sempitérne Deus, qui morte Unigéniti tui mundum collápsum restauráre dignátus es, ut nos a morte ætéRNA liberáres, et ad gaúdia regni cœléstis perdúceres; réspice quæsumus super hanc famíliam servórum tuórum in nómine Beatíssimæ Vírginis Septem Dolóribus saúciæ congregátam, de cujus grémio hic fámulus tuus (vel hæc fámula tua) esse cupit (vel hi fámuli tui esse cúpiunt) ut augeátur númerus tibi fidéliter serviéntium, et ómnibus sæculi et carnis perturbatióibus liberátus (vel liberátá, seu liberáti) et a láqueis diáboli secúrus (vel secúra, seu secúri) intercessiÓne ejúsdem Beátæ Mariæ Vírginis, Beatórum Augustíni et Philíppi ac septem nostrórum Beatórum Patrum Ordinis Fundatórum

**vera gáudia possídeat (vel possídeant). Per Christum Dóminum nostrum. R̃. Amen.**

Conversus ad habitum super Altare positum, Sacerdos dicit:

**Órémus.**

**D**ómine Jesu Christe, qui tégumen nostræ mortalitátis indúere dignátus es; obsecrámus imménsam largitátis tuæ abundántiam, ut hoc genus vestimentórum, quód sancti Patres nostri ad innocéntiæ humilitátisque indícium in memóriam Septem Dolórum Beátæ Vírginis Mariæ nos ferre sanxérunt, ita bene † dicere dignéris, ut qui (vel quæ) illis fúerit indútus (vel indúta, seu fúerint indúti), córpore páriter et ánimo induat (seu induant) te Salvatórem nostrum: Qui vivis et regnas in sácula sæculórum. R̃. Amen.

Adspergit habitum aqua benedicta, dicens:

**Adspérges me Dómine hyssópo et mundábor, lavábis me et super nivem dealbábor.**

Deinde benedicit Rosarium Septem Dolorum ut supra pag. 157\*.

Sacerdos imponit habitum et cuilibet coram se genuflexo dicit:

**Accipe caríssime Frater (vel caríssima Soror) hábitum B. Mariæ Vírginis, singuláre signum servórum suórum, in memóriam Septem Dolórum, quos in vita et morte Unigéniti Fílii sui sustínuit; ut ita indútus (vel indúta), sub ejus patrocínio perpétuo vivas. R̃. Amen.**

Reddit Rosarium, dicens:

Accipe coronam B. Mariæ Virginis in memóriam Septem Dolórum suórum contéxtam, ut dum eam ore laudáveris, ejus pœnas toto corde compatiáris. Amen.

Hortetur adscriptus ut regulas observet ad sacras indulgentias assequendas: denique datur benedictio:

Benedíctio Dei omnipoténtis, Patris, et Fí ✠ lii, et Spíritus sancti, descéndat super te (vel super vos) et máneat semper. Amen.

### BENEDICTIO AQUÆ

in honorem S. Raymundi Nonnati pro infirmis.

*Propria Ordinis B. M. V. de Mercede.*

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

**D**eus fidélium ómnium fortitúdo et salus, qui socrum beáti Petri Apóstoli tui fébribus magnis deténtam, piæ rogatiónis intúitu perfécte sanásti: sanctificáre, et bene ✠ dicere dignéris creatúram hanc aquæ in tuo sanctíssimo Nómine, et Confessóris tui Raymúndi, quem spreto sæculo ad almæ Genitrícis Vírginis Mariæ religiónem vocáre dignátus es: concéde, quæsumus, ejus gloriósis méritis, et intercessióne, ut quicúmque fébrium vexatióne gravántur, per hujus lotiόnem, adspersiόnem vel potiόnem aquæ, a cunctis ánimæ et córporis infirmitátibus liberéntur, atque Ecclésiæ

tuæ incólumes repræsentári mereántur, gratiárum tibi actiões in ea júgiter referéntes: Qui vivis, et regnas etc.

Orémus.

**B**énédic ✠ Dómine méritis beáti Raymúndi creatúram hanc aquæ, qui glorióso tuo corpore benedixísti aquas Jordánis, et præsta; ut omnes gustántes ex ea, vel eam attingéntes, tam corpóris, quam ánimæ recípiant sanitátem: Qui vivis, et regnas etc.

Antiph. O Raymúnde, norma mundítiæ, puritátis, et continéntiæ! Ora Matrem misericórdiæ, ut in hac valle misériæ, nos deféndat a pravo scélere, atque exúti a mortáli corpore perfruámur æténa réquie.

Orémus.

**C**oncéde, quæsumus omnípotens Deus, ut per virtútem benedictiōnis hujus aquæ, et per mérita passiōnis Dómini nostri Jesu Christi, per intercessiōnem beátæ Mariæ Vírginis, et beáti Raymúndi, et ómnium Sanctórum, omnes fidéles, qui pie, et devóte aquam istam gustáverint, vel attígierint, ánimæ et corpóris sanitátem váleant recípere, et in tuo sancto servítio permanére. Per eúmdem Christum Dóminum nostrum. R. Amen.

Orémus.

**O**mnípotens sempítérne Deus, qui dedísti fámulis tuis in confessiōe veræ fidei, ætérynæ Trinitátis glóriam agnóscere, et in poténtia majestátis adoráre unitátem: quæ-

sumus; ut ejúsdem fídei firmitáte, ab ómnibus semper muniámur advérsis. Per Christum Dóminum nostrum. *R.* Amen.

*Orémus.*

**C**oncède nos fámulos tuos, quásumus Dómine Deus, perpétua mentis, et córporis sanitáte gaudére, et gloriósa beátæ Mariæ semper Vírginis intercessióne a præsénti liberári tristítia, et æténa pérfrui lætítia. Per Christum Dóminum nostrum. *R.* Amen.

*Orémus.*

**D**eus, qui in liberándis fidélibus tuis, ab impiórum captivité beátum Raymúndum Confessórem tuum mirábilem effecísti: ejus nobis intercessióne concède; ut a peccatórum vínculis absolúti, quæ tibi sunt plácita, líberis méntibus exsequámur. Per Christum Dóminum nostrum. *R.* Amen.

Benedíctio Dei omnipoténtis, Patris, et Fílii ✠, et Spíritus sancti descéndat super has aquas, et máneat semper. *R.* Amen.

*Deinde adspergit aqua benedicta.*

### BENEDICTIO CANDELARUM

quæ in honorem S. Raymundi Nonnati præsertim pro felici partu accendi solent.

*Propria Ordinis B. M. V. de Mercede.*

*V.* Adjutórium nostrum in nómine Dómini.

*R.* Qui fecit cælum et terram.

*V.* Dóminus vobíscum.

*R.* Et cum spíritu tuo.

## Orémus.

**D**ómine Jesu Christe, Fili Dei vivi, æternæ vitæ lumen, qui candelarum usus ad repellendas ténebras tribuísti; béne ✠ dic candélas istas méritis beáti Raymúndi Nonnáti supplicatióibus nostris inclinátus, et infúnde eis per virtútem sanctæ crucis tuam bene ✠ dictiónem coeléstem, talémque benedictiónem signáculo sanctæ Crucis ✠ accípiant, ut quibuscúmque locis accénsæ, sive pósitæ fúerint, discedant príncipes tenebrarum, et contremíscant, et fúgiant pávidi cum ómnibus minístris suis ab habitatióibus illis, nec præsumant ámplius inquietáre, nec molestáre serviéntes tibi omnipoténti Deo: Qui vivis etc.

Dicto **Orémus** adduntur tres orationes, **Omnípotens, Concéde, Deus qui in liberándis** ut in præcedenti benedictione aquæ. Deinde dicitur:

**Benedíctio Dei omnipoténtis Patris, et Filii ✠ et Spíritus sancti descéndat super has candélas, et máneat semper. Amen.**

Adspergantur aqua benedicta.

**BENEDICTIO MIRABILIS OLEI**

S. Serapionis Martyris.

*Propria Ordinis B. M. V. de Mercede.*

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum.

℞. Et cum spíritu tuo.

## Orémus.

**O**mnípotens sempitérne Deus, totíus humáni géneris phármacum et levámen, sancti- † ficáre dignéris ólei creatúram hanc, quam bene- † dicimus in nómine tuo, strenuúque tui athlétæ Serapiónis almi, ut ulcéribus, fractúris atque omnígeni dolóris gravámine decumbéntes, hoc sancto óleo perúnti, ejus qui in cruciátu tot fuit truces perpéssus dolóres, interveniéntibus précibus et juvámine, temporálem séntiant opem, et salútem adipiscántur ætérnam. Per Christum Dóminum nostrum. R̃. Amen.

Serápion athléta nóbilis, Mariánæ militiæ signifer, Vírgini matri diléctus, passióne præclárus, intercède pro nobis ad Dóminum, qui in tot dolórum strépitu, virtútem tibi cóntulit et constántiam.

## Orémus.

**C**orda nostra tui amóris igne, Jesu Redémptor, inflámma: ut sicut beátus Serápion pro fidélibus rediméndis actus in crucem te sequútus occúbuit; ita pia ejus intercessióne nullis frangámur advérsis, et tuæ crucis semper inhæreámus ampléxibus: Qui vivis et regnas in sæcula sæculórum. R̃. Amen.

## Orémus.

**M**iserátor et miséricors Dómine, béne † dic egrégiis méritis acerbíssimæ passiónis neotérici legis grátiae Machabæi sancti Serapiónis Mártyris tui, et per virtútem tuæ bene † dictiónis sanctífica óleum istud, et præsta; ut,



quicúmque quovis dolóris génere vexéntur, et in honórem Mártiris tui devóte sint perúnci, te adjuvánte, córporis nanciscántur solámen, ac mentis medélam, te opitulánte, recípiant, ut tandem réddita sibi sanitáte gratiárum tibi in Ecclésia réferant actiónes. Per Christum Dóminum nostrum. R̃. Amen.

Benedíctio Dei omnipoténtis Patris, et Fílii ✙, et Spíritus sancti, descéndat super hoc óleum, et máneat semper. Amen.

Sacerdos aqua benedicta adspergit oleum.

~~~~~

BENEDICTIO SCAPULARIUM PRETIOSI SANGUINIS PRO ADSRIPTIS.

Scapularia fieri solent ex lana rubei coloris cum imagine Ss. Crucifixi, vel Ss. Cordis D. N. J. Sanguinem manantis super Calicem.

V. Adjutórium nostrum in nómine Dómini.

R̃. Qui fecit cœlum et terram.

V. Redemísti nos Dómine in Sanguine tuo.

R̃. Et fecísti nos Deo nostro regnum.

V. Te ergo quáesumus, tuis fámulis súbveni.

R̃. Quos pretióso Sanguine redemísti.

V. Dómine exaúdi oratióem. meam.

R̃. Et clamor meus ad te véniat.

V. Dóminus vobíscum. R̃. Et cum spíritu tuo.

Orémus.

Aetérne Pater, et omnípotens Deus, qui Unigénitum tuum vestem nostræ mortalitátis indúere, et Sanguinem suum pretiósum pro mundi salúte effúndere voluísti: obsecrámus

cleméntiam tuam, ut hoc genus vestiménti quod in signum devotiónis fidélium erga salutis nostræ prétium institútum est, bene ✠ dicere, et sancti ✠ ficáre dignéris; ut quicúmque eo usus fúerit, indúere mereátur eúmdem Dóminum nostrum Jesum Christum Fílium tuum: Qui tecum vivit et regnat in unitáte etc.

R. Amen.

Adspargatur aqua benedicta.

BENEDICTIO FUNICULORUM ET VITTARUM.


Vittæ sunt ex lana rubei coloris quæ si exterius a mulieribus ferantur, a sinistro latere pendent. Funiculi pariter ex lana rubea conficiantur.

V. Adjutórium nostrum in nómine Dómini.

R. Qui fecit cœlum et terram.

V. Redemísti etc. ut supra.

Orémus.

mnípotens sempitérne Deus, qui Unigénitum Fílium tuum constituísti humáni géneris Redemptórem, ac ejus Sáanguine placári voluísti, da nobis tuæ dilectiónis augméntum, et super hos funículos (vel super has vittas) bene ✠ dictionem tuam infúndere dignáre; ut quicúmque eis cinctus fúerit, suórum delictórum contritióem in terris habére mereátur, et ab omni carnis labe, cunctisque perículis mentis et córporis liberátus, ad vitam pervéniat ætérnam. Per eúmdem Christum Dóminum nostrum. R. Amen.

Adspargantur aqua benedicta.

BENEDICTIO VESTIUM VOTIVARUM.

Vestes votivæ nigræ habentur.

V. Adjutórium nostrum in nómine Dómini.

R. Qui fecit cœlum et terram.

V. Redemísti etc. ut supra pag. 228*.

Orémus.

Dómine sancte Pater omnípotens ætérne Deus a quo descéndit omne bonum, et omne donum, tibi grátias reférimus pro suscéptis votis, et per mérita pretiosíssimi Sánguinis dilécti Fílii tui Dómini nostri Jesu Christi, ac per intercessiónem Beatíssimæ Vírginis Mariæ præsta fámulæ tuæ, quæ hanc vestem indúerit, salútem mentis, et córporis, ut te Creatórem ómnium recta fide colat, et in Fílium tuum Unigénitum Redemptórem mundi spem suam confirmet, teque summum bonum super ómnia díligat, ac sanctis mandátis tuis semper obédiat, donec ad ætérnam glóriam felíciter perducátur. Per eúndem Christum Dóminum nostrum.

R. Amen.

Adspargatur aqua benedicta.



LITANIÆ
OMNIUM SANCTORUM
IN
DIVERSIS BENEDICTIONIBUS
OCCURRENTES.

ACCEDIT
RITUS BENEDICENDI POPULUM
CUM SS. SACRAMENTO.

LITANIÆ OMNIUM SANCTORUM.

Kyrie eléison.
 Christe eléison.
 Kyrie eléison.
 Christe audi nos.
 Christe exaúdi nos.
 Pater de coelis Deus,
 miserére nobis.
 Fili Redémptor mundi
 Deus, miserére nobis.
 Spíritus sancte Deus,
 miserére nobis.
 Sancta Trínitas unus
 Deus, miserére nobis.
 Sancta María,
 ora pro nobis.
 Sancta Dei Génitrix,
 ora.
 Sancta Virgo víginum,
 ora.
 Sancte Míchaël, ora.
 Sancte Gábriel, ora.
 Sancte Ráphaël, ora.
 Omnes sancti Angeli et
 Archángeli,
 oráte pro nobis.
 Omnes sancti beatórum
 Spírituum órdenes,
 oráte.

Sancte Joánnes Baptí-
 sta, ora.
 Sancte Joseph, ora.
 Omnes sancti Patriár-
 chæ et Prophétæ,
 oráte.
 Sancte Petre, ora.
 Sancte Paule, ora.
 Sancte Andréa, ora.
 Sancte Jacóbe, ora.
 Sancte Joánnes, ora.
 Sancte Thoma, ora.
 Sancte Jacóbe, ora.
 Sancte Philíppe, ora.
 Sancte Bartholomæe,
 ora.
 Sancte Matthæe, ora.
 Sancte Simon, ora.
 Sancte Thaddæe, ora.
 Sancte Mathía, ora.
 Sancte Bárnaba, ora.
 Sancte Luca, ora.
 Sancte Marce, ora.
 Omnes sancti Apóstoli
 et Evangelístæ, oráte.
 Omnes sancti Discípuli
 Dómini, oráte.
 Omnes sancti Innocén-
 tes, oráte.

Sancte Stéphane, ora.

Sancte Lauréti, ora.

Sancte Vincéti, ora.

Sancti Fabiáne et Se-
bastiáne, oráte.Sancti Joáñnes et Paule,
oráte.Sancti Cosma et Dami-
áne, oráte.Sancti Gervási et Pro-
tási, oráte.Omnes sancti Mártyres,
oráte.

Sancte Silvéster, ora.

Sancte Gregóri, ora.

Sancte Ambrósi, ora.

Sancte Augustíne, ora.

Sancte Hierónyme, ora.

Sancte Martíne, ora.

Sancte Nicoláe, ora.

Omnes sancti Pontífices
et Confessóres, oráte.Omnes sancti Doctóres,
oráte.

Sancte Antóni, ora.

Sancte Benedícte, ora.

Sancte Bernárde, ora.

Sancte Domínice, ora.

Sancte Francísce, ora.

Omnes sancti Sacerdó-
tes et Levítæ, oráte.Omnes sancti Mónachi
et Eremítæ, oráte.Sancta María Magdalé-
na, ora.

Sancta Agatha, ora.

Sancta Lúcia, ora.

Sancta Agnes, ora.

Sancta Cæcília, ora.

Sancta Catharína, ora.

Sancta Anastásia, ora.

Omnes sanctæ Vírgines
et Víduæ, oráte.Omnes Sancti et Sanctæ
Dei,

intercéдите pro nobis.

Propítius esto,
parce nobis Dómine.Propítius esto,
exaúdi nos Dómine.Ab omni malo,
líbera nos Dómine.Ab omni peccáto,
líbera.

Ab ira tua, líbera.

A subitánea et improví-
sa morte, líbera.Ab insídiis diaboli,
líbera.Ab ira, et ódio, et omni
mala voluntáte, líbera.A spíritu fornicatiónis,
líbera.

A fúlure et tempestáte,
líbera.

A flagéllo terræmótus,
líbera.

A peste, fame, et bello,
líbera.

A morte perpétua,
líbera.

Per mystérium sanctæ
Incarnatiónis tuæ,
líbera.

Per Advéntum tuum,
líbera.

Per Nativitátem tuam,
líbera.

Per Baptísmum et san-
ctum Jejúnium tuum,
líbera.

Per Crucem et Passi-
onem tuam, líbera.

Per Mortem et Sepultú-
ram tuam, líbera.

Per sanctam Resurre-
ctiõem tuam, líbera.

Per admirábilẽ Adscen-
siõem tuam, líbera.

Per advéntum Spíritus
sancti Parácliti,
líbera.

In die judícii, líbera.

Peccatóres,
te rogámus audi nos.

Ut nobis parcas,
te rogámus.

Ut nobis indúlgeas,
te rogámus.

Ut ad veram pœnitén-
tiam nos perdúcere di-
gnéris, te rogámus.

Ut Ecclesiám tuam san-
ctam régere, et con-
serváre dignéris,
te rogámus.

Ut Domnum Apostóli-
cum, et omnes eccle-
siásticos órdenes in
sancta religiõe con-
serváre dignéris,
te rogámus.

Ut inimícos sanctæ Ec-
clésiæ humiliáre di-
gnéris, te rogámus.

Ut Régibus et Princí-
pibus Christiánis pa-
cem et veram concór-
diam donáre dignéris,
te rogámus.

Ut cuncto pópulo Chri-
stiáno pacem, et uni-
tátem largíri digné-
ris, te rogámus.

Ut nosmetipsos in tuo
sancto servitio con-
fortare, et conservare
dignéris, te rogámus.

Ut mentes nostras ad
coeléstia desidéria éri-
gas, te rogámus.

Ut ómnibus benefactó-
ribus nostris sempi-
térna bona retríbuas,
te rogámus.

Ut ánimas nostras, fra-
trum, propinquórum,
et benefactorum no-
strórum ab ætérna
damnatióne erípias,
te rogámus.

Ut fructus terræ dare,
et conservare digné-
ris, te rogámus.

Ut ómnibus fidélibus de-
fúntis réquiem ætér-
nam donáre dignéris,
te rogámus.

Hic datur benedictio per
Sacerdotem rebus benedi-
cendis, ut in locis propriis
dictum est, et infra repe-
titur.

Ut nos exaudíre digné-
ris, te rogámus.

Fili Dei, te rogámus.

Agnus Dei, qui tollis
peccáta mundi,
parce nobis Dómine.

Agnus Dei, qui tollis
peccáta mundi,
exaúdi nos Dómine.

Agnus Dei, qui tollis
peccáta mundi,
miserére nobis.

Christe audi nos.

Christe exaúdi nos.

Kyrie eléison.

Christe eléison.

Kyrie eléison.

¶ Postquam dictum fuerit in Litaniis: Ut
ómnibus fidélibus defúntis, etc. Te rogámus,
etc. surgit Sacerdos ab accubitu et dicit:

In benedictione novæ Ecclesiæ: Ut hanc
Ecclésiám, et Altáre, ad honórem tuum et no-
men sancti tui N. purgáre et bene ✠ dícere
dignéris. R. Te rogámus, audi nos.

In reconciliatione Ecclesiæ violatæ: **Ut hanc Ecclesiã, et Altãre hoc, ac Cœmetérium purgãre, et reconci ✠ liãre dignéris.** R̃. **Te rogãmus, audi nos.**

In benedictione novi Cœmeterii: **Ut hoc Cœmetérium purgãre, et bene ✠ dícere dignéris.** R̃. **Te rogãmus, audi nos.**

In reconciliatione Cœmeterii violati: **Ut hoc Cœmetérium reconci ✠ liãre et sancti- ✠ ficãre dignéris.** R̃. **Te rogãmus, audi nos.**

In benedictione Fontis baptismalis bis dicitur: **Ut Fontem istum ad regenerãdam tibi novam prolem bene ✠ dícere, et conse ✠ crãre dignéris.** R̃. **Te rogãmus, audi nos.**

Tum iterum procumbit Sacerdos, et perficiuntur Litaniæ usque ad finem.

Si dicendæ sunt Orationes Litaniarum, post ultimum Kyrie dicitur:

Pater noster. secreto.

Ÿ. Et ne nos indúcas in tentatiónem.

R̃. Sed libera nos a malo.

Psalm. Deus, in adjutórium, etc. ut supra pag. 19*. **Glória Patri.**

Ÿ. Salvos fac servos tuos.

R̃. Deus meus, sperãntes in te.

Ÿ. Esto nobis Dómine turris fortitúdinis.

R̃. A fácie inimíci.

Ÿ. Nihil proficiat inimícus in nobis.

R̃. Et fílius iniquitátis non appónat nocére nobis.

- V. Dómine non secúndum peccáta nostra
 fácias nobis.
 R. Neque secúndum iniquitátes nostras re-
 tríbuas nobis.
 V. Orémus pro Pontífice nostro N.
 R. Dóminus consérvet eum, et vivíficet eum,
 et beátum fáciat eum in terra, et non
 tradat eum in ánimam inimicórum ejus.
 V. Orémus pro benefactóribus nostris.
 R. Retribúere dignáre Dómine ómnibus no-
 bis bona faciéntibus propter nomen tuum
 vitam ætérnam. Amen.
 V. Orémus pro fidélibus defúntis.
 R. Réquiem ætérnam dona eis Dómine, et
 lux perpétua lúceat eis.
 V. Requiéscant in pace. R. Amen.
 V. Pro frátribus nostris abséntibus.
 R. Salvos fac servos tuos, Deus meus, spe-
 rántes in te.
 V. Mitte eis Dómine auxílium de sancto.
 R. Et de Sion tuére eos.
 V. Dómine exaúdi oratióem meam.
 R. Et clamor meus ad te véniat.
 V. Dóminus vobíscum.
 R. Et cum spíritu tuo.

Orémus.

Oratio.

Deus, cui próprium est miseréri semper et
 párcere: súscipe deprecationem nostram;
 ut nos, et omnes fámulos tuos, quos delictó-
 rum caténa constríngit, miserátio tuæ pietátis
 cleménter absólvat.

Exaudi, quæsumus Dómine, supplicum preces, et confitentium tibi parce peccátis: ut páriter nobis indulgéntiam tribuas benígnus, et pacem.

Ineffábilem nobis, Dómine, misericórdiam tuam cleménter osténde: ut simul nos et a peccátis ómnibus éxuas, et a pœnis, quas pro his merémur, erípias.

Deus, qui culpa offénderis, pœniténtia placáris, preces pópuli tui supplicántis propítius réspice: et flagélla tuæ iracúndiæ, quæ pro peccátis nostris merémur, avérte.

Omnípotens, sempitérne Deus, miserére fámulò tuo Pontífici nostro N. et dirige eum secúndum tuam cleméntiam in viam salútis æternæ: ut te donánte tibi plácita cúpiat, et tota virtúte perficiat.

Deus, a quo sancta desidéria, recta consília, et justa sunt ópera, da servis tuis illam, quam mundus dare non potest, pacem: ut et corda nostra mandátis tuis dédita, et hóstium subláta formídine, témpora sint tua protectióne tranquílla.

Ure igne sancti Spíritus renes nostros, et cor nostrum, Dómine: ut tibi casto córpore serviámus, et múnido corde placeámus.

Indélium, Deus, ómnium Cónditor et Redémptor, animábus famulórum, famularúmque tuárum remissionem cunctórum tribue peccatórum: ut indulgéntiam, quam semper optavérunt, piis supplicatióibus consequántur.

Actiões nostras, quæsumus Dómine, adspirando præveni, et adjuvando proséquere: ut cuncta nostra oratio, et operatio a te semper incípiat, et per te cœpta finiátur.


Omnípotens, sempitérne Deus, qui vivórum domináris simul et mortuórum, omniúm-que miseréris, quos tuos fide et ópere futúros esse prænóscis: te súpplíces exorámus; ut pro quibus effúndere preces decrevimus, quosque vel præsens sáeculum adhuc in carne rétinet, vel futúrum jam exútos córpore suscepit, intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sáecula sæculórum. *R.* Amen.

V. Dóminus vobíscum.

R. Et cum spíritu tuo.

V. Exaúdiat nos omnípotens et miséricors Dóminus. *R.* Amen.

V. Et fidélium ánimæ per misericórdiam Dei requiéscent in pace. *R.* Amen.



RITUS BENEDICENDI POPULUM CUM SS. SACRAMENTO.

Ex Rit. Rom. tit. de Processione in festo Ss. Corp. Chr.

Cantatur sequens Hymni pars, dum Sacerdos Ss. Sacramentum de more incensat:

Tantum ergo sacraméntum,
Venerémur cernui:
Et antiquum documéntum
• Novo cedat rítui:
Præstet fides suppleméntum
Sénsuum deféctui.

Genitóri, Genitóque,
Laus et jubilátio:
Salus, honor, virtus quoque
Sit, et benedíctio:
Procedénti ab utróque
Compar sit laudátio. Amen.

Postea duo Clerici dicant:

V. Panem de celo præstitísti eis.

R. Omne delectaméntum in se habéntem.

In Fest. et Oct. Corp. Chr. et temp. paschali additur **Allelúja**. Deinde Sacerdos stans dicit:

Orémus.

Deus, qui nobis sub Sacraménto mirábili, passionis tuæ memóriam reliquisti: tríbue, quæsumus; ita nos Córporis et Sanguinis tui sacra mystéria venerári, ut redemptionis tuæ fructum in nobis júgiter sentiámus: Qui vivis, et regnas in sæcula sæculórum. R. Amen.

Tunc Sacerdos, facta genuflexione, cum Sacramento semel benedicat populum in modum crucis, nihil dicens: postea illud reverenter reponat.

INDEX.

I. BENEDICTIONES IN RITUALI, MISSALI ET PONTIFICALI ROMANO CONTENTÆ.

	pag.
De Benedictionibus regulæ generales	1
Ordo ad faciendam aquam benedictam	2
Benedictio populi cum aqua benedicta diebus Domini- cis impertienda. (Ex Missali Rom.)	5
Benedictio candelarum extra diem Purificat. B. M. V.	5
Benedictio domorum in Sabbato S. Paschæ	6
Alia benedictio domorum alio tempore facienda cum aspersione aquæ benedictæ	7
Benedictio loci	8
Alia benedictio domus novæ	8
Benedictio thalami	9
Benedictio novæ navis	10
Benedictio communis super fruges et vineas	10
Benedictio peregrinorum ad loca sancta prodeuntium	11
Benedictio peregrinorum post reditum	14
Benedictiones esculentorum præsertim in pascha.	
Benedictio agni paschalis	16
Benedictio ovorum	16
Benedictio panis	17
Alia benedictio panis	17
Benedictio novorum fructuum	18
Benedictio ad quodcumque comestibile	18
Benedictio olei simplicis	19
Benedictiones ab Episcopis vel aliis facultatem habentibus faciendæ.	
Benedictio Sacerdotalium Indumentorum in genere	20
Bened. specialis cujuslibet Indumenti. (Ex Pont. Rom.)	22
Benedictio Mapparum sive Linteaminum Altaris	23
Benedictio Corporalium	24
Benedictio Tabernaculi seu Vasculi pro sacrosancta Eucharistia conservanda	25
Benedictio novæ Crucis	26
Benedictio Imaginum Jesu Christi Domini nostri, B. Mariæ V. et aliorum Sanctorum	27

	pag.
Ritus benedicendi et imponendi primarium lapidem pro Ecclesia ædificanda servandus a sacerdote facultatem habente ab Episcopo	28
Ritus bened. novam Ecclesiam seu Oratorium publicum, ut ibi Ss. Missæ sacrificium celebrari possit	34
Ritus reconciliandi Ecclesiam violatam, si nondum erat ab Episcopo consecrata	39
Ritus benedicendi novum Cœmeterium per sacerdotem ab Episcopo delegatum	
Ordo reconciliandi Cœmeterium violatum, sive Ecclesiæ contiguum sit, sive separatum, ubi Ecclesia non est polluta	46
Ritus absolvendi et benedicendi Populos et Agros ex Apostolicæ Sedis indulto	48
Methodus Indictionis præmittendæ Pontif. Benedictioni statis diebus super populum elargiendæ: ritusque in ea servandus a Regularibus, quibus a S. Sede hujusmodi facultas indulta est vel indulgebitur	57
Benedictio Crucis pectoralis. (Juxta Pontif. Rom.)	58
Bened. solemnior Imaginis B. M. V. (Juxta Pont. Rom.)	59
Benedictio solemnior Capsarum pro Reliquiis et aliis Sanctuariis includendis. (Juxta Pont. Rom.)	63
Benedictio et impositio Crucis proficiscentibus in subsidium et defensionem fidei christianæ, seu recuperationem Terræ sanctæ. (Juxta Pont. Rom.)	66
Benedictio armorum. (Juxta Pont. Rom.)	68
Benedictio ensis. (Juxta Pont. Rom.)	69
Benedictio et traditio Vexilli bellici. (Juxta Pont. Rom.)	70
Aliæ Benedictiones in Rituali Romano sub diversis titulis contentæ.	
Benedictio Fontis Baptismi extra Sabbatum Paschæ et Pentecostes, cum aqua consecrata non habetur	71
Benedictio Annuli nuptialis	74
Bened. Nuptiarum intra Missam faciendæ. (Ex Miss. Rom.)	75
Benedictio Mulieris post partum	77
Benedictio infirmi	80
Modus juvandi morientes	92
Ritus benedictionis apostolicæ in articulo mortis	94
Ordo commendationis animæ	97
In Expiratione	104
Preces ad repellendam tempestatem. (Ex tit. de Process.)	106
Preces ad petendam pluviam. (Ex tit. de Process.)	110
Preces ad postulandam serenitatem	108

II. BENEDICTIONES IN APPENDICE RITUALIS

CONTENTÆ.

De Sacramento Baptismi.

Benedictio Fontis seu Aquæ baptismalis (Formula brevior)	pag. 1*
--	---------

De Sacramento Confirmationis.

Decretum S. Congregationis Generalis de Propaganda Fide diei 23. Aprilis 1774	2*
Instructio pro simplici Sacerdote Sacram. Confirmationis ex Sedis apostolicæ delegatione administrante	3*

De Sacramento Eucharistiæ.

Instructio a S. R. C. die 12. Septembris 1857 edita pro Sacerdote apostolicam facultatem habente bis Missam eadem die celebrandi	12*
Modus sacram Eucharistiam deferendi occulte ad infirmos ob metum infidelium	14*
Decretum a S. R. C. die 9. Julii 1864 editum de specie olei pro nutrienda lampade sanctissimi Sacramenti	15*
Litanie, Preces et Orationes, quæ dici debent in expositione XL horarum in alma Urbe	16*
Litanie Lauretanæ B. Mariæ Virginis	23*
Litanie sanctissimi Nominis Jesu	25*

De Benedictionibus.

Benedictiones non reservatæ.

Benedictio Populi cum Aqua benedicta, diebus Dominicis impertienda	28*
Benedictio Vini in festo S. Joannis Evangelistæ	30*
Alia Benedictio Vini in festo S. Joannis Apost. et Evang.	31*
Benedictio Auri, Myrrhæ et Thuris in die Epiphaniæ	34*
Benedictio Cretæ in festo Epiphaniæ	35*
Benedictio Domorum in festo Epiphaniæ	36*
Benedictio Candelarum in festo S. Blasii Ep. et Mart.	38*

	pag.
Benedictio Herbarum in festo Assumptionis B. M. V.	40*
Benedictio Seminum et Segetum in festo Nativ. B. M. V.	44*
Benedictio Instrumentorum Organi in Ecclesia	45*
Benedictio Vexilli processionalis	46*
Benedictio Metallī pro Campana dum ære conflatur	47*
Benedictio Domus scholaris noviter erectæ	48*
Benedictio primarii Lapidis ædificii	56*
Benedictio Viæ ferreæ et Curruum	56*
Benedictio Pontis novi	57*
Benedictio Fontis	58*
Benedictio Putei	59*
Benedictio Ignis	59*
Benedictio Fornacis calcariæ	60*
Benedictio Fornacis fusoriæ metallicæ vel coctoriæ laterum et tegularum	60*
Benedictio Seminum	61*
Benedictio Horrei seu Segetum demessarum	62*
Benedictio Pistrini	63*
Benedictio Adulti ægrotantis	63*
Eadem Benedictio pro pluribus Infirmis	65*
Benedictio Mulieris prægnantis in periculis partus	66*
Benedictio Infantis	69*
Benedictio Pueri ad obtinendam super ipsum miseri- cordiam Dei	70*
Benedictio Puerorum cum præsertim in Ecclesia præ- sentantur	72*
Benedictio Puerorum ægrotantium	74*
Benedictio Vestium et Cinguli quæ deferuntur in ho- norem B. Mariæ Virg.	77*
Benedictio Linteaminum pro infirmis	78*
Benedictio cujuscunque Medicinæ	79*
Benedictio Panis et Placentarum	80*
Benedictio Cerevisiæ	80*
Benedictio Casei et Butyri	80*
Benedictio Laridi	81*
Benedictio Volucrum	81*
Benedictio Apum	81*
Benedictio Pecorum et Jumentorum	82*
Benedictio Equorum et Animalium	83*
Bened. Animalium peste vel alio morbo laborantium	84*
Benedictio Pecorum et Jumentorum gravi infirmitate vexatorum	85*
Benedictio Salis vel Avenæ pro animalibus	86*
Bened. Stabuli equorum, boum et aliorum armentorum	87*
Benedictio ad omnia	88*

Benedictiones reservatæ.

ab Episcopo vel aliis Sacerdotibus facultatem habentibus
faciendæ. pag.

Benedictio solemnior novæ Crucis	89*
Benedictio Ostensorii pro sanctissimo Sacramento fidelium venerationi exponendo	95*
Bened. Capsarum pro Reliquiis Sanctorum includendis	96*
Benedictio Vasorum pro sacris Oleis includendis	96*
Benedictio sacrorum Vasorum et aliorum Ornamen- torum in genere	97*
Benedictio simplex novæ Campanæ quæ tamen ad usum Ecclesiæ non inserviat	98*
Benedictio Telegraphi	106*
Benedictio Viæ ferreæ et Curruum	111*
Benedictio deprecatoria contra mures, locustas, bru- chos, vermes et alia animalia nociva	113*
Benedictio Habitus clericalis	115*
Benedictio Cingulorum in honorem S. Josephi Sponsi B. Mariæ Virg.	116*
Benedictio Puerorum et Puellarum in festis piæ Uni- onis a sancta Infantia nuncupatæ	119*
Instructio pro Sacerdotibus quibus summus Pontifex facultatem delegat benedicendi coronas, rosaria, cruces, crucifixos, parvas statuas et sacra nu- mismata	120*

Benedictiones propriæ nonnullorum Ordinum
Regularium.

Quæ sequuntur benedictiones, nonnisi a Sacerdotibus specialem
facultatem habentibus adhiberi possunt.

Benedictio et impositio Scapularis Ss. Trinitatis	125*
Modus imponendi dictum Scapulare	126*
Benedictio Trisagii Ss. Trinitatis	128*
Methodus pro erigendis Stationibus Viæ Crucis	129*
Benedictio Tabularum pictarum si adsunt	130*
Benedictio Crucium quæ ex ligno esse debent	130*
Formula ad fidem faciendam de erectione Viæ Crucis	135*
Benedictio et Impositio Habitus vel Scapularis nigri Ss. Crucis et Passionis Domini nostri Jesu Christi	135*
Benedictio Scapularis rubri Passionis et sacratissimi Cordis D. N. J. C., necnon et Cordis amantissimi et compatientis B. Mariæ Virg. Immaculatæ	138*
Benedictio Coronarum pretiosissimi Sanguinis	139*
Benedictio Rosariorum B. Mariæ Virg.	140*

Benedictio Habitus ac Receptio Confratrum B. Mariæ Virg. de Monte Carmelo	pag. 142*
Benedictio et Impositio Scapularis cærulei B. Mariæ Virg. Immaculatæ	145*
Benedictio et Impositio Scapularis B. M. V. de Mercede	147*
Benedictio alia ejusdem Scapularis	149*
Benedictio et Impositio Scapularis B. Mariæ Virg. Salutis infirmorum	150*
Formula benedicendi Scapulare	150*
Formula benedicendi parvas Cruces rubri coloris	151*
Formula benedic. Coronam Domini pro agonizantibus	152*
Orationes recitandæ cum fideles piæ Societati adscribuntur	153*
Formula adhibenda dum scapulare porrigitur	154*
Benedictio et Impositio Corona Cincturæ B. Mariæ Virg.	154*
Benedictio Coronæ	155*
Benedictio Personæ	156*
Benedictio Coronæ septem Dolorum B. Mariæ Virg.	156*
Benedictio Cinguli S. Thomæ Aquinatis ad servandam castitatem	157*
Benedictio Numismatum S. Benedicti	158*
Benedictio et Impositio Chordæ S. Francisci Assis.	159*
Benedictio et Impositio Cinguli lanei pro Chordigeris S. Francisci de Paula	161*
Formula benedictionis Aquæ S. Vincentii Ferrerii pro infirmis	163*
Modus benedicendi Aquam S. Ignatii	164*
Formula bened. quatuor Scapul. Ss. Trinitatis, B. M. V. de Monte Carmelo, Immac. Concept. ac VII Dolorum	166*

Benedictiones novissimæ.

Absolutio generalis et Benedictio papalis pro regularibus Ordinibus et Tertiariis ad eos pertinentibus	170*
Benedictio Bombycum	175*
Benedictio Cinguli, quod gestatur in honorem B. M. V. vel alicujus Sancti	175*
Benedictio Vini pro infirmis	176*
Benedictio Domus Scholarum	177*
Benedictio Uvarum	178*
Benedictio Aquæ in honorem S. Adelhaidis	178*
Modus benedicendi aquam in honorem S. Willibrordi	180*
Benedictio aquæ in festo Lanceæ et Clavor. Domini	182*
S. Huberti Benedictio	182*

Benedictio aquæ, salis et panis in honorem S. Huberti contra morsum rabidi canis	pag. 183*
Formula inscribendi in album confraternitatis S. Hu- berti Patroni	188*
Benedictio peregrinorum ægrotantium	189*
Formula Benedictionis in honorem, et cum invoca- tione B. M. V. sub titulo Auxilium Christianorum	191*
Benedictio vestis ex voto assumendi	192*
Benedictio rogi quæ fit a Clero extra Ecclesiam in Vigilia Nativitatis S. Joannis Baptistæ	193*
Formula benedictionis Aquæ S. Vincentii a Paulo pro infirmis	194*
Benedictio Infirmorum cum ligno S. Crucis D. N. J. C. seu signum S. Mauri Abbatis	197*
Formula benedictionis panis et aquæ sub invocatione S. Machuti Episcopi	199*
Modus benedicendi aquam S. Alberti pro Ordine Car- melitarum Excalceatorum	200*
Ritus erigendi stationes viæ matris dolorosæ seu in honorem septem dolorum B. M. V.	202*
Ritus benedicendi et imponendi scapulare S. Michaëlis Archangeli	206*
Ritus benedicendi atque imponendi scapulare S. Josephi Sponsi B. M. V. pro sodalitate sub ejus titulo ca- nonice erecta in Ecclesia sancti Nicolai Civitatis Veronensis	208*
Benedictio panis, vini, aquæ et fructuum contra gut- turis ægritudinem in festo sancti Blasii Ep. Mart.	209*
Formula benedictionis cingulorum in honorem sanctæ Philumenæ Virginis et Martyris	210*

III. BENEDICTIONES IN APPENDICE ALTERIUS RITUALIS CONTENTÆ.

	pag.
Formula brevis conficiendæ aquæ baptismalis pro	
Mission. Americæ Septemtr.	211*
Benedictio Coronæ Domini	213*
Benedictio Rosarii S. Josephi	214*
Benedictio Annuli S. Josephi	215*
Benedictio coronarum S. Birgittæ.	215*
Benedictio Rosarum Soc. Ss. Rosarii	216*
Benedictio Candelarum Soc. Ss. Rosarii	217*
Benedictio aquæ infirmis præstandæ ad consequen-	
dam sanitatem meritis et intercessione B. M. V.	
et S. Torelli Conf.	218*
Benedictio aquæ cum reliquiis S. Petri Martyris	219*
Benedictio Palmarum vel aliorum ramorum in festo	
S. Petri Mart.	220*
Benedictio Scapularis nigri et Rosarii seu Coronæ	
Septem Dolorum B. M. V.	221*
Benedictio Aquæ in honorem S. Raymundi Nonnati	
pro Infirmis	223*
Benedictio Candelarum quæ in honorem S. Raymundi	
Nonnati præsertim pro felici partu accendi solent	225*
Benedictio Mirabilis Olei S. Serapionis Martyris	226*
Benedictio Scapularium pretiosi sanguinis pro ad-	
scriptis	228*
Benedictio funiculorum et vittarum	229*
Benedictio vestium votivarum	230*
Litanie omnium Sanctorum	[2]
Ritus benedicendi populum cum Ss. Sacramento.	[10]

I N D E X

PSALMORUM, CANTICORUM, HYMNORUM

QUÆ IN HIS APPENDICIBUS
CONTINENTUR.

Psalmi.	pag.
22. Dominus regit me	31*
50. Miserere mei, Deus, secundum magnam miseri- cordiam tuam	98*
53. Deus in nomine tuo saluum me fac	99*
56. Miserere mei, Deus, miserere mei	100*
64. Te decet hymnus, Deus, in Sion	40*
66. Deus misereatur nostri	68*
69. Deus in adiutorium meum intende	101*
85. Inclina, Domine, aurem tuam	102*
103. Benedic anima mea Domino: Domine Deus meus	107*
112. Laudate pueri Dominum	71*
116. Laudate Dominum omnes gentes	47*
129. De profundis clamavi ad te Domine	103*
140. Dirigatur, Domine, oratio mea	54*
150. Laudate Dominum in sanctis ejus	45*

Cantica.

Canticum Zachariæ. — Benedictus Dominus Deus Israël	106*
Canticum B. Mariæ Virg. — Magnificat.	36*
Canticum Ss. Ambrosii et Augustini. — Te Deum laudamus.	133*

Hymni.

Veni Creator Spiritus	48*
Vexilla Regis prodeunt	131*
Stabat mater dolorosa	132*
Te Deum laudamus	133*

Litaniæ.

Omnium Sanctorum.	[27]
in Oratione XL Horarum	16*
Lauretanæ B. Mariæ Virg.	23*
Ss. Nominis Jesu.	25*

INDEX ALPHABETICUS BENEDICTIONUM

TAM RESERVATARUM QUAM NON RESERVATARUM QUÆ IN HOC BENEDICTIONALI CONTINENTUR.

Benedictiones reservatæ rubra littera **R**, propriæ nonnullorum Ordinum et Congregationum regularium littera **r** notantur.

Numeri paginorum asterisco * signati indicant paginas Appendicium, ceteri ad Benedictionum ex Rituali, Missali et Pontificali Romano excerptarum paginas lectorem remittunt.

	A.	pag.
Absol. gen. pro Regularibus elarg. r.	.	171*
" " Tertiariis Francisc. elarg.	.	173*
" " in art. mortis impertienda papalis R.	.	94
" " Confr. Scap. B. M. V. VII Dol. r.	.	221*
Adelhaidis S. Benedictio aquæ	.	178*
Adulti ægrotantis	.	63*
Adulorum ægrotantium	.	65*
Æris pro campana confianda	.	47*
Agni paschalis	.	16
Agrorum et populorum R.	.	46
Animalium et Equorum (<i>vide</i> Pecorum)	.	83*
" laborantium peste vel alio morbo	.	84*
" nocivorum, scil. benedictio deprecatoria	.	
contra illa R.	.	113*
Annuli S. Josephi r.	.	215*
" nuptialis r.	.	74
Apostolica benedictio super populum R.	.	57
" " in articulo mortis R.	.	94
Apum	.	81*
Aquæ i. e. Ordo ad faciendam aquam benedictam	.	2
" baptismalis extra Sabbatum Paschæ et Pentec.	.	71
" forma " brevior "	.	1*
" benedictio in hon. S. Adelhaidis	.	178*
" " " " S. Alberti r.	.	200*
" " " " S. Huberti contra morsum	.	
rabidi canis	.	183*
" " " " S. Ignatii r.	.	166*
" " " festo Lanceæ et Clavor. Domini	.	182*

	pag.
Aquæ benedictio pro infirmis interced. B. Mariæ Virg.	
et S. Torelli	218*
" " cum reliquiis S. Petri Mart.	219*
" " S. Raymundi Nonnati pro infirmis r.	223*
" " in hon. S. Vincentii Ferrerii pro in-	
firmis r.	164*
" " " " a Paulo r.	194*
" " " " S. Willibrordi	180*
Armorum R.	68
Auri in festo Epiphaniæ	34*
Avenæ pro animalibus	86*

B.

Baptismalis fontis v. Aquæ.	
Bellici vexilli R.	70
Benedicti S. numismatum r.	159*
Blasii S. in festo bened. candelarum	38*
" " " Panis, Vini, Aquæ et Fructuum	209*
Bombycum	175*
Butyri et Casei	80*

C.

Calcarisæ fornacis	60*
Campanæ novæ quæ tamen ad usum Ecclesiæ non	
inserviat R.	98*
Candelarum in festo S. Blasii	38*
" in hon. S. Raymundi Nonnati pro felici	
partu	225*
" extra diem Purificationis	5
" Soc. Ss. Rosarii	215
Capsarum pro Reliquiis Sanctorum includ. solemnior R.	63
" " formula brevior R.	96*
Casei et Butyri	80*
Cerevisiæ	80*
Chordæ S. Francisci Assis. r.	161*
Cincturæ B. Mariæ Virg. r.	155*
Cinguli S. Francisci de Paula r.	163*
" in hon. B. M. V. vel alicujus Sancti	175*
" S. Philumenæ	210*
" S. Thomæ Aquin. r.	158*
" et Vestium quæ deferuntur in hon. B. M. V.	77*
Cingulorum in honorem S. Josephi R.	116*
Clericalis habitus	115*
Cœmeterii novi R.	43

	pag.
Cœmeterii violati R.	46
Comestibilis cujuscumque	18
Cordis Ss. et Passionis scapularis r.	138*
Coronæ S. Birgittæ r.	215*
" pro Cincturatis r.	156*
" Domini r.	213*
" pro agonizantibus r.	152*
" S. Josephi r.	214*
" B. Mariæ Virg. r.	140*
" Pretiosissimi Sanguinis r.	139*
" Septem Dolorum B. M. V. r.	157*
" Trinitatis r.	125*
Corporaliū R.	24
Cretæ in festo Epiphaniæ	35*
Crucis novæ R.	26
" " benedictio solemnior R.	89*
" pectoralis R.	85
" portandæ pro defens. fidei christianæ	65
" Ss. et Passionis D. N. J. C. scapularis r.	135*
" Viæ r.	129*
Crucium lignearum pro erigendis Stationibus	130*
Cujuscumque rei, seu ad omnia	88*
Curruū et Viæ ferreæ	56*
" " " formula solemnior R.	111*

D.

Deprecatoria benedictio contra muros, locustas, bru-	
chos, vermes et alia animalia nociva R.	113*
Dolorum VII B. M. V. Scapularis r.	213*
Domini Coronarum r.	200*
Domorum in festo Epiphaniæ	36*
" " Sabb. S. Paschæ	6
" alio tempore facienda	7
Domus novæ	8
" scholarum	177*
" scholaris noviter erectæ	48*

E.

Ecclesiæ novæ R.	34
" violatæ R.	39
Ens R.	69
Equorum et animalium	83*
Esculentorum	16

	F.	pag.
Ferreæ viæ et Curruum		56*
" " " forma solemnior	R.	111*
Fontis		58*
" baptismi extra Sabb. Paschæ et Pentec.		71
Fontis baptismi seu aquæ baptismi formula brevior pro Missionariis Peruanis		1*
Fontis baptismi seu aquæ baptismi formula brevior pro Missionariis Americæ Septemtrionalis		211*
Fornacis calcariae		60*
" fusoriæ metallicæ vel coctoriæ laterum et tegularum		60*
Francisci S. Assis. vide Chordæ.		
" S. de Paula Cinguli	r.	163*
Fructuum novorum		18
Frugum et vinearum		10
Funiculorum et vittarum pro Sod. pret. Sangu.		229*

H.

Habitus clericalis	R.	115*
Herbarum in festo Assumptionis B. M. V.		40*
Horrei seu segetum demessarum		62*
Huberti bened. contra morsum rabidi canis		183*

I.

Ignatii S. bened. aquæ	r.	166*
Ignis		59*
Immac. Concept. B. M. V. scapularis	r.	150*
Imaginis B. M. V. benedictio solemnior	R.	59
Imaginum D. N. Jesu Chr., B. M. V. et aliorum San- ctorum		27
Indumenti sacerdotalis cujuslibet		22
Indumentorum sacerdotalium	R.	20
Infantis (vide Pueri)		69*
Infirmi et Infirmorum		65*
Infirmorum Adultorum		65*
" Puerorum		74*
" cum Ligno Ss. Crucis seu Signum S. Mauri Abb.	r.	197*
Instrumentorum Organi in Ecclesia		45*

J.

Josephi S. Annuli	r.	215*
" S. Cingulorum bened.		116*
" S. Rosarii	r.	214*

	pag.
Jumentorum et Pecorum	82*
" " gravi infirmitate vexatorum	85*

L.

Lanceæ et Clavorum in festo aquæ bened.	182*
Lapidis primarii pro ecclesia ædificanda R.	28
Laridi " " quocumque ædificio	56*
Laridi " " "	81*
Linteaminum altaris R.	23
Linteaminum pro infirmis	78*
Loci	8
" in quo transitorie missa celebranda est	192*

M.

Machuti S. sub invocat. bened. panis et aquæ	199*
Mapparum altaris R.	23
Mariæ B. V. sub tit. Auxilium Christ. in honorem	191*
Mauri S. Abbatis signum	197*
Medicinæ cujuscumque	79*
Mercede de B. M. V. scapularis r.	147*
" " alia ejusdem scapularis r.	149*
Metalli pro campana dum ære conflatur	47*
Monte Carmelo B. M. V. scapularis r.	142*
Mulieris post partum	77
Mulieris prægnantis in periculis partus	66*
Myrrhæ in festo Epiphaniæ	34*

N.

Navis novæ	10
Novæ ecclesiæ R.	34
Novi cœmeterii R.	43
" Pontis	57*
Novorum fructuum	18
Numismatum S. Benedicti r.	159*
Nuptiarum intra Missam	75

O.

Olei simplicis	19
" mirabilis S. Serapionis r.	226*
Omnis rei, seu ad omnia	88*
Oratorii publici R.	39
Organi in Ecclesia	45*
Ornamentorum et Vasorum sacrorum in genere R.	97*

Ostensorii pro Ss. Sacramento fidelium venerationi exponendo R.	pag. 95*
Ovorum	16

P.

Palmarum vel aliorum ramorum in festo S. Petri M.	220*
Panis	17
" alia benedictio	17
" et Placentarum	80*
" S. Huberti	183*
" et Aquæ sub invocatione S. Machuti Ep.	199*
" Vini, Aquæ et Fructuum in fest. S. Blasii	209*
Papalis benedictio pro regularibus	170*
Paramentorum (<i>vide</i> Indumentorum).	
Passionis et Ss. Cordis scapularis r.	138*
" Ss. et Crucis scapularis r.	135*
Pecorum et Jumentorum (<i>vide</i> Animalium)	82*
" gravi infirmitate vexatorum	85*
Peregrinorum ad loca sancta prodeuntium	11
" post reditum	14
" ægrotantium	189*
Petri S. Mart. bened. aquæ cum ejus reliqu.	219*
" palmarum vel alior. ramorum	220*
Pistrini	63*
Placentarum et Panis	80*
Pontificia bened. <i>vide</i> Apostolica bened.	
Pontis novi	57*
Populi apostolica benedictio R.	57
" cum aqua benedicta, diebus Dominicis	28*
Populorum et agrorum R.	48
Prægnantis mulieris in periculis partus	66*
Preces ad postulandam serenitatem	108
" petendam pluviam	110
Pretios. Sanguinis Coronarum r.	139*
" Scapularium	228*
" funiculorum et vittarum	229*
" vestium votivarum	230*
Primarii lapidis <i>vide</i> Lapidis.	
Processionalis vexilli	46*
Pueri ad obtinendam super ipsum misericordiam Dei	70*
Puerorum ægrotantium	74*
" cum præsertim in Ecclesia præsentantur	72*
" et Puellarum in festis piæ Unionis a S. Infantia nuncupatæ R.	119*
Putei	59*

R.

	pag.
Ramorum vel Palmarum in festo S. Petri Mart.	220*
Reconciliatio cœmeterii violati R.	46
" ecclesiæ violatæ R.	39
Rei cuiuscumque, seu ad omnia	88*
Ritus benedicendi cum Ss. Sacramento	[10]
Rogi extra ecclesiam in Vigilia Nat. S. Joan. Bapt.	193*
Rosarii Ss. Confrat. candelarum	217*
Rosariorum <i>vide</i> Coronarum.	
Rosarum Soc. Ss. Rosarii	216*

S.

Salis vel Avenæ pro animalibus	86*
" in hon. S. Huberti	183*
Sanguinis Pretios. Coronarum r.	139*
Scapularia quatuor formula bened. in genere r.	167*
Scapularis cœrulei B. M. V. immaculatæ r.	145*
" B. M. V. de Mercede r.	147*
" " alia ejusdem scapularis r.	149*
" " de Monte Carmelo r.	142*
" " Salutis Infirmorum r.	150*
" " Septem Dolorum r.	221*
" Ss. Crucis et Passionis r.	135*
" S. Joseph	208*
" S. Michaëlis Archangeli r.	206*
" Passionis, Cordis D. N. J. C. et B. M. V.	
Immaculatæ r.	138*
" Pret. Sanguin.	228*
" Ss. Trinitatis r.	125*
Scholaris domus noviter erectæ	48*
Scholarum domus	177*
Segetum demessarum seu Horrei	62*
" in festo Nativitatis B. M. V.	44*
Seminum	61*
" et segetum in festo Nativitatis B. M. V.	44*
Serenitatis postulandæ causa preces	108
Signum S. Mauri Abb. r.	197*
Stabuli equorum, boum et aliorum armentorum	87*
Stationum Viæ Crucis r.	129*
" " Matris dolorosæ r.	202*

T.

Tabernaculi seu Vasculi pro Ss. Eucharistia conser-	
vanda R.	25
Tabularum pro Via Crucis r.	130*

	pag.
Telegraphi <i>R.</i>	106*
Tempestatis	106
Thalami	9
Thomæ S. Aquin. cinguli <i>r.</i>	158*
Thuris in festo Epiphaniæ bened.	34*
Torelli S. bened. aquæ	218*
Trinitatis Ss. Scapularis <i>r.</i>	125*
Trisagii Ss. Trinitatis <i>r.</i>	128*

U.

Uvarum	178*
--------	------

V.

Vasculi pro Ss. Eucharistia conservanda	25
Vasorum sacrorum et aliorum Ornamentorum in genere <i>R.</i>	97*
" pro sacris Oleis includendis <i>R.</i>	96*
Vestis clericalis	115*
" ex voto assumendi	192*
Vestium et Cinguli quæ deferuntur in hon. B. M. V.	77*
votivarum pro Sod. pret. Sanguin.	230*
Vexilli bellici <i>R.</i>	70
Vexilli processionalis	46*
Viæ Crucis <i>r.</i>	129*
" ferreæ et Curruum	56*
" forma solemnior <i>R.</i>	111*
Vincentii S. Ferrerii bened. aquæ pro infirmis <i>r.</i>	164*
" a Paulo bened. aquæ <i>r.</i>	194*
Vinearum et frugum	10
Vini in festo S. Joannis Apost. et Evang.	30*
" alia benedictio	31*
" pro infirmis	176*
Violatæ ecclesiæ reconciliatio <i>R.</i>	39
Violati cœmeterii <i>R.</i>	46
Volucrum	81*

W.

Willibrordi S. bened. aquæ	180*
----------------------------	------

ADDITAMENTUM

AD BENEDICTIONES NOVISSIMAS.

BENEDICTIO MACHINÆ AD EXCITANDAM LUCEM ELECTRICAM.

Clerus a proximiori Ecclesia vel ab aliquo alio loco ad hoc parato procedat usque ad stationem machinæ benedicendæ canendo vel recitando

Cant. Zachariæ. **Benedíctus Dñs.** p. 86*.

Ibi Episcopus vel Sacerdos in aliqua ecclesiastica dignitate constitutus intonabit

Ant. **Lux orta est justo: rectis corde lætítia.**

Psalmus 96.

Dóminus regnávít, exsúltet terra: læténtur ínsulæ multæ.

Nubes, et calígo in circúitu ejus: * justítia, et júdíciúm corréctio sedis ejus.

Ignis ante ipsum præcédet, * et inflam-mábit in circúitu inimícos ejus.

Illuxérunt fúlgora ejus orbi terræ: * vidit, et commóta est terra.

Montes, sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adórant sculptí-lia: * et qui gloriántur in simulácris suis.

Adoráte eum omnes Angeli ejus: * audívit, et lætáta est Sion.

Et exsultavérunt filiæ Judæ, * propter jú-dícia tua Dómine:

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini iusti in Dómino: * et confitémini memóriæ sanctificatiónis ejus.

Glória Patri.

Ac repetita Antiphona dicit:

Ÿ. Adjutórium nostrum in nómine Dómini.

R. Qui fecit cœlum et terram.

Ÿ. Dómine exaúdi oratiónem meam.

R. Et clamor meus ad te véniat.

Ÿ. Dóminus vobíscum. R. Et cum spíritu tuo.

Orémus.

Concéde nos fámulos tuos, quæsumus Dómine Deus, perpétua mentis et córporis sanitáte gaudére: et gloriósa beátæ Mariæ semper Vírginis intercessióne, a præsénti liberári tristítia, et ætérna pérfrui lætítia. Per Christum Dóminum nostrum. R. Amen.

Orémus.

Dómine Deus omnípotens, qui es cónditor ómnium lúminum, béne ✠ dic hanc máchinam ad lumen excitándum nóviter cónditam; et præsta, ut ad te, qui es lux indeficiens, post hujus sæculi caliginem pervenire valeámus. Per Christum Dóminum nostrum. R. Amen.

Deinde aspergit machinam aqua benedicta.

LITANIÆ IN ORDINE COMMENDATIONIS ANIMÆ.

(Juxta Breve Apostol. d. die 22. Junii 1886.)

K ýrie eléison.	Omnes sancti Innocén-
Christe eléison.	tes, oráte.
Kýrie eléison.	Sancte Stéphane, ora.
Sancta María, ora pro	Sancte Laurénti, ora.
eo.	Omnessancti Mártyres,
Omnes sancti Angeli	oráte.
et Archángeli, oráte	Sancte Silvéster, ora.
pro eo.	Sancte Gregóri, ora.
Sancte Abel, ora.	Sancte Augustine, ora.
Omnis chorus Justó-	Omnes sancti Pontífi-
rum, ora.	ces et Confessóres,
Sancte Abraham, ora.	oráte.
Sancte Joáñnes Baptí-	Sancte Benedicte, ora.
sta, ora.	Sancte Francisce, ora.
Sancte Joseph, ora.	Sancte Camille, ora.
Omnes sancti Patriár-	Sancte Joáñnes de Deo,
chæ et Prophétæ,	ora.
oráte.	Omnes sancti Mónachi
Sancte Petre, ora.	et Eremitæ, oráte.
Sancte Paule, ora.	Sancta María Magda-
Sancte Andréa, ora.	léna, ora.
Sancte Joáñnes, ora.	Sancta Lúcia, ora.
Omnes sancti Apóstoli	Omnes sanctæ Vírgines
et Evangelístæ,	et Víduæ, oráte.
oráte.	Omnes Sancti et San-
Omnessancti Discípuli	ctæ Dei, intercédite
Dómini, oráte.	pro eo.

Propítius esto, parce ei Dómine.	Per mortem et sepultú- ram tuam, líbera.
Propítius esto, líbera eum Dómine.	Per gloriósam resurre- ctiónem tuam, líbera.
Propítius esto, líbera.	Per admirábilem ascen- siónem tuam, líbera.
Ab ira tua, líbera.	Per grátiam Spíritus sancti Parácliti,
A perículo mortis, líbera.	líbera.
A mala morte, líbera.	In die iudícii, líbera.
A pœnis inférni, líbera.	Peccatóres, te rogámus audi nos.
Ab omni malo, líbera.	Ut ei parcas, te rogá- mus audi nos.
A potestáte diaboli, líbera.	Kýrie eléison.
Per nativitátem tuam, líbera.	Christe eléison.
Per crucem et passió- nem tuam, líbera.	Kýrie eléison.

— ❖ —
I m p r i m a t u r .

Ratisbonæ, die 24. Augusti 1886.

M. Dandl, Vicar. in Spir. Gen.

BENEDICTIONES

A S. R. G. NUPERRIME APPROBATE.

Formula benedicendi

**QUATUOR SCAPULARIA SS. TRINITATIS,
PASSIONIS D. N. J. CHR.,
IMMACUL. CONCEPTIONIS. AC VII DOLORUM
B. MARIE V.**

Pro Sacerdotibus Congreg. Ss. Redemptoris.

V. Adjutorium nostrum in nomine Domini.

R. Qui fecit cœlum et terram.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Orémus.

Domine Jesu Christe, omnium caput fidelium, et humani generis Salvator, qui tegmen nostræ mortalitatis induere dignatus es: obsecramus immensam largitatis tuæ abundantiam, ut indumenta hæc in obsequium Ss. Trinitatis instituta, nec non in honorem et memoriam dolorosissimæ Passionis tuæ, in honorem Beatissimæ V. Matris tuæ sine labe conceptæ, dolorisque tuos ac vices peramanter dolentis, ita bene ✠ dicere et sancti ✠ ficare digneris, ut qui (vel quæ) ea assumpserint, eadem Genitrice tua intercedente, te quoque salutare nostrum, corpore et anima induere

mereántur: Qui vivis et regnas in sácula sæculórum.

R. Amen.

Sacerdos aspergat aqua benedicta.

MODUS INDUENDI.

Sacerdos omnibus scapularia singillatim imponat, ac deinde formulam proferat supra omnes simul.

1. **Accípite** hábitum Ordinis Ss. Trinitátis in fidei, spei, et caritátis augméntum, ut induátis novum hóminem, qui secúndum Deum creátus est in justítia et sanctitáte.

2. **Accípite** scapuláre Passiónis Dómini nostri Jesu Christi, ut véterem hóminem exúti novúmque indúti, ipsum digne perferátis, et ad vitam perveniátis sempitérnam.

3. **Accípite** scapuláre devotórum B. M. V. sine labe concéptæ, ut ejus intercessióne ab omni inquinaménto mundáti ad vitam perveniátis ætérnam.

4. **Accípite** hábitum Servórum B. M. V. septem Dolóres ejus devóte recoléntium, ut dolóres ipsos assidue recogitántes, passiónem D. N. J. C. in corde et córpore vestro imprésam júgiter teneátis.

Ego ex facultáte apostólica mihi delegáta, recípio vos in participatióem bonórum spirituálium et indulgentiárum, quibus prædicti Ordines seu Congregatióes pollent. In nómine Pa ✠ tris, et Fí ✠ lii, et Spíritus ✠ sancti. Amen.

- V. Salvos fac servos tuos.
 R. Deus meus, sperantes in te.
 V. Mitte eis auxilium de sancto.
 R. Et de Sion tuere eos.
 V. Esto eis Dómine turris fortitudinis.
 R. A fácie inimíci.
 V. Nihil proficiat inimicus in eis.
 R. Et fílius iniquitátis non appónat nocere eis.
 V. Dómine exaúdi oratióem meam.
 R. Et clamor meus ad te véniat.
 V. Dóminus vobíscum.
 R. Et cum spíritu tuo.

Orémus.

Adésto Dómine supplicatióibus nostris, et quibus in tuo nómine sacros hábitus imposúimus, ita bene ✠ dicere dignéris, ut tuæ grátiae cooperántes, vitam cónsequi mereántur ætérnam. Per Christum Dóminum nostrum.

R. Amen.

Benedíctio Dei omnipoténtis Pa ✠ tris, et Fí ✠ lii, et Spíritus ✠ sancti, descéndat super vos et máneat semper. Amen.

Formula recitetur numero singulari, si uni tantum personæ sint scapularia imponenda.



FORMULA BENEDICTIONIS VEXILLI

cujuslibet Piæ Societatis.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum. R. Et cum spiritu tuo.

Orémus.

Domine Jesu Christe, cujus Ecclesia est velut castrorum acies ordinata: benedic hoc vexillum, ut omnes sub eo tibi Domino Deo exercituum militantes, per intercessionem beati N. (vel beatae N.) inimicos suos visibiles et invisibiles in hoc sæculo superare, et post victoriam in cœlis triumphare mereantur. Per te, Jesu Christe: Qui vivis et regnas cum Deo Patre et Spiritu sancto in sæcula sæculorum. R. Amen.

Deinde vexillum aspergatur aqua benedicta.



I m p r i m a t u r .

Ratisbonæ, die 21. Junii 1888.

M. Dandl, Vic. in Spirit. Gen.

Ratisbonæ. Typis Fr. Pustet.

FORMULA

benedicendi et imponendi scapulare

B. M. V. DE MONTE CARMELO

ab omnibus adhibenda sacerdotibus facultatem habentibus adscribendi Christifideles Confraternitati ejusdem Scapularis.

V. Ostende nobis Dñe misericórdiam tuam.

R. Et salutáre tuum da nobis.

V. Dómine exáudi oratiónem meam.

R. Et clamor meus ad te véniat.

V. Dñs vobíscum. **R.** Et cum spíritu tuo.

Orémus.

Dómine Jesu Christe, humáni géneris Salvátor, hunc hábitum quem propter tuum tuæque Genitrícis Vírginis Mariæ de Monte Carmélo amórem servus tuus devóte est delatúrus, délixtera tua sanctífica, ut eádem Genitrice tua intercedénte, ab hoste malíño defénsus in tua grátia usque ad mortem perseveret: Qui vivis.

Deinde aspergat aqua benedicta hábitum et postea ipsum imponat dicens:

Accipe hunc hábitum benedíctum precans sanctíssimam Vírginem, ut ejus méritis illum pérferas sine mácula, et te ab omni adversitaté deféndat atque ad vitam perdúcat ætérnam. Amen.

Deinde dicat:

Ego, ex potestáte mihi concéssa, recípio te ad participatiónem ómnium bonórum spiri-
tuálium, quæ, cooperánte misericórdia Jesu Christi, a Religiósis de Monte Carmélo per-

agúntur. In nómine Patris et Filii et Spíritus sancti. Amen.

Bene ✠ dicat te Cónditor cœli et terræ Deus omnípotens, qui te cooptáre dignátus est in confraternitátem beátæ Mariæ Vírginis de Monte Carmélo, quam exorámus, ut in hora óbitus tui, cónterat caput serpéntis antiqui; atque palmam et corónam sempitérnam hæreditátis tandem consequáris. Per Christum Dóminum nostrum. Amen.

Aspergat aqua benedicta.

(L. ✠ S.) **A. Card. Bianchi** S. R. C. Præfectus.

Ex Decret. S. R. C. diei 24. Julii 1888.

Laurentius Salvati S. R. C. Secretarius.

DECRETUM

approbans breviorē formulā benedicendi etc. supra relatā.

Sacra Rituum Congregatio, utendo facultatibus sibi specialiter a Ss̃mo Dño nostro Leone PP. XIII. tributis, ad Instantiam plurium sacerdotum, præsertim Congregationis SS. Redemptoris, suprascriptam breviorē formulā benedictionis et impositionis Scapularis beatæ Mariæ Virginis de Monte Carmelo a sacerdotibus adhibendam, qui facultate gaudent adscribendi Fideles Confraternitati ejusdem Deiparæ sub enuntiato titulo, a R̃mo Assessore ipsius Sacræ Congregationis revisam, approbavit. Contrariis non obstantibus quibuscumque. Die 24. Julii 1888.

(L. S.) **A. Card. Bianchi** S. R. C. Præfectus.

Laurentius Salvati S. R. C. Secretarius.

I m p r i m a t u r.

Ratisbonæ, die 19. Martii 1889.

G. Erlenborn, Vicar. in Spirit. Gener.

BENEDICTIO SIMPLEX NOVÆ CAMPANÆ

quæ tamen ad usum Ecclesiæ non inserviat.

V. Adjutórium nostrum in nómine Dómini.

R. Qui fecit cœlum et terram.

Psalmus 50.

Miserére mei Deus: * secúndum magnam misericórdiam tuam.

Et secúndum multitúdinem miseratiónum tuárum: * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognósco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum judicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incérta et occúlta sapiéntiæ tuæ manifestásti mihi.

Aspérges me hyssópo, et mundábor: * lavábis me, et super nivem dealbábor.

Auditui meo dabis gáudium et lætítiam: * et exsultábunt ossa humiliáta.

Avérte faciém tuam a peccátis meis: * et omnes iniquitátes meas dele.

Cor mundum crea in me Deus: * et spíritum rectum innova in viscéribus meis.

Ne projicias me a fácie tua: * et Spíritum sanctum tuum ne aúferas a me.

Ad Rit. Rom.

Redde mihi lætítiam salutáris tui: * et spírítu principáli confírma me.

Docébo iníquos vias tuas: * et ímpii ad te converténtur.

•Líbera me de sanguínibus Deus, Deus salutis meæ: * et exsultábit lingua mea iustítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísset sacrificium, dedíssem útique: * holocaústis non delectáberis.

Sacrificium Deo spírítus contribulátus: * cor contrítum et humiliátum Deus non despícies.

Benígne fac Dómine in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblationes, et holocaústa: * tunc impónent super altáre tuum vítulos.

Glória Patri. Sicut erat.

Psalmus 53.

Deus in nómine tuo salvum me fac: * et in virtúte tua júdica me.

Deus exaúdi orationem meam: * aúribus pércipe verba oris mei.

Quóniam aliéni insurrexérunt advérsum me, et fortes quæsiérunt ánimam meam: * et non proposuérunt Deum ante conspéctum suum.

Ecce enim Deus ádjuvat me, * et Dóminus suscéptor est ánimæ meæ.

Avérte mala inimícis meis: * et in veritáte tua dispérde illos.

Voluntárie sacrificábo tibi: * et confitébor nómini tuo Dómine, quóniam bonum est.

Quóniam ex omni tribulatione eripuísti me, * et super inimícos meos despéxit óculus meus.

Glória Patri. Sicut erat.

Psalmus 56.

Miserére mei Deus, miserére mei: * quóniam in te confidit ánima mea.

Et in umbra alárum tuárum sperábo, * donec tránseat iníquitas.

Clamábo ad Deum altíssimum: * Deum qui benefécit mihi.

Misit de cœlo, et liberávit me: * dedit in oppróbrium conculcántes me.

Misit Deus misericórdiam suam, et veritátem suam: * et erípuit ánimam meam de médio catulórum leónum: dormívi conturbátus.

Fílii hóminum, dentes eórum arma et sagíttæ: * et lingua eórum gládius acútus.

Exaltáre super cœlos Deus: * et in omnem terram glória tua.

Láqueum paravérunt pédibus meis: * et incurvavérunt ánimam meam.

Foderunt ante fáciem meam fóveam: * et incidérunt in eam.

Parátum cor meum Deus, parátum cor meum: * cantábo et psalmum dicam.

Exsúrge glória mea, exsúrge psaltérium
et cíthara: * exsúrgam dilúculo.

Confitébor tibi in pópulis Dómine: * et
psalmum dicam tibi in géntibus.

Quóniam magnificáta est usque ad coelos
misericórdia tua: * et usque ad nubes véritas tua.

Exaltáre super coelos Deus: * et super
omnem terram glória tua.

Glória Patri. Sicut erat.

Psalmus 66.

Deus misereátur nostri, et benedícat nobis:
* illúminet vultum suum super nos, et
misereátur nostri.

Ut cognoscámus in terra viam tuam: *
in ómnibus Géntibus salutáre tuum.

Confiteántur tibi pópuli Deus: * confiteántur
tibi pópuli omnes.

Læténtur et exsúltent Gentes: * quóniam
júdicas pópulos in æquitáte, et Gentes in terra
dírigis.

Confiteántur tibi pópuli Deus: confiteántur
tibi pópuli omnes: * terra dedit fructum suum.

Benedícat nos Deus, Deus noster, bene-
dícat nos Deus: * et métuant eum omnes
fines terræ.

Glória Patri. Sicut erat.

Psalmus 69.

Deus in adjutórium meum inténde: * Dó-
mine ad adjuvándum me festína.

Confundántur, et revereántur, * qui quæ-
runt ánimam meam.

Avertántur retrórsum, et erubéscant, * qui volunt mihi mala:

Avertántur statim erubescéntes, * qui dicunt mihi: Euge, euge.

Exsúltent et læténtur in te omnes qui quærun't te, * et dicant semper: Magnificétur Dóminus: qui díligunt salutáre tuum.

Ego vero egénus, et pauper sum: * Deus ádjuva me.

Adjútor meus, et liberátor meus es tu: * Dómine ne moréris.

Glória Patri. Sicut erat.

Psalmus 85.

Inclína Dómine aurem tuam, et exaúdi me: * quóniam inops, et pauper sum ego.

Custódi ánimam meam quóniam sanctus sum: * salvum fac servum tuum, Deus meus, sperántem in te.

Miserére mei Dómine, quóniam ad te clamávi tota die: * lætífica ánimam servi tui, quóniam ad te Dómine ánimam meam levávi.

Quóniam tu Dómine suávis et mitis: * et multæ misericórdiæ ómnibus invocántibus te.

Aúribus pèrcipe Dómine oratió'em meam: * et inténde voci deprecationis meæ.

In die tribulatió'is meæ clamávi ad te: * quia exaudísti me.

Non est símilis tui in diis Dómine: * et non est secúndum ópera tua.

Omnes gentes quascúmque fecísti, vénient, et adorábunt coram te Dómine: * et glorificábunt nomen tuum.

Quóniam magnus es tu, et fáciens mirabilia: * tu es Deus solus.

Deduc me Dómine in via tua, et ingrédiaŕ in veritatē tua: * lætétur cor meum, ut tímeat nomen tuum.

Confitébor tibi Dómine Deus meus in toto corde meo: * et glorificábo nomen tuum in ætérnum:

Quia misericórdia tua magna est super me: * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: * et non proposuérunt te in conspéctu suo.

Et tu Dómine Deus miserátor et miséricors: * pátiens, et multæ misericórdiæ, et verax.

Réspice in me, et miserére mei, * da impérium tuum púero tuo: et salvum fac filium ancíllæ tuæ.

Fac mecum signum in bonum, ut vídeant qui odérunt me, et confundántur: * quóniam tu Dómine adjuvísti me, et consolátus es me.

Glória Patri. Sicut erat.

Psalmus 129.

De profúndis clamávi ad te Dómine: * Dómine exaúdi vocem meam.

Fiant aures tuæ intendéntes, * in vocem deprecationis meæ.

Si iniquitatés observáveris Dómine: * Dómine quis sustinébit?

Quia apud te propitiatio est: * et propter legem tuam sustinui te Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem, * speret Israël in Dómino.

Quia apud Dóminum misericórdia; * et copiósa apud eum redemptio.

Et ipse rédimet Israël, * ex ómnibus iniquitatibus ejus.

Glória Patri. Sicut erat.

Ÿ. Kýrie eléison. R. Christe eléison.

Ÿ. Kýrie eléison.

Pater noster. secreto.

Ÿ. Et ne nos indúcas in tentatióem.

R. Sed libera nos a malo.

Ÿ. Sit nomen Dómini benedíctum.

R. Ex hoc nunc et usque in sæculum.

Ÿ. Dómine exaúdi oratióem meam.

R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

Orémus.

Omnípotens sempitérne Deus, qui rerum ómnium cursum in mundo ineffábili sapientiá disposuísti: præsta quæsumus; ut hoc vásculum ad actiónum sériem indicándam destinátum, tuæ bene ✠ dictionis rore perfúndas, quo cuncta juxta órđinem fiant, et quævis inde maligni spíritus perturbátio arceátur. Per Dóminum.

Nunc Officians ponit incensum in thuribulum et benedicit; et primum aspergit circumeundo campanam, choro dicente:

Aspérget me, Dómine, hyssópo, et mundábor: lavábis me, et super nivem dealbábor.

Deinde incensat circumeundo campanam, choro dicente:

Dirigátur, Dómine, orátio mea; sicut incénsum in conspéctu tuo.

Tum producto Officians super Campanam signo crucis, discedit cum Ministris.



Concordat cum originali approbato a Sacrorum Rituum Congregatione.

**Ex Secretaria Sacrorum Rituum Congregationis
die 29. Aprilis 1892.**

Pro R. P. D. Vincentio Nussi Secretario
Joannes Ponzi Substitutus.



Imprimatur.

Ratisbonæ, die 3. Maji 1892.

G. Erlenborn, Vic. in Spir. Gen.

Sumptibus, Chartis et Typis Fr. Pustet. Ratisbonæ.

FORMULA

BENEDICENDI AC IMPONENDI SCAPULARE IN HONOREM SANCTI JOSEPH SPONSI B. M. V. PROTECTORIS ECCLESIAE UNIVERSALIS.

Suscepturus Scapulare genuflectat, et Sacerdos,
stola alba indutus, capite detecto, dicat:

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Dómine Jesu Christe, qui custódiæ sancti
Joseph, Sponsi Immaculátæ Genitrícis
tuæ Mariæ, commítte voluísti, hoc vestiménti
genus ad Ecclesiæ tuæ fidélium tutámen in-
stitútum, bene ✠ dicere dignéris; ut hic fá-
mulus tuus (vel fámula tua) sub ejúsdem
sancti Joseph protectióne pie et tute tibi ser-
víre váleat: Qui vivis.

Postea Sacerdos Scapulare aspergit aqua bene-
dicta, illudque deinde imponit dicens:

**Accipe frater (vel soror) Scapuláre sancti
Joseph Sponsi Beátæ Mariæ Vírginis, ut eo
protéctore et custóde, contra diáboli nequítias
defénsus (vel defénsa), ad vitam pervénias
sempitérnam. Per Christum Dñm nostrum.**

Deinde, flexis genibus, trina vice una cum ad-
scripto, dicat vernaculo idiomate:

**Sancte Joseph, Protéctor noster, ora pro
nobis.**

ORDINIS MINORUM S. FRANCISCI CAPUCCINORUM.

Ex quo cultus Fidelium erga sanctum Joseph Deiparæ Sponsum et Catholicæ Ecclesiæ Patronum in sacra Liturgia auctus fuit, pius usus benedicendi ac deferendi Scapulare in ejus honorem, annuentibus et opitulantibus sacrorum Antistitibus, invaluit præsertim in Galliis atque Helvetiorum et Belgarum regionibus. Quum vero ad illius propagationem Alumni Ordinis Minorum Sancti Francisci Capuccinorum in memoratis regionibus jugi studio adlaboraverint; hinc Rm̃us Pater Fr. Bruno a Vintia, Procurator ac Definitor Generalis totius Ordinis, ab Apostolica Sede humillimis datis precibus efflagitavit, ut Rm̃o P. Ministro Generali pro tempore Ordinis ipsius tribueretur facultas benedicendi atque utriusque sexus fidelibus imponendi prædictum Scapulare, cum potestate ad hujusmodi Scapularis benedictionem et impositionem Sacerdotes sive Sæculares sive Regulares delegandi.

Quibus precibus ab Eñ̃o et Rm̃o Domino Cardinali Raphaële Monaco La Valletta Episcopo Ostiensi et Veltternensi, Causæ Ponente, in Ordinario Sacrorum Rituum Congregationis Cœtu subsignata die ad Vaticanum coadunato relatis, Eñ̃i et Rm̃i Patres Sacris tuendis Ritibus præpositi, omnibus maturo examine perpensis, ac audito voce et scripto R. P. D. Augustino Caprara Sanctæ Fidei Promotore, rescribendum censuerunt: *Pro gratia, si Sanctissimo placuerit: verum sub conditione, ut color et forma præfati Scapularis sit eadem ac illa, quæ jam obtinet in Diœcesi Veronensi, et pro benedictione et impositione ejusdem Scapularis adhibeatur formula huic Decreto prævia.* Die 15 Aprilis 1893.

Facta postmodum de his per me infrascriptum Cardinalem Sacræ Rituum Congregationi Præfectum Ssm̃o Domino Nostro Leoni Papæ XIII relatione, Sanctitas Sua rescriptum Sacræ ipsius Congregationis ratum habuit, et confirmavit, die 18 iisdem mense et anno.

✠ **Caj. Card. Aloisi-Masella,**
S. R. C. Præfectus.

(L. ✠ S.)

Vinc. Nussi, Secretarius.

RESCRIPTUM

QUO INDULGENTIÆ GESTANTIBUS SCAPULARE S. JOSEPH
CONCEDUNTUR.

S. Congregatio Indulgentiis Sacrisque Reliquiis præposita, utendo facultatibus a Ssmo Domino Nostro Leone Papa XIII. sibi specialiter tributis, omnibus utriusque sexus Christifidelibus qui Scapulare Sancti Josephi Sponsi B. M. V. juxta formam a S. R. C. recognitam et approbatam confectum et rite benedictum a Sacerdote debita facultate prædito susceperint, illudque devote gestaverint, Indulgentias uti sequitur benigne concessit; nempe: *Plenariam*:

1^o) eadem die qua præfatum Scapulare induerint;

2^o) in solemnitatibus D. N. J. C. id est: — Nativitatis; — Circumcisionis; — Epiphaniæ; — Paschatis Resurrectionis; — Ascensionis;

3^o) pariterque diebus festis B. M. V. videlicet: — Conceptionis; — Nativitatis; — Annuntiationis; — Purificationis; — Assumptionis;

4^o) tandem in festivitibus: — S. Joseph (die 19 Martii) — et Dominica III post Pascha, qua recolitur festum Patrocinii ejusdem S. Joseph;

dummodo singulis præfatis diebus vere pœnitentes, confessi ac S. Synaxi refecti respectivam Parochialem aut aliam quamcumque Ecclesiam vel publicum Oratorium a primis vespers usque ad occasum solis dierum hujusmodi devote visitaverint et inibi ad mentem Sanctitatis Suæ per aliquod temporis spatium pie oraverint.

5^o) Tandem in mortis articulo, si uti supra dispositi, vel saltem contriti Ssmum Jesu Nomen corde, si ore nequiverint, devote invocaverint.

Item S. Congregatio iisdem Christifidelibus, qui supradictam Ecclesiam vel Oratorium corde saltem contrito ac devote visitaverint diebus Stationum in Missali Romano descriptis, ibique ut supra oraverint, easdem Indulgentias Stationum Urbis in decreto hujus S. C. die 9 Junii 1777 enunciatas, clementer elargita est;

nec non Indulgentiam centum dierum semel in die lucranda eisdem rite dispositis recitantibus orationem do-

minicam et angelicam salutationem cum *Gloria Patri* etc., addita devota invocatione: *Sancte Joseph, ora pro nobis*; cum facultate omnes superius recensitas Indulgentias applicandi in suffragium fidelium defunctorum.

Præsenti *in perpetuum* valituro absque ulla Brevis expeditione. Contrariis quibuscumque non obstantibus.

Datum Romæ ex Secretaria ejusdem S. Congreg. die 8 Junii 1893.

(L. ✠ S.)

✠ **Fr. Ignatius Card. Persico,**
Præfectus.

Alexander, Archiep. Nicopolit., Secret.

Rescriptum concordat cum Originali.
In quorum fidem etc.

Datum ex Secr. S. Congr. Indulgent. die 22 Aug. 1893.

(L ✠ S.)

† Alexander, Archiep. Nicopolit.
Secretarius.

Concordat cum originalibus. In fidem etc.

Ex Secretaria Sacrorum Rituum Congregationis hac die 28. Junii 1894.



Pro **R. P. D. Aloisio Tripepi** Secretario
Antonius Sardi Substitutus.

I m p r i m a t u r .

Ratisbonæ, die 7. Julii 1894.

Dr. Fr. X. Leitner, Vic. in Spirit. Gen.

Ratisbonæ 1894. Typis Fr. Pustet.

FORMULA

BENEDICENDI ATQUE IMPONENDI SCAPULARE *)

B. MARİÆ V. A BONO CONSILIO.

Suscepturus Scapulare genuflectit, ac Sacerdos stola alba indutus dicit:

V. Adjutorium nostrum in nomine Domini.

R. Qui fecit cœlum et terram.

V. Ostende nobis, Domine, misericordiam tuam.

R. Et salutare tuum da nobis.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Orémus.

Domine Jesu Christe, qui Magni Consilii Angelus, et Admirabilis Consiliarius hominibus per Incarnationem tuam adfuisti: hoc Scapulare Beatae Mariæ Matris tuæ a Bono Consilio bene ✠ dicere digneris, ut hæc insignia gestantes per gratiam tuam recta consilia secuti bonis perfrui mereantur æternis: Qui vivis et regnas in sæcula sæculorum. R. Amen.

*) Scapulare istud conficiatur ex binis de more partibus laneis albi coloris simul conjunctis per duplicem chordulam, seu vittam. Altera pars habeat superimpositam impressam, in serica vel simili materie, Imaginem B. Mariæ, quæ colitur in Sanctuario Genestani cum verbis inscriptis: Mater Boni Consilii. Pars vero altera referat applicitum stemma pontificale, videlicet trianam coronam cum clavibus et verba inscripta latine seu vernacule: *Fili acquiesce consiliis ejus* (Leo XIII.).

2 Formula bened. et impon. scapul. B. M. V. a bono Cons.

Postea aspergit Scapulare aqua benedicta, atque illud imponens dicit:

Accipe, Frater, (vel Soror) hæc insígnia Beátæ Mariæ Vírginis, Matris Boni Consílii; ut, ea inspiránte, quæ Deo plácita sunt digne semper perficias, et cum eléctis suis consociári mereáris. Per Christum Dóminum nostrum. R̃. Amen.

Tunc prosequitur:

V. Ora pro nobis, Mater Boni Consílii.

R̃. Ut digni efficiámur promissionibus Christi.

Orémus.

Deus, qui Genitricem dilécti Fílii tui matrem nobis dedisti, ejúsque speciósam imáginem mira apparitióne clarificáre dignátus es: concéde, quæsumus; ut ejúsdem mónitis júgiter inhæréntes, secúndum cor tuum vívere, et ad coeléstem pátriam feliciter perveníre valeámus. Per eúmdem Christum Dóminum nostrum. R̃. Amen.



ELENCHUS INDULGENTIARUM.

PLENARIÆ.

Plenariam omnium admissorum Indulgentiam utriusque sexus Christifideles lucrari queunt, Animabus quoque in Purgatorio igne detentis applicabilem; in sequentibus diebus, dummodo rite confessi, et ad Sacram Synaxim accesserint:

1. Die, qua B. M. V. Boni Consilii Matris Scapulare suscipiant, vel Dominica, aut in aliquo Festo eam immediate sequenti.

2. Die 26. Aprilis, vel aliqua infra Octavam festi B. M. V. Boni Consilii Matris.

3. In articulo mortis, dummodo rite confessi et Sanctissima Eucharistia refecti corde saltem, si nequeant ore, Sanctissimum Jesu nomen invocaverint.


4. In festis Immaculatæ Conceptionis, Nativitatis, Annunciationis, Purificationis, et Assumptionis B. M. V. itemque in festo S. Augustini Episcopi, Confessoris Ecclesiæque Doctoris.

PARTIALES.

Indulgentiam septem annorum ac totidem Quadragenarum, pari modo Animabus piaculari igne cruciatis applicabilem, consequi possunt Fideles utriusque sexus in festis Præsentationis et Visitationis B. M. V.; dummodo corde contrito Ecclesiam, vel publicum Oratorium inviserint, ibique aliquod temporis spatium juxta mentem Summi Pontificis pias ad Deum preces fuderint.

2. Centum dierum indulgentiam quoties corde vel ore Deiparæ Virginis Consilium invocaverint.

3. Item Indulgentiam Centum dierum quoties corde contrito, et pro conversione peccatorum bonum aliquod opus exegerint.



ORDINIS EREMITARUM S. AUGUSTINI.

Sanctissimus Dominus Noster Leo Papa XIII, referente me infrascripto Cardinali Sacrae Rituum Congregationi Praefecto, suprascriptam benedictionis formulam ab E^mo ac R^mo Domino Cardinali Vincentio Vannutelli, Causae Relatore, una cum R. P. D. Augustino Caprara S. Fidei Promotore revisam et emendatam approbavit, simulque expetitas Indulgentias, in superiori elencho adnotatas, Fidelibus Scapulare gestantibus in honorem B. M. V. Boni Consilii Matris, benigne impertiri dignatus est, juxta ejusdem Sacrae Congregationis Decretum diei 19. Decembris 1893. Contrariis non obstantibus quibuscumque. Die 21., iisdem mense et anno.

✠ **Caj. Card. Aloisi-Masella,**
S. R. C. Praefectus.

(L. ✠ S.)

Vinc. Nussi, Secretarius.

Concordat cum Originali. In fidem etc.



Ex Secretaria Sacrorum Rituum Congregationis hac die 28. Junii 1894.

Pro **R. P. D. Aloisio Tripepi** Secret.
Antonius Sardi Substitutus.

I m p r i m a t u r .

Ratisbonae, die 7. Julii 1894.

Dr. Fr. X. Leitner, Vic. in Spirit. Gen.

Ratisbonae. Typis Friderici Pustet.



